



UNDO PIZZOFALCON

NAZIONALE

B. Prov.

BIBLIOTECA

VITT. EM. III

XI

322

NAPOLI

BIBLIOTECA PROVINCIALE

Armadio

XXIV



Palchetto

Num.° d'ordine

15-D-31
815-A-7

136
~~1~~
~~49~~

B. Prov.
XI
322

LEXICON
TOPOGRAPHICUM SICÛLUM
DEMANA VALLIS.

MG 01231

~~REDACTED~~

LEXICON TOPOGRAPHICUM SICULUM,

In quo Siciliae Urbes, Opida, cum diruta, tum extantia;
Montes, Flumina, Portus, adjacentes Insulae, ac
singula loca describuntur, illustrantur.

STUDIO, ET LABORE

S.T.D.D.VITI M. AMICO
ET STATELLA

ORDINIS S. BENEDICTI,


*Regii Siciliae Historiographi, dudum in Patrio Catanensi
Lyceo Civilis Historiae Professoris, ac publicae
Bibliothecae Primarii Custodis.*

TOMUS TERTIUS.



CATANÆ M. DCC. LX.

In Ætneorum Academiae Typographio Apud D. Joachim Palejam.
SUPERIORUM FACULTATE.





LEXICON

TOPOGRAPHICUM SICULUM

VALLIS DEMANA.



Dhuc esse sub iudice putatur, unde postremæ huic ex tribus Sicilia provinciis vocabulum obvenit. A Dæmonibus enim, quos Æt-næ montis insidere viscera, otiosi homines fabulantur, *Vallem Dæmonam* nonnulli appellant; sed hi ineptiores non injuria a Fazello di-

cuntur. Quod montes tota insula cellissimos habeat, ad horum eminentiam nominis etymon alii retulere. *Nemorum* plerique, quod præ aliis vallibus, saltibus sylvisque scateat, non absurde nuncupant. A *Demena* seu *Demenna* opido olim, quod hodie jacet, uti prima a Neto, altera a Mazara urbibus, dictam denique affirmant, qui tenui meo iudicio congruentius loquuntur. Jonium porro mare, ac frætum Siculum ab ortu respicit; Tyrrheno ab aquilonibus abluitur. Circa mediterranea in occasum, Himera interfluente a Valle Mazara dirimitur; Salsus amnis in ortum de-

decurrens, Symethusque ad eandem divertens plagam, in quem ille illabitur, ab austro nostram ac Netinam discernit. Sunt itaque mediterranei fines hoc pacto descripti, ab ostio nempe Himeræ in septentriones ad Nebrodis, seu Madoniae radices, ubi Politium pass. *m.* *xx.* Hinc ad Artisium totidem, a quo per Serlonis rupem, & Salsi margines, ad hujus confluxum cum Symetho pass. *m.* *xxx.* unde ad ejusdem fluminis sauces *xx.* atque, uti aliis arridet, ad Urfinam Catanæ arcem *xv.* cui idcirco duo subrigendi Regia vexilla facultas attributa, veluti inter utramque vallem locata.

Quod spectat ad maritima, Catanense littus Cyclopium insula, & scopuli excipiunt, hosque Xiphonium promontorium, vulgo S. Annæ, & Caput Siccum, Acensi ora interposita, Ætnæ eruptionibus horridum. Mascalarum subsequitur littus planum sub amenissimis Ætnæ clivis, cum Onobalzæ sive Gantaræ ostio. Mox Naxi cuspi, hodie Schison, & in sinu celebris statio cum arce, Taurusque mons, cui Tauromenium insidet. Brevis subinde ora veteribus *Coppria*, & S. Alexii promontorium, Argentum Ptolemæi succedit; Apertum hinc Messanam usque freti fluctibus tunditur littus, nisi quod duo inter capita Grossum & Scalettam nonnihil sinuatur. Messanensis inde se sistit portus, cui nec parem, neque præstantiorem Europa ostendat. Pharos vulgo *Laterna*, ubi freti major æstus surit, excellē & magnificē turri impositæ, aliam excipit, quæ Pelori cum arce promontorium, navigantibus eminus conspicuum reddit. Ora subsequens *Raisculmi* capite terminatur; unde altera ad Mylarum promontorium non parum prominens ducit. Huic oppositum mare Æoliæ insulæ *vii.* occupant

7

pant ad Siciliam spectantes. *Calave* caput amplissimum subinde Oliveris sinum, nautis formidandum, claudit, qui & *Paſtarum* ab urbe cognomine appellatur; ubi *Longanus* & *Heliconus* suas pelago adjungunt aquas. Copra *Calavam* Orlandi promontorium occurrit cum arce supremo vertici inhaerente; unde ad *Cephalædium*, sinuosum littus extenditur, variis amnium ostiis patens, & arcibus munitum, cui *Alicuris*, & *Phenicudis* objacent insulæ. A *Cephalædi* pass. m. xvm. *Himera* in pelagum se exonerat, estque ad ostium *Vallis Demanæ* extremum. Ab *Cephalædi* porro ad *Orlandum* pass. m. lx. a quo *Calava* xviii. diffidet. *Mylæ* inde xxiv. A *Mylis* ad *Falacrium*, seu *Raisculum* totidem, a quo ad *Pelorum* xii. *Sinus Messanenſis* xii. quoque m. absolvitur. *Messanâ* *Tauromenium* xxx. diffidet, ac xxx. etiam a *Tauromenio* abest *Catana*.

Ætna mons omnium per *Italiam* celsissimus, *Nebrodes* præterea ab *Ætna* secundus, *Neptuni*usque magnam *vallis* obtinent partem. *Symethus* amnis inter *Siculos* cursu, & aquarum copia princeps, ejus abluit campos. *Messanam* & *Catanam* sorores duas; uti appellant; nam *tertia* *Panormus* venit, ac *Régias* insuper *Civitates* xv. sinu amplectitur suo [*Catanam* publici recentiores libri *Netinæ Valli* adjudicant; *Veteribus* Ego deferens, in *Demanensi* constituo] *Opi-da* vero xx. supra c. nec non *Municipia* l. subitinet. *Pontificiis* sedibus iv. condecoratur, & publica *ſcientiarum Academia*. *Naturæ* demum dotibus non vulgaribus nitet.

Et de subterraneis ignibus, quorum est *Ætna* fornax & caminus, unde tot *thermalibus* aquis, teste *Baccio de Therm:* tota *Sicilia* scatet, non multa hic red-

reddam, infensos enim illos non raro experitur. Auri certe mineras, argenti, cupri, stamni, ferri, ac plumbi opere, nisi in *Demana*, alicubi non effodiunt. Fazellus, qui difficillimam montium & saltuum aliis alios continue excipientibus, densissimorumque nemorum habere faciem, sitoque suo eminenti reliquis duabus esse elatiorem describit, ac frumenti idcirco iis in locis indigam appellat; De Messanensibus municipiis nihilominus ad xl. circiter pass. x. freto imminentibus loquens, ea vallibus, olei, vini, & lanę sericę feracibus, amēnisque multarum fruticum varietate excultis agellis, nec aquarum indigis referta, accolisque frequentissima deprædicat. De *Ætna* monte verba subinde attexens, ejusque Regionibus, tophaceas quidem illas, asperrimisque lapidibus refertas, affirmat; Verum his in minutissima frustra temporis vi decisis, veluti ex crematis lignis arenosi fiunt cineres, & præpingues. Tota hinc tellus amēna est, vineorum, domesticarumque omnis generis arborum, multitudine secunda; Nec tractus desunt, lætissimas ferentes segetes. Ut de ortiva montis plaga taceam, ubi *Mascalæ* sedent, diebus hisce pene ad supremos clivos undique confita, quę Fazelli ætate non admodum culta. Quid quod *Homerus* scriptorum antiquissimus Solis Bovum stabula in *Mylarum* agro statuatur, pascuis utpote pinguiissimis opimo? Hęc rei montes *Diodoro* ab copiosa fecunditate fructumque & malorum omnimoda abundantia celebratissimi, nostris regionibus passim adjudicantur, uti suo loco reponam. Totę denique austrinę, occidentalisque vallis plagę frugum feraces adeo audiunt, uti aliarum uberioribus campis, arvisque a fertilitate insignioribus minime decedant.



ABA-



BACÆNUM Opidum Diodoro, Stephano, Svidæ & Favorino memoratum. Ptolemæo *Abacena*. Gentilitium inde est *Abacænus*. De eo Fazellus lib. 3. cap. 4. Dec. 1. qui in agris Syracusanis constitutum perperam colligit ex Diodori lib. 20. Quū enim locus ibi habea-

tur *Bigenis*; hunc monumentum illius posse videri subdubitat. Verum Diodorus idem lib. 24. ait: Magonem Penorum Ducem Messanensibus bello illato, agrisque illorum pervastatis, exercitu reducto apud *Abacænum* opidum, sedere sibi conjunctum, castra posuisse. Juxta Messanam igitur illud erat, a Syracusana ditione longissime diffitum. Ibidem quoque historicus refert: Messaniis e Zancle translatis, quemdam *Abacænicæ* regionis locum juxta mare a Dionysio Syracusarum Rege fuisse attributum, in quo illi Tyndaridem ædificarunt. Tyndaris in agro *Abacænino* juxta mare, sub Dionysio fundata, ad Sicilię septentrionalem plagam, non longe a Messana stetit. Denique lib. 19. *Abacænum* opidum Mylis Messanensium castello finitimum dicit; Messanenses, & Abacænicos inter præcipuos, qui e Siculis ad Amilcarem Penum defecerunt, enumerat, & lib. 20. in Eclogis *Abacænicos* & Tyndaritanos Hieroni Regi adhæsisse testatur, eorumque amicitiam Agathoclem magni fecisse. Ex his Cluverius Bonfilio adhærens lib. 2. cap. 12. vetus, ac satis celebre opidum *Abacænum* infra præruptum collem, ubi Tripis hodie sedet, stetit affirmat; sub hoc enim monte Fazellus lib. 9. cap. 7. mœnia magnæ urbis, & uti apparet vastissimæ, magnique ambitus, sed usque ad fundamenta dirutæ, vestigia,

T. III.

A

lapi-

lapides quadratos, columnas infraſtas, & arcus poſtratos paſſim cerni affirmat; quænam tamen apud majores fuerit, ſibi incompertum teſtatur. *Eorum ſententia*, ſubdit Cluverius, *qui opidi Abaceni monimenta apud Tripium hodie extare opinantur*, merito ego accedo, Diodori maxime, atque Ptolemici auctoritate inductus; quidpe hic opidum id collocat in mediterraneo ſupra oſtium Heliconis amnis, quem nunc Oliverium eſſe ſupra lib. 2. cap. 5. docui.

Abaceninum agrum vaſtaſſe Auguſtum ex Apiano colligit idem Cluverius, antequam Meſſanam circumvallaeſſet, ait enim ille Bell. Civil. lib. 5. *Post hæc Palæſtenorum agrum vaſlavit, & Lepidus factus eſt ei obviam frumenta colligens; moxque ambo Meſſaniam obſederunt*. Qui enim Palæſteni? hinc corrigendus Appiani locus in *Abaceninos*, uti ipſum hiftoriæ & Chorographiæ filum diſerte indicat. Bochartus a Punica voce *Abac* deductum *Abaceni* nomen dicit; ſonat enim *Abac* Attollere, & *Abaceno* in editis olim locis locato optime congruit. Sunt qui inter Meſſanam & Tauromenium ſtatuerunt, alii in Agro *Sollerio*, ſed falluntur. In hoc enim poſtremo aliud opidum ſtetit.

ACESINES Fluvius, *Aſines* aliter, vulgo hodie *Frigidus*.

ACIS AQUILIA Civitas, *Culia* paſſim, & *Acis Regalis* hodie; quod, quum unum eſſet, ac præcipuum ex Municipiis *Acenſis* civitatis, cæteris diſtractis, Dynaſtiſque conceſſis, ſub Regio Demanio, uti appellant, perſtitit, & locum cæteras inter Regii juris, xxxiv. in publicis Comitiiis obtinuit. Nomen Bonfilio & Maurolyco authoribus, ab *Aquilio* Romano Conſule invenit. De *Acis* quippe vocabulo alibi. *Hic* enim,
ait

ait Bonfilius, Servili bello confecto, Victoriæ monu-
 mentum, loco, qui dicitur *Culia*, Castellum excitavit.
Vicus juxta Catanam, scribit Maurolycus, *sub Ætna*
monte, Aquilia dictus, ab Aquilio victore creditur fuisse
Castrorum locus. Dixerim Ego: Vacationem militibus
 emeritis, tunc *Aquilium* concessisse, qui hoc in loco,
 ad habitandum delecto, Coloniam statuerunt. Seba-
 stianus vero Cirellus in *Acis Antiquo*, instauratum
 opidum ab *Aquilio* affirmat, quod antea extabat. In-
 crementa sane ultimis elapsis sæculis recognoscit;
 circa Caroli Cæsaris ævum; Quum enim Messanensis
 via, qua scilicet Catana Messanam tendebatur, Æt-
 næ eruptionibus labefactata, per *Acim* institui cepis-
 set, ac utrinque permeantibus *Acis* occurreret, factum,
 uti in amplum opidum vicus excreverit, & ex pro-
 ximis municipiis eo mortales habitatum se contulerint.
 Publica quippe & frequens via Messanensis per opida
 magis occidua sternebatur; hinc ex illis unum *Via-*
grandis dicitur, & hospitatoriæ tabernæ complures,
 ex vestigiis hodie cognitæ ad itinerantium commo-
 dum passim ibi aperiebantur. Non inficior jam ante
 & situs opportunitate, maris proximi commodis, ci-
 vium multitudine, ædificiorumque magnificentia re-
 liquis præstasse; hinc civitatis Magistratum, ad quem
 ex singulis vicis assumebantur, eo conventus suos ha-
 buisse tradunt; verum parochialia jura S. Philippi mu-
 nicipium habebat, quod sorte vetustior esset Eccle-
 sia, uti suo loco reponam.

Occupat *Acis Regalis* Ætnæ montis radices ad
 ortum hibernum, quæ Jonio mari abluuntur; & colli
 imponitur ab eadem cœli plaga prærupto, ab aliis
 vero, circumjacentibus collibus conjuncto. Hinc pro
 excello situ Scala ad littus usque arcuato opere, &

constrato lapide non levi impensa extructa, descensum satis declivem parat, cujus pars suprema *Toccus*, locus nempe munimento firmatus, vulgo dicitur; ima vero statio, undis utpote percussa, *Acis Scala* nuncupatur. In ea onerariæ minores naves se recipiunt; nec humiles nautarum desunt casæ, horrea, Ecclesia ruralis, atque ad æstivales delicias civium ædes. Circa stationis dexteram ingens *Aquarum Grandium* emergit fons, quas *Acis* fluminis esse scriptores passim tradunt; sed hanc eorum nutare opinionem de eodem flumine scribens, ostendam. Hauriunt ex ipso fonte cives, & candefaciendis lineis telis utuntur, in eas enim texendas maxime incumbunt, ac per insulam non levi quæstu distrahunt.

Supra *Toccum* leniter civitas subrigitur magnificis, comptisque ædificiis cum publicis, tum privatis, amplissimis viis, & arcis, seu foris distincta hoc ordine: *Maritimæ* laxiori viæ forum præcipuum, ac majus respondet, *Principe templo & hospitali Domino* ad aquilonem, elegantissima *S. Petri Ecclesia* ad ortum, *Magistratus basilica* circa meridiem, aliisque fabricis & *Monialium cœnobio* ex occasu vallatum. Huic ampla etiam via intermedia, alterum succedit forum, minoris quidem ambitus, sed ob *S. Sebastiani* eodem omnino suspiciendum. Ad ortum hinc publicæ annonæ promptuaria in depressiori solo, & ad meridiem descensus patet difficilis, sed per intervalla longe productus, & acclivis. Ibi potior pars opidi *Carmelitarum cœnobio* clauditur, in cujus aream præcipuæ & rectæ incurrunt viæ. Venale forum in occiduis, rerum omnium ad vitæ subsidium affluentia refertum excipit *Odigitriæ Parochia*; nec inde procul pauperum virginum *Conclave*. Vici subsequuntur *S. Martini, Jesus & Mariæ, S. Joannis*

annis, & S. Michaelis, ab Ecclesiis denominati. At ubi solum elevatur in tumuli vertice Minorum Observantium Conventus undique conspicuus sedet. Sub quo Prædicatorum Fratrum Monasterium, Sanctimonialium Parthenon, & S. Joseph Parochialis Ecclesiæ nitent. Reliqua ad aquilonares plagis civitas binis rectis viis majoribus distinguitur ad Messanæ portam, atque ad Deiparæ sub Directionis titulo Ecclesiam. Capuccinorum Asceterium orę maritimę impendet, occupantque post templum maximum, Clericorum, Minorum, & Infirmis in agone Ministrantium primæ ædium auspicia, aliæque privatæ domus, non angustam ortivam regionem. Supra *Tocum* denique, unde incipit descriptio, Sanctarum Manium delubrum Parochiale videtur.

Opidi facie sic adumbrata, ad singulas descendentes partes memoratu non indignas. Princeps igitur & Parochialis ædes portam ex albo Ligustico marmore columnis, & statuis affabre concinnatam, æris campani turrim, omnemque internum prospectum elegantem exhibet. In Venerabilis Eucharistiæ sacello sepulchrum extat Octavii Brancifortii Catanensis Pontificis. Aram maximam, Deiparæ Annunciatæ Tutelari dicatam, chorus ambit, in quo insigne Canonicum Collegium ab anno 1604.... Divinis officiis intendit. B. Veneræ Viri & Mariæ præcipuæ opidi Patronæ, cum lipsanis, simulacro, & divite thesa, Capella inspectionem meretur. Heroidis porro hujus vii. Kal. Aug. solemne festum cum celeberrimis tota provincia nundinis. ingenti pompa ac pietate incolę agunt. SS. Petri & Pauli Ecclesiæ frons & turris duplici columnarum ordine ad omnem pulchritudinem instruitur, in qua laicorum sodalitium, clerique conventus

tus, sacros ritus festis diebus cum pompa abeuntis, habetur, & Divina Eucharistia asservatur. Huic non decedit S. Sebastiani, cujus prospectus, tholusque, supra quam credi potest magnificenter effulgent; Ibi etiam sodalitas & clerici addicti sacris intendunt, ac Divina custodiunt, Hypogeumque est religiosum. Viget porro cives inter pro duabus hisce Ecclesiis, earumque Tutelarium cultu pia emulatio, atque in celebrandis mense Januario illorum sollemnitatibus, non levis omnium ordinum religiosa contentio habetur.

Jam vero præter majorem, iv. sunt Parochiales: S. Mariæ de Odigitria in opido medio; S. Michaelis ad hibernum occiduum solem; S. Josephi ad solstitium æstatis occiduum; & Purgantium Animarum supra Scalam ad ortum. Suburbium a *Cavallaris*, vulgi voce *Quartiere*, circa meridiem post Carmelitarum Ecclesiam, colli inherens supra littus imposito, sua gaudet Parochia S. Catharinæ sacra: *Platanie* vetus regio *Acis* pars computatur, & pass. circiter in occasum diffusa, cum Parochia S. Mariæ de Monte Carmelo dicata, proprio instruitur clero, cujus incolis jus competit, ut locum in Magistratu habeant. Religiosas porro familias præcedit tempore illa Carmelitarum, quorum sub S. Mariæ de Rosario nomine aliquando, Pirro authore, floruit Ecclesia. Sed Montis Carmeli passim subinde dictam, Desiderius la Placa anno mdcxix. fratribus, quos ipse reformavit, & Primi Instituti dixit, incolendam tradidit. Minoribus de Observantia sub idem tempus S. Blasii in tumulo occidentali data est, cui asceterium adhæret ex præcipuis provinciæ, educandæ & scientiis imbuendæ juventuti destinatum. Capuccinis ab anno mdcxxiv. situs amoenissimus supra oram maritimam obtigit. Prædicatores

Fratres

Fratres post elapsi sæculi medium frequenti loco sub S. Dominici titulo degunt; ædificia splendorem augent, alumnorum præstantia decus non leve conciliant, quibus tradendi sacras literas *Jacensi* clero cura incumbit. Petrus Marrabinus sua omnia condende Clericorum infirmis in agone Ministrantium Domui addixit, ædemque sacram Divæ Mariæ Gratiarum condidit. Thomas de Schiros ex Minoribus Clericis Regularibus, suorum coloniam *Acim* deducere cogitavit, virtutisque opinione, ac oris facundia, quam egregie pollebat, operi non levia auspicia, ædificata S. Joanni Nepomuceno Ecclesia, dedit, quod brevè promovendum speramus. Moniales in S. Agathæ claustris sub Benedictina regula in centro degunt. Filiales Ecclesiæ viii, supra xxx. enumerantur, quas inter nitet illa SS. Trinitati sacra. Pauperibus denique Virginibus conclave paucis ab hinc Antonius Russus constituit; pro ægrotis Hospitalis domus an: mdcx... coaluit. Extra, circa meridiem Ecclesia Christi Domini e Cruce pendens, cujus est imago prodigiis celebris; ad septentriones vero in tumulo altera sacra eedes a Calvario appellata, videntur; utraque piis fidelibus serâ præsertim vi. frequentissima. Ad iii. lapidem in hibernum occasum S. Veneræ puteus, seu aquæ sulphureæ fons, cum rurali proxima Ecclesia, & officinis thermalibus, hodie dirutis; necnon æquali pene distantia ad caurum S. Mariæ de Loreto Eremitarum domus, ubi Deiparæ imago cultu præcipuo habetur.

Prætorium ad majorem aream ædificiis nobile confurgit, quò Magistratus conveniunt. Privata civium domus variis in locis spectanda; artium officinæ frequentes; unde inter ceteras insulæ civitates, *Acis* non ultima, quin & præcipuis etiam conferenda constituitur.

fituitur. Subest in spiritualibus Catanensi Episcopo ejusque vices gerenti. Regimen porro civicum est penes Patricium, Juratos Patres, Criminum Præfectum, Syndicum, ac Judices, juxta Regni sanctiones. Dudum Dux Armorum a Rege designabatur, qui olim ex Patriciis Catanensibus assumptus. Agri vero pinguiissimi, utpote perpetuo irrigui, & spatiosi, abunde lini, cannabis, leguminum, olerum, fructuum, vini, frugum, & linæ sericæ præ ceteris divitis, ac feracis, census, vestigalia, decimas Procurator, vulgo *Secretus* curat, quem Dynastæ de *Vigo* Januenses constituunt; ad hos enim jura hujusmodi, ob illatam in Regium ærarium congruas auri summas, spectant. *Acis* stemma Castellum refert, mari imminens, cum scopulis circumpositis. Tres ostentat turres Castellum, in quarum una vexillum, in altera Leo se efferunt. *Amplissima* titulo in libris Regiis venit. Ejus & Municipiorum Pedites quingenti, ubi metus ab hostibus imminet, sub Tribuno, ejusque Legato, ex Catanz Patriciis, ab ejusdem urbis Senatu designatis, stipendia faciunt. Incolæ olim sæculo xvi. censi fuere 6581. in laribus 1744. Anno subinde mdcxii. lares 2127. cives 8805. descripti; decurrentis anno xiii. foci 2945. incolæ 11601. postremo 13383. computantur. Caput est denique Comarchiæ, opidisque xii. jura dat.

Quum vetustæ Xiphoniæ *Acim* subrogatam Scriptores gentici affirmant, *Acis* Pastorem ob Galathæamores Poetis celebratissimum, vel civem suum, vel authorem evulgant. Sed de Xiphonia suo loco. De *Acis* Pastore post pauca loquar. Christianis temporibus, ac primo Ecclesiæ sæculo ortu suo *Acim* nobilissime Venerandam Virg: & Marti Græcis Parasceven quoque tradunt. Divæ hujus hinc Vita prodiit, Anselmo

selmo Grasso authore, in qua conjecturas non pauci momenti ad id evincendum congestas leges. Nostri diebus Martinus Maria Sacerdos genere ingenuus floruit, qui inculpatę vitę exemplis, & lucrandi animas ferventissimo zelo, eximiiſque aliis virtutibus claruit. Ejus exuvie in S. Martini, quam ipse fundaverat, in summa frequentia illatę sunt anno mcccxx. In Sicula Bibliotheca commendantur a scientia, editisque libris Anselmus Grassus Ordinis Capuccinorum Orator & Historicus, de quo dixi, Benedictus Barbagallus Juris-consultus egregius. Vulgavit: *Praxin novissimam & Theoriam Ritus Magnę Regię Curie Siculę*. Archangelus Scandura Capuccinus, & Archangelus Tropea Minor etiam de Observantia in sacris literis eruditi, & Concionatores eximii. Celestinus Grassus Tertii Ordinis S. Francisci S. T. Magister in Neapolitana publica Academia Sacrorum Canonum Antesignanus. Athanasius Benedictinus, cujus extat *De Regis Jacobi Adveniu Catanam*. Erasmus Sacca Poeta Latinus & Medicus non vulgaris. Scripsit de Febris varia indole & curatione carmine exámetro. Petrus Paulus Platania Poeta, & Vincentius Hjeremia Mathematicus, ac Machinator celeberrimus, cujus opera Clemens X. Rom: Pont: usus est. Reliquit ingenii sui artisque monumenta, decessitque apud suos octogenarius. Novissimis annis Sebastianus Vasta Cirellus vivebat Sacerdos, Rhetor, & Poeta ingeniosissimus, cujus extat *Acis Antiquus*. Celsus Grassus præterea Olivetani Ordinis Abbas; Marianus Leonardi ex Prædicatoribus, Theologus profundissimus, & linguarum peritia illustris, morum probitate, & innocentia vitę illustrior; Dominicus Cavallarus ejusdem instituti Magister, zelo, prudentia & doctrina nulli secundus, Ge-

neralis Provinciæ Siculae Inspector, vivit. Sed jam de Municipiis.

ACIS S. ANTONIUS Opidum est supra *Acim* Aquiliam circa æstivum occasum in æquissimo campo situm, amenissimis, atque fructiferis undique agris vallatum, incolisque refertum, qui in proximo olim vico *Casalotto*, nunc diruto, degentes, circa ædem S. Antonio Abbati sacram, sub sæculi xvi. exitum convenere, auctique in dies justum opidum conflarunt, quod cum aliis Principatus insignibus mdcxxxii. Caroli II. Regis privilegio est decoratum. Habet circa meridiem vicos Maucerim, qui sua gaudet Ecclesia, & Vallem Viridem, ubi Parochialis est ædes, uti inferius expendam, a S. Antonio distincta. Hæc medium ferme opidum occupat, sub Episcopi Vicario, qui vicis aliis commemoratis præerat. Ab ea amplissimo & recto itinere, Dynastæ palatium dissidet, quod toti undique regioni dominatur, jucundumque ad littus usque prospectum aperit. A Palatio haud procul S. Mariæ de Mercede Fratres S. Dominicę Virg: Ecclesiam incolunt, quibus coenobium ædificavit, dotemque congruam *Stephanus Riggio* attribuit. Primus hic, enunciato anno *Acis S. Antonii* Princeps enituit, Regisque a cubiculo, ac Panormi ii. Prætor, ex Dorotea Branciforte *Aloysium* aliosque filios obtinuit, de quibus dicam. Generis sui, & Siciliæ totius decus *Aloysius* jure audit. Primariis enim in patria, in Hispania, Italia & Galliis muniis, ac legationibus perfunctus, universę Europę innotuit. Genuit cum Catharina Gravina *Stephanum* inter Siciliæ utriusque Regentes hodie adscitum, cujus, & Patris laudes inferius reponam. De Censu opidi post S. Philippi notitiam.

ACIS BONACCURSUS. Vide *Bonaccursi*.

ACIS

ACIS CASTELLUM in prominenti undique excisa rupe ad ortivum insule littus, inter Cyclopum scopulos, & Ongiæ stationem, medium Catanensi & Acis oræ sedet. Aretius *Ad eorum*, ait, *Arx in scopulo, quæ cum suo pago de nomine Acidis fluminis, Acis nuncupatur*. Rupes ferruginei coloris, quales sunt proximi colles, & subjecti littoris ad scopulos usque, & Insulam cognominem cantes, naturæ opus omnino dicenda, ab Ætnæ eruptionibus, vulgo Xara, prorsus diversa; eidem hinc rupi ab austro moles lapidum, quos olim Ætna eructavit, adhærent, discrimenque non leve textura, & colore intuentibus exhibent. In collibus denique, quos memoravi, circumfurgentibus, lapides in tumulos congesti, ferri pondus indolemque referentes, lapidis specularis frustra, montana testacea, & his similia sæpissime advertuntur, quæ inter Ætnæ egestionem nusquam occurrunt. Subrigitur cætero faxea moles, cui Arx inædificata, in imis partibus, quæ circa ortum fluctibus tunduntur, concava, circa supernas idcirco ex eadem plaga mai impendit, ab aliis regionibus ripida; nisi quod in austrum Ætnæ lapides circa radices illi adhærent. Scala cæmentitia in aquilonem aditum præbet, sed inter hanc & portam pons sublicius, qui data occasione, & per noctem catenis ferreis elevatur, ipsamque portam munit. Muri circum concamerationes substinent, quarum infimæ cisternarum habent usum; mediæ ad æstivum ortum honestis & ingenuis viris criminosis custodiendis hodie deputantur, & Arcis olim dominos perfectosque excipiebant; mox pro tormentis bellicis suggesta, ac pro fontibus, reisque capitis carceres. Suprema demum loricata turris stationaribus militibus addicta, sub qua nuperis annis ingens rotunda scrobs

in viro excisa lapide detecta, in quam e supernis partibus penetrabant veteres; sed ejus usus omnino incertus.

Quonam fuerit ævo Arx hæc fundata prodit nullus; vetustissimam tradunt, & Saturniam appellatam nonnulli dicunt cum Carrera & Archangelo. Loci sane opportunitas id suadet; antiquis nempe temporibus, quum ad littora munitiones institutæ; huic nostræ rupi *Castellum* fuisse inædificatum, ubi securum contra hostiles incursus præsidium haberent, & asylum; quod ab *Acì* proximo flumine, unde circumpositæ regioni est nomen, nuncuparunt. Sub Arce in occasum & septentriones opidulum superioribus sæculis coauluit, cum sacra parochiali æde S. Mauro Abbati dicata, & altera S. Josepho addicta, parum ab hinc incolarum industria condita, haud procul a *Castello*. Mænium circa easdem regiones pars adhuc perstat cum porta, quæ vetustatem præfert. North-mannorum ætate Pirrus solum extitisse *Castellum* opinatur. Rogerius enim Comes, illum Catanensi Ecclesiæ attribuens totumque amplissimum agrum, vici alicujus non meminit. Catanensium Pontificum beneficio variis subinde proceribus concessum, ad *Alagonios* tandem devenit, sub quibus, & pone *Castellum* & alibi in eodem agro opida creverunt, uti inferius reponam. Possidet hodie clientari jure *Joseph Emmanuel Massa*, Christophori filius, Joannis Andreæ nepos; hic enim anno mdcxlvii. ab Regiis emit ministris, cum aliis Catanæ municipiis, & reluctante licet, omnemque lapidem movente eo, qui pro Rege tunc illi præerat, ne ab *Demanio* scinderetur, in feudum obtinuit, cum jure gladii, & Ducatus prærogativa, quam anno mdcxiv. Carolus II. indulgit. Sedet hinc in Comitibus loco xiii. Alios *Castelli* Dynastas infra habes

Gentii

Censī sunt ejus lares & incolæ cū aliis muni-
cipiis; sed sæculi decurrentis anno xiii. illorum nu-
merus 120. computatus, cum animabus 521. quæ no-
vissime ad 824. excrevere. Ager pascuis felix, Cerevī
& Bacco parum amicus audit; paucis ab hinc vinetis
nihilominus alicubi confitus, non inanem prorsus co-
lonorum industriam reddit. Mare piscosum experiun-
tur nautæ, qui non pauci numero in opido degunt.

ACIS CATENA ab æde sacra Deiparæ Virgi-
nis sub eodem titulo, nomen opidum fortitur, quod
hodie veluti præcipuum, ac frequentius ob longum
in eo Dynastarum incolatum, habetur. Sedet sub S. An-
tonio in parumper declivi solo, ad meridiem & oc-
casum vergente, & ab *Acensi* civitate .iii. pass. x. dis-
sidet. Tribus constat Parochiis: S. Jacobi in clivo ad
aquilonem, S. Mariæ de Catena, ubi solum æquatur,
& S. Mariæ de Consolatione circa occidentem, sed
harum est mater secunda, unde opidum vocatur; ful-
getque tum ædificiorum elegantia & amplitudine; nam
prona, & alis, absidibus, ærisque campani turri, in-
tegro S. Candidi Martyris opidanorum Patroni cor-
pore in arca divite, & marmoreo Joachimi Riggio, vi-
ri olim eximii, insigni sepulchro ornatur, tum Cano-
nico Collegio, quod hujus sæculi anno xxx. Antonius
de Urso dote auxit, & Petrus Galletti Catanensis E-
piscopus instituit. Huic via intermedia & ampla satis,
constrata area, magnifica adhæret domus, Regia urbe
omnino digna; aulis quippe laxioribus, & conclavibus,
necnon Ecclesia ad omnem elegantiam instructa, or-
natu divite, peristomatis nempe, scriniis, tabulis, sta-
tuis, & vasis nitens, excipiendis cultu splendido vi-
ris principibus dudum continuo patebat. Eam jussit
Aloysius Riggius Campifloridi Princeps, ex legatione
Regis

Regis Hispaniæ ad Gallos, in Siciliam redux, cujus ingens animus moliendis ubique hujusmodi eximiis operibus nusquam explebatur,

Est in eodem opido ad æstivum ortum Minoritanis Reformatis aptissimum cœnobium sub S. Antonii titulo anno MDCCLXXXIX. ab Stephano Riggio fundatum, ad cujus fores lata sternitur area. In occiduum quoque solem sacra ædes Divi Josephi, cum splendida ex lapide scala, Abbatis Ignatii Riggio opibus extructa. Prope pauperibus Virginibus Conclave, quod Catharinæ uxoris testamento Aloysius mox laudatus extruxit, quod brevi explendum Stephani filii ex hæredis opera expectamus. Aloysius quippe in suprema palatii sui contignatione interim Parthenonem curavit, quo puellas parentibus orbatas coegit, easque passim matrimonio locandas juxta defunctæ conjugis piissimam voluntatem jussit. Ad ballistæ jactum post S. Josephi, Deiparæ de Consolatione vicus cum parochiali, de qua dixi. Nec inde procul ingens perennis aquæ vena erumpit, quæ subjectos agros, summo cum colonorum proventu fecundant. De Censu incolarum, & Dynastis infra. *Catena* Princeps *Aloysius Riggio* senior Carolo II. indulgente, primus renunciatus fuit MDCCLXXXI. quem *Stephanus* excepit, & hunc *Aloysius* II. cujus munere *Antoninus Riggius* titulum accepit MDCCLXXXIII. Fulsit hic a Regis rationibus Magister, Regni Quæstor, a prudentia & dexteritate commendatus. De ejus hæredibus vide *Catena Nova* tom. I. p. 2.

ACIS FLUVIUS, cujus est fabula notissima; Pastor enim egregiæ formæ quum esset, & Galatææ gratissimus, a Polyphemo Cyclope, qui Nympham deperebat, deprehensus, ingenti saxo oppressus interiit; ubi enim illam cum proco loquentem Cyclops vidisset,

set,

set, e proximo monte *Ætna* molem evulsam contra fugientem intorsit, eumque obruit, qui a Diis idcirco *Galatæ* precibus in amnem conversus revixit. Hæc ex vetustis *Mythologis* *Ovidius* & *Silius*; quorum ille *Symethium* vocat heroem & ex *Fauno*, *Nymphaque* *Symetide* cretum affirmat; alter vero fugientem pastorem in tenues liquefactum aquas hostem evasisse scribit, seque *Galatæ* immiscuisse; *Nereis* enim hæc, idest *Maris* *Nympha* quum esset, ubi *Cyclopi* vocem audivit, pavescita vicino sub equore se misit. Alibi in mea *Catana Illustrata* sub fabulæ putamine nucleum veritatis historice contineri docui, & *Polyphemum* gigantem, idest, *Ætnam*, saxeis suis ignitis molibus *Acim Fluvium* ita oppressisse, uti solum ejus rivulos sub enormi rupe juxta mare permiserit exilire, & *Acis* antiquum nomen retinere. Rupem hanc illam esse ibidem vulgavi, cui *Acis* civitas infidet; rivulos vero *Aquas Grandes* nunc appellari prope littus emanantes. At enim in *Notis* ad *Fazellum* *Cluverio* deferens, *Acim Fluvium* aquis, ad *Regitanam* sub nemorosa rupe item exortis, coalescere statui, quæ per varias venas derivatæ terras circumpositas fecundant, & molas triticeas haud procul a fonte, & circa *Baracche* vicum complures, ad littus usque convolvunt, quod a *Molendinis* idcirco appellatur; tandemque ad occidentale *Xiphonii* Promontorii latus ab *Jonio* mari excipiuntur.

Cetero de *Acis Fluvio* habent veteres scriptores: *Hesychius*: Apud *Catanam* *Acis*, idest in littore, quod celebriori vicinæ urbi adscribit. *Vibius* in *Catal*: *Acis* ex *Ætna* monte in mare decurrit; ex cujus ripis *Cyclopem* in *Ulysses* membrant saxa egisse. De etymo *Theocriti* *Scholias*tes in *Idil*: 1. *Acis Fluvius Sicilia*
sic

*sic dictus, quia fluentia ejus sagittæ sunt similia. Idem Poeta Acidis sacram undam appellat; Silius tenues dulcesque latices Acidis promit; Ovidio Acis herbifer dicitur. Solinus cap. II. Acim quamvis Ætna demissum, nullus frigore an:vertit. Quod etiam Theocritus expresserat, Gelidum illum, seu Frigidum vocans. Ob id, advertens Fazellus, alium esse amnem in hac ora Frigidum vulgo appellatum, Acesinem veteribus, sive Asinem, in Mascalenſi decurrentem agro, hunc esse Acim perperam vulgavit, confunditque utrumque, vel ejusdem esse nominis tradit. Cum Fazello Aretius, Carnevalis & Goltzius falluntur, uti alibi dicam. Cluverius denique exactissime descripsit, sed quod, littori ubi propinquat, in vicum cognominem dilabitur, neutiquam procedit; Nam Acis tota quamvis sit regio, quam abluit, sub Acis vocabulo in ejus cursu vicus est nullus. Huc sepulchralem referam inscriptionem, quam in Siciliæ tabulis apocripham Gualterius dicit, ab Aci positam, his, uti fabulantur, litteris expressam: *Dia Ongia, Saturnia, Ætnæ, Deorum Matri, Filia, Uxori, Sepulchrum, Templum, Et Arcem, Acis Fauni Filius, Pici Nepos, Saturni Pronepos, Latini Frater.**

ACIS INSULA Consule Acis Scopuli.

ACIS S. LUCIA Opidum inter Aquiliam & Catenam, sed huic propius ad ballistæ nempe jactum, dissidens. Parochia sub Virginis cognominis auspiciis Canonicorum cetu ab anno m^occxxxiv. decorata, visu non indigna est, & æquo solo cum opidanorum ædibus gaudet.

ACIS S. PHILIPPUS Opidum cum eleganti Ecclesia & æris campani turri; cui jura parochialia, vetustis temporibus, a prima nempe post Sarracenos sacra

sacra æde instituta, attribuisse Catanenses Episcopus supra reliqua municipia, tradunt. Capsulam hinc ex ebore, dimidii anaglyphi opere elaboratam ostentat, ubi Divinam Eucharistiam ad egros pro viatico Parochus deferebat. Sedet ad collis amenissimi radices, occurritque primum a Catana urbe venientibus per Nizetim vicum; ampla & recta via distinctum, quam Parochialis S. Philippi excipit ædes, Canonico Collegio decorata, Catanensis Episcopi indultu, Philippo Rosa dotem alumniis mcccxxxi. designante. Supra Ecclesiam in clivo vicus de *Pavonijs*; circa septentriones vicus alter de *Fimoclaris* cum sacra eade via publica, quæ ad Catenam ducit; in austrum *Rey:ana*; in supremo demum vertice ad occasum S. Annæ Eremitarum domus.

Opida hæc communi voce sub *Acis* titulo expressa, S. Antonius, Catena, S. Philippus, & S. Lucia cum vicis simul censebantur; sed prima eorum descriptio ab Aquilia distincta anno mcccxx. elucet, quo lares S. Antonii & S. Philippi cum adnexis 1746. incolæ 6994. adnotantur. Sæculo decurrente 1861. foci, opidani 7669. veniunt.

ACIS SCOPULI, *Cyclopum* veteribus, vulgi voce *Faraglioni*. Insula præterea, & in opposito littore Viculus *Trizza*. Sunt illi acuminati, adeo ut Statio *Sylv. lib. 5. Ardua saxa Pyramidum* dicantur; ac veluti per gradus magnitudinis inæqualis; nam primus humilior, cui elatior succedit alter, tertiusque triplo major attollitur. Hos contra Ulixis classem, Polyphemum gigantem intorsisse fabulantur; re tamen vera naturæ opus videntur & saxea naturali mole compinguntur. His succedit *Insula Acis*, aliter *Trizza*, seu scopulus prægrandis, qui passus circiter ccc. per

Tom. III.

C

cir-

circuitum habens, in altum subrigitur, & proximæ stationi, ab austrinis ventis & ab euro tutum reddens sinum, præclare consulit. Sinus porro adeo profundus Aloysii Riggii Principis opera, sæculo hoc ineunte, evasit, ut majores etiam naves excipiat. Fuit olim scopulus arce, aut munimento firmatus, adhuc enim rudera perstant in supremo illius vertice, portæ limen, & cisterna, ac circa occasum crypta videtur, ubi fama est solitarium vixisse, vitæ innocentia conspicuum, quæque hominis commodè capax, portam in septentriones habet. Ad meridiem veluti specula in faxo etiam excisa, subjectum mare prospectat. Scopulus cetero non unius indolis lapide constat, sed est tofaceus alter suboscuro; alter nigrescit omnino, & intermixtos habet lapillos pellucidos, quos nostri Beryllos appellant. Circa aquilonarem plagam diffusus est, fortasse ex terremotu; in ortum planus fluctibus operitur. Circa hujus sæculi annum XLVIII. laudatus Aloysius cuneorum, & pyrii pulveris vi partem rupis disjiciendam jussit, ut a ventis magis immotum redderet sinum; sed maris impetus incœptum opus concussit, ac devastavit.

Jam ad littus australe, ex quadratis lapidibus parvam molem idem Princeps ad nautarum commodum eò frequentissime appellentium, extruendam, augendumque opidulum curavit, & elegantem domum sibi & nobilibus hospitibus constituit; duplici demum propugnaculo oram munivit. Pro nautis, incolisque Parochia sub S. Joannis titulo assurgit, computantur enim foci ad 60. capita 205.

ACIS VALLIS VIRIDIS. Vide *Vallis Viridis*.

ACIS XIPHONIA. Prodiit elapsis annis urbis hujus veteris typus exactissimus, peculiaribus, quibusque

que ædificiis indicatis & expressis, ex Orophonis cujusdam descriptione dubio procul examussum exaratus. At enim alibi, quum Scriptoris hujusmodi nec fictum, nec pictum opus apud veteres usquam extitisse, ostenderim, nec otiosi hominis tantum, sed crasse prorsus Minervæ putidum fuisse Inventum, nemo vel leviter coodatus non advertat; lectoribus meis minime imponam, illumque præteream; & quæ de *Xiphonia* conjecturæ extant, seu de vetusta *Ac*i quid statuendum, brevissime promam. Valeriæ Romanæ familiæ *Acisculum* cognomen ex hac nostra regione obvenisse tradunt eruditi Ursinus, Gualterius, & Augustinus in Dialog: Gentis hinc ejusdem, inter primas Reipublicæ, numismata exhibentur consularia complura, in quibus Sirenes, maris nempe Siculi monstra, expressæ spectantur, quarum fuisse sedem circa proxima littora, Poetæ passim estringunt. Ursini verba Romanas familias ex numis describentis sunt: *Ad Aciscolos primi tres denarii pertinent, in quorum secundo Siren, a C. Valerio impressa fortasse fuit, ut & Aciscolos Acidis fluvii, atque ejus in Sicilia regionis, quam Sirenes tenuerunt, accolæ aliquando fuisse; indeque profectos Sabinum agrum primo tenuisse, deinde Civitatem Romanam adeptos esse. Acim quidem fluvium ex Ætna monte, ΑΚΙΔΟΣ, hoc est: Teli instar, unde dictus est, decurrere tradit Eustathius in Dionysium. Ejus vero accolæ Valerios fuisse, atque ab eo Aciscolos appellatos credendum est.* Quum Valerii Romam sub Tatius Rege e Sabinis migraverint, posset *Acis* origo, ante urbis conditum, vel circa ex his Ursini statui. At enim non dissimulaverim, varia fuisse Gentis Valeriæ cognomina; nam Flaccos, Messalas, Catulos, Publicolas,

Levinos, Corvinosque, Valerios lego, qui sane diversis ætätibus florere, postquam Reipublicæ Consulatus tenuerunt. Hinc Acisculi, qui ad Acis regionem sedes statuerunt, haud quidem Sabinenses certe putari possunt; sed postquam Sicilia Romana evasit Provincia, veluti suburbana, incolendam illam sibi assumpsisse dicendi, & *Acensem* præ cæteris delegisse. Ceterò, Valerio Messala Duce, Catana sese Romanis adjunxit; Carrera idcirco lib. 3. cap. 18. tom. 1. tunc temporis Valerios, agri aménitate illectos, ad Acis ripas confedissee opinatur.

Nonnulla quoque priscae ætatis monumenta ad *Nixetis* usque vicum, veluti sepulchra, lateritia rudera, statuarum fragmenta, diotæ, vasculi, lucernæ, & ingens præ aliis ædificii moles, in agro de *Piris*, secus publicam viam, quæ ad *Portam* vicum ducit, nigris, quadratis lapidibus convestita, de antiquo, & non ignobili opido hac in regione, nos admonent, quod *vicatim*, uti conjicio, olim etiam, sicuti & hodie, habitabatur. Quod *Acim* habuerit nomen a proximo celebri flumine non inficio, & quod *Xiphonia* a subjecto promontorio vocabulum præterea tenuerit, ultro profiteri non ambigo. Alia, quæ circumferuntur, ex Orophone præsertim, anilibus accensenda fabulis, ac prorsus relatu indigna existimo.

Ut hic demum *Acis* notitiis summam imponam manum, Dynastas remanet in medium proferre, quibus clientari jure addicta illius municipia novi. Rem autem ab initio exequar: Exactis Sarracenis Rogerius Comes Catanensi Episcopo Ansgerio *Acensem* omnem agrum, alia inter bona, cum ejus Castro attribuit, uti ejus constat diplomate mxcii. Tunc porro Adamettum Sismundum Castelli præfectura ab eodem

dem Comite donatum, in nobiliss hujus gentis memorii invenio, quo in munere Stephanum filium successorem habuit. Hujus hæres a Guillelmo II. confirmatus MCLXXIII. quod Tancredo cum Catanensi Episcopo adhæsisset, ab Henrico VI. gradu privatus dicitur. Agrum tunc temporis vicatim habitabant, familiæ complures, quarum adhuc nomina in vicis, opidis hodie, perseverant; sed majori ex parte densis sylvis occupatum nihilominus fuisse, quæ variis in locis frequentissima occurrunt querceta, satis ostendunt; nemoribus hinc dissipatis, passim vinetis campi consiti, domesticisque arboribus, ac moris præsertim colles circumquaque convestiti, uberes adeo fructus reddidere, uti colonorum expectationem superarint. Sub Suevis Principibus Catanensis Episcopatus juribus dilapidatis, jacturam non levem *Acis* etiam ditio sustinuit; hinc sub Regibus Gallis Apostolici Legati opera in pristinam integritatem revocata; mox Gentilis Episcopi oscitantia, Friderico II. rerum potente, sub censu annuo aureorum LXXV in *Rogerii Lauriæ* Insulæ Architalassi potestatem devenit, qui castrum egregie munivit. In eo aliquando Rogerii Nepos contra eundem Regem se tutavit, uti in Historiis. Tenuit & *Margarita Rogerii* filia; quumque hic ad Robertum Neapolis Regem deficiens, mortem in patria tandem oppetiisset, contendit Robertus *Acim* sibi deberi; Induciarum enim legibus, Reges inter initarum, si id erat sanctum, ut *Lauria*, ejusque hæredes defectionis nota non obstante, *Acis* juribus fruerentur. Verum ad Jacobum Aragonensem controversia delata, hic pro Friderico Siculo definit. Sub eodem, Galli insurrectione facta, *Acensem* regionem hostiliter invadentes incedunt.

incendio cuncta devastarunt, quumque ignis undique debacchatus, vicos, agrosque consumpsisset, nix pluit; unde Siculis effatum: Postquam Acis arsit, nixit.

A Friderico eodem *Blasus Alagona* obtinuit, ejus in censu de anno mcccxx. fit mentio. Sub Ludovico nihilominus *Joannem* Infantem Randatii Ducem *Acis* dominum lego, quo decedente, ad *Artalem Alagonam* Blasii filium devenit, qui a Simone de Puteo Catanensi Pontifice anno mcccxxxix. novam concessionem sibi expediri curavit, & ab Urbano V. confirmationem est assequutus. Artalis suo testamento Catanę condito *Maziotam* ex illegitimo thoro filium hæredem dixit, quem sine prole mortuum *Blasus*, & post eum *Artalis* junior excepit. Hic Regi Martino insensus, diu *Acis* Castrum, ubi uxorem & filios servabat, contra Regios Exercitus defendit; Cessit tandem ex conventionē anno mcccxciv. ejus hæc fuisse conditiones invenio: Ut *Artalis* nempe *Castro Paternionis & Acis* Regi traderet, ipse *Melitam* in clientelam acciperet. Verum, quum varias *Alagona* innecteret moras, *Acim* amisit, nec *Melitę* possessionem demum tenuit, Siciliaque excedens, exul periit. Post hæc *Martinus* Rex, celebratis apud *Syracusas* mcccxcviii. Comitibus, inter alia statuit, ut *Acis* opidum & Castrum Regio sub *Demanio* deinceps perstarent. *Alphonsus* tamen x. m. florenis acceptis, *Ferdinando Velasquez* ex literis *Messanę* v. Aprilis mcccxcxii attribuit. Sequenti hinc anno, quum *Joannes* de *Podio* Episcopus de spolio Ecclesię suę apud *Romę* Pontificem conquestus esset, *Syracusanus* Antistes hujus jussu *Acim*, aliaque bona male alienata Catanensi Ecclesię restituenda, curavit. Re composita *Velasquez*,
census

census onere gravatus, denuo in dominium inducitur. Tunc Alphonsus, ut publice in agro S. Venerę, ubi puteus supra descriptus cum aquis thermalibus, haberentur nundinę, indulset. Ferunt enim, quod ad eas indicendas Magistratus, qui ex singulis municipiis conflabatur, sollempni pompa e vico Pavonio apud S. Philippum in equis procedebat, nec leve ex illis commodum opidanis proveniebat. Nundinas, suo etiam calculo anno *MDI*. Carolus V. Cęsar confirmavit, quę in Aquiliam postremo translata, ibi ante *XII*. Kalend: Augusti quotannis in summa vicinorum frequentia celebrantur. Per hæc tempora *Adamus Asmundus* se *Acis* Baronem appellat. Atenim an: *MDCCXXIV*. fatis concedens *Velasquez*, *Petrum Infantem*, Neri Comitem, Alphonsi fratrem, sibi successorem designavit. Hic vero ex ultimis tabulis *MDCCXXXVII*. eundem *Alphonsum*, eoque sine filiis mortuo, *Joannem* alterum fratrem vocavit. Interim *Joanni Baptista Platamonio* Sicilię dudum Proregi, Regio Secretario, Alphonsus, *IV*. *u*. supra *XX*. florenis acceptis, assignavit; quumque *Guillelmus Raymundus Moncada*, biennio post, obitus luendi, quod sibi Rex reservaverat, oblatis insuper *V*. florenis *u*. *Acim* impetrasset; Platamonius in Regium ærarium *XLV*. flor. *u*. illatis, illam sibi denuo vindicavit, ac *Julio Sancio* filio reliquit, anno *MDCCCLII*. ejusdem Alphonsi literis confirmato. Mortuo Alphonso, Joannes ejus. frater Sibilię adeptus, ab *Julio Sancio* *Acis* opidum & Castrum repetebat, quod Petri Infantis testamento sibi deberi asseribat. Lite hinc in R. Sicilię M. C. instituta, hæc pro Joanne decrevit, quod Sancijs indigne ferens a Rege desciit *MDCCCLXIII*. ac sese in Castro tutavit. At Nicolai Septimi opera, eo expugnato,

pugnato, Sancias & filius capti in Catanensi Urbsina arce, ad mortem usque carceri addicuntur. Regio hinc dominio *Acis* cessit. Bello non diu post perurgente, Joannes ipse *Acis* dynastiam *Bernardo Requesensio* tunc Proregi vendidit mccccxv. a quo, *Siciliæ* Quæstoris opera, *Antonius de Magistro Antonio* majori auri summa in ærarium illata, triennio elapso repetiit. Verum *Guido Reitanus* xl. flor. m. Regi protulit, & *Acim* in clientelam suscepit. Id rescians *Magister Antonius*, qui eo pacto emerat, ut cuicumque alteri potiore auri summam exhibenti, præferretur, congruam Quæstori pecuniam solvit, & in possessionem fuit rursus inductus. Post hujus obitum *Aloysius de Magistro Antonio* filius mccccxxxviii. sufficitur; huic vero *Salvator* successit sæculi xvi. anno v. qui ad xxviii. tenuit. Eo enim decurrente, ubi *Acenses* Jus luendi a Curia venum expositum intellexere; ac Salvatorem, ut sibi illud vindicaret, ad v. m. Quæstori obtulisse; Catanensis Senatus opera, ejusque ad *Carolus Cæsarem* legati Hieronymi Guerreræ industria, totidem florenos exhibentes, ad Regium Demanium revocari impetrarunt ex literis xxv. Julii mxxxvi.

Perstitit igitur *Acis* Civitas universa Regia sub potestate ad sæculum & ultra, crevitque, uti innui, maxime præ ceteris Aquilia; donec anno mxcxlv. facta ejusdem ab aliis divisione, quam decennio ante Regii Consulares designaverant; illa quidem in *Demanio* remansit, reliquæ vero, civitatem conflantes regiones *Nicolaò Diana*, qui aureos m. m. supra xxx in Regium ærarium intulit, sunt addictæ. Exceptit *Nicolaum Guillelmum* filius, tenuitque *Acim* S. Antonium, Catenam, S. Philippum, adnexosque vicos ad

ad annum MDCXLII. quo *Stephanus Riggius* Campifloridi Princeps Regni Quæstori xxxvi. *Dianis* totidem scutata millia solvit, Terrasque ac opida enumerata sub clientela in perpetuum accepit. Vicos inter ille quoque de *Plataniis* computatus; sed paullo post uti *Acis Aquilie* pars, huic cessit. Fulsit porro *Stephanus* jure uxoris Campifranci etiam Princeps, ac Ginestræ primus Marchio fuit, præcipuisque muniis in patria functus, Proregis vices arduis in rebus gessit, Catanae vel maxime anno MDCXLIX. quum urbi ab Ætnæ incendiis vastitas ingrueret, Regi a Cubiculo, ejusque Ærario a Rationibus, Patriæ ad varios Principes Legatus, ac Messanæ demum Strategus adlectus. Hunc Cœnobii Minoritani apud Acim Catenam authorem paullo supra vulgavi; At quum ab anno MDCXXXIII. illud auspicia habuerit, insignem benefactorem tantum MDCXXXIX. Stephanum agnovit. Tulit ex uxore *Angela Aloysium* primum Catenæ Principem, S. Jacobi Equitem, XII. Regni virum, ac Panormi Prætorem. Nuptias hic cum Francisca Saladino celebravit, unde *Stephanus* progenitus, Acis S. Antonii, & S. Philippi Princeps, aliisque dignitatibus clarus; Andreas Catanenensis Ecclesiæ ad plures annos Episcopus, alique prodierunt. *Stephano*, & Dorotæ Brancifortiæ nati sunt *Aloysius*, Andreas, Michael, & Petrus. Hic Romæ inter Prælatos adscriptus, florenti ætate mortale exiit. Andreas Hispanicæ Classis supremus Præfectus vivit; Michael Neapolis Regis Talassiarcha, S. Januarii Eques, dudum Regni totius Præses, hodieque utriusque Siciliæ cum aliis Regens. *Aloysius* Princeps, Siciliæ primum Architalassus, ac Proregis Vicægerens claruit, mox in Hispanias profectus, Valentia, & Orani Pro-

rex, Exercitusque Imperator; Ad Venetos Legatus cum plena per Italiam potestate, eodemque munere Parisiis functus, ubique summam animi moderationem, prudentiam, dexteritatem, ac munificentiam præfetulit; Hinc inter Hispanos Magnates, S. Jacobi, S. Spiritus, ac S. Januarii Equites annumerari meruit, variisque honoribus affici; in familiarem demum consuetudinem summis Principibus venit. Quietis amore omnibus valedicens, quum sibi, ac Deo aliquandiu vixisset, in Valle Viridi ditionis suæ opido, uti optaverat, anno mcccviii. mortem expectavit, ibique cum dilecta uxore communi sepulchro e marmore elaborato tumulatur. Fuit hæc Catharina Gravina, cum qua *Stephanum*, Ignatium, Carolum & Balthassarem genuit, muniis & dignitatibus auctos. Primus, quem adhuc vivens inauguravit; primaria Militiæ Præfectura Siciliæ Regis, ejusque in Hispanias Legatus, Castelli Novi Neapolis Præses, ac Regni demum Regens hodie vivit ad majora. *Acis* est latitudo grad: xxxvii. xl. longitudo gradum xxxix. pene contingit.

ADRANUS Fluvius. Veniunt hoc nomine aquarum venæ, quæ sub opido ejusdem nominis copiosissimæ emanant, & in Symethum sese condunt. Ex illis duo veluti gurgites e solo exiliunt, unusque *Clarus*, alter *Niger*, quod ille limpidas, hic limosas emittant aquas, appellantur, quos falsa persuasione Dellos, seu Palicinos fontes nonnulli credunt; *Adranus* enim superstitiosæ gentilitatis Deus Palicorum pater Hesychio vetusto auctori dicitur; & Palicorum fabulam juxta Symethum nonnulli statuunt. Nec desunt denique, qui *Adrani* fluminis nomine Symethum ipsum venire adstruant: Et nostra qui-

quidem ætate Symethus *Adrani* finibus suffusus, atque ad ejus trajectum scapha ab *Adrano* nuncupatur.

ADRANUM Opidum frequens, & dives titulo Comitatus insigne, originis antiquæ; atque Diodoro, Plutarcho, Nymphodoro, Æliano, Silio, & Plinio satis notum; Græcis cum adscriptione *Hadranum*, uti & Latinis plerisque; sequiorisque ævi scriptoribus *Adernio*, ac Siculis *Adernò*; sub Ætna monte, ad occidentum hibernum solstitium sedet in collibus supra Symethum. Illius author Diodoro lib. 13. Dionysius Syracusarum Tyrannus: *Dionysius*, ait in *Sicilia opidum sub ipsum Ætnam montem constituit, quod ab insigne quodam fano Adranum vocavit*. Hinc quod ante Dionysium sub Ætnæ, seu Inessæ nomine floruerit, parum historiæ congruit. Extabat quidem Ætna, Inessa ante Hjeronis ætatem, sed ejus situm alibi constituo. Respondet sub Dionysio *Adrani* ortus Olympiadis xcv. an: 1. ante natum Dominum cccc.

De *Adrani* fano, unde opido vocabulum, Plutarchus in Timoleontis vita: *Adranitæ exiguum quidem, sed Deo cuidam Adrano, quem tota Sicilia religiosissime veneratur, sacrum, opidum incolbant*. Ælianus de Animal: lib. 2. cap. 20. *In Sicilia Adranum est civitas, ait Nymphodorus; & in eo Deo indigenæ templum, quod valde magnificum esse refert. Sed & alia, quæ de Deo narrant, quamque sit clarus, propitius & prompte facilis in supplices, a libi videbimus*. Canes nempe numero ad u. circa templum, a Sacerdotibus enutritos, peregrinis, qui ad Deum religionis causa properabant, blandientes excepisse; contra vero impios latratu, & morsibus fugasse, prædones denique crudeliter discerpendo abjecisse, pisque ac devotis ad domos quasque suas noctu du-

catum præbuisse. Hæc Ælianus. Nimirum *Adranus* heros est ille, cui divino Palicorum responso, juxta Macrobiū, quum insulam sterilis annus arefecisset, admoniti Siculi certum sacrificium celebrarunt. In templo Timoleon post adeptam contra Icetem victoriam, more gentis sacra fecit. *Adranum* quippe, falso errore ducti viderant incolæ pili cuspidem concussisse, sudoremque facie exhalasse, quod ostentum in peractę ab eo Duce pugne omem susceptum, Timoleonti urbem ineunti *Adranitę* enarrarunt. Ad aram porro eundem Corinthium cęremoniis intentum, quum duo submissi ab Icete milites, rusticos mentiti, invadere tentassent, deprehensi, ubi rem detexere, liberi sunt dimissi, uti in Historiis ex Plutarcho recitavi.

Prope id Fanum igitur olim *Adranum* surgebat, sed hodierna civitas laxiori spatio extensa passim putatur. Florebat sane inter alias insulę non ultima; Diodorus enim, qui Vicum *Adranum* frustra cum Macella a Romanis oppugnatum affirmat; de Opido ejusdem nominis olim in Mazarenſi ditione loquitur, uti Cluverius advertit. Silius cęterolib. 4. *Adranitas* nostros eos inter populos enumerat, qui Marcello Conf. suppetias ministrarunt. Eosdem inter Meditęraneos Sicilię Plinius recenset. Satis demum illustres cusa numismata ostendunt, illa cum epigrapha ΑΔΡΑΝΙΩΝ, in quibus Aquilę unguibus, & rostro Leporem dilanans ex una, Cancer, sub quo Piscis, ex postica exhibentur. Tum alia, ubi Apollinis caput, aut *Adrani*, ejusque lyra cum inscriptione ΑΔΡΑΝΙΤΑΝ spectatur. Extabat Sarracenorum ævo, uti ex lapide constat ab Ecclesia S. Dominicę haud procul, Arabis characteribus signato, quorum est

est interpretatio apud Pirrum, mox infra referenda. Sub Northmannis Principibus demum non ignobilis effloreat; Neptisque Rogerii Comitis Adelfia, opidi Comitissa sepius in historiis laudatur. Tunc excitatam ingentem illam turrim tradunt, quæ omnium prima in *Adrani* descriptione occurrit. Est ergo quadrilatera ad ccc. circiter cubitus sese in altum subrigens, cum lorica, prætentis propugnaculo, & ponte; Imi interni fornices noxiis custodiendis addicti; superiores concamerationes, triplici ordine, aulis amplissimas, conclavesque olim ostentabant magnificos; hodie enim susdeque abierunt, nec habitantur.

A Turri haud longe Princeps templum circa occasum Deiparæ nomini sub Assumptionis titulo dicatum, amplum ac decentissimum, quod paucis ab hinc annis, quum ruinam minaretur, in solidiorem formam est concinatum, cum triplici navi, & absidibus. Est unicum Parochiale, & Canonico Collegio instruitur, circa elapsi sæculi annum xc. Episcopi Catanensis, & Diocesani jussu constituto, subindeque Rom: Pont: auctoritate mcccvi. confirmato, cujus Proposito, & Dignitatibus, uti appellant, Parochi munera attribuuntur. Ante Templi aream, quæ satis patens & spatiosa, Civile Prætorium, ubi Magistratus, & Consulares jus exercent. Reliquæ civitatis regiones suas habent sacras ædes, quas dicunt filiales, ubi Divina ad incolarum commodum custodiuntur; Quarum præcipua in centro S. Petri, opidi tutelar, ædificiorum splendore, & interno cultu omnino conspicua nitet. S. Apostoli enim est capella magnifica, aræ tabulis ornantur antiquis, & nobilibus, a celebri Engitano Claudio effictæ. Solemne denique festum Kalendis Augusti ingenti pompa cum nundinis in ea celebratur.

tur. Jam alteri Regioni, seu tertiæ ad orientem SS. Salvatoris Ecclesia, decens & ipsa, sacra ministrat; juxta quam Domus hodie videtur pro spiritualibus Exercitationibus insignis; & iv. sub S. Leonardi Episcopi auspiciis ad æstivum solstitium. Præter has spectandæ se efferunt Ecclesia S. Mariæ de Catena, publico ere, eleganti schemate extructa, & convenienter dotata, in qua Nonis Augusti festivo totius opidi plausu, Deiparæ, uti Patronæ vota solvuntur; necnon illa S. Nicolao Anachoretæ, *Adranensi* civi sacra, eodem in loco, ubi hic natus dicitur, ædificata; minores aliæ sunt xii. cum sodalitiis.

Inter Cœnobitas primum sibi vindicant locum Moniales S. Lucie V. & M. quarum Claustra laudata Adelasia Comitissa extra opidum anno mcl. fundavit, bonisque ac prædiis largissime auxit, adeout illarum coloniam, Catanam deductam, sub ejusdem Divæ titulo, majores nostri viderint. Extant in agro *Adranensi* Monasterii, & Ecclesiæ ab Archiep: Barenfi mclix. consecratæ rudera, anno enim mxxvi. in aream Rosarum, ad australem opidi oram translatus, magnificū hodie assurgit; medium enim occupat Ecclesia, utrinque ædificia ab ortu ad occasum longo spatio extenduntur, & advenarum oculos ad se convertunt. In opidi pene centro Fratrum Prædicatorum ab anno mxxiii. cœnobium sub SS. Rosarii nomine subrigitur, quod ante xxx. extra fuerat in S. Mariæ de Gratia constitutum; Hanc autem Adelasia Catanensi Ecclesiæ cum terris circumpositis assignaverat. Ad occidentalem plagam Minoritani de Observantia amplum, frequensque incolunt Asceterium. Illud, Uvadingo teste, B. Matthæus ab Agrigento ædificavit, & si Pirrus anno mcccxxvi. post Matthei obitum

obitum *Adranensem* Comitissam dedisse eidem auspici-
 cia scribat, sub S. Mariæ de Jesu vocabulo. Generalis
 est Ordinis Academia post Messanensem, & su-
 premo subditur Ministro, qui Scientiarum Professores
 designat. Templum sacro, de more Ecclesiæ, li-
 nivit oleo Ludovicus Contrizerius Carthaginiensis
 Episcopus sæculi xvi. anno xii. & insignioribus dona-
 vit reliquiis, de ligno S. Crucis, & de Spinis Coronæ
 Domini. Virginis denique simulacrum de Monte
 Serrato titulo, in devota capella exornat, populo ob
 accepta beneficia specialiter cultum. Regionem op-
 positam, ortivam nempe, Fratrum S. Augustini insti-
 tuta profitentium Conventus ad S. Mariæ Annuncia-
 tæ Ecclesiam nobilitat, quod extra pomerium anno
 mccccxiv. coaluit; sequenti vero sæculo in ipso opi-
 di aditu circa lxxxv. annum locatus nitet. Ad ccc.
 passus, hac ipsa plaga, Capuccinorum ære publico,
 mxcv. constitutum cœnobium consurgit, & via pu-
 blica primum occurrit, sub Immaculatæ Conceptionis
 Deiparæ Virginis auspiciis. Novissimè mccccxxviii.
 sedem *Adrani* fixerunt Regulares Scholarum Piarum
 Clerici Petro Spedalerio Cunci Barone dotem ab an-
 mccciv. suppeditante, & Petro Costa Ecclesiæ Canto-
 re census subinde augente, ut studiis opidanorum
 promovendis incumbere. Præter illud S. Lucię Be-
 nedictinum, Sacrarum quoque Virginum S. Claræ Cœ-
 nobium ad majoris aræ latus aquilonare decentissimè
 constructum spectatur, auctoribus Petro, & Agatha
 Bruno mpcvii. Hinc Pauperum Virginū sub cura Mo-
 nialium Ordinis S. Tereſiæ artissimæ vitæ studiis inhe-
 rentium, parthenon ab eadem area haud procul, contra
 Turrim ab an: mdxciii. fundatus; ac demum Hospitalis
 se offert domus, in qua Alborum sodalitas de egrotis

&

& peregrinis sollicita, misericordię operibus intendit. Publica hæc ædificia non vulgarem opido decorem conciliant; sed civiles privati lares præcipui ornamenti quoque esse videntur, nec enim aut elegantia, aut amplitudo in illis desideratur. Leniter cetero declivis est *Adrani* situs, viæ & fora optimo ordine disponuntur, ac inter mediterraneas civitates non ultimum locum occupat. Magistratus in ea civilis hodie IV. Viris & Proconservatore constat; Strategus olim, Turrisque Præfectus de criminosis judicabat, cui nunc Dux, vulgo *Capitanus*, substituitur; Suos hic habet Judices, Ministros, & Apparitores. Urbana, seu indigena Militia Agyrensis Præfecti juribus subjicitur, constatque peditibus 78. equitibus 9. Sed Legionis vexillum, signumque *Adranita* custodiunt. Stemma falsi olim Numinis *Adrani* hastati, ac armis contexti simulacrum refert. Census sæculo XVI. lares 800. animas cum proximo Albævillæ opido & Centuripe 6438. Sequentis anno III. lares 1527. incolas 5933. Anno MDCXII. focos 1520. cives 5181. & novissimè 7525. exhibuit. Ad Comarchiam denique Randatiensem spectat.

Ager late patens ad *Ætnæ* montana, nemoris ejusdem non exigua claudit partem, in occasum vergentem, in quo Pineta, Quercetusque, altissimas arbores & annosas ingenti copia suppeditat; Serræ hinc aquarum ope, ac vi agitatę, illis secandis adhibentur, ad circumpositę provincię commodum; vineis hinc, fructiferis arboribus & pascuis lætissimis affluentes campi nemus excipiunt. Qua vero ad ejusdem radices ager idem vergit, Symethi fluminis ripas complectitur, & oletis, frugibus, oleribusque abundat; aquis enim undique irriguus, copiosissimas fert messes,

messes, & colonorum laboribus respondet. Ad *Adra-*
nensem spectant ditionem Centuripis & Albavilla
 opida hodie, quæ sua celebritate non destituuntur,
 de quorum primo in Valle Neti actum, de altero
 suo loco, quæ occurrunt, reponam. Civitas præterea,
 seu locus olim a Servis munitus, in occidentem paullo
 ante Symethi trajectum, ubi pons lapideus a Car-
 caci proximo opidulo appellatus, spectatu digna se
 offert, veluti insigne vetustatis monumentum; patet
 enim in ambitu bis centum circiter passus, atque
 ad Symethi margines tendit; fossam ætenses inter
 lapides excavatam pro vallo habet; ex aliis plagis
 muro ex eisdem lapidibus ordine aggestis munitur,
 absque calcis litura. Eodem artificio & industria
 compacta tuguria, uti apparent, intra vallum & te-
 gularum fragmenta sparsim ubique occurrunt. Quod
 Servilis belli temporibus sint rudera hæc tribuenda,
 alibi ostendam, de Paternione loquens, in cujus terri-
 torio non absimile antiquæ ætatis perdurat vestigium.
 Non hic omittendæ veniunt ejusdem agri vetus Ec-
 clesia, S. Dominicæ sacra, in Policello campo; Ejus
 enim meminit Adelasia in diplomate, quo S. Lucie
 Monasterium, terris designatis ad Monialium usum,
 munerata est anno mcl. Creditur quippe veterem
 ibi memoriam superstitionis gentium religionis exti-
 sisse, Musis dicatam; hinc *Vallis Musæ* locus dicitur;
 hec non Annunciatæ veteris Ædes, ubi primum, paullo
 supra opidum, Augustinienses incolere. Superfunt
 enim ingentes antiqui ædificii reliquiæ, quas opi-
 dani Martis fani fuisse contendunt. Tandemque S.
 Mariæ de Robore Grosso Monasterium olim, sub
 Prioratus titulo, ordinis S. Benedicti, Licodiensis ejus-
 dem instituti adnexum hodie; a quo haud procul in-

gentis ædificiū perſtare rudera, Vulcani Templi in Ætæna, ſcriptoribus memorati, veſtigia affirmant.

Apud Gualterium in Siculis tabulis hæc lego: *Policellum xii. ſtadiis ab Hadrano, rupi incifa ad ſcaturiginem: Ceamadiacus. Pheſnus. Poulenus. Lalus. Raiſphus. Pius - Hadranum Comitatus Domini Ducis Montis Alti: Camiſtratus. Ratori. F. - Niceus - Chiſchylus. Chryſoli. F.* Proſtremam hanc refert etiam Pirrus, qui de S. Dominicæ Eccleſiæ, cujus memini, loquens, & de Policello: *Ibi in nigro lapide,* ait, *hæ Sarracenicæ leguntur literæ, latine: Hic in hoc loco fuit caſus necis Albugazari Principis Sarracenorum.* Illuſtres Viros *Adranum* genuit: B. Nicolaum Politum Eremitæ in Alcaræ finibus incolam, cujus vitam virtutibus, & prodigiis plenam, exitumque ſanctiſſimum liber continet typis editus ex Actis ejuſdem, & apud Cajetanum habes. Joſephum ex ordine Capuccinorum Laicum, uti dicunt, qui per annos plures ad ſtipis poſtulandæ pro alimentis fratrum munus deſtinatus, vitæ innocentis exemplis cunctis præluxit; orandi ſtudio addictus, edomandæ carni cilicio, jejuniis, flagellis, ac vigiliis perpetuo intentus, ab omni labe ſe liberum conſervavit. E Caſtroregalenſi Cenobio, ubi diu vixerat, ad S. Luciam delatus, ibi piſſime mortale exiit ſæculi hujus an: xviii. Annam de Rege religioſiſſimam ſceminam, Minoritanum inſtitutum profeſſam, morum puritate conſpicuam, cujus res geſtas Franciſcus Muſca vulgavit; & Annam Petraſanctam ex Capuccinis, virginem pietate inſignem, cujus ſpiritum idem Franciſcus probaverat. A ſcientiis commendati *Adranita* quoque florere Auguſtinus Pignatellus celebris per Italiam Orator; Peregrinus Scarvaglia, & Fulgentius Peco-
corella

corella a sacris scientiis, & perorandi arte, gestisque primis in provincia muniis a Bonaventura Attardo Augustinienſi inter ſuos egregiè commendati. Laudatur etiam Peregrinus a Mongitore in Sicula Bibliotheca. Joſeph Galletto Sacerdos, qui humaniores literas, muſasque coluit. De *Ætnæ* incendiis metro ſcripſit, & alia Poëſis monumenta edidit ab eodem Mongitore enumerata.

Adrani Comitibus ab ipſo Northmannorum ævo memorantur: *Adelaſia* enim ex Mathilde, ſive Emma Rogerii Comitis filia, & Rodulpho Montis Caveoſi domino orta, id opidum prima accepit & *Adranenſis* Comitiffa evaſit, Raynaldo Avenello conjux effecta *Adam* & Mathildem procreavit. Ille N. Rogerii Regis filię copulatus *Rogerium* in Comitatu heredem habuit, qui Guillelmi Regis inaugurationi interfuit, ſeque cognomento de Aquila, & Avenelli Comitem dicit: Fuit etiam Fundanus in Campania & Politienſis in Sicilia Comes. Ad ejus deceſſu *Guafteriam Pariſſum* Comitem anno mclxxxv. invenio, primisque Aragonenſium temporibus *Petrum Lucam Peregrinum*, cujus filię *Matthæus Sclafanus* matrimonio adjunctus, Centuripis & *Adrani* dominus evaſit, & Comitatus inſignia ab Rege accepit, Idem Cluſæ, Sclafani, Ciminna Dynaſta effuſit, uti ex Friderici II. Cenſu evincitur. Tulit ex bina uxore Bartholomæa de Inciſa, & Beatrice Calvella duas filias Aloyſiam Guillelmo Peraltæ, & *Margaritam* Matthæo de Moncada traditas, decedensque ex peſtilentia hanc in bonis citra Flumen Salsum, illam in ultra, dominatus hæredes dixit.

Matthæus itaque *Moncada Adrani* Comes effectus, Panormi celebre palatium mcccxxx. excitavit ac

præclare alia molitus est, cui *Antonius* filius ex *Allegiantia* Abbate post aliquot menses a patris obitu in lucem datus, successit. Evasis hic Martino Regi insensus, sed mox in gratiam receptus, inter Proceres mccccviii. venit. Sine prole post quinquennium morte sublatus, *Joannem*, ex *Guillelmo* Raymundo fratre natum, Comitem suo testamento reliquit, qui Siciliæ Senescalcus, Cancellarius, & Magister Justitiarius vixit. *Joannem Guillelmus Raymundus* excipit, qui *Adrani* Comes est dictus; alter verò illius filius Raymundus Perius Ferulæ Baro constituitur. Protulit porro eos ambos *Andrea* Sfammaler Matrona Majoricensis, Joannis uxor. *Guillelmo* Regni Cancellario, & Apuliæ Proregi *Joannes Thomas* obtigit filius, cum *Diana* Sanseverino genitus, ab anno mccccxi Comes renunciatus, ac post Patris mortem Siciliæ Justitiarius adlectus, iterumque Regni Præses, atque exercitus supremus Imperator, armis demum & literis illustrissimus. Habuit ex Raymundetta *Vigintimillia Guillelmum Raymundum* hujus nominis ex Montecatinis vi. qui an: mbi. Patris heres renunciatus, ejus nedum præclara munia, sed & egregias virtutes est assecutus. Duxit in uxorem *Antonii* Montecadæ Calatanixectæ Comitis unicam filiam, quæ illi *Antonium* peperit, multis nominibus sub *Carolo V.* Cæsare commendatum. Tenuit cum Patris, Matrisque dynastiis, Paternionem, & Mottam S. Anastasiæ, auctusque est ex *Joanna* Eleonora de Luna *Francisco* filio, qui patri successit, Paternionis Princeps inauguratus, uti de Calatanixecta loquens recensui; Ejus hinc successores ibi laudatos consule. Est hodie *Adrani* Comes *Antonius Alvarez de Toledo*, *Vincentii Ferrandina* Ducis, & *Catherinæ de Moncada* filius;

q uos

quos etiam Calatabellottæ Proceres enumerans commendavi. *Adranum* ad gradum latitudinis xxxvii. xxx. & longitudinis xxxviii. xxv. constituunt,

ÆOLIÆ Insulæ, *Liparis* vulgari voce, ab præcipua illas inter, & *Vulcaniæ* a montibus in eis ignivomis dictæ; Tyrrheno mari ablutæ; Italiæ, & Siciliæ objacentes, sed huic proximiores; ad ejusdem aquilonare latus sitæ, contra Mylensem agrum; minime aliæ, aliæ vero majores; Illustres apud Poetas passim habentur; quod *Æolus* ibi Ventorum Rex sedem statuerit; *Vulcanusque* Ignis Pater officinam in iis habuisse dicatur. Inde *Æolia*, & *Vulcaniæ*, Græcisque *Ephestiades*, sunt appellatæ; *Plotæ* ab Homero etiam vocantur, quia scilicet sunt mari circumflux. *Arnes* Giannattasius ex Diodoro nuncupavit: *Boetus enim*, inquit hic, *ad Æolum paternum avum veniens, ab eoque loco filii habitus, Æolidis regnum adiit, regionique nomen matris, Arnem appinxit.* De situ porro idem Diodorus lib. 5. hæc habet: *Jacent istæ insulæ inter Siciliam, & Italiam, directæ ab fretu, & ortu solis ad occasum cursu; ab Sicilia clifere stadia distæ; Magnitudine inter sese quasi pares; Maxima verò, nempe Lipara, stadiorum cl. ambitum habet.* Plinius vero ex adverso Metauri amnis, qui Italiæ partem, Calabriam abluit, xii. ferme pass. u. dissidere *Æolias* tradit. At error in ejus irrepsit exemplaria; Marcianus enim Capella, & Solinus illius Epitomatores u. pass. xxv. ab Italiæ abesse *Æolias* scribunt, & tot revera computantur.

Jam de numero earum non convenit. Fazellus enim x. esse insulas affirmat, iisque Phœnicudim, & Bricudim accenset. Veteres uno ore, vii. evulgant, quorum sententias Cluverius ex integro refert; quam-

vis ex illis nonnulli, uti Servius & Isidorus ix. repetito duarum nomine, Appianusque v. omnino faciat, Phenicusa & Ericusa, quod ab Æoliis distent, seclusis. Oritur discrepantia ex eo, quod parvos, veluti scopulos omittunt, & ex illis una *Vulcanellus* noviter vi ignium e mari emerfit, uti mox dicam. Deem Ego cum scopulis recensco, quibus, si Phenicusam & Ericusam addideris xii. erunt. En singularum hodierna nomina: *Lipara, Vulcanus, Lissalbas, Salina, Strongolis, Panaria, Basiluzus, Vulcanellus, Dattilus* & ex Scutteri mappa *Tilanavis* habetur, ultra *Alicurim, & Filicurim*. Vetusta vero vocabula: *Liparis, Vulcania*, aliter *Thermissa, & Hicra, Eonimos, Didyma, Strongyle, Phanicudes*, seu *Phenicusa, Ericodes*, sive *Ericusa, Hicessa, Heraeleotes. Vulcanelli* ex antiquis meminit nemo, & Plinii ætate, aut paullo ante enatam tradunt. Cur vero *Hicessiam, & Heraeleotem*, quæ medietate inter alias jacent, aliis non faciant recensere divinare non auserim. Præter Eusthatius & Ptolemæus meminere; *Heraeleotem* in Insulari Itinerario descriptam nihilo minus videmus, uti Cluverius advertit. De Naturæ dotibus, propriis in locis fusius differam. Ignivomas cetero ex illis duas esse, *Vulcaniam, & Strongylem* experientia hodie satis demonstrat. *Liparam* incolis frequentem, nonnullas pene steriles, quasdam colonorum industria secundas, omnes denique montosas.

ABTNA Mons celeberrimus, altitudine, extensione, ac naturæ dotibus inter ceteros Europæ facile princeps; dictus ab *Ætna* nymphea, si Poetis credimus, *Briaræi Cyclopis*, ex *Demetrio Galatiano* filia, aut *Cœlo, & Terra* orta, juxta *Alcinoi* fabulas; vel demum *Sileni* testimonio *Oceano* patre; sed rectius

ex Græco vocabulo ΑΙΘΕΙΝ, quod est latinis *Arde-
re* Cluverio, Natali Comiti, Valguarneræ, aliisque
scriptoribus appellatus. Ab Sarracenis vero, qui diu
Siciliam vexarunt, *Gibel*, seu Mons, & Siculis sub-
inde *Mangibellus* veluti *Mons Montium*. In ortivo
insulæ latere, ac ejus pene medio, solus, absque al-
terius montis conjugio ad m. pass. m. Christophori
Clavii relatu, qui quadrantis ope illum dimensus est,
perpendiculariter elevatur, amplissimis radicibus ad
pass. m. c. per gyrum extensus, quas abluit, ad ortum
Jonium mare; ab austro Catanensis ingens planities;
& Symethus Fluvius ab occasu ambiunt, longoque
tractu ab aquilone colles definiunt. Ejus sunt aspera
juga passim; at alicubi leviter declives tumuli, necnon
latæ planities latera compingunt, quæ tamen emi-
nus intuentibus conice consurgere ad summum ul-
que verticem videntur, proprius vero considerata
acervum potius exesarum rupium, colliumque con-
fuso ordine assurgentium repræsentant.

Hæc eadem porro latera tres in regiones divi-
duntur. Suprema enim sterilibus utpote arenis, & fa-
xeis molibus constans, ac nive insuper perpetua, pau-
cis exceptis mensibus occupata, infecunda audit.
Media opacis roborum, cerrorum, abietum, fago-
rum, quercuum, pinarumque nemoribus obducitur;
humiles frutices, juniperos vel maxime, Botanicis sa-
tis notos, quibus enumerandis vix pagina sufficeret,
necnon cryptas spatiosas & profundissimas continet.
Inferior denique vineis, oletis, pomariis, omnisque
generis arboribus, aquarum venis copiosissimis, vi-
cis, castellis, opidulis, ac civitatibus, omnis per cir-
cuitum tali & tanta copia instruitur, uti naturæ spe-
ctaculum vocari possit, perpetuumque merito haberi
queat

queat viridarium. Ab hujus porro regionis extremo in austrum ad supremi verticis summitatem xxx. fere pass. m. numerantur; ab ortivo Tauromenitano littore, ubi acclivior est ascensus xx. totidemque ab occidente, ex amnis Symethi ripa; a Randatio denique aquilonari opido, ejusque finibus minor intercapedo, ad xiii. scilicet pass. m. computatur. Jure hinc a Seneca Trag. *Vertex Siculus*, a Pindaro Ode 1. *Pythæ Columna Cælestis*; inter montes *Tipheus*, sive *Gigas* ab Silio dicitur. Quocirca potior Siculi litoris pars ex eo cacumine, summo cum oblectamento prospectantibus sese objicit.

Sed jam de hoc vertice aliqua raptim dicamus. Patet ille per gyrum non minus quam iii. pass. m. in cuius medio crater ingens erat, crepidines variegatitudinis ad aliquot passus habens. Hic, qua caurum mons respicit, tumulo non ardui ascensus extumebat, ubi os maximum, seu caminus erat. Anno enim elapso facies hæc verticis omnino immanesta, tumulus quippe, ignis vi, ad orientales crateris oras erumpens biceps est factus, e cujus centro flamma, fumusque ad hanc usque diem se effert, unde & elatior mons ipse evasit. Interior porro fornax sulphure, aliisque mineralibus exundans, vi ventorum accensis, insignis magnitudinis lapides, montis scilicet viscera, cineres, immensos fumi globos, flammæ, ignitamque demum materiam egerit, non raro absque murmure; sed horribilo sæpissime boatu, & tanta proximi aeris, & remoti etiam concussione, uti consternatis mortalium animis, mons ipse ab imis ruere videatur. Ignis ceterò ubi abundaverit, craterem totum complens, oris disruptis, modò ex uno, modò ex altero latere hucusque effluxit; paucis vero ab hinc, nonnisi ad hiber-

hibernum ortivum solem viam sibi, cursumque aperuit. Excreſcente per vices materia, inferiora latera diffinduntur, enormis liquefactorum lapidum congeries egeritur, qui vastitatem subjectis campis Catanam usque, & alibi per circuitum inducunt. Hęc sunt incendia illa, quorum historias scriptores non pauci promunt, & Fazellus accuratè Decade 1. & Ego in Additionibus ad nostra hęc tempora literis consignavi

Novissimam e summo ore aquarum eruptionem, quibus ingens orientalis, meridionalisque lateris vallis completa, quæque calidæ & sale infectæ per rimas subinde, hiatusque montis absortæ perierunt, accurate descriptam habes ab eruditissimo Josepho Recupero, peculiari opusculo, in quo etiam & igneos vomitus, eodem ferme tempore egestos exposuit; Elapsi vero anni & decurrentis incendia, unde biverter *Aëna*, uti innui, effectus, a se diversus omnino apparet; idem Recuperus brevi evulgabit. Modum hic excederem, reliqua ad illum spectantia etiam per compendium memorando; teruntur enim omnium, manibus libri, quibus celeberrimi hujus naturæ spectaculi dotes recensentur.

AETNA Opidum vetustissimum, *Inessa* quoque appellatum, de cujus situ variant opinione Sicularum rerum Scriptores. Ad Masçalim, in orientali cognominis montis latere locavit cum Ferrario Fazellus. Circa meridionalem plagam, ubi S. Nicolai de Arena Benedictinum Cœnobium, Cluverius. Carrera supra Paterniensem, loco, quem hodie *Civitam* appellant. Cum Adrano confundunt plerique Geographi, civesque Adranitæ id mordicus sustinent; Ego autem conjecturis agens, ubi hodie S. Mariæ de Licodia, S. Benedicti institutis additum, Monasterium

Torn. III.

F

sedet.

sedet, locatam *Ænam* alibi in notis ad Fazellum protuli, Strabonis testimonio vel maxime innixus. Ejus sunt verba lib: 6. *Propinquum Centuripis est opidulum Æna, excipiens eos, & deducens, qui montem Ænam volunt ascendere; hinc enim in altum sese mons astollere incipit.* Est porro Licodiæ collis contra Centuripem, inde mons sese in altum subrigit, & vetusta ætate fortasse ex eo deducebantur, qui ad *Ænæ* verticem evadere cupiebant; quamvis hodie aliud passim iter e Catana ascendentes teneant. Antonini porro Itinerarium habet: *Centuripe Æna* xviii. *Catina* xii. Tabulæ vero *Centuripe Æna* xii. hinc transpositas numerorum notas apud Antoninum putarem, legendumque: *Centuripe Æna* xii. *Catina* xviii. Quæ sane distantia sic emendata Licodiensi Monasterio omnino congrueret; quamvis Cluverius contra in Tabulis errorem deprehendat, seque Strabonis textu tueatur, Catanâ abesse *Ænam* stadiis lxxx. scribentis. Thucydides lib. 6. *Reversi Athenienses navibus Catanam, cum omnibus copiis ad Centuripa opidum Siculum profecti sunt, quo quum ex conventionem intrassent, abierunt simul incendentes segetes Inessentium & Hybleorum. Æna* olim Inessa dicebatur; Ager hinc Inessensis, frugesque ad *Ænam* spectabant. Hybla omnium fere scriptorum calculo, aut ubi hodie Paternio, aut in proximo tumulo ad Paternionis occidentem plagam stetit creditur. E Centuripe idcirco Athenienses Catanam revertentes, subjecto igne Inessensibus, & Hyblæis segetibus, eodem ferme itinere per utriusque opidi campos ducebant. Quum igitur sit Licodiæ ager Paternionensi conterminus, uti Hybla ad Paternionem, pari ratione fuerit Inessa ad Licodiam statuenda.

Qua

Qua occasione, quoque tempore Inessa in *Ænam* migraverit, Diodorus lib. 11. habet: *Hiero Syracusanorum Rex Naxii, & Catanensibus ex urbibus suis ejectis, novis urbibus incolas imposuit; ad v. hominum ex Peloponneso colligens, totidemque e Syracusis adsciscens, Catanamque mutato nomine Ænam dixit.* Et paullo post: *Duceus in Sicilia Siculorum Dux incolis Catane ob ereptum Siculis agrum infensus, arma in eos movet; at quum aciem Catanenses opponerent, multis devicti preliis, tandem Catana excesserunt, urbemque nunc Ænam, prius Ennesiam vocatam occuparunt.* Catanenses intelligit hic Historicus novos ab Hierone inductos colonos, antiquis civibus ejectis, qui Inessam, sive, uti appellat, Ennesiam migrantes, ab Ætna, quam reliquerant, denominarunt. Sed clarius Strabo rem explicat. *Priscos autem incolas Catana amisit, deductis ad alios ab Hierone Syracusarum Tyranno colonis, qui Catane etiam nomen in Ænane mutavit. At sub excessum Hieronis Catanenses postliminio reversi, inquilinos eiecerunt. Ænenses cedentes loco, Inessam, quæ in montanis est Ætna, inhabitandam occuparunt, eique loco Ænæ nomen imposuere, disto a Catana stadiis. lxxx. ejusque auctorem Hieronem pronunciarunt; Quis ceterò, quave ætate, his gestis vetustiore, Inessam condiderit, incertum. Extabat quidem Phalaris tempore, ab eoque Inessam occupatam dolo, an stratagemmate? prodit Polienus, uti in meis ad Fazellum Notis retuli. Servilis belli tempore extabat adhuc; Apud Ænam quippe defectores diu se continuasse passim tradunt Historici; & Adranum proximum opidum occupasse conjecturæ suadent; Servorum hinc opus utraque Civitas creditur, quarum altera sub*

Adrano, altera sub Licodia ex ruderibus cognoscitur, uti suo loco expendam. Tullius in Verrem *Æt-nensem* agrum cultissimum dixit, & caput esse rei frumentariæ. Diodorus, qui Augusti ævo scripsit *Æt-nam* perseverantem apertè innuit lib. 14. *Dionysius*, ait, *Campanis, qui Catanam incolebant, persuasit, uti opidum, qui nunc vocatur Ætna, commigrarent, quod munimentum id esset validissimum.* De *Ætna Romana* Itinera, illudque Antonini loquuntur, ejusque distantias veluti extantis opidi designant: Sed qua ætate defecerit, prodit nemo. Duo exhibentur ejusdem *Ætnæ* numismata, & vulgaria quum sint, ac obvia præ aliis, longe, lateque illam commercia exercuisse evincunt. In quorum uno Caput spicis coronatum, Cereris, uti reor, effingitur, & Cornucopia; in altero Apollinis radiata facies, & in postica Miles armis instructus hastatusque repræsentatur. Utrumque epigrammæ habet ΑΙΤΝΑΙΩΝ. Perperam nonnulli cum Enna confundunt, ex imperitia locorum.

AETNOSIA Fazello eadem ac *Ætna*, qui Diodorum allegat; verum hic *Ennosiam* olim *Ætnam* vocatam affirmat, quæ aliis dicitur Inessa. Quod in summo collis clivo olim *Ætnosia* steterit, uti ex fabuloso Orophone tradunt, putidum censetur mendacium.

S. AGATHA Messanenſe Municipium in septentriones ad oram maritimam, a Faro opidulo haud procul, cujus erat juris. Ecclesiam habet hodie eidem S. Virgini & Martyri dicatam, in qua sacramenta incolis, qui cum Faro censentur hodie 2417. a Sacerdote administrantur.

S. AGATHA Municipium supra Catanam ad vicum de *Battiatīs*, ejusque Parochiam spectans, cum
sacra

sacra æde cognomine. Vocant aliter a *Valentis*, quod gens ejusdem vocabuli ibi sedem habeat.

S. AGATHA Turris specula non incelebris in aquilonari insulæ plaga post Orlandum promontorium, vulgi voce *S. Agati*. Casale appellat Massa, quod circa turrim humiles sint casæ, cum Ecclesia & Sacerdote, ad opidum in proximo situm colle, *S. Philadelphum* spectantes. Tormentis turris, sive Arx instruitur ad Piratas arcendos, tuendasque celebres nundinas Novembri mense summa vicinorum frequentia ibidem quotannis habitas.

AGATHYRNUM Vetus Opidum, quibusdam *Agathyrna*, & *Agathyrsus*, in aquilonari insulæ regione inter Alasam & Tyndaridem. De illius origine Cluverius lib. 2. cap. 6. *Tanta*, inquit, *fuit Agathyrni vetustas, uti ad Trojana tempora primordium ejus prisce retulerint mortales*. Authorem enim illud habuisse *Æoli* filium *Agathyrsum* Diodorus tradit. De situ opinionum est discrepantia: nam alii perperam statuunt ad Pactas, Marius nempe Niger, & Riccio- lius. Ubi *S. Philadelphus* sedet hodie, affirmant illi, quos Fazellus notavit. Ipse ad *S. Martini* campum, vetusti opidi ruinis occupatum *Agathyrnum* recognoscit. Circa Pilainum, sive Piræmonem opidulum locant plerique, quos impugnat Maurolycus. Ex *Agathyrni* ruinis *S. Marcus* originem traxisse Cluverius docet; Denique ab eo Orlandi promontorium traxisse nomen opinantur, qui congruentius cum Fazello tenui meo judicio loquuntur; est enim ad ejus ortivas radices navium statio, sed insegura, in promontorio Arx, de qua dicendum; collis promontorio adherens rudera, aqueductus, lateres, & veteris habitationis reliquias servat complures, & in planitie

nitiem illius vertex extenditur, large patentē S. Martini a Fazello appellatam, unde totius pene septentrionalis littoris amēnissimus est prospectus.

Celebris cetero inter Siculas Civitates *Agathyrnum* est Ptolemæo, Straboni, Stephano, Plinio, Silio, Diodoro, Livio, Polybio & aliis. Silius enim inter Marcelli Consulis auxiliares illius populos enumerat. Alii ex *Agathyrno* Levinum, Consulem, quoque, primo bello Punico confecto, 14. hominum M. secum transvexisse scribunt ad agrum Brucium, Rhegiumque opidum nova colonia augendum. Hi porro fuere ex omni colluvione mixti, exules nempe, obgrati, capitalia ausi, quique *Agathyrni* per latrocinia & rapinas vitam toierabant; Hic quidem numerus nostri opidi frequentiam satis arguit. Consule *Caput Orlandi*.

AGRILLA Fluentum de *Agrò*. Oritur in collibus, qui ab Argento promontorio, S. *Alexii* hodie, Messanam usque protenduntur, & Tauromenitanarum faucium pars sunt. Hyemali tempore tenues servat aquas, quæ pluviis ita augentur, uti haud difficulter tranari possint, æstate vero exsiccantur. Ejus sunt fauces, seu ostium post Savocam ad septentrionales promontorii S. *Alexii* radices, ubi vicus cum parochiali sacra æde, de quo inferius: Ceduntur circa ripas lapides subnigri, quibus utimur ad scalas in nobilium palatii.

AGRILLA Vallis. Rogerii Comitris Privilegium Diocæsis Messanensis describens fines, hos ab *Agrilla* valle initium sumere, ait, & per maritima Tauromenium usque tendere, indeque Messanam pertingere. Quum itaque hujus urbis Parochia in meridiem & ortum inde incipiat, ubi Mascalis opidi ager

ager ab Acensi dividitur magno torrentis alveo et-
neofes inter rupes. Vallis hæc *Agrilla* ea prorsus
videtur, quam alveus idem efficit, formidanda, plu-
viis temporibus aquarum vi ita exundans, ut tra-
jectum tenere audeat nullus.

AGRO Opidum supra Argenum, vulgo *For-
tia*. Vide suo loco.

ALÆSA Urbs vetus & celebris, aliis *Halasa*.
Septentrionalem insulæ oram, haud procul a flumi-
ne ejusdem appellationis, hodie Pitinei, occupat, ac
in agro ab Æde S. Marię de Palatiis nuncupato se-
det, cui Thusa ad v. circiter pass. in occasum incu-
bat recens opidum. Fazellus, qui *Alasum* amnem
eodem in loco fluere fatetur, eruitque ex veteri in-
scriptione, quam refert Gualterius; *Alasam* urbem
nihilominus ad Caroniam xii. pass. m. inde distitam
constituit; quod eidem Gualterio, aliisque nauseam
omnino movet; Constat enim, vel a fluminibus pro-
ximas urbes, vel ab his flumina potissimè vocabu-
lum sortiri. Magna aliunde diruti opidi vestigia
loco a me indicato, occurrere, fatetur; & *Alas* rui-
nas esse censet, Ptolemæo memoratæ. Verumenim
vero Geographum *Alasa*, non *Alæsa* meminisse ex
variis codicibus constat; nec ex veteribus aliis *Alæ-
sam* nominat; Mendosum idcirco Fazelli fuisse exem-
plar tradit Cluverius. Anceps animi aliunde illi
his verbis concludit: Post hanc urbem prostratam ad
jactum lapidis ostium fluminis Pitinei sequitur, qui
Alæsus in tabula marmorea vocatur, a quo si hæc
urbs Alæsa est, nomen, veluti & plures alias a pro-
ximis fluviis, adeptam fuisse, arbitrandum. Ceterò
jam novus eductus lapis in prædicta de Palatiis
ade dubium substituit; in eo enim Populi *Alasini*
memo-

memoria habetur. *Diis . Omnibus . Populus . Alas-
norum . Diogenem . Diogenis . F. Lapironem . Bene-
volentiae . Causa*

De *Alasæ* fundatore Diodorus lib. 14. ubi de Arconide, qui Herbita cum suis abscedens, novam Coloniam statuere in animum induxerat, loquens, ait: *Multitudine igitur assumpta collem quemdam occupat stadia viii. a mari distitum, in quo Alasæ urbis fundamenta jecit; At quum id nominis alia etiam per Siciliam urbes tenerens, Arconidem illam de se denominavit. Sunt cæterò, qui Alasam a Pænis primum conditam memorant, quo tempore pax inter Amilcarem, & Dionysium coæluit. Ex his deduci potest Dionysii tempora Alasæ conditum non excedere. Ex Siculis porro fuisse urbibus constat; tum ab Mamertinis & Syracusanis fuit occupata; Pænis mox paruit; subinde Romanis se dedit; a quibus immunitate, & libertate donatur, ac Senatus prærogativam accipit. Fovit tunc temporis, quasdam Romanorum familias, quumque in civiles discordias aliquando abiret, C. Claudii Pulchri Siciliæ Prætoris autoritate pristina tranquillitati, Magistratus electionibus nova lege constitutis, restituitur. Hic est, cui *Alasinos* e marmore statuum posuisse, conjecturis agens Selinuntæ Drogonteus; seu Lancellottus Castellus, vir apprimè eruditus affirmat. Extat illa inter *Alasæ* ruinas dudum inventa, in foro. Thusq; pene integra, cum insignibus, fasces scilicet virgarum ad pedes; sed sinistra caret manu, quæ in Ecclesiæ sacrario servatur, & securimprehendit. Hanc, quod effictam voluerint Thusenses elapso sæculo, ab ingenuo cive accepi, eratque superioribus annis brachio appicta. Laudatus
vero*

vero Castellus, ejusdem artificis fuisse opus cum statua adstruit, & vetustissimam dicit.

Sub Caii Verris prætura *Alasam* varie divexam cum aliis insulæ civitatibus Tullius in suis contra Verrem Actionibus testatur, laudatque illam his presertim verbis Act. 3. *Sicilia civitates multe sunt ornatae atque honestae; ex quibus in primis numeranda est Civitas Halesina; nullam enim reperietis, aut officiis fidelio rem, aut copiis locupletio rem, aut auctoritate gravio rem.* Post Romanæ Reipublicæ casum sub Augusto & successoribus immunitatis quidem privilegium amisit; Plinius enim inter Stipendiarias *Alasam* enumerat; Municipium nihilominus evasit, & jure Civitatis ejus incolæ donati sunt; quod satis inscriptio evincit ab laudato Castello relata, ubi legitur: *Municipium Alasinum.* An circa hæc ipsa tempora Episcopalem sedem habuerit, aut saltem Græcis Imperatoribus insulæ potentibus id illi decus obtigerit, subdubitat Pirrus. Dispositio enim Leonis Sapientis sub Syracusano Metropolita *Alasa* Antistitem recenset; verum in novissima urbis hujus historia a Castello summo studio, & eruditione elucubrata, Dominici Schiavo Epistolam offendes, in qua solidè id momenti eximius vir disquirat, Leonisque & aliorum dispungit rationes.

Quo denique tempore *Alasa* perierit incertum. Strabonis quidem ætate opidulum erat: *Halesa*, ait hic, *Tyndaris*, & *Cephalædium opidula sunt.* Sæculo Christi vi. ejus extat memoria in donatione Tertulli Monasterio Casinensi facta, quam refert Leo Ostiensis in Chronico, firmatque ex veteri Calendario Mabillonius. Sarracenis idcirco insulam vastantibus disjectam fuisse, communis fert opinio. Aratur hodie

tota, & præter S. Mariæ de Palatiis Ecclesiam juris Episcopi Paſtensis cum aliquot adnexis ædificiis, quæ in usum Monachorum ejusdem Ecclesiæ constructa erant, vix rudera spectantur. In marmore nihilominus, cujus meminit Fazellus, utrinque literato, in laudata Alæſina historia ære expresso, aliisque monumentis, quæ olim publica eximia opera *Alæſam* ornaverint, eruit Castellus. Extabat igitur Apollinis sanum, de quo apud Diodorum lib. 14. ubi ejusdem ritibus Herbitenses & *Alæſini* affines populi sacra faciebant. Templum item Milichii, sub quo nomine aut Bacchus, aut Juppiter veniebat; Templum Veneris, cujus in Verrem Act. 3. meminit Cicero; tum illud Adrani, qui Siculis Deus erat indigena. Balneas quoque memorat Tabula, & aqueductus, quorum vidit Fazellus vestigia, & hodie supersunt; Ærarium præterea & Turres. Minora alia monumenta veluti statuarum frustra, icunculas ex argilla, inscriptos lapides, sed diffractos, ac numismata ab se in *Alæſæ* agro inventa Castellus recenset. De statua Prætoris jam dixi; Phialas denique, lucernas, æneumque serpentem ibidem effossum in S. Nicolai Catanense Museum Ego intuli.

Jam in Numis Apollinis, & Jovis capita exprimuntur, eorumque tesseras & symbola in postica facie advertes; manus videlicet conjunctas cum Caduceo, Concordiæ signum, Lyras, Arcus, Aquilam, hastatum militem, Apollinis figuram & similia. Epigrapha est una in omnibus AAAIΣΑΣ. adjunctis notis APX. idest *Archonidis* ad nostram ab aliis in Sicilia Alæſis distinguendam. In lapidibus cum Græcè, tum Latine literatis Diogenis, Lapironis, C. Virgilii, Cornelii Schizix, Augusti Municipii, fit mentio; quos

ne

ne longus evadam, prætereo. Videndi penes eundem Castellum, quo faciem præferente, hucusque dicta exposui. De Portu Alæsino hæc Cluverius. *Portum, etiam habuisse olim in littore constructum, vel unus Cicero satis luculentus est testis, qui in Ver. III. sic habet: Enna mediterranea maxime est. Coge, ut ad aquas tibi frumentum Ennenses metiantur; vel Phintiam, vel Halesam, vel Catanam, loca inter se maxime diversa, eodem die, quo jusseris deportabunt.* Quod hodie sit eidem oræ Portus sub Thusæ Castello, seu navium statio, ubi ab aliquot ventis tutæ naves consistunt, alibi affirmavi in Notis ad Fazellum, quod autem *ingens, grandis, aut magnus* fuerit ibi Portus, nusquam literis me consignasse memini, uti Castellus, me immeritum idcirco fugillans, prodit. Æquis ideoque lectoribus iudicium remitto.

ALÆSÆ in Mediterraneis. Alias in Sicilia Civitates *Alæsa* nomen usurpasse ex Diodoro discimus, uti supra expensum; sed ex veteribus ubinam fuerint, tradit nemo. Plinius inter Mediterraneos insulæ populos *Halesinos* enumerat; est porro ad aquilonare ejusdem latus Colesanus frequens opidum, & quod a colle proximo Alæsano sit dictum, incolæ tradunt. Extant aliunde in colle contra opidum ad m. circiter pass. occasum versus, rudera, quibus illi opinionem confirmant suam. Mallem Colesanum ex aliis *Alæsis* unam fuisse, sed vulgi vocem profero, nihilque interim statuo. In Actis SS. Lucie & Geminiani Mart. *Alæsa* memoratur inter Tauromenium, & Symethum, sive Onobalam fluvium [Nam Acta Symethi nomine hunc perperam intelligunt] in latere quidem orientali; Sed Actis illis, quod legitima non sint, notam inurunt Eruditi. Incerti proin situs Mediterraneæ *Alæsa* erunt.

ALÆSUS Amnis. Vide *Pitius & Letus*.

ALÆSINUS Fons Solino cap. 11. & Rhemnio Fannio Periegesis Dionysii Interpretetri memoratus, qui & si quietus, tranquillisque suo e lectulo saliat; ubi tamen tibiæ insonant, exultabundus veluti ad cantum elevatur, vocisque dulcedine captus, ultra margines intumescit. Fannius ex Solino exscripsisse creditur; Solini porro fides sublesta. Vel fabulis hinc accensendum prodigium hujusmodi; vel dæmoni, tunc Et-nicorum mentes falsis ostentis decipere assueti, ex Cajetano in Isagoge adscribendum. Ad quam porro ex *Aleſis* pertinuerit, Scriptores illi non aperiunt.

ALBA-VILLA Græcorum Albanensium olim Opidum, unde ab illis nomen etiam fortitur, & *Græci* appellatur. Sub *Ætna* ad hibernum sedet occasum in Adranensi agro *Callicari* dicto; ejusdem proin Civitatis & Comitatus veluti municipium ad 11. pass. m. diffitum diu fuit. Ortum circa annum mccccxxx habuit, quo ex Epyro Græcorum Colonie, a Turcis divexatæ in Siciliam trajecere, uti satis dixi de Pla-na Græcorum differens Tom. 1. par. 2. Illorum enim aliquot ab Adranensi Comite loco impetrato, lætissima planitie aquis irrigua, in austrum prona, delecta, quæ humiles ab aquilone habet colles, exiguas primum casas sibi condiderunt; paulatimque coalentes, Græco relicto ritu, ad Latinum transierunt. Princeps est illis templum, atque unicum parochiale, Deipare de Eleemosyna dicatum, satis concinnum, aquilonem versus situ eminentiori situm. Hinc opidanorum extenduntur ædes, quarum aliquot elegantiam non desiderant. Ampla & perpetua via ab ortu ad occasum, forum in centro habet venale, & area terminatur, quam Minoritarum Reformatorum excipit cœnobium, sub
S. An-

S. Antonii auspiciis ab anno MDCXXXIV. fundatum. Virginis Annunciatae sub foro decentissima eides, cum area, S. Francisci de Paula alumni ab Josepho Piccionio insigni ac pio Sacerdote conditore aliquando attributa, iis nuper abeuntibus, ad Presbyteros, qui cultui Divino intendunt transfabit. Virginum Gynecium prope majorem Ecclesiam hoc etiam saeculo coauluit. Filiales demum & Sodalitatis addictas sacras eides numerat opidum IV. Vetus tutelariorum S. Zeno Martyr. At festum S. Placidi Abbatis diem ingenti pompa, iis. Nonas Octobris incolae celebrant, ac veluti Patronum illum quoque reverentur. Subest Clerus Catanensis Episcopi Vicario; Civilem ab anno MDCXXX. proprium habet Magistratum, quandoquidem ipso fundationis initio, uti Adranensis Comitatus pars, Adrani administris subdebatur. Census anno MDCLII. primum initus, lares 576. incolas 2241. exhibuit; Seculi hujus anno XIII. focos 1128. cives 4202. novissimus 5307. descripsit. Ager ab ortu vallo S. Philippi, quod aquas copiosissimas ex Aetnae collibus excipit, diffusus, frugum ferax; ab austro vineis confitus, angustusque, campis imminet ad Symethi ripas extensis; ex hac idcirco plaga undique conspicuum opidum sese ostentat, quod iisdem gradibus longitudinis, latitudinisque cum Adrano locatur. Laudat in sua Bibliotheca Mongitorius Franciscum Gemmam, qui de Aetnensi Incendio Poema edidit; & Jacobum ejus filium, Musis etiam acceptum.

ALCANTARA Fluvius. Vide *Cantara*.

ALCARA Opidum, de *Fusis* appellatum ad alterius opidi cognominis in Valle Mazarense discrimen, quod de *Friddis*, uti vidimus, vocant; in Salebroso profundae vallis latere, quam Montefori Fazello

zello & aliis memorati efficiunt, locatur, ac in meridiem, ortumque respicit. Montefori porro colles longo tractu a Troyna ad S. Philadelphum opidum tenduntur, amœnissimis sylvis, fructiferisque arboribus convestiti; hinc nostræ *Alcaræ* situm perquam jucundum reddunt. Imæ vallis sinum Chydas, Rosmarinus vulgo, fluvius occupat (Cluverio alius est Chydas) qui fontibus circa *Alcaræ* fines scaturientibus notabiliter augetur. De *Alcaræ* origine multa tradunt opidani, & castrum ejus Taurianum appellatum, vetustissimum evulgant. Fazellus Crastum Antiquis memoratum, ab *Alcara* haud procul olim positum scribit, cui Cluverius, alibi illud statuens, ad-versatur. *Alcaræ* ceterum mentio prima occurrit in Rogerii Comitis Diplomate, Troynensis Ecclesiæ favore signato, in quo *Taurianum Castrum cum omnibus pertinentiis suis in Valle Demana, & Castrum, quod vocatur Alcara* illi attribuitur. De *Taurianes* Siculo Episcopo Theodoro in Actis Nicenæ II. Synodi celebris est recordatio, Pirrusque, qui nullibi *Taurianum* in Sicilia extitisse asserit, subdit nihilominus: Rogerium Comitem Roberto Episcopo Troynensi inter alia Tauriani castrum subjecisse. Atenim in Acta illa irrepsisse errorem Ego dixerim. *Albares* porro vox Sarracenica, hodie *Alcara*, id nomen eorumdem Sarracenorum ævo huic loco appictum, dubio procul evincit. Hinc in Arabo Itinerario sæpius memoratur, Rogerii Regis ætate scripto.

Jacet hodie arx *Tauriana* magna ex parte, passamque ruinam credunt incolæ ex terremotu de anno mccccxc. Subest illi opidum *Alcara*, in quo majus templum Deiparæ Annuntiatae sacrum, edificiis nobile spectatur. Sacellum in eo præ aliis nitet S. Ni-

colao

colao Anachoretę dicatum, qui opidanis patronus est præcipuus. Quamvis illi Virginis Assumptę, uti tutelaris festum etiam diem celeberrimum habeant. Majori Ecclesię suffragantur duę alię, S. Pantaleonis Martyris, & S. Nicolai Episcopi, in quibus sacra etiam populo administrant Sacerdotes ab Archipresbytero designati. Bina quoque Minoritarum asceteria, Conventualium sub S. Michaelis nomine ab anno *MDXXXIII.* ad oram opidi, & Capuccinorum extra anno *MDLXXIV.* constitutum, opido decorem conciliant, unde eximii doctrina viri prodierunt, de quibus infra. Virginum denique sub S. Benedicti regula monasticen profitentium conclave se offert. Quę sane omnia de Archiepiscopi Messanensis Parochia sunt, jus quoque temporale habentis; appellatur ille idcirco *Alcarę* dominus. Archipresbyter, Vicarius & Visitator juxta Messanensis Ecclesię leges curam gerunt in foro spiritali; Civile autem regimen Jurati *IV.* Viri Criminum Quęstor, Syndicus, & Judex, a Regiis Ministris, & ab Archiepiscopo adlecti gerunt. Erant sæculo *XVI.* lares 586. incolę 1438. Sequentis verò medio foci 501. lares 1681. Initio hinc decurrentis lares 356. incolę 1225. in novissima demum descriptione hi 1768. censi sunt. Opidi insigne Aquila volans, rubram in pectore cracem referens. Latitudo graduum est *XXXVIII.* v. longitudo *XXXVIII.* xx. Sub Turturicii demum Comarchia, & S. Philadelphi Militari Præfectura concluditur, huicque equitem unum, pedites *XXXVI.* suppeditabat.

Viros aluit illustres: Cosima m ob doctrinę præstantiam cognomento Theologum, Ordinis S. Basilii, Monasterii S. Marię de Rogato Monachum, qui S. Nicolao Eremitę a sacris confessionibus fuit, ejusque

que probavit virtutes, ac vitam literis consignavit. Philippum Salernum Minorem Conventualem, qui eloquentiæ specimen variis orationibus typis editis, orbi literario exhibuit, quali autem in Divinis literis peritia effulserit, munia, quæ summo cum plausu gessit, testantur. Publicæ enim Viennensi Academiæ, Sacræ Scientiæ Antesignanus ad sexennium egregiè consuluit, & Ferdinando Augusto Theologus adhæsit. Hunc in Pragensi universali Studio fundando maximè jovit, & Cathedram in eo Theologicam aliquando est moderatus. Plures in Germania rexit provincias, uti & Siculam; Senesque in patria mortem expectavit anno MDCLXXVI. Michaellem Buam Philosophum, Medicum, & Poetam eximium, Aurei Calcaris Equitem, qui Romæ, Melitæ, ac Melfanæ diu inclaruit; decessitque decrepitus MDCLXXXVII Natalem Donadeum, Medicum, & Poetam non inglorium in Bibliot: Classica Draudii, & apud Mongitorem commendatum. Scripsit de *Bello Christi* carmine Latino, & alia. Michaellem Angelum Casarum Sacris studiis intentum, ac Musicis; Medicinæ & Mathesi apprimè addictum; quorum illustria monumenta reliquit, sed solum de *S. Nicolai Vita Poema* edidit. His addendi Artis Musices peritissimi: Vincentius Gallus, Victorius Laudus, Franciscus Brunus, Joannes Vincentius Valenti, omnes elapso sæculo publicos in primariis civitatibus concentus moderatores, quos ob vulgata opera laudat idem Mongitore. Memorandi demum Antonius Sardus S. Mariæ de Rogato Abbas, & Joseph Riccardus, egregios Verbi Dei per annos complures, in Siculis, Italisque sacris rostris præcones; necnon Nicolaus Chiuppo, & Placidus Merlinus Poetæ non invenuti.

Alcara

Alcara ager inter ejusdem regionis feracior, optime enumerari potest, aquis enim copiosis rigatur, oleas, vites, morosque nutrit, nec oleribus caret. An circa illum olim *Demenna* opidum steterit mox infra discutiam. In vallis altero latere contra aquilonem ad m. pass. S. Marię de Rogato Ordinis S. Basilii Monasterium assurgit, celebre dudum ob ascetarum pietatem, & Deiparę Virginis signum, quod summa religione circumpositi mortales colunt. Perstat Ecclesia, adjunctęque Monachorum ædea, sed hi penitus defecerunt. Ab hoc loco m. pass. x. in clivo *Calanna*, antrum inter dumeta, & asperrimas cautes aperitur, ubi diu soli Deo cognitus, S. Nicolaus Polito Adranensis vixit, sanctoque fine excessit. Habent illum *Alcarenses*, uti innui, in specialem Patronum, festum ejus diem sollempni pompa cum nundinis xvi. kal. Septembris celebrant, & sacras exuvias corporis ingenti cura custodiunt. Ad *Alcara* littus contra *Æolias* insulas, olim *Æneam* exscensionem fecisse, tradit ex Dionysio Alicarnassensi Fazellus, ibique Patronum Thurium navigationis socium reliquisse cum aliquot ex suis, ut opidum in colle constitueret. Verum alibi Dionysius post Orlandum promontorium id accidisse videtur asserere. Est in eodem agro S. Theodori campus, quem in Taurianes Episcopi Theodori, de quo egi, memoriam, ita nuncupatum opidani evulgant.

ALEUM Opidum, vulgi voce *Aly*, in collis jugo; unde Messanensis freti, & Jonii subinde maris amœnissimus est prospectus; ortivę insulę orę prominet, & xv. pass. m. Messanâ abest in meridiem. Illius conditum *Æliden*sibus Græcis Placidus Saneperi nuperus author adscribit, qui deducta, uti ait,

Tom. III.

H

colonia,

colonia, in colle *Migliorino* primum sese statuerunt ad Promontorium, hodie *Caput Grossum*, ac juxta nonnullos *Argenum*. Ibi autem quoniam sæpissime piratarum incurſionibus exagitarentur, in montem Saturnium, nunc *Spræverium*, translatis ſedibus, aliquando opidum non incelebre coluere; unde multos poſt annos ob cœli inclementiam proſecti, locum ſub eodem monte III. paſſ. x. a mare refugientem, tenuerunt, quem ab antiqua patria *Ælide* *Ælim*, & ſubinde corrupto vocabulo *Aly*, ac eruditi *Alcum* nuncuparunt. Hæc Samperius, ſed nullo veterum teſtimonio, ac ſolis rem agens conjecturis evulgavit, quod plurima indicatis locis vetuſtatis appareant monumenta. Cætero Sarracenis Siciliam vexantibus extabat; Rogerius enim Comes MCCCIII. id opidum Monafterio SS. Petri & Pauli, ejuſque Abbati Geraſimo, conſequenter ſubjecit. Collis porro, quem occupat, aliis vicinis adjunctus ad Saturnium, ea in regione celeberrimum montem ſpectare videtur.

Ferunt, quod tutelarem ſibi præcipuam B. Agatham Virg. & Mart. Catanenſem adſciverint opidani, quum hujus ſacræ exuviæ in patriam deportarentur; ad littus quippe ſacri theſauri cuſtodes cum Catanenſi. Epifcopo Mauritio ſub *Aleo* appellentes, uti opidanis ſumma frequentia, nec minori pietate occurrentibus, rem facerent gratam, velum, ubi liſſana involvebantur, in perenne pretioſumque monumentum illis reliquerunt, quod ſuſceptum in opidum ingenti pompa intulere, eidemque Virgini ſeſe deinceps addixere. Templum itaque decentiſſimum ſub illius nomine tunc ædificantes, veluti Princeps habuere; prima enim Eccleſia apud *Alcum* Beatæ Virgini de Gratia dicata paſſim creditur, quæ extat hodie

die inter minores. Quum vero fortuito incendio eides illa S. Agathę conflagrasset, novam, magnificentiorem excitare MDLXXXII. curarunt; nullisque parcentes impensis, in eam, quam modò demiramur elegantiam, ad coronidem usque promoverunt. Patet in longitudinem palmos cc. lata est LXXX. alta c. tholusque, cl. excedit. Navis præcipua integris lapideis columnis XVI. fulcitur, majus altare totum e marmore variegato constat, uti & utriusque lateris sacella, omnia denique magnifica, & primaria urbe dignissima nitent. Frons præterea ornatissima, cujus est cum in subjecto littore, tum e mari prospectus sat celebris; in editiori enim opidi loco assurgit, & reliqua non contemnenda ædificia facile superat.

Suffragatur eidem Beatæ Mariæ de Rosario sacra ædes, ubi populis Divina ministrantur sub Sacerdote Archipresbyteri, adjutore; unus est enim Parochus in S. Agathæ. Sacramentis etiam sufficiens in S. Spiritus Ecclesia navatur opera, ubi insignis Laicorum sodalitas coalescit. Huic adnexum iri Monialium, conclave dudum cives sperabant, atque ædificia idcirco sunt instituta, sed opus adhuc incompletum. His succedunt minores aliæ Ecclesiæ vi. quę suis non carent ornamentis, hæque inter S. Mariæ de Nemo vetusta enumeratur, Italsi Basiliano Monasterio subjecta. Non longè a pomerio Minoribus Capuccinis fovendis illustre coenobium assurgit, sub S. Mariæ de Angelis titulo, ab anno MDCLXXIV. erectum, cujus est sacrarium Sanctorum Lipsanis dives; Tyrones ibi ad probationem recipiuntur. Magistratum Civilem, Decuriones IV. Syndicus, Criminum Quæstor, ac Judices constituunt, quos Regio Senatui parentes Abbas SS. Petri & Pauli de Itala, uti dominus

temporalis, cum Rogerii Comitis indultu, tum Friderici III. privilegio quotannis designat; Sed sacra jura ad Archimandritam, uti innui, quum spectent, hic suum Vicarium deligit, Archipresbyterumque instituit, & alia Episcopalia in opido exercet. Ager longe, ac late patens ubertate præcipuus, exquisitissima gignit vina, antiquis & recentioribus celebrata; Moros non levi copia, oleasque nutrit. Fodinæ generis omnis metalla, æs, argentum, & aurum præstant; Lazulus quoque lapis, marga, & bolus subtilitatis præcipuæ passim in collibus occurrunt; ac litus præ cæteris, aquis thermalibus illustre redditur; ad eas enim stato æstivo tempore pro morborum varietate, ex omni orientali Siciliæ plaga frequentissimi mortales, & viri Nobiles vel maxime, conveniunt, & saluberrimas cutaneis præcipuè morbis experiuntur. Census, seu descriptio *Aly* sæculo xvi. lares 407. sub Carolo Rege, ac circa illius exitum opidanos 3817. obtulit. MDCLII. lares 514. incolas 2934. Nostra ætate MDCCXIII. lares 451. cives 1663. non levi jactura exhibuit. Stemma duas effert alas in parma cerulea. Ad Comarchiam, & Militarem Tauromenii Præfecturam spectat; equites iv. pedites xxxviii. educebat. In gradu denique xxxviii. xx. longitudinis & xxxviii. pene latitudinis constituitur. *Alyenses* illustres viri Nicolaus Coniglio, qui ante annum MXCIII. dominus opidi fuit, & elapso sæculo Petrus Fama, militia insignis, gestisque in ea muneribus clarus, Magnæ Crucis Eques Melitenis, M. C. Judex, hinc a Regiis Rationibus, & Proregis Vicarius. Denatus est Drepani MDCLII.

S. ALEXIUS Promontorium, quod vetus esse *Argennum* Cluverius cotendit contra Fazellum, aliof-
que

que, *Argennum* ad Caput Grossum constituentes. Imminet mari Jonio a Messana xxiv. pass. m. a Tauro itidem promontorio vi. distitum. Asperissimis constat cautibus, inaccessibile, quæ ortum respicit; angusta, salebrosa, & ardua via ab utroque latere adiri nihilominus potest, per quam ultro, citroque transeuntibus iter aperitur. In saxi supercilio circa hibernum ortum turris erat, cujus extant vestigia, fortasse specula; sed in supremo vertice Arx munita, tormentisque opportunè instructa imponitur, quæ prædiario etiam militi custodienda, suo cum Præfecto committitur. Subrigitur hinc in occasum collis, quem *Fortia Agrò* opidum occupat. Ad littus Messanam versus sub arce pagus est cum Ecclesia, qui ad Fortiam spectat. Sacerdos Ecclesiæ curam gerit, incolis sacra administrat. De *Argeno* inferius.

ALIMENA Opidum, *Mazza* ab hospitatoria taberna ad collis latera olim sita, quæ hodie jacet, appellatum. Tabernæ verò nomen ab ejusdem insigne, Leone nempe, Clavam, Siculis *Mazza*, ore præferente suis appictum. Diœcesis est Messanensis, quamvis initio fundacionis ad Catanæ parochiam spectare Pirrus *Alimenam* affirmet. Vergit ad aquilonem ac ortum, & juga collium occupat inter amnes de *Salinis*, & de *Vanellis*, de quibus suo loco. Juga porro hæc latissimè extensa, nivibus hiberno tempore obducta sæpius, ac diu videntur; quæ inter supremum circa orientem, & austrum ab *Hedera*, & vulgo *Areddola* dicitur, ubi diruti opidi reliquæ extant, & vetustissimi quidem; nam lateritii aquæductus passim occurrunt, a priscis mortalibus dubio procul, uti ex eorum inspectu præsens erui, extructi. Opidum medio itinere sedet, quo e Catana Panormum

ten-

tendimus, originemque elapsi sæculi anno xxviii. recognoscit ab *Julio Cesare Imperatore*, seu *Antonio Alimena* hujus nominis ii. Parochiam habet S. Mariæ Magdalænæ sacram, quæ columnis suffulta elegantiam præfert. Minores Reformati in edito loco ad austrum Coenobium ab anno mcccxl. decenter extructum incolunt, S. Mariæ de Jesu nomine. Minor alia Ecclesia Sacris Manibus addicitur. Lares continet hodie 336. ex censu de anno mcccxiii. animas 1255. quæ novissimè computatæ 1523. Sed elapo sæculo focos 47. incolas 185. numeravit. Politienſi Comarchia comprehenditur. Marchionatus insignibus denique Philippi IV. beneficio decoratur, & Dynastæ palatio cum area, ubi aquarum fons, instruitur.

Primus ad id honoris assumptus laudatus *Antonius* ipſo foundationis anno, qui ex Francisca (Urbaño & Imperatore Oratium filium suscepit. Hic antepatrem denatus ex uxore Onuphria Colnago *Julio Cesare* IV. auctus est, & *Carolo* filiis, 'necnon Dorotea. Primus & secundus improles decessere; hinc Dorotez & Stephani Benzo filius *Hieronymus Benzo* obtinuit, qui *Julius Caesar Imperator* VI. est nuncupatus, ductaque in uxorem Melchi ora Rosso unicam filiam Doroteam reliquit. Ab hujus morte *Julius Benzo* frater *Alimena* Marchio dici contendit; *Joseph* attamen *Bosco*, Belvederis Princeps, ex Dorotea, natus, sese illi anno mcccxvii. opponens, ex Siciliæ Consularium denique sententia dynastiam sibi vindicavit mcccxxxvii. & *Julius Caesar Imperator* VII. renunciatur. Fulget Regi a cubiculo, ac cum *Lucretia Lancea Vincentium* genuit, Catharinæ Brancifortæ sacris vinculis adjunctum. Sedet Marchio in Comitibus loco xxxvi. Ager fert vites, triticum, legu-

legumina, olera; sed alendis arboribus pene ineptus videtur. Aquarum non indigus in jugis etiam, uti dixi, ubi veterum aqueductuum vestigia; In Burfarę seu- do sepulchreta de antiquo proximo opido nos admonent in Colle Hederę, cujus supra jam memini.

ALTAMIRA Bavusi opidi Vicus, ac veluti Arx cum dynastę palatio, Marchionatus tessera insignis, qua anno MDXXXIV. fuit decoratus. Spectat ad Cortones. Vide *Bavusus*.

ALUNTIUM vetus opidum, aliis, & Tullio cum primis *Haluntium* & *Alontium*, ad aquilonarem Sicilia regionem, haud procul a littore, in edito colle, ascensu difficili, uti Cicero testatum reliquit in Verr. VI. *Quum Haluntium*, inquit, *venisset Prętor*, laboriosus, ac diligens, ipse in opidum accedere noluit, quod erat difficilis ascensu, atque arduo. Quo tamen signanter loco situm fuerit, dubitatur. Stephani Epitomator, uti Cluverius emendat, Calactę vicinum, vulgavit. Plinius lib. 3. cap. 8. *Cephalędis*, ait, *Aluntium*, *Agathyrnum*, *Tyndaris Colonia*. Ptolemęus: *Cephalędis*, *Monalis amnis ostium*, *Alesu*, *Calacta*, *Chyde fluminis ostium*, *Alontium*, *Agathyrnum*. Eodę quippe tractu quum duo hodie sint opida; S. Philadelphus, & S. Marcus, & utrumque vetustatis reliquias servet, quodnam ex his *Aluntio* suffectum fuerit, controvertitur. Fazellus Aquas dulces in littore, ad S. Philadelphum spectantes *Aluntio* subesse scribit Lib. 1. Dec. 1. mox lib. 6. cap. 4. *Nonnihil infra S. Philadelphum opidum Aluntium vetusta jacet urbs, cujus adhuc mitra, & ingentia, & pro majori parte disiecta cernuntur monumenta. Lapidem marmoreum vetusissimum, ac magnum offendi Gręcis inscriptum literis. Per urbem quoque ipsam magna*

gnæ, ingentesque vetustorum operum ruina iacent. Hunc opidi *Aluntini* locum scite indicasse Fazellum, Cluverius affirmat lib. 2. cap. 4. Atenim Gualterius in Tabulis apud S. Marcum *Aluntii Municipii* clarissimam haberi mentionem tradit. Affert enim lapides complures ibi repertos a num. 308. ad 317. quorum tres *Municipium* memorant: 1. *Livia. Augusti. Deac. Municipium.* 2. *Municipium. Alontinorum.... Beneficii. Caussa.* 3. *Augusto. Divi. F. Pontif. Max. Municipium.* Hos porro e colle sub S. Philadelpho ad S. Marcum delatos si dixeris, insulse id te promere illorum numerus, ac moles evincet; nam esse aliquot prægrandes lapides, nec minus quàm ix. idem Gualterius dicit, uti de S. Marco loquens inferius reponam; neque ulla inter utraque opida aliunde necessitudo intercedit; neque S. Philadelphi incolæ, ad quorum spectant agrum rudera illa, Samarcensibus, uti sibi lapides illos vindicarent, permisissent.

Verumenimvero cujusnam veteris urbis fuerint ingentes illæ reliquæ, quadrati lapides, infra S. Philadelphi opidum occurrentes? Nullam Scriptores indicant Plinius, Ptolemæus alique. Hinc adhuc sub iudice dixerim esse *Aluntii* situm. De ejus origine ita tradit Dionysius Alicarnassensis lib. 1. ubi de *Æneæ* peregrinatione loquitur: *A Bushroto Jonium mare trajicitur: ductoribus navigationis aliquot, qui se ultro comites addiderunt; assumpto etiam Patrono Thurio cum suis. Horum plerique retro, unde venerant, reverterunt, postquam exercitus in Italiam incolumis pervenit. Patrono vero ab Æneâ persuasus, uti una in coloniam iret, & quidam ex suis sociis, manserunt in classe; quos nonnulli ajunt, sedes fixisse*
in

in Aluntio Sicilia opido. Ad Trojana itaque tempora *Aluntium* si adscribitur, ex antiquissimis Sicilię dubio procul fuit. Duo ejus ex grę numismata Paruta protulit, habet unum in antica area caput lauro redimitum cum ejus inscriptione AAONTINQN. in postica Bovem inclinatum, sub quo litera A. Alterum caput exhibet hederacea cinctum victa; & lauream coronam, in cujus medio eadem epigrapha *Alontinorum*. Celebrat Cic. in Verrem vi. *Archagatum Haluntinum, hominem non solum domi, sed tota Sicilia in primis nobilem, cui Verres negotium dedit, ut quidquid Haluntii essent argenti cęlati, omne statim ad mare ex opido deportaretur*.

AMASTRATA Civitas, aliter *Amestratus*, hodie *Mistretta*. Silius metri causa, decurtato vocabulo lib. 14. *Comitata Nemais*

Venis Amastra viris

AMENANUS Amnis, qui Catanam occultis canalibus interfluens, ac sub australibus ejusdem urbis mœnibus sibi hodie ostium aperiens, mari illabitur, *Amasenus*, *Amenas*, & vulgi voce *Judicellus* dicitur. Maurolycus ejus apud Randatium, circa septentrionales Ætnę montis radices, esse fontes, ubi lacus est *Gurridas*, tradit. Hujus enim aquę subterlapsę, nusquam, pluviis etiam, & nivibus auctę, foris affluunt; sed Catanam usque, xl. circiter pass. m. distitam, decurrentes, ejus in littore se pandere creduntur. Decrescere hinc *Gurridam*, ac minui illius aquas ajunt, quoties *Amenanus* disruptis, quos pervadit meatibus, medias ejusdem urbis vias occupat. Celebratur Poetis Pindaro, Ovidio, Claudiano; Historicis, & Geographis Ptolemæo, Stephano, Straboni, & aliis. Quod nunc fluat, interdum verò suppressis fontibus

Tom. III.

I

areat,

areat, ex Ovidio, quod per aliquot annos destitutus aquis, deinde iterum fluat ex Strabone, inde evenit, quia canalibus, quâ natura, quâ civium quoque industria efformatis, aquarum illius redundantiam minimè capientibus, erumpens aliquoties foras, inferiores urbis regiones invadit; mox illis imminutis rursus conditur. Mea ætate exundantem, defecisse verò omnino numquam adverti; quamvis aliquando aquis destitutum, alveo minus pleno, maris undis sese adjunxisse viderim. Carreræ nihilominus ætate per annos ferme XII. penitus, ut ipse testatur, exaruit, adeoque aliò viam sibi aperuisse credebatur. Atenim circa Martii exitum MDCXXXIV. ingenti civium lætitia rediit, ac suum in alveum dilapsus est. Quo quidem sensu etiam Ovidii, Strabonisque sunt verba intelligenda. Fazellus, & Cluverius, aliique ex genticiis Scriptoribus, quod ex Ætnæ radicibus fonte nondum satis pervestigato ortus, mediam urbem pleno alveo interfluat *Amenanus*, evulgant, obturatisque interdum fontium venis, per annos aliquot evanescat, rursusque subito æstu erumpens, crassiolem, pestilentemque efficiat aerem tradunt; Sed quo pacto evanescat jam vidimus, quod aerem vero inficiat egrediens, experientia docet. Quod cladem denique inferat, uti illi subdunt, dixerit nemo. Fluminis hujus genio numos signasse Catanenses, Carrera cum Archangelo scribit, & *Camaseni* epigrapham in illis exaratam promit. Verum Pancratius eosdem se vidisse Panormi ait, quorum erat inscriptio AMENANOC. Ejus aquis molis triticeis volvendis per urbem, & circa mœnia, utuntur Cives, & ad bibendum undique illas utpote dulcissimas hauriunt.

AMESTRATUS Opidum, *Misfretta* hodie, vetustissimum, Græcis *Mytistratum*, de quo Polybius lib. I.

Captus est & Myiistratum, locus natura munitus, & qui idcirco obsidionem diu toleravit. Diodorus vero lib. 23. Myiistratum tum obsederunt Romani, multasque ad hoc machinas fabricaverunt, sed post menses vii. re infecta, multis suorum amissis, inde abierunt. Ea paullo post: Myiistratum tertio obsessum tandem Romani ceperunt, opidum solo æquarunt, superstitiibus sub corona venditis. Gerebatur tunc primum Punicum bellum, præeraptque Romanis Aulus Acilius, & Cæjus Sulpicius. Ex diuturna porro horum oppugnatione, quam fufius describit Zonaras, munitissimum natura, & situ opidum fuisse Myiistratum evincitur. Hinc illud. describens Fazellus ait: Myiistratum Polybio lib. 1. est pervetustum opidum. Amestrata Ciceroni, & Plinio dictum, hodie vero Mistretta appellatur. Vetusti opidi circa montem plura spectantur monimenta, & arx vetustissima. Consule Mistretta.

S. ANGELUS DE BROLO Opidum frequens, ac dives, ab arce *Brolis* proxima, sit in ora aquilonari Siciliæ celebri appellatum, uti ab altero ejusdem nominis in Valle Mazaræ de *Muxaro* dicto discernatur. Abest a littore iii. circiter pass. u. Ubi enim inter *Galaxæ*, & *Orlandi* promontoria, sinus intermedius nonnihil curvatur binæ valles amœnissimæ, ab aquarum confluviis, Siculis *Flumariæ* nuncupatæ, occurrunt, in quarum una elevato situ S. *Angelus* assurgit, in altera *Brolus* arx mari imminet, uti suo loco. Nostri opidi solum declive est, vergitque in occasum, & aquilonem. E valle enim facilis, brevisque ascensus ad Parochialem SS. *Philippi* & *Jacobi* eodem præbet aditum, mox pene in centro altera S. *Mariæ* nomini sacra, quæ vetustior & prima censetur, se offert, pulchris ædificiis ad non vulgarem magnificentiam or-

nata. Tertia S. Nicolai Episcopi titulo gaudens imminet, atque supremas demum occupat plagas SS. Salvatoris Ecclesia. Quatuor hæ jura parochialia habentes, alternatim singulis quadrienniis, Majoris funguntur muniis, uti dudum ad jurgia compescenda decretum, suisque Clericorum cætibus instructæ, sacros Ecclesiæ ritus decentissimè celebrant. Pro instituendo Canonico Collegio Martinus Tavianus, suas dicavit opes, sed adhuc res exitum expectat.

Supra opidum planities extenditur, ubi S. Michaelis Archangeli celebre, & vetustissimum sub S. Basilii institutis Monasterium conspicitur, structura omnino spectandum, dote, privilegiis, supellestile, ac insigni S. Archangeli marmoreo simulacro, aliisque ornamentis paucis secundum; Ejus enim Abbas olim ex ordine assumptus, hodie Fiduciarius ab Rege nominatus, opidi dominio temporali fruitur, uti inferius notabimus; Monachi Græco ritu psallentes Abbati suo Regulari, uti appellant, subduntur; Incolæ porro Opidi Archimandritam Messanensem, qui ejusdem est ordinis, pastorem in spiritualibus recognoscunt. Creverunt enim ex paucis, qui Sarracenis superstitibus, Monachorum usibus designati ab Rogerio fundatore fuerunt, ac Cœnobii supremum Præfectum recognoscebant. Ad eorundem in sacris rebus commodum Religiosi alii cætus, decurrentibus annis coaluerunt. Fratrum scilicet Prædicatorum, quorum est Cœnobium studiis pro ejusdem ordinis alumnis destinatum; Ecclesia prope forum venale, S. Antonio dicata, decentissima. S. Francisci de Observantia in S. Mariæ Angelorum cum ejusdem Deiparæ eximia antiqua tabula in superna opidi ora incolentium; Et S. Francisci de Paula ascetarum, qui supremis etiam
pomæ-

pomeriis suis ab anno MDCXXXII. occupatis, letissimo
 prospectu gaudent. Est denique medio opido Monia-
 lium sub S. Claræ institutis, ac patrocinio, Conclave
 ædificiis nobile, & alumnarum virtute spectandum.
 Nec Hospitalis Domus ad pauperes infirmos soven-
 dos desideratur, quam ingenua gens de Amato elapso
 sæculo proprio gre splendide fundavit; Nec Equitum
 Melitenfium Prioratus in S. Mariæ de Odigitria; S.
 Lateranensis Basilicæ sub titulo SS. Trinitatis, nec aliq-
 demum ad pia opera institutę defunt Ecclesię mino-
 res. Civium porro nobilium ædes non exiguum opi-
 do conciliant venustatem; quæ publicis idcirco, quæ
 privatis totum in prospectu optime constitutum intuen-
 tes advenas oblectat, & allicit. Patronum habet singu-
 larem S. Michaelē Archangelum. Nundinę hinc mense
 Novembri, quando Græcorum ritu ejusdem Divi festus
 dies celebratur, in area ante Monasterium tota ea re-
 gione celebres, ex Regio indulta indicuntur, & large
 in pauperes eō convenientes eleemosynę, Nobilis Jo-
 annis Angottæ liberalitate ab anno elapsi sæculi XIIII.
 diffunduntur; Pompā autem Ecclesiastica digna est
 quæ videatur. Civilis Magistratus: Præfectus, Abba-
 tiæ jura vindicans, & Criminum Vindex ab Abbate
 designantur; Jurati Patres, Judices, & Syndicus Re-
 giis consularibus subduntur, & Clavario uti possunt.
 Insigne est S. Angeli Tutelarī imago. Comitibus non in-
 terest; Sed Abbas in eis cum aliis Ecclesiasticis Proce-
 ribus loco XVI. intervenit. Clericis Archimandritæ
 Vicarius jus dicit. Pæstensi Comarchia opidum clau-
 ditur, ejusdemque urbis militarem agnoscit Præfectum,
 equites XI. pedites II. & XL. sub signis educens. Erant
 illi sæculo XVI. lares 792. sequenti verò 975. cives
 hinc numerabat 4099. At decurrentis anno XIII. focos
 792. incolas 3039. in censu dedit, novissimeque 3899.

Jam

Jam quod ad opidi originem spectat, illud tradunt: Rogerium nempe Comitem Sarracenis hujusce regionis ad internicionem deletis, in victoriæ monumentum auxiliari suo S. Michaeli amplissimum condidisse cœnobium, ejusque primo Abbati Erasmo, & Monachis in eo convocatis, sub S. Basilii instituto, agrum circumquaque tribus cum pagis attribuisse; unde Sarracenos ejecerat, quorum erant nomina: *Lisican*, *Anzan*, & *Tondonconon*. In his omnimodam habere Abbatem potestatem, citra crimen sanguinis, & Proditionis, Comes suo diplomate concessit. Perstant porro turris vetustissimæ vestigia prope Paulensium Conventum, quæ ad casale *Tondonconense* spectabat; *Lisican* contra recens S. Angeli opidum erat, ubi cultissimum solum cum suburbanis civium, & Ecclesia S. Mariæ Annunciatæ *Lisici* vocabulum retinet; *Anzan* denique an fuerit in supercilio, ubi rudera habentur, & *Castellacci* vulgo appellantur, firmare non ausim; In laudato enim Rogerii diplomate *Anzan*, *Lisican*, & *S. Angelus* velut casalia Abbati subdita enumerantur, & Monasterium *S. Angeli de Lisico Tondonconon* in altero Rogerii Regis nuncupatur, cujus Abbati in *Anzan* & *Lisican* potestatem Ministros constituendi, & jus omne exercendi concedit.

Enumerat in hujus Monasterii notitia Pirrus sub regulari instituto Abbates vii. quorum sunt nomina: *Erasmus* ab anno *mxlxxiv*. *Theodorus* ejus successor *mxlv*. cui Rogerius Rex suo privilegio multa indulgit. Sed ejus regiminis tempora ignorantur, uti & aliorum nomina, qui Abbatiam gesserunt, ad annum *mccclii*. Tunc enim *Matarius* Friderico III. a Sacello, ab eoque variis gratiis, & privilegiis insignitus, Abbas dicebatur, post quem successus est *Franciscus Marinus*

iisdem

iisdem honoribus donatus, & immunitatibus auctus. Anno mcccxciii. *Angelus* hac fulgebat dignitate, qui a Martino Rege, ut de antiquo suæ Abbatiz jure, cum in spiritualibus, tum in temporalibus Opidi S. Angeli dominus esset, obtinuit. Sequentis sæculi anno viii. *Honuphris Rizzi* genere nobilis S. Basilii asceta, Abbas a suis adlectus ab eodem Rege confirmatur; post quem *Adrianus de Scholaribus* Alphonfi Regis etiam benevolentiam meruit. Hunc *Julianus de Lucchisio* excepit, qui primus Commendatam Abbatiam tenuit. *Besfarion* celeberrimus ille inter Græcos Nicænus primum Archiepiscopus; hinc S. R. Ecclesiæ Cardinalis *Juliano* successit mcccclxvii. & alii post ipsum Ecclesiasticis primis dignitatibus & muniis insignes, temporales opidi Domini, seu Barones appellati, *Capitanum* in eo, ex Juratis unum, Judicem, Magistrum Notarium, & Balium elegerunt; nec secus hodiernus Abbas *Antoninus Riggus* ex Principibus Campisfloridi, vir moribus, & scientiis clarus, Romæ degens, ubi ad majora præperat, iisdem utitur muniis.

Extat inter Prioratus & Ecclesias Monasterio S. Angeli subjectas extra opidum ædes S. Mariæ de Viridariis Pirro memorata, ubi prodigiis clara ejusdem Deipatæ marmorea statua colitur, de qua Albertus varia recenset. In supremo collis vertice antiquæ Ecclesiæ ruinas, & lapideum sepulchrum cujusdam ex Rogerii Comitis commilitonibus incolæ ostendunt, quem a Sarracenis occisum, quum illorum opida Northmanni expugnarent; ibique sepultum perhibent. Ager S. Angeli lætissimus, pascuis, vinetis, olivis, moris, fructiferisque arboribus locuples, omni anni tempore salubris, colonos pene innumeros nutrit, ruri vitam agentes; frequentissima hinc illorum tuguria occurrunt;

runt; quæ civium suburbanis intermixta ædibus, pagi speciem veluti obijciunt. Jactat hodie civem satis illustrem Vincentium Natoli, qui diu Panormi in legali foro inter primos effulsit, gradusque omnes conscendit; Regens hinc in suprema Neapolis Curia integritate in judiciis, doctrina, & moribus, comitate demum egregiè se commendavit; reduxque Regii Siciliae Patrimonii Præses destinatus, seipsum quotidie superare contendit. *S. Angeli* longitudo est grad. xxxviii. xxx. latitudo xxxviii. xv.

S. ANGELI Fluentum hiberno tempore per convallem ejusdem nominis decurrens, aquis collium, quos frequentia occupant opidula, Furnaris, Librizzi, Martini, & ipsa *S. Angeli* civitas, auctum in mare Tyrrenum se exonerat. Æstate molis sub *S. Angelo* volvendis triticeis, aliisque colonorum usibus inserviens pene sicco alveo videtur. Ejus meminit Fazellus, Maurolycus, & Ferrarius, qui cum Pactensi flumine perperam confundit.

S. ANNA Opidulum in Messanenſi olim ditione ejus in Friderici II. Regesto mentio habetur. Ibi enim Franciscus Romeo Regiæ Curie obnoxius dicitur, pro *S. Annæ*, *S. Martini*, & *Partinico* Casalibus; Horum sub Martino Rege, dominam, Censuræ de anno MCCCVIII. *Antonii*, & *Francisci de Lancea* Matrem appellat. Vetus *S. Annæ* Monasterium ac Prioratum hæc eadem regio dudum habebat, de *Galati* nuncupatum sub *S. Benedicti* institutis, ejus meminit Pirrus in Archiep. Mess. Ecclesiæ Notitia, & Comitissa Adalasiæ opibus anno MCCXIV. fundatum asserit, subindeque Vallis Josaphat Cœnobio adnexum.

S. ANNÆ Turris promontorio Xiphonio ætæque rupibus imposita, quod Caput Molendinorum, appell-

appellant; proximum enim vicum habet, cum molis triticeis ad Acim spectantibus, cujus Magistratus Turris hodie curam gerit; dudum nobilis gentis de Amico Catanensis inspectioni commissam cum Comitatus titulo; est enim illa in ejusdem gentis agro fundata. Quadra assurgit figura, tormentis majoribus instruitur, & littoris orientalis præcipua censetur specula; Sinus quippe Catanensis id promontorium cuspis est septentrionalis, & Xiphonium idcirco nominatur.

ANNUNCIATA Messanæ Municipium ad Septentriones, in *Lingua Phari*, secus litus maris cum Ecclesia Deiparæ ejusdem nominis, & Parochia lares habens 94. incolas hodie 458.

ANNUNCIATA Mascalis opidi Municipium, vulgo *Quartiere*, a quo in aquilonem ad Ætnæ radices pass. m. diffidet, Ecclesia insignitur sub ejusdem titulo.

ANTILLUS Vicus est ad Savocam spectans, ab orientali littore haud procul, vulgi voce *Antidu* & Rocco Pirro *Antellis*. In eo Parochialis Ecclesia, Deiparæ sacra, sub Savocæ jure.

S. ANTONIUS Opidum, aliter Acis Superior, de quo consule *Acis S. Antonius*.

S. ANTONIUS Castri Regalis Casale ab Ecclesia & Parochia tutelari nomen sortitur, distatque in aquilonem ab urbe pass. m. maritimam oram versus, ubi *Costonis* est frequens navibus statio.

ANZAN Sarracenorum Vicus, de quo dixi ubi de *S. Angelo*.

APOLLONIA vetus opidum, de cujus situ gentici Scriptorum opinionibus variant. Aretius enim in littore septentrionali, ubi hodie Pollina opidum, in collis supercilio, cui Cluverius accinit; Fazellus no-

ster in agro Catanensi, inter Centuripem, & Ætnam, & cum eo Goltzius locat. Mauroclycus: Apollonias duas recognoscit: *Apollonia*, inquit, *quæ nunc Pollina, juxta Cephalædum, ex reliquiis antiquioris Apolloniæ in agro Catanensi condita*. Moventur Aretius & Cluverius, quod Cicero Apolloniensem Civitatem, cum Aluntina, & Capitina, aliisque aquilonaris tractus opidis conjungit Verr. III. *Tyndarissanam Civitatem nobilissimam, Cephalæditanam, Haluntinam, Apolloniensem, Engynam, Capitinam perditas esse hac iniquitate Decumanorum intelligetis*. Fazellus, qui Engyum circa Leontini amnis ostium perperam statuit, & Stephani depravatum locum fortasse vidit, ubi hic *Apollonias* complures in orbe recensens, *Septima*, ait, *prope Leontinos & Calactam*. Apud Diodorum vero legit veluti cum Centuripe conjunctam *Apolloniam*, haud longe a regionibus circa Ætnam, hanc locatam adstruit. Sed enim Engyum alibi situm suo loco videbimus. Stephani textum optime emendat Cluverius: *Septima prope Aluntinos & Calactam*. Incongrue enim Calactam inter & Leontinos statuisset Grammaticus *Apolloniam*, quum Calacta in septentrionali, Leontini in ortiva insulæ plaga sedcant. Aluntium aliunde, & Calacta loco conveniunt. Diodorus tandem hæc habet: *Ipse verò Agathocles per mediterranea profectus, Centuripem noctu, receptantibus eum civium nonnullis, clam intrare conatur, at patefactis insidiis, quum præsidium subveniret, ex urbe pellitur; Hinc a quibusdam Apolloniæ urbis civibus, qui patriam illi se tradituros promiserant, accitus, eò contendit; Sed proditoribus deprehensus, supplicioque affectis, illius quidem dici oppugnatione nihil effecit, postera verò die multis incommodis affectus, post magnam*
suorum

*suorum jacturam, vix tandem urbe positur, & ple-
risque Apolloniensium mactatis, bona eorum direptioni
tradit. Nocte igitur Agathocles Centuripe pulsus,
potuit sequenti die, aut tertia, Apolloniam contende-
re; Nec ideo Apollonia prope Centuripem fuerit;
& altera die ab obsidione, urbem capere. Cetero alius
Diodori locus hic est: Timoleon Engyum urbem Le-
ptinæ tyrannide pressam aggrediens, continuis cam-
pagnationibus fatigabat. Itaque Leptinem terrore
ad deditionem perculsum, data incolumitatis fide, in
Peloponnesum misit; Et quia Leptinæ dominatum Apol-
lonienses etiam tulerant, Apolloniam simul in fidem
recepit, & tam his, quàm Engyni jus suum, ac le-
ges reddidit. Quum Engyum circa eundem insulæ
tractum cum Apollonia itetisse hinc habeamus, atque
ex dicendis Engyum haud procul a Pollina sedeat,
ibi quoque Apolloniam sitam fateamur oportet; se-
melac ambæ Leptinæ tyrannidem subiere.*

AQUILA Collis ad Ætnæ montis meridionalem
oram, cujus supercilium, anno mcccxxv. quando in-
gens illud erupit ignitum profluvium, a Carrera, &
aliis descriptum, ad pass. mccc. per gyrum absorptum,
fuisse tradunt, uti in Historiis.

AQUILIA Acis civitas, vulgo *Calia*, de qua
jam supra.

ARAGONA olim Casale in agro inter Centu-
ripem, & Adranum, hodie vulgo *Ragona*, ubi turris.
Erat anno mcccviii. Joannis Eschisano, uti in Regis
Martini Censu. Anno ejusdem seculi lxxxix. ad Pe-
rollum de Motyca spectabat, qui Artali Mincio ven-
didit; unde ad Joannem Paternionium devenit. Te-
net hodie Ignatius Paternionius, Biscaris Princeps,
majorum suorum jure.

Tum. III.

K 2

AR-

ARCHAGETA Apollinis Ducis parva statua non longe a littore, ad Onobolæ fluminis ripas sita, quod est hodie *Cantara*, & Calatabiani appellatum. *Græcorum primi Chalcidenses*, inquit Thucydides l. 6. *ex Eubœa classe profecti, cum Theocle Colonia Ductore Naxum condiderunt, & aram Apollinis Archageta, quæ nunc extra urbem visitur, extruxere; ubi quoties & Sicilla solvunt, oraculum petitori sacrificant.* Hinc Appianus Bel. Civ. lib. 5. *Tauromenium Cæsar delatus præmisit, qui deditionem poscerent. Quam verò præsidarii cum non admitterent, præternavigato flumine Onobola, & Veneris fano, ad Archagetam apulit. Est Archageta Apollinis parva statua, quam primum dedicarunt Naxii Coloni, missi in Siciliam.* Numi Tauromenitani Apollinis caput cum lauro referunt, & epigrapha **APXAGETA**. Credit Cluverius Statuam hanc ad Asines fluvii lęvam ripam, hodie Fluminis Frigidi locatam. Naxum enim inter hunc amnem, & Onobalam constituit. Sed alibi Naxi situm post Onobolam, ubi hodie Schison arx, fuisse demonstrabo, & Archagetam, qui extra urbem ex Thucydide videbatur, eo etiam loci stetisse evincam. Cæsar enim Augustus ad Tauromenium oppugnandum præternavigato Onobola Veneris fanum ad *Archagetam* occupavit, uti Appianus loquitur; congruum igitur erat, ut proximiori in loco circa urbem obsidendam castrametaretur, & ex Asine progrediens, qui longius abest, quam Onobola, locum sibi opportunum ad obsidionem deligeret. Jam si ad Asinem *Archagetam* statuimus, Cæsaris Castrametatio procul distita fuisset, nec ad Tauromenium exercitum applicasse diceretur. Quod simul cum ara & Statua Templum Theocles constituerit, uti Fazellus Dec. 1. lib. 1. cap. 2. asserit,

asserit, nullus veterum dixit. Cœterò an de hoc *Archageta* Olympiodorus apud Fotium in Bibliotheca intellexerit, subdubito. Statuam quippe in Sicilię litore ab antiquis inauguratam historicus enarrat, contra Rhęgium, ut *Ætnę* montis ignes averteret, tum ut maris transitu barbaros prohiberet; hinc altero pede ille perpetuum ignem premebat, altero verò pede perennem aquam; quod ex vana gentium superstitione nihilominus aut creditum, aut confictum, duco.

ARCHI Statio inter Raysculmum promontorium & Mylas, olim *Naulochus*, de quo inferius.

ARCHIMUSIS Collis a Monte Albano opido haud procul, ab *Adria* memoratus. Eò Fridericus Rex sæpissime divertens, Raynaldi de Villanova Medici præstantissimi consilio usus, a podagra leuabatur; nocte nihilominus Montem Albanum se recipiebat.

ARCHIRAFIS Turris est in ora Mascalarum, *maritima*, post Caput Siccum cum opidulo paucis ab hinc Joannis Natolis Sperlinghæ Principis opera instituto; Agrum enim ejusdem vocabuli, quum possideret, ejusdem colonos in unum congregavit, ac Parochialem Ecclesiam S. Marię ab Epistola titulo decoratam voluit, *Archiepiscopi* Messanensis indultu, qui Sacerdotem ad animarum curam deputavit. *Archiepiscopum* appellant quoque locum in *Ætnę* vertice, qui aliis, & rectius, Turris Philosophi dicitur, uti inferius reponam.

ARDARIA Messanensis agri opidulum ad meridiem, urbisque Municipium, vulgo *Lardaria*. Subest hodie, uti olim, ejusdem Senatus fascibus, & si aliquando Montecatini fuerit mancipatum, qui *Lardaria* Principes adhuc dicuntur. Horum primus *Aloy-*
sius

fus Moncada Caroli II. Regis privilegio mxc. Habuit ex Catharina Cirino uxore *Franciscum* heredem, qui Eleonora Platamoniz jure, sibi desponsatę, Rosalini etiam Princeps evasit. Sub eo Messanensis Senatus munipia sibi vindicans, *Ardariam* quoque administrandam suscepit. *Franciscus Litterium* filium est affecutus, qui cum Rosalia Brancifortia S. Antonii Comitissa conjugē hodie vivit. Majus, & unicum Parochiale *Ardarie* templum S. Joanni Baptiste sacrum est sub Archiepiscopi Messanensis Vicario, curam habente rei sacre. Illi sex alię suffragantur Ecclesię, & Eremitas satis celebris, opido imminens. Censebantur ejusdem incolę anno mxcxiii. in 170. larebus 688; inde 780. ante lucem, quę regionem nuperis annis invasit, & nostrum quoque pessumdedit. Distat ab urbe pass. m. v. & vallem occupat amoenissimam, per quam hiberno pluvio tempore fluentum decurrens proximo mari illabitur: 211. IONIA

AREDDOLA Collis supra Alimenam in austrum, *Hedera*. Ibi vetusta, uti innui, nec exigua vestigia Aquęductus præsertim lateritii. Cryptę præterea, satis implexę, in quas passim viarum grassatores sese proripiunt.

ARENÆ Montes in *Ænæ* latere australi, gemini sunt colles conjuncti ab anno mxcxix. ingentis arenę vi efformati, quā e proximo camino ignis eduxit; Qui & rubri etiam dicuntur a colore, quem referunt. Vorago sub illis in meridiem, unde liquata ardens materia erupit, ad aliquot passus profunda, in quam descendunt ad arcana naturę opera penitus contemplanda, vomitusque ignei os hodie oclusum demittuntur. Patent cœterò colles in gyrum pass. dcc. circiter; damnantur adhuc perpetua sterilitate, quam alii ejus-

eiusdem prorsus indolis, in eadem ferme regione, vetustiores pene toti, virgultis sint convestiti; recentiores vero herbis non careant.

ARENÆ Monasterium *S. Nicolai* titulo, Benedictini ordinis, antiquissimum, Simone Policastri Comite, Rogerii ex Flandrina filia nepote authore *MCVI.* quod *S. Leonis* de Pannachio primum, mox alteri *S. Mariæ* de Licodia cœnobio conjunctum, Alumnis vitæ Monasticæ perfectione celeberrimis effloruit; Monachorum collegio, quamvis hodie destituatur, qui sub Casinensi Congregatione Catanæ degunt, vetusti nihilominus splendoris, & egregiæ famæ decora servat, & congruis ædificiis instruitur. Cœmeterium in summa veneratione est advenis. Cisterna amplitudine spectanda, aliaque monumenta perseverant, quæ ruinis ex terremotu de anno *MDCXCIII.* superfuere.

ARGENNUM Promontorium Messanam inter & Tauromenium, in fretus pene finibus, quod *S. Alexii* nostra ætate appellatur; Ptolemæo in tabulis esse celebre, qui quum in ejus designanda distantia ab Tauro monte a vero aberret; nam pass. *M. X.* adnotavit, & sunt nonnisi *v.* Maurolyco ansam dedit, & aliis post ipsum, affirmandi: Caput Grossum veterum esse *Argennum*. At enim librariorum culpa sæpiissime in Ptolemæi tabula numerus immutatus, aut male appictus legitur; cœterò quod prætermisso *S. Alexii* capite, quod vere promontorium, idest mons in mare projectus, voluerit Geographus Caput Grossum sub *Argenni* vocabulo intelligere, prorsus incongruum videtur. An Plinius memorans in hac ipsa ora *Drepanum* promontorium, de *Argenno* loquatur, dubitante Eruditi. Ego Drepanum Caput Grossum intelligo. Vide *S. Alexius*.

ARI.

ARICIA Urbs vetus ex Tullio apud Hofmanni Lexicon ab Archigene Siculo ædificata, uti hic ait, in Septentrionali Siciliæ plaga locanda videtur.

ARTALIA Messanense municipium ad austrum, aliis *Artisia*, & Pirro *Lartilia*, occurrit in fluente amplissimo haud procul a littore, & Regia via ab urbe pass. x. viii. disjuncta. Parochialis ædes titularis S. Mariæ de Portusalvo. Lares 80. opidani 300. quibus Patronus singularis S. Blasius habetur.

ARSE Cephalædensis Ecclesiæ Casale, *Alcusa* creditur Pirro, de qua Tom. 2.

ARTEMISIUM. Dianæ Facellinæ templum, circa quod opidulum dudum surgebat post Peloridem. Diana quippe Græcis *Artemis* dicitur, ejusque hinc templum Artemisium audit. Silius lib. 14. urbes, populosque Siculos recensens: *Mille Thoanteq; sedes Fascellina Divæ* canit; Templi, scilicet Dianæ opidum memorat, ac mille ex eo eductos milites. Quod autem Dianam *Fascellinam* appellat, ad Hygini, & aliorum respicit fabulas; ille enim Mythol. cap. 26. tradit Iphigeniam Agamemnonis filiam, postquam numinis miseratione, cui sacrificanda erat, mortem evasisset, Thoanti Regi traditam, ac Sacerdotem Dictymnæ Dianæ factam, cum fratre Oreste Deæ simulacro inde sublato, in Italiam confugisse; quumque simulacrum, ut lateret, *Fasce* lignorum advexisset, inde *Fascellitis* nomen Deæ factum. Idem nihilominus a *Face*, cum qua exprimi solet, *Facellinam* Dianam, nuncupatam fatetur. Prope Artesinum Sextus Pompejus inter Mylas & Naulochum a Casare Augusto devictus ex Appiano, Dione, & Svetonio dicitur: *Cæseri*, inquit Dio, *in Siciliam profecto apud Artemisium Sextus Castra opposuit. Quum vero Agrippam,* scribit

scribit Appianus, *appulsum crederet Pompejus, ad Pelorum transcurrit, desertis faucibus Mylensibus, quas mox Cæsar occupavit; una cum ipsis Mylis, & fano Dianæ, quod opidulum est perexiguum, ubi solis boves fuisse, & Ulyssis somnium factum tradunt.* Ex quibus Dianæ fanum, seu *Artemisium* post fauces prædictas statuit Cluverius, haud procul a Mela fluvio, hodie Nucito; quem idcirco Vibius in Catal: Flum: Phœtelinum corrupte appellat. Accinit Cluverio Massa in Prospec. Sicil. inter Raysculum promontorium, & Mylas *Artemisium* statuens. Sed ejus extare reliquias nonnulli in agro affirmant post Mylas, quem *Sollarium* vulgus nuncupat. Nec abnuere videtur Aretius, qui de Tyndari loquens post Mylas, ait: *Fama est ad hæc loca cum Dianæ Fascelis simulacro Orestem appulisse.* De Solis Bobus & Ulyssis somnio alibi de Mylis, ejusque finibus agendo, nonnulla proferam.

ASINELLUS Fluvius, & ejusdem nominis opidum post Cephalædium. Vide *Isnellus*.

ASINES Fluvius hodie *Frigidus*, qui agro amplissimo, unde originem habet, nomen tribuit. Thucydidi dicitur *Acēfines*, uti optime Cluverius advertit; Malè igitur *Frigidum* alii *Acim* appellant. Fontes habet uberrimos haud procul ab ostio, quos Ætnæ nives gignunt; copiosis idcirco, & frigidis aquis abundat, nec imbribus augetur; æstate hinc, & hyeme æqualis est illarum copia, & pede tranantur. In agro cognomine Turris est celebris, de qua inferius.

AURICELLA Arx in littore aquilonari, & opidum in plaga ortiva. Vide *Roccella*.

AUTOJOANNIS Opidulum in collibus, & ora maritima duo inter promontoria, Taurum scilicet, & S. Aleßium, seu Argennum. Vide *Leto-Joannis*.



ACENA Vetus opidum, *Abacenium*; de quo actum.

BAFIA exCastri Regalis municipiis ad aust. ū & african. it. circiter pass. m. ab illo recedens. Habet ejus Parochia S. Caroli Borromei titulum. Prope locum ostendunt & Ecclesiam, ubi S. Venerandam martyrium pro Christi Domini fide subiisse tradunt, de Vanellis nuncupatam. Haud procul etiam a Casali Arcis a Martino Rege extructæ vestigia supersunt, quæ itineri imminabat angusto, ad insulæ mediterraneæ ducenti. *Bafia* adhærent Galatis, & S. Michaelis municipia, de quibus infra.

BARACCA VETUS Crypta est circa Ætnæ montis latera australia. In eam per angustam portam pénétrant; moxque spatiosam in vivo saxo excisam testudinem offendunt, in cujus area *hastiludium*, inquit Philotheus, *equo & lancea exerceri facile posset*. In angulo ad boream crypta alia xl. passus circiter longa occurrit, in cujus extremo ex aquarum stilli-
cidiis veluti fons efformatur

BARCELLONETTA præcipuum, ac celebre Castri Regalis Municipium, *Barsalona* Siculo ore. In Regia occurrit via, quæ Messanâ Panormum est iter; refugitque ab urbe in septentriones m. m. passibus & Longano abluitur flumine, quod per medium excurrit opidum, incolisque præ aliis frequens est, quibus S. Sebastiani elegans Ecclesia Sacramenta ministrat. Ad-dita huic nuper & alia S. Joannis Baptistæ titulo ab altera amnis parte ad civium commodum. Minores Observantes Cœnobium hinc habent S. Antonii de Pa-
tatio

tavio nomine, ab anno mdcxxx. fundatum. Extant prope fluminis alveum pro Monialibus ædes, sed vacuæ ob loci insalubritatem. *Barcellona*, & australem plagam Naseris Casale contingit, cujus alibi notitiam habes.

BASICO' Casale olim in Mylenſi planitie ſitum, ubi Fridericus II. Rex anno mcccx. celebris *S. Clare de Baſco* monaſterii fundamenta jecit ſub S. Franciſci inſtitutis. Id porro Cœnobium in Opidum Ramettæ Rex transferendum curavit, cui Petrus illius filius bona, immunitates, & privilegia mcccxxxvi. confirmavit, & Caſalis jura attribuit. Nec ſecus Ludovicus mcccxlvi. ac demum Alphonſus ſæculi inſequentis anno xlv. Huic Monaſterio præſcitur prima in Abbatiffam Catharina Petri ſoror, & Friderici fundatoris filia; a cujus morte cum ſanctitatis opinione, Conſtantia Siciliae poſtmodum Vicaria, Petri filia illud adminiſtravit, & ſororem Euphemiam Monialium numero adſcripſit, quæ & ipſa Antifteſ præſuit, & Regni etiam Vicaria: effulſit. Blanca, Violanta, Eleonora Regiæ quoque Friderici III. ſorores, Margarita amita, ac celebris demum illa Senenſis mulier Camiola, de qua in Hiſtoriis, eodem in clauſtro vixere; hæcque poſtrema poſt ſpretas Rollandi Aragonii nuptias, ibi ſacrum velum ſuſcepit. E Rametta tranſvectum Meſſanam, aut novum ædificatum, illo apud Ramettam perdurante, per hæc tempora Monaſterium tradunt, ubi ad hanc noſtram ætatem non impari ſplendore viger.

S. BASILIUS Caſale in ditione Meſſanenſi aquilonari, circa Mylas, juris *Liveti Chieccari* ſub Friderico II. & *Borgii Cirini*, Martino Regni potente. Caſali deleta ad *Marcellum Cirinum* Borgii heredem anno mxcii. ſpectabat; hodie *Placido Ruſſo* jure uxoris Margaritæ Cirino ſubditur.

Tom. III.

L 2

S. BA-

S. BASILIUS Fluvius, Philippo Amico Melas; sed Cluverio, qui Nucitum Melam esse affirmat, ignotus, vel prætermisus. Fazellus Dec. 1. lib. 9. cap. 7. *Ad oram ulterius Castri Regalis fluvii est ostium...* S. Basilii ab ædicula ejusdem nominis appellati, ostium postea sequitur, quod ex latere occidentali collis, ubi S. Lucia opidum est conditum, emanat. Idem Amicus id ostium in Mylensi olim portu fuisse tradit; sed aggeribus subinde extructis, mutato cursu ad occiduas urbis illius plagas S. Basilii aquas in mari sese effundere, ait.

BASILUZUS Insula ex Æoliis una; *Heracleotes* Græcis, sive *Herculis* Latinis appellata. Abest a Lipara in orientem ad x. pass. m. & ambitu nonnisi ii. m. extensa, cultui aptissima habetur. Ejus meminit Itinerarium Insulare, & inter Evonymum ac Strongylem locatam dicit, uti Cluverius observat.

BATTEATI Opidulum sub Ætna supra Catanam, olim ejusdem urbis municipium, ad dynastas hodie Massenses cum aliis ejusdem regionis spectans. Parochiæ titulus S. Mariæ de Annunciatione, sed incolarum patronus præcipuus S. Laurentius Martyr, cujus celebrant festum. Speciali etiam cultu S. Agatham venerantur, estque hujus paullo supra Parochialem, in Vico de Valentis sacra ædes. In decurrentis sæculi censu ejus descripti sunt lares 67. animæ 271. sed in novissimo 417. computantur.

BATTUM Casale ad Cephalædensē spectans Ecclesiam, de quo in Martini diplomate de anno m. cccxcm. ubi bona ejusdem recenset, fit mentio.

BAVUSUM Opidulum, in Regiis tabulariis *Bavosa*, & apud Aretium de Situ Sicil: *Babusa*, circa Mylenses fauces in colle situm ad aquilonem vergit, subiectumque

jectamque prospicit mare. Lares habet 90. incolae ex novissima recensione 300. quamvis Fazelli ætate lari- bus 112. fuerit frequens, incolisque 415. Titulo Comi- tatus ab anno MDXC. Philippi II. Regis privilegio ef- fulget, unica Parochiali S. Nicolao Episcopo gaudet, quæ Archipresbytero Ramettenſi ſubeſt, ac II. minores regit Eccleſias. In edito tumulo Minoritanum eminet cœnobium, olim ſub Obſervantibus, hodie Conventua- libus addiſtum, S. Mariæ Annuſciatæ titulo ab anno MDLXXXVI. erectum. Sed & Comitſ palatium toti opi- do ſuperſtans, Caſtri formam imitatur; idèoque *Ca- ſtellum Novum* dicitur, cum Principatus inſignibus, ad quod via eſt populis utrinque conſitis jucundiſſima Vicus quoque in eodem ſupremo clivo ſub *Altamira* titulo Marchionatus teſſeram præfert; adeout locus idem triplici inſignis prærogativa habeatur. Caſtri Regalis Comarchiam recognoſcit, & Paſtenſis Militiæ Præfecturam; ac Meſſanæ Diœceſi comprehenditur. Patronam denique Deiparam de Populo jaſtat. Agro utitur fructiferis arboribus, vineis, oletis, ac moris ad ſerici artificium reſertiffimo, aquis copioſis redun- dante.

Bavusi ſub Aragonenſibus prima elucet mentio; Rege Friderico enim II. *Joannis de Manna* hæredibus ſubjectum dicitur. Emit cum Monforte circa xv. ini- tia *Nicolaus Caſtagna* Siciliæ Præſes, hinc in Martini cenſu Curiæ obnoxius idem *Nicolaus* ob *Bavusum* & alia opidula venit. Dotis nomine non diu poſt ad Pulichinos, & ex his ad Moncadas pervenit; ſed anno MCCCCLXXXIV. juris erat *Laurentii Marulli*. *Saccanis* hinc obvenit, & loco pignoris datur anno MDXXX. *Cri- faſtis*. Tenuit eadem conditione *Uillelmus Spataſora* MDXXX. ceſſitque tandem *Cottoniis*; *Andreas* enim ejuſ- dem

dem gentis, qui Linguam Grossam sibi conquisserat, *Bavusi* Baro dictus est. Ex eo *Stephanus*, Comes ejusdem sæculi anno xc. recunciatus. Huic *Andreas* & *Josephus* nati sunt; *Josephus*, qui fratrem improlem excepit, *Hieronymus* filius successit, hic *Castelli Novi* Princeps *Philippi IV.* Regis voluntate etiam audiit. Idem inter xii. Regni viros adscitus; *Triremium* cum in Sardinia, tum in Sicilia supremus Præfectus effulsit, & *Flaviam* Cibo Petri filiam, ac hæredem cum *Nasi Comitatu* conjugem habuit; ex qua *Joannem Emmanuel* suscepit. *Joanni*, licet ad primas & secundas convolaverit nuptias, nulla superfuit proles, *Scipio Cottonus* idcirco ex *Carolo* genitus [fuit *Carolus Hieronymi* frater] dynastias anno mdcxxx. est assecutus. Hic *Villarmosæ* Princeps, & *Altamiræ* Marchio etiam inclaruit, atque cum *Agatha Amato* & *Alliata Philippum* procreavit, qui & *Opidi S. Catharinæ* dominium hodie tenet. Ex eo & *Anna Maria Morfo* *Cajetanus* prodiit, *Lucretiæ Cardoniæ* copulatus, *Altamiræ* & *Villarmosæ* titulo insignitus. *Bavusi* Comites in publico Regni Consilio votum proferunt xvi.

BELICIS Arx sub *Nebrode Monte* inter *Politium* & *Colefanum* opida. *Aragonensium* Regum ævo sub *Francisci Vigintimillii* potestate erat, qui totius circumpositæ regionis dynastias, & *Colefanum* tenebat. Post hujus mortem Regi adjudicatur, moxque cum aliis opidis, ac feudis *Francisci* filiis restituta. Ad *Henricum Rubrum* subinde cum *Colefano* xvi. sæculo, & ad *Cardonas*, tandemque ad *Montecatinos* devenit, uti *Colefanensis* Comitatus pars. *Belicis* dynastia feuda sub se xii. & satis ampla continet, quorum aliquot hodie peculiares agnoscunt dominos, uti ex occasione inferius dicam.

BEL.

BELLIFLORES Vicus est sub *Ætna*, supra *Catanam* ad *Valliviridis* Parochiam spectans, ab eaque pass. circiter *mc.* in occasum hibernum recedens cum Ecclesia *S. Antonio Patavino* dicata.

BELMONS Vicus *Frazano* & *Mirto* proximus, in aquilonari *Siciliæ* plaga; cujus meminit *Fazellus*. Jatet hodie.

BELPASSUS Opidum ad *Ætnæ* australes radices, *Phœcia Moncada* aliter, ac dudum *Malpassus*, *Paternionii* Principes *Moncadas* dominos habet; suntque utriusque agri idcirco confines. Quum *Ætnæ* incendiis de anno *mdclxix.* jacturam subiisset, in agro *Medio campo* ædificari de novo cepit; locus hinc *Terranova* & *Phœcia Moncada*, quod veluti *Phœnix* ex incendio resurgeret, nomen indeptus, quum insalubris aeris ab incolis haberetur, desertus, quamvis in Regia via occurreret, & integris pene ædificiis relictus est. Recens. igitur a veteri haud procul opido, quod *Malpassus* audiebat, vocabulo etiam mutato *Belpassus* nuncupari ab anno *mdxcv.* cepit, & situ aptiori leviter declivi in austrum moliri certatim, ac brevi visum est notabiliter augeri, adeout ante *iv.* ab origine lustrum, anno *mdccxiii.* focos *779.* incolas *3426.* numeraret, & novissimè *5209.* horum census inveniretur. Princeps ejus Ecclesia sub *Immaculatæ Conceptionis Deiparæ* titulo, magnificè extructa, medio pene assurgit opido, cum ampla area a fronte, ac Canonico instruitur Collegio, cujus tres sunt Dignitates, Alumni *xii.* Mansionarii *iv.* His animarum incumbit cura, designandique minores Sacerdotes in *S. Salvatoris*, & *S. Antonii* ædibus, ubi opidanis Divina etiam conferuntur, potestas committitur. Singularis Patronæ *S. Lucie Virgins* & *Mar-*

Martyris Syracusanæ sollemne festum cum nundinis celebratur, ejusque est in majori sacra æde decens sacellum. Quatuor aliæ filiales ad incolarum fovendam pietatem spectantur Ecclesiæ; atque ab anno mccc.... Minorum de Reformatione sub S. Antonii Patavini auspiciis conditum videtur Cœnobium.

Ad cl. circiter pass. Vicus *Borellus*, seu *Stella Aragona*, a clarissima gente Montis Alti Ducum vocabulum habens, sedet, qui vetusto de *Guardiis* casali subrogatus, S. Mariæ cognominis Ecclesia parochiali gaudet. Præest *Belpass*, & Borelli Clero idem Catanensis Episcopi Vicarius; Dynastæ partes Magistratus quoque in utroque gerit, unumque opidum computatur in Comarchia Catanensi, & S. Philippi de Agyrio Militari Præfectura. Ager amplissimus circa meridiem, latè, ac longè extenditur, frugum supra modum ferax, ac vineis circa aquilonares plagas sub *Ætna* constitus omnia incolis ad vitæ commodum suppeditat.

BELVEDERE recens opidum circa orientales *Ætnæ* radices, *Pesmontis* alio nomine, de quo inferius.

BIANCA-VILLA aliter *Græci*, & *Alba-Villa*, quam supra descripsi. Majus templum Collegio Canonico ab an: mcccxlvi. decoratur; ex Petri Galletti Episcopi institutione, & Romani subinde Pontificis confirmatione. Collegium Mariæ pro sequiori sexu nuper institutum incrementa quotidie suscipit.

BIDIUM Castellum. *Stephani Epitomator*, inquit Cluverius lib. 2. cap. 6. post *Bidum* subdit: *Est & aliud in Tauromenitano agro Castellum Bidium*. Quo sita fuerit incertum est; nulla enim ejus apud veteres alia extat memoria. De Mascali cogitat idem author, ubi Ego Callipolim stetisse alibi conjecto. *Nec ulla veteris alicujus loci*, subdit ille, *reperiuntur hodie in Tau-*

Tauromenitano agro uestigia. Sed fallitur; passim quippe complura occurrunt. Ceterò Mola supra Tauromenium vetusta a Fazello dicta, & situ inexpugnabilis, forte *Bidium* fuit

BIMARIS Mons, vulgo *Dinamaris*, Antiquis *Saturnius*, supra Messanensem oram, ita appellatus, quod utrumque mare Tyrrhenum scilicet, & Jonium ex ejus suprema specula conspicuum habeatur, juxta nonnullos. Aliorum vero sententia *Dinamaris*, seu mons *Damarum* dictus, quia *Damis* ejus prærupta, ac nemorosa loca abundant. Diodoro ceterum & Polybio *Chalcidicus* appellatur, & Fazello *Dimmaris*. Quod ad Peloridem spectet *Brieti* tradit; verum *Neptunius* noster in austrum vergit, *Pelorus* ad septentriones, occasumque caput extollit. Fluenta aliunde, utrumque determinant, & si consociari videantur. Ubi veterum Specula ædem B. *Virginii* sacram incolæ condiderunt, quæ adhuc perstat, ac præcipua religione colitur.

BOLUM Casale olim Messanenensis Pontificis, cujus hodie in rupis vertice Arx durat, contra Brontem sub *Ætna* ad æstivum occasum.

BONACCURSUM Opidum in *Ætnæ* radicibus circa ortum hibernum, a gente cognomine appellatum. Constat vicis de *Paulotis*, & *Leoniis*, altero de *Batteatis*, tertio de *Bonaccursis*, a quo postremo, inter illos circa xvi. sæculi medium extructo, nomen opidum invenit. Apud *Paulotos* S. Stephani Ecclesia diu viguit; penes *Batteatos* S. *Luciæ* sacra ædes dudum fuit, in qua Sacramentis administrandis Sacerdos operam navabat. Ubi vero communi incolarum voto decenior sub S. *Mariæ de Directione* titulo, ejusdem sæculi anno lxxxviii. fuit excitata, jura parochialia illi deferuntur, & Prothomartyr *Stephanus*, uti præcipuus

tutelarîs colî cępit. Altera inferior est Deiparę de Consolatione nomine, singulari observantia etiam habita cum sodalitiis, Ecclesiis; nec procul inter Ætneſes rupes S. Marię de Lavina frequens est, ob impensa mortalibus beneficia. Subest opidum Campifloridi Principibus, conflaturque laribus 208. civibus 1011. Regimen animarum Catanensis Episcopi vices gerens, subit; Civile vero delecti per dynastam administri. Acis Comarchia clauditur, ejusque municipiis accensebatur. Juris olim fuit nobilis Januensis gentis *Diana* cum aliis Acis casalibus, & Marchionatus titulo auctum, MDCLII. quo gaudet hodie *Josephus Nicolaus Diana* Cephalę Dux.

BONALBERGUM Arx a Nicosia VI. pass. n. discedens; juris olim sub Martino Rege *Salimbenii de Marchisq.* Memoratur Fazello.

BONVICINUM Arx inter Isnellum, & Coleſanum, circa aquilonare Sicilię latus. De ea Aretius: *Bonvicinus nostra propemodum tempestate erectum opidum.* Id hodie desertum; Arx vero integra perseverat, quam Monalis fluvius perlambit.

BORDONARUM Casale, seu Municipium ad Messanam spectans, ab australi plaga, fretus littori II. circiter pass. n. spatio adhærens. Parochiale illius templum S. Marię de Gratiis sacrum; lares 240. incolę 800. circiter hodie, qui ante luem supra n. computabantur. Prope est Deiparę Coenobium, Basiliano sub instituto, a Presbytero Scholari, olim loci Domino & Rogerio de Secreto, atque Ula Graſſea ejus uxore conditum. *Pater*, de eo Pirrus ait, *in amenissima planitie, celebris, atque inundantis undique fluminis, vulgo Fiumera Bordonarii*, commendatque veterem B. Marię Virginis imaginem ab ipsis fundatoribus Monachis

nachis dono datam, affabre expressam. *Bordonaro* impendit in edito colle situm Basiliense aliud Monasterium *S. Pantaleonis* iisdem Secreto & Ula authoribus. Utriusque olim primus Rector Sabba fuit; Commendantur hodie, sedentque in Comitibus illorum Abbates *S. Mariæ* loco xxxvi. *S. Pantaleonis* xxiv. Ab eo fluentum nomen mutuatur, quod pluvio tempore difficile ad tranandum evadit.

BORELLUS olim Opidulum, Vicus hodie *Belpassi*, de quo actum.

BOVES MARINI In Nafi opidi littore sub Orlando promontorio scopuli sunt contra *S. Georgii* stationem.

BOZZETTA Suburbium Messanense ad passus circiter c. extensum in aquilonem, ubi Fluenta.

BRACHIUM *S. Raynerii*, curvum est litus, celeberrimum. Messanæ portum ambiens, immotumque reddens, pass. x. in gyrum patens. Ad ejus olim apicem ædícula erat sub *S. Nicolai* auspiciis; hinc *Lingua S. Nicolai* appellabatur, & *Lingua Phari*; Turris enim specula in ejusdem *Brachii* extrema ora magnificentissime assurgens, Pharum ad navigantium commodum continet, vulgo *Lanternam*. Insula quoque *S. Hyacinthi*, & *S. Placidi* dicitur juxta Samperium; promontorium denique Argennum ex Maurolyco & Alberti, qui certè hallucinantur, uti ex superioribus constat. Ubi porro *S. Nicolai* Ecclesia, Rogerius *S. Basilii* ædificavit cœnobium sub invocatione Salvatoris, quod in augustiorem formam Rogerius Rex Comitibus filius redegit, uti ejus diplomate constat mcccciii. Fuit id cœnobium fulminis ictu percussum mdl. Carolus hinc Cæsar, ad ejusdem portus & regni tuitionem, Arcem ibi magnificam, propugnaculis circumseptam,

egregio opere condendam iussit; Monachis intra mœnia primum, mox in plaga portus orientali ad primum lapidem, insigni Monasterio extructo, collocatis. Non omiserim apud Geographos nonnullos pro *S. Raynerii Brachio*, id totum comprehendere, quod a Peloro promontorio, ubi altera est Turris Phari, ad Malpuriti fluminis ostia continetur, quæ in aquilonari littore aperiuntur. Verum his vulgare Siculum effatum ad-versatur; quum enim aliquid difficile, aut impossibile intentamus, id nempe idem esse dicimus, ac *Sancti Raynerii Brachium* dirigere. Pro *Brachio* idcirco curvum littus venire, satis abunde constat.

BRIGA Casale, & ejusdem nominis fluentum; Abest a littore ad xc. pass. in austrum, ab urbe Messana, cujus est municipium, ferme vii. m. Parochia. S. Georgium Martyrem habet Tutelarem. Lares 108. numerantur, incolæ 360. quorum est præcipuus Patronus S. Joseph, S. Stephani de *Briga* Duces hodie Spuchii audiunt, de quibus infra.

BRITIUM Opidulum ditionis Paënsis ad meridiem. Vide *Librizzis*.

BROLUS Arx maritima, Rogerii ævo *Voab* appellata, in septentrionali littore, inter promontoria *Calane*, & *Orlandi*, sed huic proprior. Sedet in tumulo ad fauces fluminis ejusdem vocabuli, veteribus *Tymethi*, & maris fluctibus tunditur; amplitudine spectabilis, in altum se subrigit, bellicisque instructa, majoribus tormentis, subjectam oram tutissimam reddit. Authores vetustos Siculos primates habuit, quos inter *Bartholomeus de Aragonia* sub Friderico III. recensetur, sed instaurarunt dynastæ de *Lancea*. Gens hæc sub Suevis, Regibus adjuncta effulsit; Blanca enim *Lancea* Friderici Cæsaris Sicilia Regis uxor fuit. Ejus
hinc

hinc frater *Fridericus Lancea* in historiis celebratur. Martino Regni habenas tenente *Pirruchius Lancea*, *Brolis* dominus erat; quamvis enim Rex idem MCCXCII. Aragoniis proceribus, quod *Lanceæ* ab eo defecissent, *Brolis* castrum concesserit; brevi tamen *Pirruchio*, ejusque filio *Conrado* in gratiam receptis, bona restituit, eundemque *Corradum* Caput Gentis de *Lancea* in suis literis de anno MCCCCI. appellavit. Ex *Conrado Pirruchius* II. cui *Valor* successit. *Valorem* anno MCCCCLXXXVI. *Guillelmus & Blasus*. Sed illo sine prole decedente, alter sæculo XVI. ineunte fuit *Brolis* dominus. Hunc excepit *Hieronymus*, unde *Blasus* MDLXIV. qui *Hieronymum* II. habuit hæredem. Ex eo *Ferdinandus*; hinc ejus filius *Franciscus*. Anno MDCXXV. *Fabritius Brolis* Baro; cujus filius *Joseph* Ducatus insignia a *Carolo* II. MDCLXXXVI. exoravit. *Hieronymus* ex eo & *Felicia* *Alexandro* ortus, Dux & ipse *Brolis* hodie audit; sed Arcem, adnexum agrum, & *Ficaræ* dynastiam *Ignatio Vincentio Abbati*, *Longarini* Marchioni, qui pretium exsolvit, paucis ab hinc concessit. Hic crevisse circa *Brolis* arcem colonos advertens, Ecclesiam S. Hieronymo dicatam in Parochiam ab Archiepiscopo Messanensi erigendam curavit. Festus hinc dies, & celebres nundinæ habentur. *Brolis* lares ad hanc ætatem una cum *Ficarra* computati 381. opidani 1967. *Jonnellus* vicus spectat ad *Brolum*.

BRONTES Opidum locuples hodie & frequens, *Ætnæ* montis radices, seu latera in aquilonem, & caurum occupans, nomen ab uno ex *Vulcani Cyclopi*bus, antiquis poetis sat notis, traxit. In *Maniacensis* *Cœnobii* agro, & solo leviter declivi in occasum, sedent hodie incolæ, qui ante *Cæsaris Caroli V.* ævum vicatim habitabant, convenientesque in unum *Maniacensi*

senſi Abbati obnoxii diu vivere; Quum autem Abbatia illa Ferdinandi II. Regis juſſu, Innocentio Rom. Pontif. approbante, Panormitano Valetudinario Maximo ceſſiſſet, ejuſdem Reſtoribus *Brontenſes* ſe ſubdiderunt; Jus autem gladii ad Regios adminiſtros ſpectabat, uti & hodie, hiſque pleno jure ſubmitti opidani contendunt, ac Demanialibus Civitatibus accenſeri. Princeps templum SS. Trinitati ſacrum, in quo ſub Archipreſbytero Sacerdotes xxiv. cum Clericis Divino ſervitio intendunt. Surgit circa pomerii terminum ad Africum ſatis elegans, & conſpicuum, eiſque ſeptem aliæ minores Eccleſiæ ſuffragantur. Monafterium Ordinis S. Baſilii, e Maniacenſi Caſali, de quo inferius, ad S. Blandani eodem translatum intra opidum in aquilonem; Minoritani de Obſervantia, ſub S. Viti Mar. titulo ad australem oram coaleſcunt; Capuccinorum vero extra ſpectatur cœnobium ab anno mcccxxvii. conſtructum. Domus præterea S. Philippi Nerii; Monialium ſub S. Scolæſticæ invocatione, & S. Benediſti Regula Clauſtrum; Noſocomium denique, ad pauperum, & peregrinorum levamen, opidum exornant; quibus etiam civiles non contemnendæ ædes, ſtratę vię ſpatioſę, cum foris abunde reſertis accedunt.

Brontis Lares Fazelli ævo 709. numerabantur, incolæ 2815. Sed elapſi ſæculi anno lxi. ſoci ad 1834. opidani ad 6151. excrevere: In cenſu de anno mcccxxx. lares 1924. incolæ 6936. deſcripti, & noviffimè 7949. quorum eſt præcipuus Patronus S. Blafus Epifcopus. Aquilam in teſſera oſtentat; Siciliæ inſigne, intra cujus peſtus rurfus aquila ſine corona. Jus in eo uti Hierarchia ſpiritualis dicit Archiepiſcopus Montegalenſis, cui Monafterium Maniacenſe ſubdebatur. Comarchiæ Randaticenſis pars eſt; Agro utitur, vineis, oleis,

oleis, moris, pomiferisque arboribus divite, aquis non indigo, pascuis referto, ac ovium caulis idcirco undique frequenti, qui suis omnia sufficit, exterisque lanas, confectosque ex ea pannos præbet, uti præcipuos, in regione habitos. Illustres Viri: Vincentius Ortalis Sacerdos omnium virtutum genere excultissimus, Panormitanæ Ecclesiæ Canonicus, Solitudinis amore, nonnullis ante obitum annis, ut quietius perfectionis Christianæ institutis vacaret, in Carmelitarum S. Terefiæ Coenobium extra mœnia secessit, ac clericali veste retenta, vitæ inculpatae legibus majori contentione inhæsit. Ibi pluries Beatæ Virginis alloquio in Ecclesia, dum orationi impensius vacaret, dignatus, uti tradunt, sanctè demum mortale exiit MDCCLXXIII. Paulus Ortalis. Laudat hunc Mongitore a Legali scientia, & amenioribus literis, ac in præcipuis Siciliæ Academiis adscriptum evulgat, de Geneologia demum præclaræ Dentis familiæ Notitiâ edidisse tradit. Habuit filium Carolum Ortalem Jurisconsultissimum & Philologum egregium, qui cultum ingenii eximii in selecta Bibliotheca, quam sibi paravit, indefesso labore ad plures annos fecit. Ejus opera in unum collectas habemus Legales dissertationes cum de Feudis, tum de aliis controversiis, ab præcipuis Caussarum Patronis Siculis habitas, sparsim dudum editas. Thomas Schiros Clericus Regularis, Orator disertissimus, ac Theologus sanæ, ac profundæ Doctrinæ, quo ad mores, nemini nostra ætate secundus, adeout veluti oraculum ab omnibus consuleretur; Viris Principibus acceptus, quorum, ut favorem declinaret, diu in Acis Civitate vixit; ubi sacram, S. Joannis Nepomuceni Domum instituit. Mortem lætus expectavit annis & meritis refertus MDCCLIX. Est Brontis latitudo grad. xxxvii. xlv. longitudo grad. xxxviii. xxv.

CA.



CALA S. PAULI, seu Statio in Messanenſi australi littore poſt Scallettam, quo S. Apoſtolum e Syracuſis Rhegium navigantem, aut alio fortasse tempore, excendiſſe tradunt, in cujus rei memoriam pii fideles ſacram ædiculam condiderunt, juris hodie Monasterii S. Placidi, quod in ſuperiori colle ædificatum undique ſeſe ſpectandum præbet.

CALACTA Urbs vetus, de qua fuſe Cluverius lib. 2. *Ultra Aleſam fuit opidum, quod a loco, in quo ſitum, Kalakte ideſt Pulchrum liſtus Grecis dicebatur. Romanis uſurpatum ſuis Calacta. Meminere ejus Herodotus, Cicero, Diodorus, Ptolemaus, Athenæus, Itineraria Romana, & Strabo; quorum nonnulli Calatam appellant, & Galatam. Idcirco Plinius Galatinos memorat Populos in Sicilia. Situm ejus ſic recenſet Ptolemaus: Aleſa, Calactæ, Chyde amnis oſtium, Aluntium, Agathirnum; Tabula Itinerum: Cephalæto Haleſa xviii. Calacta xii. Fazellus autem: A Cephalædi ad Thuſam arcem milli: xvii. a Thuſa ad Aleſam nunc Caroniam xii. Subdit Cluverius: Ex hiſce intervallis Caronia erit ipſa Calacta, quam per ingentem errorem Fazellus ad id collocat opidum, quod xxx. paſſ. m. ultra Caroniam ſitum, vulgo vocatur S. Marcus. De Caronia loquens aliunde idem Fazellus ad cognominis fluvii oſtium, fragmenta, ac veteres ruinas pro maxima parte obrutas, ad ædem Annunciatæ, in publicis agris, ac vineis ad paſſ. fere duo m. ubicumque effoditur, paſſim occurrere tradit. Hæ certe ruinae, proſequitur Cluverius; ſunt Calactæ, quam*
Tabula

Tabula xxx. m. pass. a Cephalædio distam collocant. Sed & ipsa Caroniensis littoris excellens amœnitas & pulchritudo, quam diligentissimo oculo per totum hoc littus quæsiui, Calactam hoc situ fuisse aperte clamat. Subdit Strabonis textum, quem emendat, uti & Antonini Itinerarium; indeque ad Calactæ originem descendens illud Herodoti lib. 6. refert: Per hoc idem tempus Zancleai in Sicilia misere in Joniam, qui Jones adeundam in Pulchro Littore urbem sollicitarent. Est autem Pulchrum Littus Siculorum in ea Sicilia parte, quæ in Tyrrheniam vergit. Quum autem Jones ab Anaxila Rhegii Tyranno, Zancleorum hoste persuasi, ut Pulchrum littus, quo navigabunt, valere sinerent, ac Messanam tunc civibus vacuam, occuparent, facile acquievisset, tunc quidem dilatus Calactæ conditus fuit. Verum post xl. circiter annum, qui fuit Olympiadis lxxxiii. tertius, Ducetius Siculorum Dux in Historiis sat celebris, Corintho ausugiens, ubi Timoleontis jussu privatam agebat vitam, oraculo se jussum fingens, uti Diodorus enarrat, ut in Sicilia Calam Asten, idest Pulchrum littus incolis frequentaret, cum magna hominum sedes querentium turba in insulam transmisit. Adjunxerunt se etiam Siculorum nonnulli, ac inter hos Archonides Herbitensium Princeps. Et paullo post: Olym. lxxxv. In Sicilia tunc Ducetius, qui urbium Sicularum Dux fuerat, Calactinorum patriam condidit, & magna colonorum frequentia illuc deducta, imperium Siculorum sibi vindicare cepit. Verum morbo præventus, vita simul & conatus excidit. Hæc de Origine habent veteres.

Memoratur porro Athenæo Cæcilius Rhetor a Calactæ, seu Pulchro Littore; Tullius, qui Amystratum & Calactam vicina opida esse Verr. 3. innuit. Eupu-

lemum *Calactinum* celebrat. Demetrii Historici vetustissimi meminit Dionysius Halicarnass. Laertius hinc in Vita Demetrii Phalarei, multos adducens ejusdem nominis, sexto loco nostrum Siculum collocans, scripsisse testatur *De Asia & Europa libros xx.* Thales *Calactianus* Orator clarissimus, eidem Laertio, Lascari, & Goltzio laudatur. De *Successionibus Philosophorum & Sæclis Sapientum* scripsit, & Homerum illustravit. Sileum denique Calactinum idem Athenæus lib. 12. vocat. Fuit historicus non vulgaris, ediditque *Res Romanas* ex Livio, *Res Siculas* ex eodem Athenæo, & Laertio, de *Ætina*, de *Aphrodisiade Insula*, *Glossas*, & *Historias Fabulosas*. Hæc enim opera tribuuntur Sileo a Stephano, Plinio, Tzetze, aliisque. Refert Paruta Calactæ numismata duo; alterum in antica facie Juvenis caput habens, quod perperam Ducetii vultus, aut Arconidis referre Majer opinatur, uterque enim ex his Ducibus Calactę fundatoribus decessę jam ætatis erant, uti ex illorum rebus gestis eruitur. In postica Noctua super vas, Palladis insignæ spectatur; cum epigrapha ΚΑΛΑΚΤΙΝΩΝ. Secundum vero Bacchi caput cum hederacea corona, & vuz botrum repræsentat, cum eadem inscriptione.

Putat Cluverius *Calatam* diversam forte fuisse, a *Calacta*, & hanc Maritimam, illam verò Mediterraneam, cujus populos *Galatinos* inter mediterraneos Plinius recenset. Nonnulli ad pass. circiter viii. m. ob Tuscorum & Cumzanorum incursiones, tractu temporis ab ora aquilonari *Calactinos* recessisse credunt, ubi novum opidum *Galatiam* appellarunt. Quò èvo ceterum *Calacta* interierit, incertum. Ciceronis ætate extabat & non incelebris. Paulus Diaconus a Sarracenis ruinis effectam dicit.

CALANNA Mons contra Alcamam, ob S. Nicolai Eremitæ incolatum celebris. In Actis ejusdem Sancti *Calapnis* appellatur, uti Massa adnotavit. Vide *Alcara*.

CALANNA Collis in Ætnæ latere circa ortivam & australem plagam supra Mascalas, ad cujus radices vallis est ejusdem nominis, ibique fons aquæ dulcissimæ emanat.

CALATABIANUM Opidum cum Arce originis Sarracenicæ, uti ipsum nomen ostendit, quod Punico ore *Kalghata Bian*, Erctus scilicet locus, *Biani* fundatoris vocabulum referens, significat. Ad Ætnæ radices orientales in colle sedebat, non longe a Tauro-
menio, supra Naxum; hodie vero in ejusdem collis latere meridiem & ortum respiciente, prope Onobalæ fluminis ripas, quod ab ipso etiam *Calatabiano* nuncupatur, situm, media angusta convalle discernitur, incolarum etiam ædibus occupata. In collis vertice, ubi veteres perstant adhuc reliquæ, Arx surgit propugnaculis prætentis instructa, quæ ad opidum usque, uti ad eam tutus esset ascensus protendebantur. Majus templum Deiparæ Annunciatæ, & præcipuo opidi Patrono S. Georgio Martyri dicatum in altero tumulo sub arce, Archipresbytero curante, unicum est parochiale, paucis ab hinc nobilius resectum, cui aliæ sex minores Ecclesiæ subsunt. Messanensis Archiepiscopus per suum Vicarium clero, Palagoniæ Princeps, Gravinæ stirpis, civibus jura dat, quorum est numerus 800. in laribus 250. olim computatus, sed ad 1360. hodie censentur, & Linguae Grossæ Comarchia clauduntur. Ager segetibus aptus, uberrimè tamen vites, oleas, moros, ac non levem ordeï copiam suppeditat, oleribus denique, ac leguminibus abundat.

De Dynastis hæc habeo : *Paganus & Gualterius de Pariso* Avellani Comites in Calabria *Calatabiani* Castrum sub Rogerio Rege mcccxxv. tenuere, ob quorum descitionem Constantia Imperatrix & Regina *Arnaldo de Regio* mccciii. attribuit. Fridericus vero Constantiæ filius *Gualterio de Paleariss* Cancellario suo, & Catanensi Pontifici concessit. Hinc solutis ab eodem Episcopo Arnaldo Comiti, vetusto opidi domino xv. tarenorum m. ne castrum repeteret, *Gualterius* ratham quoque Donationem obtinuit, quam suis literis Gregorius Theodorus Cardinalis & Summi Pontificis Legatus sub die xiv. Martii Messanæ firmam voluit. Tunc sub tentorio, ex arborum ramis compacto, uti Tabulæ Catanenses loquuntur, ad fluminais oram, opidi & Castri possessionem Ecclesiæ nomine iniit. Quum vero *Siculo* Ecclesiæ sub eodem Friderico Cesare pessum irent, *Gualterii* successores Castrum amiserunt; Sed Rodolphus S. R. C. Cardin. Episc. Albanensis, Sedisque Apost. Legatus, Caroli Andegavensis tunc Siciliam administrantis voluntate, anno mcccxxvi. Sententiam dixit, qua Ecclesiam Catanensem, Othonemque Capicium illius Antistitem in Calatabiani, aliorum opidorum ac jurium possessionem immisit. Perstitit itaque sub ejusdem Ecclesiæ fascibus ad annum mccc.... quo sane tempore in laicalem potestatem, ex concessione devenit, & *Rogério Lauriæ* Architalasso Siculo & Aragoneusi paruit. Ex eo ad *Margaritam* filiam. Quum vero *Lauria* ab officiis decessisset, *Brancaleonis Aurea* Januensis, *Calatabiani* dominium subiit una cum Rahalmuto, uti in Friderici II. Censu legitur.

Post *Aureas* *Henricus Rubeus*; hinc *Manfredus Claromontanus*, cujus filia *Constantia* cum *Calatabiani*

ni

ni dote *Antonio Carretto* nuptui data est. Hic primus ex hac nobili gente ab Hispania in Siciliam venerat. Anno mcccxciii. *Guerao de Queralta* dedit Martinus Rex; At non diu, post biennium nempe, *Bartholomæus Aragonius* in Castri possessionem venit, unde ad *Bartholomæum* de Cruyllas translatus, qui filio *Joanni* legavit, hicque defuncto in ejusdem Martini Regis Censu mcccxcviii. memoratur. Ex Cruyllis loco pignoris *Marulli* Messanenses sub Joanne Rege habuere ad mxxvii. Subindeque *Henricus*, & *Joannes Romani Columnii*, & hujus filius tenuerunt. Sub sæculi xvi. exitum Castrum sibi *Gravinenses* soluto pretio vindicantes redemerunt. Ex Diana enim Cruylla & Ferdinando Moncada Contissella progenita, *Hieronymi Gravinæ* uxor extitit, eique Francumfontem, & in *Calatabianum* jus detulit. Ex quo Palagoniæ Princeps nostri opidi hodie Barones in publico Regni consilio locum. assidentes. De *Calatabiano* flumine consule: *Onobola*. Ejus est latitudo grad. xxxvii. xlv. longitudo grad. xxxix.

CALATABIET Sarracenicum Opidum. Vide *Casale Vetus*,

CALAVA Promontorium ad aquilonare insulæ latus sub Joysa opido, & S. Georgii æde; Nautis formidabile, ad xxxviii. longitudinis gradum. Turris ibi in supremo vertice speculæ usum habens, & criptæ profundæ ad radices, quas maris undæ abluunt, sereno tempore iter habentibus statio. Sinus Paestensis, sive Oliveris occiduum est Caput, ac medium procurrit inter Mylenæ, & Orlandum.

CALCUSA Ecclesiæ Cephalædensis Casale, cujus sit mentio in Alexandri III. Rom. Pon. diplomate, quo bona illius mclxxxi. recensentur. Jacet hodie, sed ager cognominis perseverat.

CA-

CALEACTE. *Calacta* urbs vetus, de qua actum.

CALIATUS Collis in Ætneſi ortivo latere, confinis Catanenſi nemori, & Cerritæ ſupra Maſcalas.

CALLIPOLIS Urbs vetuſtiſſima; utpote una ex Chalcidenſium Coloniis, de quibus Marcianus Heraclenſis, ſeu Scimnus Chienſis canit: *Post hæc a Naxo Leontini, & quæ ex adverſo Rhegiæ ad Fretum Siculum ſita eſt Zancle, item Catana, & Callipolis acceperunt colonias.* Stephani Epitomator: *Callipolis*, ſcribit, *urbs Siciliæ, opidani inde Callipolitæ.* Sed latine, ſubdit Cluverius *Callipolitani*: Hippocratis tempore Gelæ Tyranni florebat, ait enim de eo Herodotus lib. 7. *Hippocrates obſedit Callipolitanos, & Naxios, Zancleosque, & Leontinos, pugnavitque cum Syracuſanis & Barbarorum permultis, in quibus bellis Gelo exitit vir præſantiſſimus*: Gelo hic poſtea Syracuſarum Rex. Ex quibus Herodoti verbis Cluverius adſtruit *Callipolim* in orientali inſulæ latere fuiſſe. Ex Silio denique lib. 14. Bello Punico II. *Callipolim perduraviſſe* cognoviſcimus;

Romanos Petreæ Duces, Romana petivit

Fœdera Callipolis

Strabonis ævo exciſa cum aliis jacebat: *Non enim hodie*, ſcribit ille lib. 6. *comperimus a civibus incolæ Himæram, non Gelam, non Callipolim.* De ſitu controvertunt Hiſtorici. De Maſcali enim loquens laudatus mox Cluverius, ubi Fazellus Ætnam perperam locavit, & ipſe author de Bidio cogitavit, ſubjungit: *Callipolim hic olim fuiſſe, non negaverim.* Fazellus in meridionali latere nullo ductus argumento ſtatuit; Sed cum de Maſcali ſcribat Dec: 1. lib. 3. cap. 1. ibi urbis veteris jacentis plura circum arcem hodie monumenta perſtare, Cluverii conjecturas non improbaverim.

CAL-

CALCURACIUM Flumen in agro Maniacensi oritur haud procul a Bronte; Troynensi admiscetur, & in Symethum influit.

CALVARUSUS Opidulum in Messanensi ad occidentem æstivum ditione, quam vulgo *Distretto*, *Aquilonarem* appellant, humilis collis occupat latera, focusque 158. incolis hodie 600. circiter constat. & si elapsi sæculi medio lares 188. animas 711. numerasset. Subest *Montecatinis* Messanenlibus, qui ex Montfortis Dynastis ortum ducunt; Jus autem Spirituale in eo exercet Archipresbyter Ramettenfis, de cujus Parochia est. Princeps Ecclesia S: Margarithæ Vir: & Mart: sacra, cui tres aliæ suffragantur. Minorum de Reformatione cœnobium in amenissimo sedet tumulo; quorum custodiæ Christi Domini spinis coronati religiosissima imago commissa, ad quam cultu præcipuo venerandam ex opidis nedum vicinis, sed remotis etiam pii fideles conveniunt. Dynastæ domus circa fluminis alveum elegans, & decentissima. Ager frutetis, oleis, vitibus, & moris affluentissime refertus. Est denique in Castri Regalis comarchia, & Paçtensi Militari Præfectura subdebatur. Longitudo grad. xxxix. x. latitudo vero xxxviii. x. attingit.

In Regiis libris *Calvarusus* veluti Ramettenfis agri pars computatur, ejus idcirco fundatio ad Ramettæ colonos pertinere videtur. Concessit Fridericus Rex *Perrono Joenio*, cujus nepos *Perronus* minor *Joanni Taranto*. M. R. C. Judici an: mcccxcviii. vendidit. Ab *Joannis* filio *Nicolaus Castagna* Regni Præses excepit, qui bona alia *Taranto* attribuit; in censu hinc Martini Regis mcccviii. Idem *Nicolaus* Montfortis, Saponaræ, Roccæ, Bavosæ, *Calvarusi*, Rappani, Maurojanni, & S. Petri dominus dicitur. *Pina Nicolai*

ex sorore Nepos huic successit, Roderico Vigintimilio nupta; unde *Eulalia*, quæ Philiberti Polichini uxor evasit. *Gaspar* horum filius *Agnetem* unicam habuit, quam *Fridericus Montcata* conjugem duxit, ac Monfortis, & *Calvarusi* dominus evasit. Ex eo *Joseph*, & *Cæsar*, quorum ille Monfortem, hic *Calvarusum* habuit, & Principis tesseram Philippi IV. privilegio mcccxviii. meruit. Improles verò quum fuisset, *Jacobum* Francisci fratris filium vocavit; unde *Guillelmus* I. ex quo & *Francisca* Marino *Jacobus* II. Hispanarum peditum primùm Tribunus; & ad supremas dehinc præfecturas in Militia elatus, Amaliæ Siciliæ Reginæ Major Domus & S. Januarii Eques. Hunc *Guillelmus* excepit, qui ex Anna Rocca natus a Regis cubiculo, ejusdemque S. Januarii Ordinis tessera insignitus effulget; Uxorem habet Hieronymam de Joanne, & Pagano. Unde Vincentius prodiit Flaviæ Ardoinæ conjux. Vivunt. Gaudent *Calvarusi* Principes ix. & xx. in Regni Comitibus loco. Thomas *Jacobi* filius Patriæ Archiepiscopus hodie, morum comitate, prudentia, & zelo se commendat, cujus est frater Petrus, Montecatini, seu Castellialbi Princeps, a Regiis Rationibus Magister.

CALVARUSUS Fluvius ex collibus circa Rammetam, & opidum cognomine ortum ducit, in cujus agro præfluit; ac in Tyrrhenum mare inter Rayseulum, & Mylas dilabitur.

CAMASENA. Ex vetustissimis Siciliæ urbibus hanc affirmant Carrera, Grossus, Grassi, Orlandinus, Fazellus, alique; Quorum primi sub *Ætna*, ubi nunc Catana, olim sitam dicunt. Fazellus incertus de illius loco est. Orlandinus ad Drepanum, Grassi sub Aci in agro hodie *Gasena* circa Xiphonium promontorium stetisse tradit. Invegius omnino fabulosam evulgat.

evulgat. Urbis authorem *Cameſem* Jani fratrem & Regni ſocium faciunt, aut ipſum *Canum* Noe filium.

CAMMARIS Meſſanenſe Municipium, ſtatim poſt Cieræ portam ad austrum, cum Parochia S. Jacobo ſacra; ab Regia via recta, & ampla, quam *Dromum* appellant, haud procul ſupra S. Clementem. Inter portam, & Municipium *ſumaria* de *Cammaris* ſive alveus, cujus aquæ MDCXLVII. in urbe deductæ ſunt.

CAMPUS PIORUM. In *Ætnæ* montis latere, terræ tractus eſt, quem ignis fluenta ingenti prodigio illeſum ſervarunt, uti *Amphinomi* & *Anapiæ* Catanenſium fratrum in parentes pietatem perenni commendarent monumento. *Quum igneus rivus*, ſcribit *Pauſanias* in *Phocicis*, *in urbem Catanam devolveretur, nulla vel auri, vel argenti habita ratione fugientes, matrem hic, patrem ille humeris ſubſtulerunt. Sed enim quum haud quaquam ſeſtinantes incendium urgeret, neque illi propterea parentes dimitterent, ita igneum torrentem in duas partes ajunt diſceſſiſſe, ut per medios ignes adoleſcentes cum ipſis parentibus incolumes evaſerint. Iſ apud Catanenſes ad meam uſque ætatem honores habentur. Statuam enim illis, templumque in eodem Campo, qui Piorum a fratrum pietate eſt dictus, erexere, & numos ſuos tam celebri facinore expreſſa cum eorum imaginibus cuderunt. Loci memoria periit, aut novis *Ætnæ* eruptionibus oppletus *Campus*, ſui copiam hodie non facit.*

CAMPUS ROTUNDUS Opidulum, ad *Ætnæ* australes radices ſupra *Catanam*, in occidentem eſtivum, quod igne vaſtatum ſub annum MDCCLXIX. rurfus eadem in ora haud procul inſtauratum hodie conſpici-
tur. Paternionis Principi pars ſubdebatur; pars vero erat ex Municipiis *Catanæ*; ſed MDCCLIV. emit *Didacus*

Tom. III.

O

Reitanus

Reitanus, qui Marchionatus tessera sequenti anno, Rege annuente, auctum voluit. Parochia S. Antonio Abbati dicata sub Catanensis Episcopi cura degit, qui suas vices Presbytero delegat. Olim enim illius Rector S. *Marin* de Eleemosyna Canonicus erat. Situs pene æqualis; Ager angustus, aquisque indigus, nutrit tamen vites, & pomiferas arbores, quarum fructus Ætne cinis sapidissimos reddit. Census *Campi Rotundi* olim cum aliis municipiis indicabatur; Sed anno mcccxi. fuit larium 80. opidanorum 181. novissimè 457. Jacet in Catanensi Comarchia. Primus ejus Marchio laudatus *Didacus* recensetur, ex quo ad *Josepham Reitano* filiam anno mcccvi. dynastia devenit; *Petrus* enim *Josepha* frater, qui mclxxviii. inauguratus fuerat, mundo exemptus patrem prævenit. Ex *Josepha* porro, & Petro Natoli ejus marito *Franciscus* exortus, mcccxxx. Marchionatum assequitur. Huic & Antonie Crispi *Petrus* filius successit, qui prole carens mortem appetiit, unde *Marius* ejus frater mcccxlv. vivens hodie, *Mariæ* de Pactis sacris adstrictus vinculis, *Campi Rotundi* Marchio evasit.

CANISTRA Castri Regalis urbis Municipium ad ejus aquilonares oras iii. pass. m. distitum jacet. Ecclesia, ubi sacra incolæ percipiunt, S. Jobbo sacra, quæ ad Casal's Landri, hodie infrequentis, fines pertingit, eosque comprehendit.

CANNATELLUS Fluentum in Caronie littore, Siciliæ aquilonari se exonerans, ortumque in proximis habens collibus.

CANTARA Fluvius, *Alcantara*, & *Calstabiani*, ita appellatus, quod ponte lapideo trahitur. Pons enim Sarracenis *Cantara*. Vide *Onobala*.

CANTARELLUS Vicus ad Acim S. Philippi
spe-

spectans, cum Ecclesia, Parochiali ejusdem S. Philippi subiecta.

CAPARRINA Collis intra Messanæ moenia hodie, ex occidente contra Matagryphonis arcem assurgens, Deiparæ apparitione celebris, quæ suo nomini dicatam Ecclesiam in eo voluit, unde S. Mariæ de Alto dicitur, cui Monialium Cœnobium adhæsit sub S. Bernardi regula ab anno mcccclxxxix. Ecclesiæ ædificium Constantiæ Reginæ attribuunt; Tabulam Virginis vultus suboscuro coloris referentem, miraculo in Ecclesiam illatam tradunt. Videtis Placidi Samperii Iconologiæ lib. 3. cap. 14. qui ex ordine foundationis historiam promit.

CAPITIUM Opidum, vulgi voce *Capizzi*, juris *Gabrielis Lancellotti de Castello* Turrisimutæ Principis, Civitatis *Auræ* titulo, & Marchionatus hodie, tessera insigne, olim Comitatus; Editi collis jugum in ortum austrumque occupat. Arx in supremo vertice vetustissima, sed ruinosa, quam Petrus Aragonius Rex hujus nominis II. aliquando suo incolatu nobilitavit. Regium hinc stemma cum vexillo statim per annum diebus ostentat. An *Capitina* porro fuerit, inferius patebit. Majus opidi templum ab arce haud procul, S. Nicolaum Myræ Episcopum tutelarem agnoscit, quem opidani cum S. Jacobo Apost. patronum colunt. Hujus hinc est Ecclesia Parochialis etiam proprio Rectori subdita; reliquis minoribus sacris ædibus numero ad vi. S. Nicolao suffragantibus, cujus Archipresbyter primas in civitate obtinet, & Canonici Collegii, nuper instituti Præpositus est designatus. Minores fratres Observantes sub S. Mariæ de Jesu nomine, cœnobium quoque ad oram opidi incolunt, quod olim Conventuales tenuisse tradunt. Monasterium vero or-

dinis *S. Benedicti* sub *Deiparæ Annunciatæ* titulo decentissimum assurgit; Hospitalisque domus pro infirmis & peregrinis satis ampla *S. Antonii Abbatis Ecclesiæ* adhæret. Extra *S. Mariæ de Plano* Abbatia, & altera *S. Benedicti* spectantur, in quibus Monachi sub ejusdem *S. Patriarchæ* institutis vivebant, quas hodie *Joannes Castelli* Dynastæ frater administrat, earumque primâ variis decoratur privilegiis. Illius namque Rector in Regni Comitibus xxxvi. loco sedet, iisdemque insignibus uti potest, quibus *S. Joannis de Eremitis Panormi* Abbates.

Sacris hisce, & civilibus quoque ædibus *Capitium* exornatum, pulcherrimum de se exhibet prospectum, cujus lares Fazelli ævo erant 879. incolæ verò mxcv. numerati sunt 4503. Proximi elapsi sæculi anno LII. foci 990. cives 3435. Anno mcccxi. in laribus 830. cives 2622. & novissimè 3180. censentur. Magistratus, quem Regni Prothonotarius, uti Demanialis Civitatis, dudum designabat. Decuriones scilicet iv. Syndicus, & Præfectus in Criminosos; hodie Marchionis arbitrio constituitur. Archiepiscopus vero Messanen- sis suos administratos ad Cleri custodiam deputat. Est opidi ager oletis, vineis, morisque consitus; Arboribus vero omnigena fructuum varietate onustis ita luxuriat, uti ad *Æreos* montes pertinere non injuria a Fazello credatur; lætis demum pascuis ad rem pecuariam locupletandam abundat. Insigne, ab immemorabili ævo, Caput virile cum scâpulis, quod Profoma appellant, ostentat. Clauditur in Comarchia Nicosinensi, & *S. Philadelphi* Militari Præfectura, equitem unum & pedites xlv. suppeditans. Demanialis diu viguit, ac ne Dynastis subderetur, semel & iterum a clientela sese redemit.

Sub

Sub Northmannis, qui a Sarracenorum manibus *Capitium* vindicarunt, an peculiari dynastæ fuerit obnoxium, me ignorare fateor. Suevis vero insulam moderantibus, *Conradum* Antiochiæ Principem, Friderici de Antiochia filium (fuit hic Friderico Cæsari Siciliæ Regi ex Margaritha progenitus) *Capitii* Comitatum tenuisse inuenio, qui de *Capitio* idcirco fuit dictus, & cum Conrado Capicio Neapolitano nobili equite, ac strenuo milite perperam confunditur a nostris Historicis, uti in meis ad Fazellum notis adverti; Idem anno mcccly. Albæ, Celani, & Abratiorum dominus renunciatus, Siciliam pro Manfredo, & Corradino Regibus administravit; ductaque in conjugem Beatrice Galvani Lanceæ filia genuit *Fridericum*, Bartholomæum, & Franciscum. Hi duo postremi Panormitani fulsere Archiepiscopi. Ex *Friderico* ejusdem nominis prodiit filius, qui anno mcccv. in *Capitii* Comitatu successit, ac Siciliæ præterea Cancellarius, Mistrettæ, Castri Maris, aliorumque opidorum dominus fuit. Ejus uxor nobilissima Margaritha de Consulo, seu Esculo *Petrum* & Joannam illi peperit. Hæc Francisco Gesualdo nupsit; Petrus in Censu Friderici II. *Capitii* Comes dicitur. Antiochiis de *Capitio* subinde ab eodem Friderico ad Andegavenses deficientibus, sub Rege Opidum remansit. Petrus vero II. Blasco Alagonæ mox illud attribuit. Sub Friderico III. *Franciscus Policius* Ceramis & *Capitii* Comes audit; at quum Claramontanis hic adhæssisset, bonis privatur, *Capitiumque* & Ceramis ejusdem Regis liberalitate mccclyi. *Bernardo Spatafora* cessere. Martino Regni potente, Sanctius Rois de Lihori Amiratus tandem *Capitium* obtinuit, cum Gallano, Mistretta, & Regitano, quorum in censu de anno mcccviij. dominus appellatur. De-

derat

derat quidem Martinus Capitium *Hugoni de Ballo*, a cujus potestate Cives, ære soluto, uti ajunt, sese redemerant, ac inter Regias urbes illam computaverat; sed mutato consilio Lihorio, ineunte sæculo xv. concesserat. Lihorii hinc filius Alphonso Rege tenebat; qui sane Princeps, uti deinceps *Capitium* & *Mistretta* nusquam dynastis commendarentur, edixit. Lihorio enim utriusque Opidi incolæ auri congruentem summam penderunt. Perstitit ad annum mdcclxxxii. in *Demanio*; sed illato in Regium ærarium pretio *Lancellottus Castellus Capitium* sibi vindicavit, & Marchionis titulo donatus, jus assidendi in Comitibus loco xxxii. retinuit. *Lancellotti* successores alibi de Gallano agentes dabimus.

Capitinam Civitatem inter perditas Decumanorum avaritia sub Verre Tullius commemorat lib. i. i. A quibus tamen p. rimū condita, aut qua fortuna tot sæculis usā fuerit, nusquam adnotatum invenio. Conveniunt Scriptores *Capitium* illi successisse, nomenque servasse; Ptolemæus enim *Capyttum* adfert, quod a *Capitina* Ciceronis nihil differre adtribuunt. *Capitium* cœterò a forma collis, cui insidet, appellatum nonnulli censent; Ejus enim vertex Caput representat. Illius est latitudo grad: xxxvii. xlv. longitudo xxxviii. v

CAPRIS Opidulum, S. Marci municipium, ab eo haud procul diffitum; in latere nempe collis imponitur ad orientem & austrum, qui S. Marco hodie adhæret. Princeps Ecclesia Deiparæ in cœlum Assumptæ nomen refert, & S. Constantini Mart: patrocinio lætatur. Præest illi Sacerdos, cujus curæ sex aliæ Ecclesiæ minores committuntur; sed jura Parochialia ad Galatensem Archipresbyterum spectant sub Pontifice Messinensi. Lares olim claudebat sæculo xvi. sub Carolo

rolo Cæsare 128. & incolas 478. Anno mdcxii. lares 190. opidanos 723. computatos exhibet Censui; sed illi ad 113. incolæ ad 351. decrevere sæculi hujus anno xiii. Sunt tamen hodie 542. Capris Barones in Regni consilio locum 2. obtinent, quorum hæc series: Anno mcccxx. *Capris* & *Myrti* opidula juris erant *Vitalis de Aleysio*. Sub Ludovico Rege & ejus fratre *Gens Aragonia* cum *S. Marco Caprim* obtinebat, *Myrtum* & *Frazanum*. *Aragonis* a Martino deficientibus, *S. Marcus* quidem Aboni *Filingerio*; *Capris* vero ac alia municipia *Lancelotto de Lercan* attributa leguntur. Subinde ad *Filingerios* devenere; Sed *Capris* sequenti sæculo variis dynastis loco pignoris cessit, *Balsamis*, neppe, *Brancifortis*, & *Cordonis*, ad quos anno mdcxx. etiam spectabat. At enim quum sibi *Filingerii* jus luendi reservassent, elapsi sæculi medio *Caprim* ad se revocarunt. Vide de illis *S. Marcus*.

CAPUT GROSSUM, *Drepanum* Plinio, quod sub Itala opido, una cum *Leucopetra* Italiæ promontorio *Fretum Siculum* ab austro terminat. *Argennum* *Ptolemæi* creditur *Maurolyco*, sed perperam, uti superius dictum. *Drepanum* porro, alii cum *Argenno* confundunt, & *S. Alessii* Caput esse adstruunt. Hyemis tempore maris undis tunditur; æstate subjectum litus liberum relinquit, ut sicco pede trahiici possit.

CAPUT MOLENDINORUM. Veteribus *Xiphonium*, *Fazello* Caput *Ætnæ*; sub *Ætna* enim in mare protenditur haud procul ab *Acis* in meridiem, & occasum ad *Acis* fluminis ostium. Vide *Xiphonium*.

CAPUT MARIAZZI & *Turris* specula in aquilonari insulæ plaga post *Pitinei* fluminis ostia.

CAPUT MYLARUM. Vide in Notitia ejusdem urbis *Cherfonefus Mylarum*.

CAPUT MYRTORUM inter Raysculmum & Pharam Messanensem ad ortum, unde aquilonare Siciliæ latus initium sumit.

CAPUT ORLANDI Erctus collis in Septentriones mari imminens, cum celebri arce supremo vertici imposita, a Naso opido ad pass. x. v. distitus, ejusque ditionis. Sub eo ad ortum navium exigua statio & hospitatoria taberna. Ecclesia in arce B. Virginis icunculam marmoream servat, prodigiis notæ, a Nautis ingruente tempestate magnâ cum fiducia in auxilium accitæ; in cujus honorem festiva sollemnitas x. Kal. Novebris ab circumquaque positis populis celebratur cum nundinis tota illa ora frequentissimis. Nasensis Comitatus in eadem arce est domicilium, atque ad arcendos piratarum incursus tormenta bellica majora habentur: Nomen *Orlandi* ab uno ex Caroli Magni ducibus Arci appictum, & promontorio, affirmant, Goffredo Viterbiensi in Chronico cum primis authore; Fertur enim Carolum aliquando in Siciliam delatum arcem ibi constituisse, aut ab aliis jam ante extructæ vocabulum ab suo, bellica virtute claro commilitone, *Orlando* imposuisse. De Agathyro in alterius collis ad austrum plano vertice olim sito jam dixi. Dynastas, quibus Arx commissa, alibi de Naso loquens reponam. Est hodie *Joannis Sandoval*.

CAPUT RAYSCHELBIS inter Thusæ littus & Cephalædium post Finalensem stationem ab celebri ejusdem nominis Sarraceno pirata nuncupatum.

CAPUT RAYSCULMUM in aquilonari littore post Pelorum; *Phalacrium* promontorium Ptolemæo.

CAPUT SCHISO sub Tauromenio, post Viridiorum littus, ac sinum, quod Ætna mons suis olim eruptionibus ad hanc usque oram excurrentibus produxit.

duxit. In aquilonari ejus plaga statio celebris, & hospitum diversorium sat commodum.

CAPUT SICCU ad ortivam oram post Mascalenſe littus, & Archuraſim Turrim. Dicitur *Siccu* ab ætnæis molibus, unde compingitur. Haud procul eſt *S. Tecla* ſtatio non incelebris.

CARBONIS Fluvius, naſcitur in collibus Cephalædio imminentibus, & in Tyrrhenum mare poſt eam urbem ſtatim ſeſe exonerat, qui a Fazello *Novi nominis* appellatur.

CARBONIS Opidulum, ſeu Caſale jacet, ſed Fazelli ævo adhuc ſuperſtes erat. *Poſt Brontem*, ait l. x. cap. i. *occidentem verſus ad paſſ. m. v. Carbonis eſt pagus*. Anno mccccxiii. juris erat *Bartholomæi de Joenio*; cenſebatur autem in Paternionis Ditione. In eo circa ſæculum xiv. B. Paganus Monachus ex S. Nicolai de Arenis cœnobio, vitam degit ſanctiſſimam, cujus exuvia in Sacrario ejusdem S. Nicolai aſſervantur.

CARBONIS Statio in Maſcalenſi littore poſt Naxum ad latus inſulæ orientale.

CARCACIS Opidulum, hodie Ducatus titulo, ad *Vincentium Paternionem Caſtellum* ſpectans circa dexteram Symethi ripam ſub Centuripe. Pons ad ejusdem Symethi trajectum lapideum ab eo nomen habet; a quo haud procul fluvii ejusdem aquæ e rupe, ſpectaculo ingenti, ac jucundiſſimo in ſubjectum alveum præcipitantur. Viſu etiam dignum, antequam pons ipſe occurrat, veteris habitationis veſtigium, *Civita* vulgi vocabulo appellatum. Pagus porro decurrente hoc ſæculo incrementum habuit ejusdem *Vincentii* opera, cujus unica Eccleſia Parochialis S. Nicolaum Episcopum tutelarem agnoſcit. Situs in equo campo, viæ ad rectos angulos ſtratæ. Numerat lares circiter c. inco-

us 345. Ager feracissimus est, & abunde irriguus, orizamque præcipuam gignit. Erat in ditione Randatiensi anno mccccviii. sub *Bartholomæi Spataforæ* clientela, uti ex Regesto Martini alibi laudato; Gens *Romea* Randatiensis elapsis sæculis diu tenuit, cujus auspiciis pagi initia assignant. Ejus dynasta hodie in Comitibus locum habet. Subest Archiepiscopo Messanensi, qui animarum curam Sacerdoti delegat.

CARONIA Opidum Messanensis Diœcesis, & Comarchiæ Miltrettinæ, collis jugo impositum ad aquilonem, & ortum; ab austro enim alterius collis vertex illi incubat. Arcem habet vetustissimam, cujus est in Caroli Andegavensis literis mentio, quibus Castrorum in Sicilia custodes milites enumerat anno mclxxii. *Castrum Caroniæ custoditur per Castellatum Scutiferum, & servitores quatuor*. Ostentat sese magnificè Arx hæc per proximum littus agentibus iter, ac pene integra conservatur in opidi latere septentrionali; ad ortivam vero plagam S. Maria de Odigitria Princeps Ecclesia subrigitur, Archipresbyteri curæ commissa, qui xv. aliis minoribus sacris ædibus præest. Sed S. Paucratii Abbatiale templum Rectori suo subjicitur, quem Rex Diœcesano offert instituendum. Erat ordinis S. Basilii, Rogerio Com: authore. Montis Carmeli Fratrum olim Cœnobium in opido surgebat perexiguum, quod hodie deletum. Antiquatum quoque illud Minoritarum, quod anno mclxxxix. constructum S. Francisci nomine, & Assumptionis Deiparæ auspiciis diu vixit. In laribus 208. quibus constat, mortales degunt hodie 1226. Sed hujus sæculi anno xiii. census fuit incolarum 624. qui superiori ætate mclii. in focis 170. incolas exhibuit 409. Hi S. Roccum Patronum colunt. Clerus Archiepiscopi Vicario obtemperat; Magistratum Civilem dynasta designat. *Cura-*

Caronia origo incerta licet omnino sit, Sarra-
cenorum ævum non excedit; ejus porro extat men-
tio in Nicolai primi Messanensis Archiepiscopi diplo-
mate mclxxviii. quo hic Maniacensi ordinis S. Bene-
dicti Abbati, Timotheo, Ecclesias aliquot suæ Dio-
cesis attribuit: *Concedimus etiam in Caronia Ecclesiam*
S. Nicolai, & S. Mariae juxta mare. Franciscus Vi-
gintimilius a Friderico II. anno mcccxcvi. Indit. v. *Ca-*
roniam accepit ex Pirro. In Friderici ejusdem Regesto
nihilominus non venit; occurrit autem anno mcccxxx.
Caronia dynastia in historiis celebris *Mattheus Pali-*
cus, Tripis, Saponaræ, & nemoris ejusdem *Caronia*
dominus, Regni Siciliæ Vicarius, qui varia fortuna
usus, a populo furente Messanæ morti traditus, turbas
in insula agitare desiit; mox *Blasco Alagonæ* subje-
ctum opidum invenio. Anno demum mccccviii. *Hen-*
rico Rubeo Cofesani Comiti subdebatur. Hinc ad *Car-*
donas & Montecatinos cum Cofesano pervenit, a qui-
bus *Hector Pignatellus* habuit. Hujus enim hæredes
in censu de anno mxxcv. *Caroniam* possidere dicun-
tur, hodieque ad eisdem opidum spectat, qui in Co-
mitiis locum inter Barones liii. obtinent, & gladii jure
fruuntur. In ejus amœnissimo littore Calactam stetisse
jam supra adnotavi. Ager pascuis abundat, pecora,
bovesque ingenti copia nutrit, collibus nemorosis, ac
saltibus, duimetisque ad longum tractum exuberat; uti
mox reponam. Fluvius ejusdem cum opido nominis,
sub Mellis & S. Petri laudati agri collibus, fontes habens,
in Tyrrhenum mare aquas inter Serravallis & Furiani
amnia ostia demittit. Quod sit Alæsus minime pro-
cedit. Sita est *Caronia* ad grad xxxviii. x. longitudi-
nis, ac xxxviii. latitudinis.

CARONIÆ NEMUS, amplissimum, densum, &
Tom. III. P 2 horri-

horridum, apris, ferisque frequens, ac venatoribus idcirco obvium, unde Panormum ingens Carbonis vis deducitur; Anno mccccviii. erat *Antonii Viginimillii*, uti ex Martini Regis Censu eruo, licet opidum ad Rubeos spectaret. Hodie Pignatellis subiectum opidanis lucra non modica affert, qui rei carbonarię quammaxime intendunt.

CARRUBARA Messanense Municipium ad austrum a pomerio haud procul cum Ecclesia.

CARUSIUS Vicus sub *Ætna* ad meridiem, quem anno mdcclxix. montis ejusdem incendia vastarunt.

CASALE NOVUM Opidulum in elati tumuli plano vertice, ortum versus, circa Oliverii fluminis sinistram ripam sedet. Sæculo xvi. decurrente initia cognovit; Caroli V. enim ætate focos 27. numerabat, sed circa sæculi insequentis medium lares 206. opidani 836. computabantur, qui nostris diebus 963. in laribus 246. sunt. Unici Parochialis templi S. Francisco Assisio dicati, & aliarum iii. *Ædium* sacrarum, regimen Sacerdoti incumbit, sub Archipresbyteri Montis Albani jurisdictione. Decens dynastæ palatium est, qui locum cum aliis Baronibus in publico Consilio xx. occupat; Gladii potestatem exercet & civilia confert ministeria. Pratum oletis, vineis, ac moris ubique consitum insignem ferici copiam, olei, vinique affluentiam confert. Ejus olim dominus *Antonius Lancea* fuit anno mccccviii. constitutus, uti in Martini I. Regeito; cui alter *Antonius* nepos successit, & huic *Raynaldus* filius mov. *Antonella* ex *Raynaldo* orta duxit secundis nuptiis *Balthassarem Saccanum* S. Petri Comitem, qui *Casalis Novi* dominus idcirco est dictus; unde *Jacobus*, ex quo *Antonia*, *Balthassaris Naselli* uxor effecta mdxcviii. & Aloysii mater. Verum, marito mortuo,

mortuo , secundum cum *Petro Cajetano* Sortini Marchione conscendit thorum , opidumque illi cessit . Ab cuius morte *Balthassar* Aloysii filius jure Aviae in *Casalis Novi* dominium inductus est . De eo , & successoribus vide *Thomifum* Tom. 1. & *Aragona* Tom. II. Clauditur opidum Diœcesi Messanenſi , & Comarchia Pactarum .

CASALE SANCTI ex Messanæ Municipiis ad austrum cum laribus 65. opidanisque 283. & Parochia B. Virginis de Consolatione , distat ab urbe pass. m. in montanis . Ibi Basilianum S. Mariæ de Gratiis Monasterium , & S. Mariæ Angelorum Domus pro Eremitis .

CASALE VETUS Opidum juris Messanenſis Archimandritæ , haud procul a Savoca , in collibus supra fretum , ubi id S. Alessii promontorio terminatur , sedet ; Parochialis Ecclesia S. Honuphrio sacra , *quæ an sit eadem* , ait Pirrus , *ac S. Honuphrii de Calatabiet , in privilegio Hugonis Archiepiscopi Messanenſis , mihi non liquet* . Forte opidum sub Sarracenis *Calatabiet* dicebatur , & mutato nomine inde Latinis Casale Vetus est appellatum . S. Honuphrii porro Monasterium inter alia Archimandritæ subjecta recensetur in laudatis Hugonis literis , anno mcccc. signatis , neque enim alibi ejus elucet notitia . *Est & alia* , subdit idem Pirrus , *in Casali Veteri S. Mariæ Annuntiata sub Monachis Basilianis Ecclesia* . Opidi census retroactis sæculis incertus ; computabatur enim inter Savocæ Municipia . Sed anno mccccxiii discretim *Casalis Veteris* lares 500. Opidani 1882. computati . In Comarchia , & Præfectura Militari Tauromenitana cum Savoca venit . XXXVII. LV. latitudinis gradui ac xxxix. v. longitudinis respondet . Est hodie ejus in spiritualibus hierarcha , & temporalis dominus Joannes Franciscus de Gregorio , uti Messanæ Archimandrita .

CASALINUS. Fazellus ita appellat locum, ubi hodie Monasterii Maniacensis prope Brontem Claustrum, & Ecclesia spectantur. Vide *Maniacium*.

CASALOTTUS CAMMARUM supra ejus nominis municipium. Parochia Beatæ Mariæ Virgini de Annunciata sacra est, distatque ab urbe pass. ⅞.

CASALOTTUS S. PHILIPPI, seu *S. Philippus Inferior* ex Messanenensibus Municipiis ad meridiem cū Parochia S. Philippo sacra circa colles.

CASTANIA Messanensis Ditionis, & Comarchię opidum ad Septentrionem, in illo terrarum tractu situm, qui post Messanam hinc ad Pharum, illinc ad Divetum extenditur, vineisque, oletis, ac moris abunde dives, præsertim, ubi colles circa littora leviter inclinantur; In declivi ad meridiem jacet, cum Parochia S. Joanni Baptistæ nomini dicata, quæ est præcipua, & altera SS. Trinitati sacra, quæ illi cum aliis octo minoribus Ecclesiis suffragatur. S. Augustini quoque Cœnobitis in Deiparæ Annunciatæ ab anno MDC & Paulanis in S. Francisci fundatoris honorem circa MDLXXIV. claustra coalescunt; opidanisque commodè & satis decentia ædificia assurgunt. Messanensis Senatus fasces olim recognoscebat; sed emit anno MDCLXXIII. a Regiis Ministris *Joseph Gaudioso*, & Marchionatus titulo auctum voluit; cujus filiam & hæredem *Victoriam Joannes Alexander Galletti* Panormitanus uxorem duxit, & *Castania* idcirco Marchio evasit. Rediit subinde superioribus annis sub ejusdem Magistratus potestate, qui illatæ in Regium ærarium ab *Josepho Gaudio* pecuniæ census annuos hæredibus Gallettis hodie pendet. De spirituali, uti appellant, jurisdictione contendunt Magnus S. Joannis Jerosolymitani Messanenensis Prior, & Archiepiscopus; Dum adhuc porro
Romæ

Romæ lis est sub iudice, Paſtensis Pontifex *Caſtania* commendatam habet curam animarum, quæ in novissima descriptione 1630. in laribus 391. sunt computatæ.

CASTANIA Opidum inter Naſum, & Tortoricium, in ſeptentrionali plaga, ab Orlandi promontorio haud procul diſtitum, atque idcirco *Caſtania ad Caput Orlandi* aliquibus dictum, in tumulo ad meridiem & occidentem Phitaliæ amnis aquis ab ortu, & aquilone abluto ſedet, aerisque inſalubritate idcirco laborat. Imminet illi arx hodie ruinosa; hinc dynaſtæ domus decentiſſima, & princeps Eccleſia S. Bartholomæo Apoſtolo nuncupata aſſurgit cum minoribus xi. ac Fratrum Prædicatorum Monafterium ſpectatur, quod unum ex S. Vincentii fociis fundaffe perhibent. Colunt cæterò opidani veluti ſingularem Patronam Deiparam ſub Catenæ titulo; In Tortoricis Comarchia degunt, & S. Philadelphi Militiæ indigenæ Præſecto ſubduntur. Fazelli cævo lares incolebant 652. ſequenti ſæculo in ſocis 760. computabantur 2792. noſtra verò ætate lares 333. habitant, ipſi 1192. non excedunt. Tribus olim vicis conſtabatur opidum, quorum duo tantum hodie ſuperſunt: S. Marina ſcilicet, & *Caſtania*. Randaculis enim cum vico, & caſali S. Marini in Cenu Martini Regis de anno mcccviii. memoratus interiit. S. Marinæ porro Marchionatus teſſeram retulit anno mxcxviii. Philippi IV. privilegio, *Joſepho Sollima*, agente. *Caſtaniæ* vicus non item. Joſeph enim Gaudioſus deſcripti mox ſupra opidi ejuſdem vocabuli in Meſſanenſi Ditione Marchio, Carolo II. volente, mdcxxxiii. ſuit renunciatus; quod non advertit eruditifſimus Franciſcus Emmanuel. De S. Marina ſuo loco. Meminit Pirrus Monafterii S. Mariæ de *Caſtania* ordinis

dinis S. Basili, idemque fuisse cum S. Mariæ, de Malimachi prope *Castaniam* adstruit. Jam de Dynastis hæc habeo.

Sub Northmannis *Castaniæ* & Nafi dominus Abbas Barresius floruit. Petro Aragonio rerum potente ad *Bonfilios Castaniam* devenisse lego. Anno mcccii. Friderici Regis liberalitate ex literis Catanæ iv. Octobris Longium & *Castaniam* obtinuit *Conradus Lancea* Regni Siciliæ Logotheta, & Magister Justitiarius, qui Rogerri Laureæ sororem sibi conjunxit; ex eaque *Nicolaum* filium tulit, Siciliæ Præsidem. Emit a *Lanceis Eustachius Taranto* Nobilis Catanensis mcccxxii. unciiis aureis cxxx. solutis; cui *Astasius* filius succedens, in Censu Martini I. *Castaniæ*, S. Marinæ & Randaculis Casalium dominus vocatur. Ex *Astasio Joannes* mccccliii. quem prole destitutum Margaritha soror excepit, & hanc *Antonius Benedictus Paternionius* ejus ex Nicolao filio nepos, uti ex *Investitura* xx. Julii mcccclxxxiii. eruitur. Ab *Antonii* morte sine filiis *Gratia* soror dynastiam assequitur, Thomæ Tornambenis conjux; unde *Nicolaus*, cui *Blascus Lancea* litem intendit, quod ad se, uti ex Longii Optimatibus, spectare opidum diceret. At *Nicolaus* defuncto, quum ejus sororem ac hæredem idem *Blascus* desponsatam haberet, ex dote opidi dominium suscepit. Ex eo *Cesar*, cujus filius *Otlavius* primus Trabiæ Princeps supra opiduli hujus ab se constructi portam, se *Castaniæ* dynastiam appellat. Sæculi xvii. initii *Sollima* gens nobilis *Castaniam* tenebat; *Joseph* hinc *Sollima* primus S. Marinæ Marchio mdcxlviii. uti dixi est appellatus. *Josepho Joannes* frater, & huic *Francisca* soror, quæ *Alexandro Galletti* copulata in hunc jura sua transfudit. De ejus Successoribus alibi.

Subest

Subest opidum Messanenſi Archipræſuli, qui animam curam ſuo committit Vicario. Dynaſta juſ gladii habet, & Magiſtratum deligit. Ager paſcuſ uberimis, & lætiſſimis armenta locupletat, ſaltibus & ſylvis venationem jucundam pariter & utilem præbet; moris ad ſericum conficiendum, fructiferiſque arboribus, vineis, oletis rerum omnium copiam colonis ſuppedit, nec frugibus, leguminibus, & oleribus ingratus audit.

CASTELLUTIUM Caſale, quod Henricus Cæſar, Siciliæ Rex Eccleſiæ S. Mariæ de Latina Meſſanenſi attribuit.

CASTELLUTIUM Opidum, in *Franciſci Vigintiſimillii* poteſtate erat mccc. eidem idcirco ſæculo ipſius origo adſcribenda poſt mcccxvii. in Diplomate enim Alexandri III. Rom. Pon. quo Cephalædenſis Parochiæ cenſum hic expendit, nulla de *Caſtellutio* fit mentio. In montibus Soris, de quibus Fazellus, eorumque convalle ſedet ad ortum; arcem habens ab occidua plaga prominentem, ac ſub ea principem parochialem Eccleſiam, Deiparæ ſub Nativitatis titulo ſacram, cui communis Sacerdotum cætuſ inſervit. Minores aliz Sanctorum ædes xii. enumerantur, & contra arcem S. Mariæ de Auxiliis ſubrigitur cum Obſervantium S. Franciſci Monaſterio ab anno mdcxxxiv. quibus Reformati circa mdcxcv. ibi conſtituti locum ceſſere. Eſt *Caſtellutium* in Céphalædis Diœceſi, uti innui, & Ameſtratina Comarchia, ſuiſque dynaſtis inter Barones loco xii. aſſidendi prærogativam conciliat. Laribus 346. incolis 1617. frequens, ſæculo xvi. floruit; ſequenti focos 528. opidanos 1695. demum noſtra ætate focos 367. incolas 1210. recensuit; ſed noviffime ad 826. cives reductum non levi jactura videtur.

Obnoxium *Vigintiſimillis* fuit ad annum mcccc-
Tom. III.

Q

LXXX.

LXXX. quo *Henricus* Hieracii Comes *Matthæi Speciali*, accepto prætio, assignavit, a quo mox *Nicolaus Syracusus* emit. Sed revocare *Simon Vigintimillius* ex *Henrico* genitus contendit; anno idcirco mccccxcix. *Antonio Simonis* filio parebat. Sequentis sæculi anno xxxvi. *Lercani* ditionis suæ fecerunt, jus vero luendi Vigintimillii non amittere. Hinc ad *Ansalonios* eadem lege opidum transiit, & ex his ad *Timpanaros*, qui circa xvii. sæculi initia *Castellucii* domini dicebantur. Sed ejusdem anno xxxiv. *Erasmus Canizarus* obtinuit, quem filia *Raffaella* excepit, & hanc *Aloysia Bottone* & *Canizaro*, cujus hæres *Agatha Agras* Francisco ex se orto reliquit. Hic *Castellucii* Dux *Caroli VI.* literis mcccxxvi. renunciatus, ex *Eleonora Parisia Joannem* suscepit hodie in vivis agentem. Alibi in Notis ad *Fazellum Peralis*, & *Montecatinis* cessisse *Castellucium* firmavi sub Martino; *Antonius* enim & *Henricus* ejus frater, ex *Vigintimilliis*, eidem Regi infensi, bonis excidere; deque illorum dynastiis provisum idcirco aliorum favore fuit. Atenim quum in gratiam rediissent, denique pristinis dignitatibus sunt restituti. Quum ejusdem nominis cetero alia fuerint *Casalia*, uti hodie extant, facile in designandis eorum dominis errorem irrepere posse, non disiteor.

Habent opidani præcipuo in honore, & tutelarem colunt *S. Placidum* Abbatem & *Mar:* Illorum prata pingui gramine vestiuntur, & pabulis abundant; Moros, oleas, vites nutriunt. Utitur jure gladii dynasta, & civilem Magistratum designat; Episcopus per suum præest Vicarium. Latitudinis gradus est xxxvii. l. longitudinis xxxiii.

CASTELLUM ACIS. Vide *Acis Castellum*.

CASTELLUM BONUM Principatus insignibus
ab

ab anno mxcv. clarum opidum, ad Maronis radices, Nebrodis aliter, & vulgi voce Madoniæ, ortum respicientes surgit, lætamque occupat planitiem, leviter aquilonem, & orientem versus declivem. Illius conditum *Aldoino Vigintimillio* Hieracensi Comiti mclxxix. adscribunt; *Fifoulis* enim opiduli aeris insalubritate laborantis, ab se deleri vicolas *Castellum Bonum* ille traduxit; ab Arce scilicet saniori loco extructa, novo opido vocabulum indidit. Et quidem ea prima in tumulo occurrit ad ortum, cui porta adhæret; hanc autem amplissima via, plana, & recta, arboribus utrinque confita excipit, unde e Siponti maritima statione adventant. Arx porro in altum se subrigens, aulas habet, & conclaves pro dynasta; atque S. Annæ opidanorum Patronæ Ecclesiam cum ejusdem sacro capite ab anno mccccliv. ibi decentissimè asservato, quam designati presbyteri sub Majore, ex institutione Joannis IV. Divinis officiis incumbentes, quotidie frequentant. Arci respondet lata & recta via opidum dividens, strata lapide, cui non absimiles sunt reliquæ incidentes. In ea se offert prima Vetus major Ecclesia, Deiparæ in cœlum Assumptæ nuncupata, ubi populis sacra administrantur; Mox pene in centro nova parochialis, & princeps assurgit columnis suffulta, ampla, elegans, tholo ad artis regulas, & pronao ornata, Nativitatis ejusdem Deiparæ titulo insignis.

Regulares familias præit dignitate Abbatia Congregationis Cassinensis, cujus monachi dudum in altero prope Engium vetus degentes, huc anno mclm. in S. Mariæ Annunciatæ sub castello ad austrum demigrarunt. De hac Abbatia suo loco. Vetusiores Minoritani Conventuales sunt; anno enim mcccxvii. *Franciscus* opidi dominus Joannis XXII. Rom. Pon.

Tom. III.

Q 2

facul-

facultate extra constituit, ac dote auxit, & S. Mariæ de Auxilio eorum Ecclesiæ titulum fecit, ubi & sepulchra majorum videbantur, illudque præ aliis, insigni cum epigrapha, Joannis pace, & bello celeberrimi, VI. Hieracii Comitis. Verum anno MDCVI. intra pomerium in S. Antonini Mart: eodem recepti, sub Deiparæ Immaculatæ auspiciis novam fundaverunt, quod monumenta illa transtulere. S. Dominici ascetæ ad oram opidi in tumulo circa ortum hibernum ab anno MDLXXXIII. sedet, & Joannis III. Marchionis beneficio, censibus B. Virgini de Rosario dotatam Ecclesiam colunt. Minores de Observantia haud procul a foro, sæculo XVII. decens claustrum moliti, sacris hodie officiis frequentant. Capuccinis anno MDLXXXII. locus toti opido imminens datus est circa occasum hibernum. Augustinieneses Reformati Centuripinæ Congregationis, sub S. Patriarchæ titulo hodie, circa occasum in ora opidi degunt; decurrentis sæculi initio e vetusto S. Mariæ de Liccia ad II. lapidem dislito, translati. Moniales sub S. Benedicti regula, ac S. Veneræ nomine situ frequentiori Claustra habet ab anno MDC.... Virginum Parthenonem S. Annæ tutelaris vocabulo Franciscus Marchio MDCCT. statuit, Francisci Parecis piissimi Sacerdotis opera, veteri majori Ecclesiæ adherentem. Collegium denique Marianum eidem Divæ Annæ dicatum, in SS. Trinitatis æde paucis ab hinc Antonio Purpura ferventissimo etiam Sacerdote adnitente, anno hujus sæculi XXVI. coaluit. Minores filiales, uti appellant, Ecclesiæ quinque supra decem enumerantur. Nec domus deest Hospitalis, in qua ægris pauperibus, & peregrinis pietatis officia impenduntur.

Sub Gemellis (sunt bini colles ad Nebrodem spectantes,

stantes, occasum hibernum versus supra *Castellum Bonum*, omnino æquales, n. pass. m. distiti) vetus S. Mariæ de Partu Monasterium subrigitur, ubi S. Guillelmi Corpus servatur, de quo in Monasticis Siciliæ Notitiis scripsi, & inferius agam. In Septentriones S. Anastasiæ quoque Prioratus, cujus Rectori in Comitibus est locus, ex adnexis olim SS. Trinitatis de Mileto, atque idcirco hodie Regii juris patronatus, in laudatis notitiis a me descriptus. S. Mariæ de Gratia denique in australis plagæ agro Ecclesia assurgit, Prioratus titulo insignis, ad vi. lapidem, censu sat pingui dotata; Quæ sane opidum nostrum concernunt, & de *Castello Bono* passim dicuntur; Authores enim Hieracenses Marchiones agnoscunt, qui veluti sedem illud, ceteris posthabitis, sibi delegere, a primo nempe Conditore *Aldoio*, cujus jam memini. Ex *Aldoio* enim *Franciscus* senior infelici morte ab Hieracium sublatus; unde *Emmanuel* & *Franciscus* II. Obiit ille sine filiis, *Franciscus* vero *Henricum* procreavit, cui *Joannes* hæres successit, jam supra commendatus, Primus Hieracii Marchio, & apud *Castellum Bonum* conditus. Ex *Joanne Antonio*, quem *Henricus* III. Marchio excepit. *Henrici* filii *Philippus* & *Simon*; illoque absque prole defuncto, *Simon* m. obtinuit. Post quem *Joannes* II. unde *Simon* & ipse ejus nominis n. qui Mariæ gentis etiam Vingtimillæ copulatus *Joannem* III. progeniuit. Hic primus *Castelli Boni* Princeps mxcv. inauguratus v. in publico procerum confesso votum protulit. De reliquis ad hanc nostram ætatem, de Hieracio loquens, scribam.

Hac ratione idcirco, quod in eo scilicet Comarchis frequens sit incolatus; quodque salubrioris aeris, ac longe amenioris situs habeatur, Hieracensis ditionis

nis

nis Præfectus, sive suprema Curia ibi sedem statuit; sed opidi ac civium commodis peculiaris invigilat Magistratus; Archiepiscopus vero Messanensis pro Cleri regimine Vicarium & Visitatorem juxta Diœcesis leges constituit; Animarum denique cura Archipresbytero incumbit, qui & communi Sacerdotum cœtui in majori Basilica Divinis officiis vacantium præest. Census *Castelli Boni* sæculo xvi. fuit larum 1114. opidanorum 4520. sequenti lar. 1672. Incolarum 5625. Anno mdcxiii. foci 1449. cives 4247. & novissimè 6029. descripti sunt. Comarchiæ caput Cephalædim, a qua x. pass. m. abest, recognoscit, & Thermensem militarem Præfecturam, equites viii. pedites xiiii. suppeditando sequebatur: Solo utitur feraci; fruges, vina, fructus, olea, ab aliis non expectat; sed oletis ita affluit, ut questus olei sit incolis præcipuus; fraxinis vero, unde Manaa, gummi electa, abunde provenit, confitos undique agros ostentat; nec modicos inde proventus cives capiunt. Fons *Camaris* haud procul ab opido memoratur, cujus aquæ purgandi vim continent.

Illustres denique protulit Viros Balthasarem Abrutium Juris-Consultum eximium, qui post impensas in foro labores, Sacerdotio initiatus, & sacris studiis ac Legalibus impigre ad vitæ exitum incumbuit, uti complura edita volumina a Mongitore in Bibliotheca ordine exposita satis declarant. Patrem habuit Octavium, qui *Castelli Boni* Historiam m. s. reliquit ab Rogerio Vigintimillio laudatam in suæ gentis Geanologia. In eadem Bibliotheca Vincentius Errans a politiori eruditione commendatur. In ore civium omnium adhuc est Josephus Pirainus Botanicus eximius, qui plures confecit libros, quorum paginas Herbis ipsius oneravit, easque breviter, & virtutes simul indi-

indi-

indicavit. Longitudo & latitudo à xxxviii. gradu paucis distat.

CASTELLUM NOVUM. Vide *Bavusum*.

CASTILIONUM Opidum. Vide *Castrum Leonis*

CASTRUM Casale, de quo in Martini Censu de anno mccccviii. *Fridericus Spatafora pro Castro casali & Tymnaria Oliveris.*

CASTRUM LEONIS aliter *Castilionum*; Siculi *Castiglione*, Opidum insigne, ac civitatis *Animosæ* titulo etiam clarum, a quo aliquando regio proxima, seu Vallis, *Castilionis* dicta, est; Principatus hodie habens insignia & vii. in Concilio Procerum suffragii proferendi prærogativam suis dynastis tribuens, sub *Ætæna* montis in collibus ad aquilonares plagas assurgentibus sedet. Situs ejus declivis est ad orientem, cujus supremum superciliū in ortum hibernū duplici occupatur arce, munimentis, qua natura, qua arte expugnatu difficillimis; vivo enim ex lapide pene constant, ex quo amplissime etiam cisterne adhuc perstantes. Mœnium quoque pars aliqua superest, quibus aliquando cives confisi in Siculi motibus Regiis copiis obstiterunt, nec portarum reliquie defunt, quibus *Paganæ* & Regie vocabulum adhuc appingitur: In arce præcipua dynastæ ædes, & hodie pro fontibus custodiæ. Princeps sacra Basilica Beatis Apostolis Petro & Paulo nuncupata, cum æris campani turri, edito etiam loco sita spectatur; Parochialis Beatæ Virginis in inferiori regione, *Paganæ*, & S. Marci ad orientem suffraganeæ, ac per opidi reliquum xii. aliæ filiales Ecclesiæ Archipresbytero parent; cui. *Linguægrossæ*, *Francavillæ*, *Mottæ*, *Roccellæ*, & *Mascalarum* opida subesse dicuntur, licet eorum Rectores, qui eadem fulgent dignitate, sui juris esse condendant. Majoris porro templi origo in antiquum

num mcv. reiiicitur ex lapide inscripto turris muro adhærente, quamvis principalis portæ ædificium annum mccccxxxviii. non excedat, uti ejusdem superliminari appicta epigrapha docet.

Ex Regularium domiciliis intra pomerium Carmelitarum vetus est, & decentissimum ab anno m d... sub S. Martini titulo fundatum; Monialium claustra ultimam expectant manum. Extra vero antiquissimum censetur SS. Trinitatis, ordinis Benedictini Monasterium, quod prope amnem ad i. lapidem olim, subinde ad jactum ballistæ ab opido ædificatum, Monachis hodie destituitur, quorum loco seculares Presbyteri suffecti sub Abbate locum in Comitibus lxx. obtinente, sacris intendunt. S. Augustini sub Centuripis reformatione, civium opera, & sumptibus constitutum, anno mdcx. Andreæ Ennensem Congregationis authorem, patrem recognoscit, quod Deiparæ de *Altomilio* in agro *Metoscio* primùm stetit, post xl. annum a mœnibus haud procul confurgit. His Hospitalis Domus accedit, ad egros, peregrinosque excipiendos, ante portam Regiam; cui pio operi stipes annua, & congrua ab incolis addicta. Ibi fons aquæ perennis, unde cives hauriunt. Suburbium denique sub majori Ecclesia respondet, sat frequens, sed situ præruptum.

Stemma Arx triceps Leonibus utrinque sustentantibus. Magistratus civicus a dynastis designatur, ab officio tamen illorum nutu removeri nequit. Jus enim gladii, quod Thomas Joenius, primus *Castri Leonis* Princeps soluto ære obtinuit, Regiis administris, opidani, conflata pecunia, ac Thomæ reddita, asseruerunt. Descriptio larium sæculo xvi. fuit 447. civium 1632. Anno mdcxii. foci 647. incolæ 2467. mdcxxii. lares 718. cives 2674. sunt numerati. Comarchia.

Lin-

Linguae Grossae comprehenditur, & Tauromenitani Instructoris vexillum cum equitibus iv. peditibus xxxvi. sequebantur. Messanensem Archiepiscopum pastorem habet, cujus Vicario Clerus subjicitur. Pratum amplissimum ad xl. pass. m. circumscriptum *Castro Leonis* est, saltibus, nemoribus, quercetis, fativis terris, vineis, oletis, morisque instructum; sed avellanarum nucum amoenissimis viridariis vel maxime consitum; colonorum laboribus abunde respondens, iisque de necessariis ad vitam proinde consulens; Nec pascuis denique, nec aquis indigum, armentis gratum, suisque gregibus aptissimum audit.

Northmannis Principibus *Castrum Leonis*, Luca Barberio teste, Regii fuit juris, uti sub Suevis, Galisique. Jacobi I. & Friderici ejus fratris tempore *Rogero Lauria* Siciliae, & Aragonie Architalasso cessit; quo ad hostes deficiente, aliquandiu varia fortuna. Regiis militibus, uti innui, restitit, *Joannisque* Infantis Randatii Ducis tandem fasces cognovit, cujus filiam *Constantiam Henricus Statella* cum dote *Castri Leonis* uxorem duxit. *Henricus Rubeus* subinde in clientelam habuit, Friderico III. Rege, quumque hic ab officiis defecisset, *Perronus Joenius* Regni Logotheta ex Regiis literis Messanae mcccxxiii. impetravit, cui Bartholomaeus filius successit. *Calcerandus de Villanova* opidum nihilominus sub Martino tenuit. Hic enim Princeps antequam res suas in Sicilia cōponeret, variis exagitatus Procerum turbis, nunc uni, mox alteri dynastias concessit, pluresque literas dedit, quibus uno, eodemque anno varios ejusdem opidi dominos invenimus. Martini igitur diploma mcccxciv. datum, *Bartholomaeo Perronis* quoque filio, Regni Cancellario *Castri Leonis* opidum assignat; Hic Joannam Aragoniam

Tom. III. R goniam

goniam, ex Gaillielmo Friderici III. filio notho progenitam, conjugem obtinuit, & Regia insignia suis inferuit. *Bartholomæum Perronus* II. excepit, cujus successores habes Tom. I. ubi de *Aydone*, qui uti *Castri Leonis* Principes ab anno mdcii. inter Siculos Proceres locum obtinent vii.

Viri Illustres S. Chremes Ordinis S. Basilii, Monasterii S. Salvatoris de Placa fundator. Ejus extat vita apud Cajetanum. Antonius Philotheus de Homodeis acris ingenii vir, & summæ eruditionis, qui Siciliæ Historiam a primis conditoribus fusc exaratam ad sua tempora; necnon Insulæ accuratissimam descriptionem eleganti Italico sermone m. s. reliquit; & Topographiam *Ætnæ* montis Latine typis edidit. De eo Mongitorius, qui incertæ patriæ dicit. Vixit Philotheus diu Romæ, hinc apud Bolognettos integrum suum opus reliquit. In Giaratanæ Marchionis Bibliotheca nonnisi tomum Historiæ primum vidi. Longitudo *Castri Leonis* est grad. xxxviii. xl. latitudo grad. xxxvii. l.

CASTRUM RAO Opidulum ad *Ætnæ* montis radices, in ortum æstivum sub Castro Leonis, ad fluminis sinistram ripam; Messanensis Parochiæ, novi nominis est, tumulo insidens in Feudo Sigona, & Principatus insignibus decoratum: Ejus Parochialis Ecclesia S. Joanni sacra, inter lares 30. eminet, quorum sunt incolæ 80. Illius fundatio *Joanni Rao* tribuitur, unde opidulo nomen; Ex eo *Joannes Franciscus* prodiit, Tauromenitanus patria, qui post aliquot in Siculo foro Præfecturas, Magistri Justitiarum Locum tenens & M. R. C. Præses anno mdcx. adlectus ad plures annos dignitate potitus, *Vincentium* filium reliquit, unde *Antonia*, quæ *Placido de Joanne* nupsit. Hic Principatus insignia anno mdcxxxii. retulit, habuitque filium

Vin-

Vincentium sine prole e vivis sublatum, & ab *Joanne* fratre idcirco exceptum, cui nullus etiam superfuit hæres. *Isabella* hinc soror post fratres suffecti, *Viccomitem Morram* conjugem Bucherii dynastam in *Castirai* possessionem immisit. Ex his *Franciscus* prodiit, Feliciæ Cottone & Rocca maritus, quibus superstes *Isabella* fuit filia, *Dominico de Joanne* Trium Castanearum Principi sacris adstricta vinculis. Unde *Maria Anna* Josepho Alliatæ Villæfranchæ Domino nupta. Fulget hæc S. Joannis Jerosolymitani Magnæ Cruce insignita, & *Castri Rai* hodie Princeps. Subest Opidum Linguz Grossæ Comarchiæ; prato gaudet fecundo, vineis, oleis, morisque confito, nec frugibus indigo; Onobalę enim aquis irrigatur. Longitudo grad: pene xxxix. attingit, latitudo xxxvii. xlv.

CASTRUM REGALE Civitas *Demanialis*, editi collis clivo ad aquilonem contra Mylas insidens, pass. x. v. a littore in mediterraneis dissidet. Est Comarchię Caput, Messanenſis Diœcesis pars, Pactarum indigenæ Militiæ Instructori obnoxia, cui xxiii. in equis; pedites cxxxvi. suppeditabat; Fidelissimæ titulo insignis, locum in Comitibus xxxvii. occupans; variis denique, & singularibus privilegiis a Friderico II. Rege, cujus opera incrementa, nomenque sortita est, decoratur. Mœnibus circumscripta, portas ad orientem duas habet, Lignorum & Arcis; ad occideatem tertiam, quæ de *Crizino*, seu *Crislino* dicitur, & ad septētriones quartam a Raynerio vocatam, & recentiore; nā veteris ad eamdem plagam post aliquot passus rudera spectantur. In meridiem Arcem supremo vertici inhærentem orbicularis figuræ ostentat, cum prætentis munitionibus. Circa vero per latera, & ad radices collis xiv. nostra ætate municipiis instruitur, quorum habes notitias,

ubi nominis se offert occasio. Ex antiquis enim, quæ supra xx. numerabantur, aliquot deserta, nonnulla aliis adhærent; hodieque perstant *Barcellona* cæteris frequentius, *Milicis*, *Rhidis*, *Prothonotarus*, *Portus Sabus*, *Aqua Ficarra*, *Centineus*, *S. Antonius*, *Nasaris*, *S. Venera*, *S. Paulus*, *Gala*, *Bafia*, & *Catalimisa*; Hinc lares olim *Castri Regalis*, ejusque *Casaliu*n, sculo xvi. censi sunt 2427. incolæ 10705. Sequentis medio foci 2787. cives 10087. Sub Sabaudia Duce lares 2226. incolæ 8404. in novissima descriptione 9007.

Circa originem id firmum puto, in colle opidum stetisse *Crizinam*, seu *Crislinam* appellatum, unde occidua portæ est nomen; ejus enim meminit Fridericus II. jam supra laudatus in suis literis de anno mcccxiv. *Considerantes*, inquit, *fidem & obedientiam universitatis hominum terræ Crislinæ de Plana Mylatii nostri fidelium.... Castrum, fortalitium, & terram ipsam Crislinam, quæ, & quam de novo pro majori securitate, & salvatione dictorum nostrorum fidelium, construi providimus &c.* Quæ sane verba instaurasse Fridericum, & castrum, seu arcem condidisse, colonisque *Crislinæ* antiquis inhabitanda dedisse, innuunt; Unde *Castri Regalis* nomenclatura extitit. Ex his Fazelli & Pirri opinionem non improbaverim, qui eundem Regem ex pluribus dispersis pagis, ut unum coalesceret, impetasse scribunt, cui Regia insignia, nomen, & privilegia attribuit. An porro, eo loci, ubi *Crislina*, steterit vetus Crastum, cujus esse reliquias in agro *Bistorino* tradunt, veluti sepulchra in lapide excisa, cryptas, vasculos, lucernas, & hujusmodi alia, mox examinandum suscipiam.

Jam vero Princeps opidi Ecclesia Deipara in
Cæ-

Coelum Assumptæ dicata , sacro oleo delinita , elegans , & exulta cum tholo, & turri opidum pene medium occupat, eique amplissima respondet area , ubi & civilis Consilii basilica, & Nobilium conspicuæ ædes videntur. Vetus autem haud procul surgebat in foro Aquilæ, & regione Judaica, sub S: Sebastiani Martyris titulo, uti ex ruderibus eruitur, sed antiquissima ad *Cristinæ* opidum spectans, a S. Nicolao nuncupabatur, cujus loco Jesu, & Martæ hodie Ecclesiæ cum sodalitis suffecta, ad æstivum occasum, a porta haud procul. Majoris porro hodierni Templi Rector, & Canonici Collegii olim Primas, Archipresbyter, nedum per opidum, ejusque municipia jus dat; sed aliis dudum vicinis etiam opidulis, Oliverio, Furnari, & Mazzarà præerat. Collegium, quod fuit anno mdcii. institutum, quum esset jurgiorum causa, deletum hodie jacet. Sed ut opidanorum commodo prospiceretur, tribus aliis Ecclesiis facultas administrandi sacra concessa, Archipresbytero de Sacerdotibus providente. Illorum prima SS. Salvatoris nomen refert sub arce ad meridiem, ubi S. Joannis e marmore eximium simulacrum; altera S. Nicolao de Pauperibus, in qua Christi Domini Cruce pendentis pia colitur imago; tertiam S. Marinæ septentrionalis excipit regio, hancque Octavius Preconius tabulis affabre depictis, ac aliis muneribus ditavit. Non omiserim eorundem Rectores, diu cum Archipresbytero de jurisdictione contendisse, atque an: mdcvii. contrariam votis sententiam subiisse. Eminent inter minores alias sacras ædes, quæ ad xv. numerantur, illa Immaculato Virginis Matris Conceptui addicta, cujus festum veluti Patronæ opidani ingenti celebrant pompa; & S. Leonis, in qua Nobilium sodalitas coalescit.

Spectant ad opidi ornatum varia ascetarum domicilia

micilia cum intra pomerium, tum extra, & in municipiis: S. Mariæ de Gala scilicet Monachorum S. Basilii Monasterium, de quo suo loco, in casali cognomine, & S. Antonini in Barcellona Reformatis additum, cujus memini; Minorum de Observantia in S. Mariæ de Jesu præ menibus in tumulo ad occasum, ab uno ex S. Bernardini Senensis sociis fundatum, quod inspectione dignissimum reddit amplitudo; Eorundem Conventualium extra etiam, ad lapidis jactum ab Arcis porta, anno MDIII. constitutum, Annunciatæ Virgini sacrum, cujus Ecclesiam elegans marmorea statua celebris Cagini opus, exornat; necnon Nativitatis Domini tabula Caroli Cæsaris donum, Octavio Preconio, ejusdem cœnobii alumno factum. Capuccinorum sub S. Mariæ de Gratia titulo primum MDLXVI. ad D. passus infra, circa aquilonem, in tumulo, ubi thermalium aquarum vena mire profiliens spectatur; ex quo ob æris insalubritatem, proximi annis occasione, MDXVIII. translati, mœnibus ipsis in eandem plagam adhærens claustrum sibi condidere. S. Philippi Nerii Orationarium circa orientem, quod Damianus de Riva MDCLXXXII. ære suo ædificatum Præbyteris assignavit. Extabant Carmelitarum extra *Crizina* portam, & S. Augustini Canonicorum ad septentriones Monasteria, quæ ab anno MDCLXIX. quod congrua dote essent destituta, Clementis IX. decretum abrogavit; titulares tamen Ecclesiæ perdurant, ædes ex ruderibus dignoscuntur. Anno hujus sæculi XLIV. de Societatis Jesu Collegio, opportuno in loco statuendo, Franciscæ Morandæ nobilis, ac piæ matronæ fortunis, actum est, sed Regii Placiti defectus opus hucusque distulit.

Monialium cœnobia, alterum S. Mariæ ad Martyres sub S. Benedicti institutis MDLXXXIV. originem habuit

buit Petri Sanctori opibus; aliud Clarissarum S. Mariz de Angelis laudatus Præconius m^olxxxvi. liberaliter extructum dotavit, Ecclesiamque alter Præconius nepos consecravit. Utrumque medio opido, regularis observantiæ speculum audit, unde illustres vitæ innocentia virgines prodire. Ex Locis Piis, uti appellant, binæ Hospitales domus, Purificationis Desparæ ad egrotos; SS. Trinitatis ad Peregrinos pauperes excipiendos patent. Mons insuper Pietatis ad fœnoræ illicita extirpanda, ab arce haud procul subrigitur, quem Petrus Crisafulli, civesque alii erectum voluere anno elapsi sæculi xv. Subdam hic, post veterem *Rœmerii* portam S. Mariæ de Pietate Ecclesiam, in qua civium sodalitium viget, cryptis inædificatam vetustissimis assurgere. Et cryptæ quidem in lapide excisæ aditum habent angustum, fidelibusque olim, ut sacram ibi Synaxim celebrarent, frequentes fuisse creduntur, uti ex aris passim occurrentibus, aliisque sacris vestigiis eruitur. Hinc illud firmari posse duco, quod ab initio innui, longe ante Fridericum mortales collem incoluisse ab ipsis forte fidei Christianæ primordiis.

Sed jam ad Civiles descendam Magistratus. Scrutinio hi deliguntur, in quo vota xl. ex omnium civium ordinibus coeunt. Ex Oâto hinc Ingenuis a majori conventus parte Regi oblati, Decuriones iv. & Annonæ Curatores ii. constituuntur; ex popularibus vero iv. designati, de Annona etiam cum Curatoribus cogitant. Syndicus proin plebis commodis invigilat, & Maleficiorum Quæstor, ejusque Collegæ, in Legibus periti jus dicunt, absque gladii potestate; Regius demum Procurator, & Balivi Principis negotiis intendunt. Stemma Castrum in Aquilæ sinu cum Aragoniis

goniis insignibus refert. Suburbia ad ortum unum S. Marci, alterum ad occasum, a S. Magdalena appellatum, statim post mœnia occurrunt. Ager feracissimus habetur, vini, olei, serici, frugum, fructuum copiam civibus sufficit, externisque etiam oleum vel maxime suppeditat, quod per universam regionem celebratur. Longano flumine, sub opido ad septentriones decurrente, abluitur, de quo suo loco, necnon ad occasum hibernum *Prato* amne, sive *Machæo*, vulgi voce *Rossolino* secundatur, ut minora alia præteream fluenta, quæ Longano, & Rossolino adiunguntur. Memoratu sane dignus Fons Veneris Aretio, sed rectius S. Veneræ, cujus aquæ minerales, ferruginæ, sive calibeatæ *Sanguinei* nomen illi indidere; Dissidet a Castro in orientem pass. m. circiter viii. & ad Basæ Municipii spectat territorium. Ecclesia proxima ob ejusdem S. Virginis martyrium, quod ibi accidit, ædificata, religione digna est; ac civibus voti causa frequentissima.

Est quippe *Castrensis* firmissima traditio S. Veneram ortu suo loca hæc, & Galam præcipuæ, quæ ultima non est in municipiis, nobilitasse; hinc nedum fontem cognominem, prope quem cælo denata est, sed & specum ostendunt; in Adelasæ Reginae literis memoratam, in qua aliquando latuit, ubi & a fratribus deprehensa pro fide Christi xxvi. Junii anno mcccxxviii. perempta est. Quum itaque veluti civem illam habeant, propitiamque sæpissime experti sint, in Tutelarem præcipuam adlectam venerantur. Virgines alias recensent proximis sæculis vitæ integritate conspicuas opidani, quarum agmen duxit Virginia Præconia, Octaviani ex fratre neptis, de quo mox dicam. Hæc e S. Mariæ de Scalis Messanenſi Monasterio Benedictini

nedictini instituti, ad S. Mariæ de Basicò Ordinis S. Claræ Pii V. decreto translata, indeque in patriam traducta, Coenobii S. Mariæ de Angelis in ea author exitit; quod Sanctè institutum, piissima morte sua condecoravit; incorruptum ejus corpus in illo idcirco decenter asservatur. Reliquas, quarum innocens vita prodigiis, uti ferunt, fuit etiam comprobata, ex nomine promam, ut brevior evadam. Laudant quippe Angelam, & Lauram Calamoneri, necnon Annam Crisafullim, Franciscam Sardo, Lauram Giangiarrem, Innocentiam Collocam, Joannam Lapis, Josepham Molinam, Mariam Scilipotim, Paullam Fleres, quæ in laudatis parthenonibus diversis temporibus patriam illustrarunt. His accensendi Angelicus Fava Capuccinus ob mores incorruptos Deo, & hominibus gratissimus; Petrus Lapis Minorita ex Observantibus, genere nobilis, vita nobilior, ab Angelica innocentia, & simplicitate clarus, vulgo Petrus Cuginus; & Matthæus Raymundus Sacerdos, Domus S. Eulaliæ Panormi fundatoribus accensus, Ecclesiasticis muniis insignis, & virtutibus commendatus. Alios compendii causa dissimulo.

Dignitatibus Ecclesiasticis celebres præit Octavianus Præconius, Minor Conventualis, summus Theologus & Ecclesiastes disertissimus, Carolo V. Cæsari a secretis conscientia; Abbas primum SS. Petri & Pauli de Itala; Hinc Arianensis, & Cephalædii in Sicilia Episcopus, tandemque Panormitanæ Cathedræ admotus, ubique profundæ doctrinæ, Apostolici zeli, & eximiae virtutis radios emisit, de quo Ughellus, Pirrus, Mongitorius & Vadingus. Octavius Præconius Junior, laudati Archiepiscopi ex fratre nepos, S. Andree de Platia Prior, S. Michaelis de Troyina Abbas, & Episcopus Cephalæditanus, optime de sua Ecclesia meritus.

Tom. III.

S

ritus.

ritus. Laudatur a Pirro, & Auria. Philippus Crinò Cardinali Sacchetto ob egregias virtutes & prudentiam acceptissimus, ejusque opera Episcopus Belcastrensis in Calabria, qui ad patrios lares in Siciliam divertens, moxque ad suam sedem reversus, brevi mortem oppetiit. Franciscus Stylo Ordinis Prædicatorum Liparenfis Episcopus circa mcccclxxvi. cujus meminit Pirrus, post Pium in Elogiis Viri Ill. Ordinis; Sed patriam retinet. Gentici tamen scriptores urbi suæ adscribunt. Leonardus Bevilaqua Abbas Basilianus, Alphonsi Regis Capellanus. Marcellus Inpallomeni Innocentio X. Rom. Pont. a Sacello, Patriæ Archipresbyter. Octavianus Basilicò Præconius S. Salvatoris de Placa Abbas; Petrus Celi S. Basilii ordinis Generalis; Franciscus de Luca Regius Major Capellanus, & S. Lucie Abbas, qua dignitate duo item ornati florere *Castroregalenses* Leonardus scilicet de Alibrando, & Simon Raus, qui postremus etiam Monregalensis Ecclesiæ, vacante sede Vicarius fuit, & Panormitanus privilegio est dictus. Bartholomæus Copellinus S. T. Doctor clarissimus, qui in Regia Catholici Regis vixit aula, fulsitque S. Nicolai de Fico Abbas, ut alios præteream in Messanenfi Cathedrali Ecclesia primis passim officiis perfunctos.

Sæcularis politiæ publicis, ac primariis muniis adhibiti memorantur Joannes Franciscus Rao M. R. Curie primùm Fisci Patronus, mox ejusdem Præses, & Magistri Justitiarum locumtenens, clarissimus justitiæ vindex. Lucius Dente S. R. Conscientiæ, M. R. Curie etiam Præses integerrimus, ac Dominicus Sanginisi M. R. Curie Judex. Illustrat hodie patriam Dominicus Pensabene Regii Ærarii Fisci Patronus, doctrina, moribus, & comitate eximius, Legum, ac Privilegiorum

Sicu-

Siculorum vigilantissimus Custos. Editis demum operibus celebrat in sua Bibliotheca Mongitoriùs: Andream Ferrarium ex ordine Carmelitarum primi Instituti, Ecclesiastem & Theologum paucis secundum, vitę sanctimoniam, & regulari disciplina insignem. Vulgavit *Divinas S. Marię Magd. de Pazzis Intelligentias*, ac *Divini Amoris Jacula*, aliaque. Paulum Grinoum Medicum ingeniosissimum, qui adversus Franciscum Bissam Doctissimum Sicilię Archiatrum scribere non dubitavit. Petrum Cicerum humaniorum literarum professorem de Rebus Grammaticis tractatus protulit; Marcum de Rovere Poetam non vulgarem, Vigintimillio notum; Marianum Pavonem Musis non ingratum, ac Vincentium Cucuzza Monachum Olivetanum Theologum, Mathematicum, ac poetam. Commendant præterea Antonium Favam Medicum & Philosophum; edidit Institutiones ad Phlebotomiam; Jacobum de Gregorio Tractatum de Censibus apud Petrum de Gregorio reliquit; Joannem Thomam, & Marcum Lombardos Musicis peritissimos, & Marium Gotto Arithmeticę artis sua ætate facile Principem. Addam Antonium Maimonem Genuensem; qui exactam *Castri Regalis* Historiam concinnavit ad me liberalissimè transmissam, unde complura hucusque deprompsi. Gradum attingit xxxix. longitudinis, Elevationis vero polaris xxxviii. xx. *Castri* dynastas ante Fridericum II. enumerat Mugnos in Sicul: Vesperis; Sed hujus est scriptoris fides suspecta; ab illis hinc recensendis abstinco.

CATALIMITIS Casale ex *Castri Regalis* Municipiis, a quo pass. m. in austrum, a Basi vero n. circiter distidet. Ejus Ecclesia B. Marię de Providentia dicata; ubi incolę Sacramenta percipiunt, Archipresbytero Civitatis subditur.

CATANA ex præcipuis Siciliae urbibus, ac terra idcirco Regiæ soror nuncupata; Clarissimæ titulo insignis; media inter Netinæ & Demanæ valles, ad australes, imasque Ætnæ montis radices, Jonio mari abluta sedet. Situs ad ortum & meridiem planus, in æstivum occasum intumescit. Latitudo gradum xxvii. xxx. longitudo xxxviii. xlv. contingit; temperato hinc clymate gaudet, nec sæva immitti hyeme asperatur. Mœnibus elapso sæculo, arce, & propugnaculis munita, post annum lxi. Æneorum ignium alluvie primum, mox terræmotu de anno xciii. magnam illorum partem amisit, nec nisi ad oras maritimas hodie illa servat; reliquas vero mediterraneas plagas immunitas habet; molibus licet ex incendio aggestis, locis quibusdam inaccessa evaserit. Arx, Ursina ab ipso conditu appellata, Aragonensium Regum diu domicilio nobilis, in quadra posita, turribus ad angulos iv. totidemque in cujusslibet lateris medio instruitur; portam cum ponte & fossam ab aquilone retinet; reliquas æneis rupibus circumdatas frontes, quum habeat, ab antiqua pene decessit magnificentia; tormenta nihilominus majora, armamentarium, aulas, custodes milites cum Præfecto ex dignioribus Regii exercitus Tribunis, ostentat, & vi. inter Insulæ munimenta censetur. Ex propugnaculis tria integra durant: Magnum, & S. Perrucii, quæ maris undis tunduntur; ac S. Joannis pro mediterranea porta; quorum primum, quadris lapidibus compactum, ac juxta veteris architectonicæ leges, altitudine spectandum, angulum austro-orientalem efformat. Porta inspectione digna, quæ a Mari dicitur, in plana mœnium fronte meridionali, recens post terræmotum patuit; reliquæ veteres, & angustæ ad litus etiam aditum præbent; ex plagis aliis, uti
mari

mnri desiderantur, sic portæ nullæ sunt, una *Fortini* excepta, quæ in prætentis mœnibus, circa mediterranea occidua, incompta ab anno mdcxxxii. aperitur, contra S. Joannis propugnaculum.

Quum nullo porro circumscribatur urbs pomerio, passimque uti civium commodo opportuna sese offert occasio, novis ædificiis institutis, undique extendatur, vix designari, qualis sit ambitus poterit; ab occidente enim in ortum via præcipua, a cursu nominata, m. circiter pass. definitur, altera ab austro ad aquilonem, ubi S. Agathæ paræcia, ac regio cognominis assurgit, mccc. passus excedit, atque hinc solum *Catanam* occupare iv. pass. m. descriptum jure optimo affirmo. Et viæ quidem enunciata, uti & aliæ rectæ, amplissimæ, ac potissimum *Ætnæo* lapide stratæ, concinno ordine ita disponuntur, ut simul incolarum commerciis, commodisque egregie consulant, advenas vel ipso intuitu in non levem adducant admirationem. Fora, ac compita sat laxa, plateasque frequentissimas viæ excipiunt; ex quibus majori basilicæ respondens Columna Hieroglyphica Elephanto supposita ornatur; Venalis a S. Philippo appellata, marmoreis columnis ambitur; pro publicæ Academiæ basilica, ubi Lunares nunding, fontem cum Cereris simulacro ostentat; & novissime stratum ad extremam urbem, supra ortivum littus, Patronæ ac Civis Agathæ e marmore simulacrum, ob servatam mcccxliv. a luc patriam, ex voto erectum instruit. Iisdem porro viis, ac foris elegantissimi Ecclesiarum & Cenobiorum prospectus, necnon publica, & privata respondent ædificia ad omnem magnificentiam constituta. A sacris incipiam.

Major Cathedralis Basilica laudatæ mox Virginis Agathæ nomen referens, Rogerii Comitis opera con-

constructa, quadris ætæis lapidibus tota constabat, & Ægyptii, uti vocant, Graniti columnis sustentabatur. Quum vero terramotibus quassata, & præsertim de anno MDXCIII. naves, pronaum, & turrin amississet, necnisi solæ absides ruinæ superfuissent, nostra ætate Andree Riggi Pontificis cura lōge insigniori schemate resecta, fronte superba, quæ albi Ligustici, & Siculi subnigri marmoris magnis laminis, Ægyptiisque columnis integra compingitur, ornata, inter totius insulæ sacras moles locum facile principem occupat. Sub ipso foundationis initio Benedictinis Monachis cessit, iique Canonici dicebantur, quorum idem erat Abbas & Episcopus; anno vero MDLXVIII. Pii V. Rom. Pont. decreto, seculares presbyteri illis sunt subrogati. De ea fusc Pirrus, & Grossi. Secunda post Cathedralē S. Marię de Eleemosyna Collegialis Ecclesia, & simul Parochia, Regiaque Capella, urbis pene medium occupat; tholo, prospectu, omniq; cultu splendet, ac insigni Canonico cœtu cohonestatur, ab anno MCCCXLVIII. Eugenii IV. Rom. Pont. diplomate, necnon Alphonsi Regis voluntate. Reliquę Parochię VIII. per singulas regiones assurgunt, quarum comptiores, & amplitudine spectabiles S. Blasii, ubi Beatę Agathę Fornax, locus scilicet ejusdem Virginis ignis martyrio consecratus; & alia, dudum in Suburbio major, hodie a S. Agatha extra muros appellata, cum eris campani turribus.

Monachis S. Nicolai sub Casinate Congregatione amplissimum est Cœnobium ad oram in hibernum occasum. Templum, peristylia, viridaria, bibliotheca, Museum, omnia denique splendida, ut nullis per Siciliam equalia meritò reputentur; cunctis namque præstantiora pleno ore deprędicantur. Ejus in nemore origo anno MCLVI. in urbem translatio sæculi XVI. anno

LXVIII. nova post terræmotum molitio MCCCXIII. Abbas in Comitibus cum aliis Ecclesiæ Magnatibus votum profert. Minores Conventuales, quos in arcis Ursinæ area primum constitutos perhibent, Eleonora Regina dote auxit, & in claustrum ab se condito MCCCXIX. sub S. Francisci titulo, frequenti loco constituit, suoque demum sepulchro templum decoravit. Hodie ex ruinis Conventus, & Ecclesia præstantiori forma coaluisse videntur. Minores quoque de Observantia vulgo dicti, in S. Agathæ veteri æde degunt, sepulchrum, ubi illa post mortem deposita, in elegantissima e marmore ara collocatum custodiunt, a quo non longe Ergastulum perstat adhuc SS. Martyris. Eiusdem ordinis Tertiarii in S. Nicolai de *Trixini* MDCIX. recepti, octogonæ publicæ arcæ decenter satis nunc IV. occupant partem. Prædicatorum Fratrum Conventus contra Episcopales ædes, sub S. Catarinæ Senensis nomine, Margaritæ de Archangelo nobilis Matronæ divitiis crevit; cuius Ecclesia magnifica brevi postremum expectat complementum. Id porro ab altero instituti eiusdem censetur secundum; quod quum extra assurgat, mox describetur. Eremitarum S. Augustini prope Theatrum, vetus, cuius adhuc spectandæ supersunt reliquæ, antiquis fornicibus subtratis Cœnobium inædificatum, ante annum MCCCXIX. dicitur, sub S. Veneræ auspiciis; hisque diebus S. Augustini nomen passim usurpat, & molitione conspicua se effert. Trinitarii Redemptionis Captivorum ab anno MDLXXX. S. Annæ templum occuparunt, a proxima arce de Castello appellatum, uniusque ex potioribus viis prope venale emporium hodie respondentes habet ædes. Carmelitæ Primi instituti supra australes muros ad oram maritimam, Desiderio la Placa auctore, qui novam promovit reformationem,

pri-

primam in Sicilia condidere domum, cui adnexa hodie Ecclesia decentissima; Intra ejus claustra abſis antiquiſſima balnei habuiſſe uſum creditur. Tereſianos Octavius Brancifortius denique *Catanam* mdcxiii. primus excepit, qui prope porram Lanceam degunt. Haſtenus de Regularibus intra pomerium.

Montis Carmeli Fratres S. Mariæ templo extra Steſichori portam, ſubinde ab Aci nominatam, in aquilonem donati, ſtatim poſt trajectum e Syria in Siciliam, Conſtantiæ Reginæ & Imperatricis opibus ſæculo xii. cadente dorantur; Martini Regis ſubinde, aliorumque Principum muneribus auſti. Nobili e Ligurico marmore peristylio dudum Conventus decorabatur, hodie magnificentiſſimè reſtituta ædificia, cum Eccleſia videmus ſtrictioris Obſervantiæ alumnis adlaborantibus, qui ab anno mcccxxi. Cœnobium obtinent, & variis in dies incrementis exornant. Clauſtris eorum vetuſtiſſima S. Leonis ædicula concluditur adhuc ſuperſtes, ubi S. Agathæ corpus diu in ſepulchro aſſervatum. Prædicatorum ordo xv. in Sicilia ſedem *Catane* obtinuit; Parochialemque olim Eccleſiam S. Mariæ Majoris, extra Portam Regis ad ſeptentriones poſt varia domicilia tandem mcccxx. impetravit, Montecatinis Proceribus, aliisque viris nobilibus ſtipem ſuppeditantibus, celebre Monafterium illis erat, quod terræmotu ſæpius memorato funditus diſjectum, majori ex parte noſtris diebus inſtauratum videmus. Servat Eccleſia B. Bernardi Scannacce integrum corpus & veterem B. Virginis de Roſario in ara maxima tabulam inſignem. Ad primum lapidem in edito colle circa occaſum S. Mariæ de Novaluce Carthuſianis primum, Benedictinis ſubinde, Aſceterium Blaſcus Alagonna ædificavit, cujus hodie Abbas Regio nutu deſignatur, & in
Pro-

Procerum conventu locum occupat. Sed Monachis deficientibus, S. Augustini Fratres Excalceati in eo collocantur; hujus autem sæculi initio, ob aeris insalubritatem aliò illi migrantes, ad ortivam scilicet plagam extra portam Lanceam, novum sibi condidere decentissimum, & amplitudine spectandum. Eidem regioni extra portam Ferream ad maris littus S. Francisci de Paula inhæret Ecclesia cum adnexis claustris Raymundi Cicalæ opera & fortunis fundata. Corruit ipsa, at meridionales fratrum cellæ integræ perstiteræ; ainc resectis reliquis, & Ecclesia, non ignobilem hodie inter sacra domicilia locum Conventus occupat. Bina Capuccinos foveat. Cœnobiaz; Novum unum frequens, amplissimum, & inspectione dignum, S. Mariæ de Spe titulo, in tumulo extra Acis portam anno mdcxxxii. coaluit. Vetus aliud, quod ante portam Decimæ primùm, in austrum supra Naumachiæ rudera, Bernardino a Rhegio insigni sanctimoniz, & doctrinæ viro, authore, constitutum, post aliquot annos mdcxi. ad aquilonarem *Cisalis* regionem translatum, Catharina Fimia nobilis scœmina exædificandum jussit, in quo S. Michaelis celebris est memoria. Ad æstivum occasum B. Matthæus de Agrigento n. circiter pass. Minoritanos fratres de Observantia, S. Mariæ de Jesu auspiciis statuit. Anno mdcxxvi. Reformatis introductis laxiori schemate claustra reparantur, & sæculi hujus initiis rursus instaurata, decentissima habentur. Ecclesiam Virginis Deiparæ ex albo marmore pulcherrima statua distinguit; & vetus Paternioniz gentis sacellum cum Albari ejusdem familiæ ornamentis, præclarissimo simulacro, honestat. S. Mariæ de Mercede alumnis quædes sacra de Concordia cessit mdcxxxvii. rem promovente Joanne Baptista Rosa ejusdem ordinis, me-

diæ viæ ad suburbia ducentis situ, quam Petrus Galletti Episcopus hujus sæculi anno xxxii. in filialem parochiam erexit. Prodiit ex hoc instituto B. Alexander Catanensis martyrii gloria illustris.

Societatis Jesu loco urbis celebri domus subrigitur, ipso in vivis agente S. Ignatio, Ferdinandi de Vega Joannis Proregis filii opera mclv. Templum fronte, tholo, columnis, picturis, statuis spectandum; Sacella ad omnem elegantiam vario marmore, & ære inaurato elaborata; peristylum nobile; omnia denique numeris omnibus absoluta. Colitur in ara minori hodie Deiparæ tabula Roma a S. Francisco Borgia transmissa. S. Cajetani familia *Catanæ* coloniam posuit mcccxxvii. Innocentii Savanarolæ ejusdem alumni industria in orientali regione *Civita*. Decentem hodie, & conspicuam habet Ecclesiam, ædesque congruas, eleemosynis sponte oblati, inopinatisque subsidiis conditas. Clericos Regulares Minores Innocentius Maximus Pontifex *Catanensis* mdcxxvi. vocavit, eisque S. Michaelis templum attribuit; Joannes Baptista Paternionius subinde fortunis auxit, quas Flavia Ansalone cumulavit; Amplissima gaudent domo, & paucis in urbe secunda. Ecclesia insignior adhuc complementum expectat. Sub eodem instituto, & Conceptionis B. Virginis auspiciis, Bartholomæus Asmundus, bonis, quorum hæres evasit, in dotem designatis, domum erexit, in tumulo ad occasum, ubi vetus SS. Martyrum Alphii, Philadelphi, & Cirini ergastulum, uti tradunt, videtur. Infirmorum Ministri, vulgo Cruciferi, Andreæ Riggii Episcopi jussu mdcxcvi. coaluere, & S. Mariæ de *Dagala* ædem cum antiqua ejusdem tabula obtinuerunt. Moliuntur magnificas ædes, quarum pars major spectanda se præbet; Templum, quod cum

cum egregia fronte Petrus Galletti jam supra commendatus collata pecunia perficiendum jussit, postremam expectat manum. S. Philippi Oratorium hoc ipso anno, quo scribimus, promoveri cepit ad S. Marinæ Parochiam circa occidentem, atque incrementa in dies suscipit.

Sanctimonialium erant *Catane* parthenones elapso sæculo complures; deleti quippe Benedictina sub regula S. Mariæ Portus Salvi, S. Luciae, S. Catharinæ V. & M. aliter Abbatia nova, sub S. Claræ institutis Montis Virginum, vivente adhuc eadem Diva fundatus, S. Hieronymi, & S. Mariæ Magdalensæ. Superfunt hodie S. Juliani vetustissimus, cujus authores ætas abdidit, in colle Cereris, nunc S. Sophiæ ad aquilonem pass. m. circiter iii. ab urbe olim locatus, inde ad oram ortivam; anno mcccix. in centro, ubi satis commodè illius degunt alumnæ, templum ordine, magnitudine, interna, & exteriori venustate eximium die noctuque frequentâtes. S. Benedicti, Alemanna Lumella, & Rogerio Matina fundatoribus mcccxxxvi. qui prope primum amplitudine situs, ædificiis, ac ornatissima Ecclesia splendet. S. Placidi Mart. anno mccccxx. divitiis Ximenii & Paulæ de Lerida, necnon Blancæ Reginæ muneribus constitutus; absolutissimus nostris diebus, & undique spectandus. Intra cujus claustra Paternas S. Agathæ ædes extitisse tradunt. SS. Trinitatis in occidua regione Cæsarem de Augusto authorem mcccxix. recognoscens, mole ædificiorum, ambitu laxiori, ac templi elegantia, cum fronte, ac turribus sat celebris; S. Agathæ, qui elapsi sæculi anno xx. Erasmi Cicalæ opera contra Cathedralē Ecclesiam coaruit; Claustris hodie inspectione dignis, & templi magnificentissimo tholo superbiens; Et S. Claræ demum.

Antonii Paternò Oxinæ Baronis divitiis mōliti. fundatus, qui augusta clauſtri ſtructura, & nobili templo illuſtris aſſurgit. Huic S. Hieronymi adnexum eſt vetus Cœmobiũ.

Ad varia pietatis officia domus deputatæ non deſiderantur. S. Marci Hospitalis eminet vetuſtiſſima, in Steſichori area, magnificentia ædificiorum, & amplitudine ſpectabilis, Nicolao Tezzano Catanæ perpetuo Archiatro anno mōccxx. rem promovente; diverſis enim in locis antea coaluerat ab anno mōcccxlv. Altera S. Marthæ ſuccedit, noviffimis temporibus inſtituta pro inſanabilibus, & inveteratis ulceribus afflictiſ; in Montis Virginum occiduo latere. Tres pro cuſtodia virginum puellarum ſpectantur, quarum præcipua S. Agathæ titulo ab anno mōlxxxvi. publico Senatus ære, & Joannis Pauli la Rocca viri patritii opibus fundata; Altera poſt Terræmotum in ſuburbio, Hyacinthi Paternionii opera conſtituta; Tertiam nuperimis annis, ex collatis civium eleemoſynis, & Joſephi Moncadæ olim relictis pecuniis conflatam, pro deſtitutis, ac diſperſis, S. Marię de Providentia nomine, brevi ad orientalem Montis Virginum clivum, vidimus notabiliter auctam. S. Marię Magdalenę pro lapſis mulieribus. Orphanotrophium denique, quod Joannes Vega Prorex juſſit anno mōccvii. ſupra veteres S. Pantaleonis Thermaſ inſtauratum, cum ſacra ecdę S. Marię Majoris viget, ut binos Pietatis Montes præteream, quibus adhuc locus non eſt designatus.

Inter filiales Eccleſiæ S. Marię de Auxilio primas tenet; huic enim Deiparę Lauretanę Sacellum, prototypo omnino reſpondens nuper adnexum; ac Sacerdotum ſodalitium ab anno mōcxxxiv. adjicitur. Excellit quoque S. Martini templum, quod Nobiles Albi ſodales ſupra

ſupra veterem Marcelli arcum ædificatum frequentant. In S. Marię de Epiftola, S. Urfulę, & S. Joſeph elegantia non delideratur. S. Marię de Rotunda antiquum Deorum omnium fuiſſe fanum tradunt, vulgo Pantheon, atque a S. Petro Apoſtolo ad ſacros ritus traductum prædicant.

Adhæret majori Eccleſię, ejuſque areę, & maritimę orę reſpondet elegans Clericorum Seminarium; Antonii Faragonii opera fundatum, auctumque ab ejus ſucceſſoribus, & noviffime laxioribus aulis concinnatum. Episcopale Palatium, eidem Cathedrali templo proximum, ſplendidum ſeſe offert, quod nobilius Saluator Vigintimillius Episcopus pulchro, & conſpicio ordine aulis, & conclavibus diſpoſitis, reddidit. Meridionalis autem ejuſdem proſpectus menibus maritimis impoſitus inſpectionem meretur. Contra, Biſcarentium Principis ſubrigitur domus inſignis, in qua Muſeum ſat celebre patet. Ad extremam urbem in ortum pro juventute Ephebeum, quod Marius Cutelli ſummus vir, & primarius in Regno Conſularis ex teſtamento hæredem dixit, nulli per Siciliam ſecundum aſſurgit, quamprimum referandum. Ex Civilibus publicis ædificiis Scientiarum Academia in quadro poſita, viſu & admiratione omnino digna, aularum amplitudine, inſtruçtiſſima Bibliotheca, aliisque ornamentis exculta; cui ſubjectum in orientem Lunare forum cum fonte magnificentiam conciliat. Prætorium paucis ab hinc crevit adeo, uti ex xv. partibus una hodie ad coronidem deducta; nam reliquas impigrè ædificii Curatores moliuntur, non exigui ornamenti cum areę principi, tum urbi eſſe, non injuria credatur. In eo Senatus, & publica conſilia coguntur. Sex enim viris Ma-giſtratus coaleſcit; ex Nobilium cętu a Rege deſignatis

gnatis, quibus Syndicus, Patricius primas habens, & Justarius accedunt; hisque postrennis tres adstant Judices. Occupat porro ille in Comitibus sedem tertiam, ejusque Legatum, quoties proceres congregantur, Panormitanus Prætor, Conscriptique Patres medium sibi collocant, & sollempni pompa advenientem excipiunt. Tessera denique effert Elephantem, cui Pallas insidet; hæc autem ad universale Scientiarum Studium alludit, quo *Catana* supra cæteras insulæ urbes Alphonsi Regis, & Eugenii IV. Rom. Pont. beneficio ab anno MCCCXLV. decoratur.

Census sub Carolo Cæsare larium numerus urbis nostræ fuit 4907. Sed anno MDXCV. focos 5750. incolas 25024. exhibuit cum Casalibus. His verò distractis, anno MDCIII. descripti sunt lares 2560. cives 11340. Nostro hoc sæculo anno XIII. lares 4160. incolæ 16222. qui novissimè 25848. in focis 5710. computantur. Quum autem ex terræmotu MDXCIII. anni cives pene 18000. perierint, ac tertia illorum pars superfuert, initus elapsi sæculi medio numerus 11340. verominus respondens omnino videtur; nec enim circa exitum ejusdem, tot excrevisse millibus potuit civitas; quæ nullo aliunde effecta infortunio per ea tempora fuerat. Cæterò de eorumdem civium indole non est, quod in plura sermonem protraham, ne propria efferre videar. Inter insulanos certè ingenio mites, mentes subtiles, in patriam propensi, erga extraneos benevoli, religione in Deum, observantia erga Principes præcipui, legibus denique obsequentes audiunt. Agro fecundissimo quum utantur, culturæ vel maximè intendunt, artibus incumbunt; servitutem servire respuunt. Verum hæc & alia prorsus dissimulanda, præstatque Veterum memorias promere, unde eorum exemplis fera

sera posteritas proficiat. Ex illis autem nonnisi præcipuos in ordinem referam. Et prima quidem se offert :

S. Agatha Virgo, quæ sola una sufficeret, unde *Catana* Siculas inter urbes, quin & totius orbis locis præstantior inclaresceret. Novissime de illius patria apud Civitatem prope Paternionem, in Actis Eruditorum Italiae Epistolam non sine risu legi. Atenim eruditissimus author, in ea conscribenda, quum multa infarciat, aut incongrua, aut ridicula, sibi constare non videtur; editisque aliis ejus opusculis, Epistola hæc non respondet; tenebris omnino damnanda. Mortem pro Christo pertulit Agatha sub Decio Augusto, Ecclesia suas inter Eroides primas illi attribuit. Secundus S. Euplius Diaconus, & sub Diocletano Principe Martyr, seriem adornat, cujus egregia gesta in Ecclesiasticis Annales sub ccciv. anni finem relata videmus. Alii quoque Martyres, & Pontifices sanctimonia clari, veniunt. Commendantur quamplures communi populi voto, ab ævo ultra memoriam, proclamati, quos Beatos appellamus; nec defuere morum, insuper innocentia, eroicisque virtutibus præclari, quos ex nomine *Catanae Illustr.* Lib. xii. laudavi. Ecclesiastica dignitate insignes *Catanenses*, S. Agatho, & S. Leo II. juxta nonnullos, Romani Pontifices, Nicolaus de Tedschis, & Joannes de Primis, Cardinales; Episcopi ad l. & ultra, alique primariis etiam sacris muneribus perfuncti longo agmine recensentur. Militia, Togis, supremisque Præfecturis illustrium numerus computari vix posset, quos per ætates singulas laudato lib. xii. cap. iv. sum prosecutus. Nec a Scientia & ingenii editis monumentis celebres pauci computantur. Eminent porro inter vetustissimos Thyrsis Ætnæus, Daphni-

Daphnidis alumnus, & Charondas Philosophus, ac Legumlator, juvatque Nicolai Tedeschii nomen repetere, quem Juris Lucernam merito appellant, ac unus omnium vices implet. In sua autem Bibliotheca Mongitorius supra cxx. *Catanenses* scriptores memorat; nec nostra ætate otio indultum, compluresque cum orbe literario in omni ferme scientiarum genere labores suos communicarunt.

De *Catana* origine, fabulis rejectis, illud firmum censeo: Loca scilicet sub *Ætna*, primis Siciliæ incolis passim frequentia adeo fuisse, uti Poetis de Polyphemo, & Cyclopibus multa confingendi causam dederint. Et sortè ad Amenani fluminis ripas mortales confedisse non erit incongruum opinari; Hinc *Acis*, *Symethi*, *Galatææ*, & ipsius *Polyphemi*, *Ætnæque* nomina non omnino fabulosa, sed ad primævos regionis nostræ viros Principes, & mulieres illorum uxores olim spectasse putaverim. Sicanos insulæ populos indigenas, uti alibi probatum, easdem coluisse plagas ex veteribus scriptoribus discimus. Tradunt enim illi ex metu *Ætnæ*orum ignium, orientales insulæ regiones Sicanos reliquisse, sedibus in meridianam oram translatis, quam & *Sicaniam* denominarunt. Relictum a Sicanis agrum Siculi subinde occuparunt; Græci hinc colonias in insulam traduentes, nonnisi ejectis bello Siculis, *Leontinos*, *Catanam*, & *Syracusam* sibi vindicarunt. *Chalcidensium* porro Colonorum deductor *Evarchus*, *Catana* sibi imperium asseruit, exindeque illa una ex præcipuis Græcis in Sicilia urbibus evasit. Unde autem nomen invenerit, an ab his ipsis *Chalcidensibus*, uti passim docent, an a Phœnicibus *Bocharto* authore, in Apparatu ad *Catana* Annales satis discussum. Floruit propriis legibus vivens, aliis
Chal-

Chalcidensibus opidis fœderata ad Hieronis usque ætatem, Syracusarum Tyranni hujus nominis I. qui magnis viribus expugnatam, incolis ejectis, aliis inhabitandam dedit, commutatoque *Catana* nomine, Ætnam appellavit. Verum Hierone mortuo, cives postliminio in patriam remeantes, Campanos inquilinos ejecerunt. Sub Pēnis, & Dionysio I. varia fortuna usa est, nec nisi semel Mamerci tyrannidem experta, brevi tempore jugum subiit; Timoleontis enim virtute mox liberata, vetus Reipublicæ decus assequitur.

Anno Urbis Romæ conditæ cccclxxxix. Olympiade cxxx. M. Valerio Massalæ Consuli, qui cum Hierone II. pacem inierat, sese *Catana* tradidit, quumque magna Siciliæ pars, Syracusis exceptis, prima Romanæ ditionis Provincia evasisset, Siculis Prætoribus *Catana* etiam paruit, & a Marcello cum primis Consule post Syracusarum excidium summis beneficiis affecta est. *A Marcello*, inquit Plutarchus in ejus vita, *complura præter ea, quæ Romæ erant, Diis dedicata cernuntur; Nam Catana Siciliæ opidi, ejus existit Gymnasium.* De hoc Gymnasio, quod instauratum a Marcello affirmant, satis Ego alibi scripsi. Sub Romanis porro, an publica illa, & magnificentissima opera, Theatri nempe, Amphiteatri, Thermarum, Hypodromi, & Naumachiæ, quorum rudera, & quidem grandia supersunt, viderit Catana, anceps sum animi. In Epistylliis Columnarum, quæ ad Thermas pertinebant, atque hodie majoris templi fronti aptantur, legebatur *Q. Lufius. Laberius. Proconsul. Thermas.* In Aqueductus castello, Siculo ore *Botte*, sub Licodia, unde *Catanam* aquæ ad Naumachiæ usum deducebantur, erat inscriptio. *Curatores. M. Malculnius &c.* Utraque vero Romana tempora sapit. Dixerit aliquis, quod fuerint

rint tunc instaurata, prioribus vero sæculis constituta. Rem sub iudice relinquo; atque ad alia propero.

Servilis belli malorum expers *Catana* creditur, ejus licet intra fines defectores debacchati sæpius fuerint; Verris tamen avaritiam non evasit, uti Tullius memorat, qui *Catanam opidum locuples & bonissimum* appellat. Dum civile bellum inter Octavianum Cæsarem, & Sextum Pompejum exardesceret, ab hoc vexata urbs nostra, atque pessumdata, Cæsaris beneficio meruit levari & Romanorum Coloniis accenseri. Lex illi Evangelica inter primas effulsit, & Apostolicum habuit Episcopum Berillum, qui Ecclesiam fundavit. Hæc porro variis agitata procellis præsertim sub Decio, & Diocletiano; suorum pretioso sanguine Agathæ vel maxime; & Euplii decorata, venustior emerfit. Pace Ecclesiæ reddita, quievit Sicilia aliquando; verum barbaris invadentibus Vandalis, & Gothis variis cladibus patuit. *Catanam* sub Theodorico mœnibus reficiendis intentam Cassiodori Epistola ad Magistratum, ejusdem Theodorici nomine scripta declarat. Non diu Belisarii virtute Gothis e Sicilia, atque e *Catana* cum primis exactis, Græcorum imperium coaluit. Tunc Vigilium Romanum Pontificem in professione Byzantina hospitem integro hyeme urbs nostra habuit, & mense Decembri complures ad Sacros ordines ab eo promotos vidit. Tunc ad ejusdem Ecclesiæ clavum Leone Thaumaturgo assidente, Eliodorus magicis suis incantationibus nostros vexabat, at Leonis Episcopi mira virtus, & sanctitas illi penas meritas subire tandem fecit, vivumque combustum a medio substitulit.

Quæ, & quanta a Sarracenis pertulerit Insula, vix quidem posset paucis exponi; eorum tyrannici dominii particeps *Catana* diu ingenuit; ac validius præsidium

fidium amisit, Corpus videlicet SS. Civis Agathę, quod Georgius Maniaces, ne in barbarorum manus deveniret, Byzantium transfudit. Tandemque Rogerii Comitibus opera in libertatem asserta, necnon ad pristinam Episcopalem dignitatem postliminio restituta, multo quam antea illustrior redditur; Northmannisque Principibus, Comitibus successoribus, in primis accepta cum suis evasit. Sub idem tempus sacras Agathę exuvias, disponente Numine, integras sibi redditas vidit. Verum anno MCLXIX. ex ingenti terręmotu ab imis sedibus concussa, civium XIV. M. jacturam patitur, Ætnęque igneis eruptionibus agrorum insuper vastationem indoluit. Henrico VI. Cæsare Regni potente, quod *Catana* cum aliquot aliis civitatibus, Northmannis adhæsisset, Suevosque recusasset, capta summa vi, direptaque fuit; sed mox in gratiam revocata idem Henricus variis gratiis ac favoribus affecit. Quod Fridericum quoque offenderit, hujus nominis inter Siculos Reges, & inter Cæsares II. perhibent, quumque hic cives omnes perdere statuisset, B. Agathę intercessione, a propositis revocatus dicitur. Sub Gallis *Catanensis* regio vexata, aliarum tandem exemplo descens, Caroli jugum excussit, seque Aragonensibus dedit, quos omnino propitios habuit; Petrum, qui Vallis Netinę Syndicos ad concilium in ea primum coegit, antequam Burdegalas ad indictum singulare certamen proficisceretur; Jacobum, cui adventanti *Catanam*, ut contra Gallos duceret, cives non semel cum suppetiis adlitere; Fridericum II. quem ab excessu Jacobi in templo maximo, inter omnium Regni Consularium, ac Legatorum plausus prima in Regem salutavit; sepius per suos milites, equitesque propugnando defendit. Tenuit sub eodem Friderico

rico per triennium urbem Robertus Andegavenſis, a Virgilio Scordienſi proſtitam; Abinde vero cum ipſi Friderico, tum filiis addiſta adeo vixit, uti illorum ſedes paſſim vocaretur, & eſſet. Petrus Comitias poſt patris mortem *Catane* celebravit, ibique ex Eliſabetha uxore Ludovicum filium primo loco genitum, alioſque poſt ipſum ſuſcepit. Quum vero B. Agathæ interceſſione, id beneficium referret, noſtros variis beneficiis affecit. Ludovicus, puer adhuc relictus, in Regem Panormi coronatur; mox tamen cum matre, & avunculo Joanne *Catanam* redux, ibi aliquando incoluit; ſed turbatis inſulæ rebus, Procerum quorundam ambitione, ac Paliciorum malitia, qui ſecum Regem, ejuſque matrem Meſſanam abduxerant, Civile bellum exarſit, quod nonniſi eorumdem Paliciorum excidió pacari tandem aliquatenus potuit. Meſſana proin relictá, *Catanam* Ludovicus repetens, ſub Blaſci Alagonæ præſidio, reliquis diu reſtitit proceribus; ſuoſque cives, qui in rebellium exitium ſtrenuam operam navaverant, ſpecialibus gratiis, & privilegiis demeruit; Moriens denique apud Acim, ſuas in avi ſepulchrum in principe Catanenſi æde locatum, inferri exuvias mandavit. Fridericum *Catane* quoque natum, poſt fratris Ludovici mortem Regno potitum, longe majores tumultus exceperet. Hic vero nil habuit antiquius, quam ſibi ſedem in patria conſtituere; ejuſque incolas novis immunitatibus ob impenſa ſervitia, poſt celebrata apud illos nuptiarum ſolemnia, liberaliter donare. Habuit ex uxore Conſtancia ibi filiam Mariam, & quum illa ex partus incommodis fato ceſſerit; in S. Agathæ tumulatur; infans ſub Alagonæ tutela educari cepit, qui e ſacro fonte illam levaverat. Parta pace, nedum inter Siculos, verum & cum Andegavenſibus, frui ea Fridericus

dericus vix potuit; morte enim interpellatus, iv. Regni Vicariis designatis, Mariam heredem reliquit, quæ diu *Catana*, Artale Alagona curante, vixit; unde ex arce Ursina dolo sublata, Martini Montis Albi Ducis Aragonensis, uxor efficitur.

Uterque porro Conjux *Catanam* adamavit, eamque ex Alagonæ manibus post multa belli incommoda ereptam, suo incolatu, ac pluribus privilegiis decoratam voluit. *Catana* Maria cum filio parvulo sepulta manet. Martinus Regni hæres relictus ad secundas cum Blanca Navarrensi nuptias convolans, hanc, insula excedens, Regni Vicariam *Catana* reliquit. Hujus & Martini celebris est in S. Nicolai de Arena memoria, ob pretiosissimum munus illud Dominici Clavi Monachis factum, quod & Principis liberalitatem commendat, & *Catanensis* patriæ merita extollit, quæ tam singularem præsidium est nacta. Sub Martini successoribus Bernardi Capreræ ausibus *Catana* status turbis patuit, quæ illius demum captivitate siluerunt. Ecclesiæ quoque pax Thomæ de Asmari a Blanca nominati, & Mauri de Cali Episcopi dissidiis turbata, quam nova Joannis de Podio electio restituit. Alphonsus post Ferdinandum patrem Rex constitutus, *Catanam* mcccxxi. coactis jam Messanæ Comitiis, venit, ejusque privilegia firmavit, idque etiam post biennium rursus præstitit, novisque cumulavit. Illius subinde frater Petrus Netti Dux renunciatus, ac Fridericus Aragonius Lunæ Comes, Martino Regi ex Tarsia nobili *Catanensi* puella *Catana* natus, urbem nostram ex bello Africano reduces adiere, ac diebus aliquot in ea versati, equestribus ludis in foro Lunari celebratis, interfuerunt. Petrus inde Panormum, Fridericus, Tarsia matre secum assumpta, Drepanum navigavit. Rursus porro in Siciliam

ciliam Alphonfus delatus, *Catanam* aspectu suo exhilaravit; recentibusque privilegiis illius Magistratus affecit. Tertium insuper cum fratribus Joanne, Henrico, & Petro per dies ix. se videndum præbuit. Molem portus non levi civium emolumento jussit; tandemque, ut publica *Catana* sifteretur Academia, definiens, ex molis vectigali Professoribus pinquia honoraria constituit.

Joannis, & Ferdinandi Catholici beneficio nostræ urbis privilegia, consuetudines, ac statuta, necnon illius Ecclesiæ jura firma, ac ratha Legatorum opera decernuntur. Tunc ut tertia Soror, Panormi, & Messanæ omnino compar, *Catana* esset, sanctum, utque suprema quoque Regni Curia, Proregis sedes, & Consularium aule, alternatim per annum, in tribus hisce præcipuis insulæ civitatibus statuerentur, Regio præscripto decretum. Ad plures hinc menses, & annos etiam, id servatum fuisse constat, uti publica Regni Consilia ibidem indicta uberrime evincunt. Ferdinandi mortem ingentes Siciliæ tumultus excepere, qui *Catana* etiam majori vi erumpentes in cruentas factiones abierunt. Motus compefcuit Montis Leonis Dux, Prorex, sumptaque de noxiis vindicta, pristinam restituit tranquillitatem. Caroli subinde Cæsaris adventus Regni felicitatem promovit; sub quo *Catanensium* quoque res florere. Sæculum xvii. illis infaultissimum accidit, cum ex iterato Ætne terribili incendio, unde ager omnis pessumdatus, in vastitatem abiit, tum ex terræmotu, quo civitas ipsa in acervum ferme lapidem evasit. Probavere suam cives fidem in diuturno cum Gallis pernicioso bello, aliisque periculis, ac suis erga Principes addictissimi audierunt; ab iis vicissim, gratiis & favoribus munerati. Ut autem nostrorum prementes

mentes vestigia, qui vivimus, jugis obsequii præstare contendimus, argumenta, sic novas demereri beneficiæ tesseras speramus.

De Agro fecundissimo, & in Sicilia frugum, ac rei frumentariæ capite, quæ dici possent minora longe putantur; Planitiem enim complectitur a *Catana* nuncupatam, solo ex nomine celebrem, montisque *Ætnæ* radices claudit, de quibus mira cum veteres tum recensiores deprædicant.

CATARRACTIS ex Messanenſibus Cafalibus in austrum, cum Ecclesia. Ejus anno mxcv. in Bartholomæi de Luce diplomate, quo S. Mariæ Roccæamatoris enumerat bona, mentionem invenio.

CATENA Acis Municipium. Vide *Acis Catena*.

CATTAINUM Cafale olim circa S. Lucie opidi fines. Spectabat ad Joannem de Manna, ejusque hæredes sub Friderico II.

CATTAFIS Cafale in eadem regione, juris erat anno mcccxx. Nicolai de Pactis. Elapſo sæculo ad Balsamos, postremo ad Massenses dynastia pertinet. Hodie ager est vulgo Feudum.

CAVALERIS Cafale sub Ramette Opidi Archiepresbytero.

CAVALLARIS Acis Municipium cum Parochia S. Catharinæ V. & M. nomine, ad ortum hibernum, supra maris littus in aspero, & arduo colle situm, ad passus dc. circiter ab opido distans, incolisque non infrequens.

CENTINEUM ex Castri Regalis Municipiis ad æstivum solis occasum m. pass. m. recedens. Ejus Parochialis Ecclesia Deiparæ Virgini sacra antiquissima est, uti ædificii moles græco more, nigrisque ex lapidibus extructa satis ostendit. Huc S. Cathaldi incolæ, quod

quod erat dudum Caſtri Regalis etiam Municipium, commigrarunt, ædemque S. Epifcopo dicatam ſerexere. Abefſt *Centineum* ab ora maritima md. circiter paſſi.

CEPHALÆDIS, aliter *Cephaludium*, Epifcopalis hodie Urbs, Straboni, Diodoro, Silio, Antonino, Ptolemæo, Plinio, Melæ, & Ciceroni ſat nota. Et Strabo quidem Tyndaridem, Agathyrſum, Alæſam, Cephalædium, opidula eſſe affirmat; Diodorus lib. 13. Caſtellum *Cephalædium* appellat: *Himilco cum Himerenſibus & Cephalædium habitantibus caſtellum amicitias inivit.* Atque hæc vetuſtiſſima, inquit Cluverius, eſt hujus loci memoria, id quippe accidit Olympiadis xvi. anno primo, ante Chriſtum Dominum cccxcvi. Idem Diodorus ſubinde ſcribit: *Agathocles, expugnato Cephalædio, Leptinem præfecit.* Et paullo poſt: *Agathocles, ut ſibi duo opida Therma, & Cephalædium traderentur cum eorum juridiſſione poſtulavit.* Demum lib. 23. *Romani alia poſt naufragium claſſe conſtructa, cum ccl. navibus Cephalædium proſeſſi proditiōe id ceperunt.* Sed & Cicero Verr. 3. *Tyndaritanam nobiliſſimam civitatem, Cephalæditanam, Halentinam, Apolloniensem &c. perditas eſſe iniquitate Decumanorum, Senatui repræſentat,* id eſt Verris Prætoris avaritia ſede vexatas. Et Verr. 5. Sacerdotii maximi dignitate inſignem deprædicat. De origine Scanellus loquens, Chalcidentium eſſe opus, *Cephalædium* vulgavit. At unicam in aquilonari latere, Himeram nempe, Græcam extare urbem Thucydides teſtatur; Græcos idcirco authores perperam habuiſſe *Cephalædium* adſtruitur. Auria in Cephalæd: Hiſt: Sicanis adſcribit; Hinc in ejus numiſmatis Herculis figura in perenne hujus per noſtras oras peregrinationis monumentum, inſculpta videtur; peragravit quippe hæc loca Hercules, Sicanis inſulæ potentibus.

tentibus. Nomen aliunde Punicum esse Bochartus cum Hophmanno tradit; nam *Cephalus* idem Punicis sonat, quod Latinis *Rupes flexa*, quadratque loco vocabulum, uti mox infra videbimus. Quamvis communis voto Scriptores, Græcicum a ditione *Cephas*, nempe *Caput*, esse testantur. Hinc hodie protestera Cephalos pisces opidani assument, & Duasquius ab hujusmodi aquatilibus, quibus pelagus abundat *Cephaloditanus*, nomen urbi obvenisse contendit.

Situm egregie indicat Fazellus; locata quippe olim fuit, in præruptæ ac ingentis rupis vertice, quæ orbicularis penè figuræ veluti promontorium flectitur, in ortum. Quum autem temporum injuria in exile opidum evasisset, ruinis affectum, & ascensu perdifficile, Rogerius Rex ad angulum rupis subiectum, ipso in littore translatum, Episcopi dignitate, ac templo insigni nobilitavit, quod voti reus Servatori hominum ejusque Apostolis sacrum voluit. Quæ fuerit Rogerio votendi occasio, ex annalibus constat. Non negaverim ante Sarracenorum tyrannidem Episcopali sede *Cephaladim* ornatam fuisse, uti Pirrus ostendit. Verum illis exactis, Messanensi Diœcesi Comes eam addixerat. Rogerius Rex subinde Comitis filius opidanis ad ima rupis, de qua dixi, evocatis, menia illis constituit, ac postliminio ab Archiepiscopo Messanensi Parochia impetrata, Regulares S. Augustini Canonicos e Calabria accitos, ac in extructo ad opus monasterio locatos Ecclesiæ famulaturi addixit; novoque Episcopo, anno mclxv. ipsam *Cephaladis* civitatem attribuit, quæ ad sæculi xii. finem usque, & subsequentis initia Pastori suo idcirco obnoxia fuit. Circa hæc enim tempora *Paulo Cicale* Januensi, Regis Comestabulo, Colisani, & Aliphie Comiti *Cephaladis* cessit.

Anno mcccxxiii. exturbatus Arduinus Episcopus a Friderico Cæsare, insulam, suamque Ecclesiam deseruit; Rex vero Castrum & urbem sibi occupavit. Sed Romani Pontificis autoritate rursus ad primævalia jura Ecclesia restituitur. Arx tamen Regiis militibus custodienda committitur mcccxxii. donec nova Alexandri IV. constitutione Castrum idem, quod in civium manus devenerat, Joanni II. Episcopo reddatur. Carolo Andegavensi Principe id ipsum constitutum; Sub Aragonensibus attamen Hieracii Comites Vigintimillii sibi usurparunt. Franciscus enim sub Rege Petro II. se uti *Cephalædis* dominum gerebat, cujus heredes, ac filii nihilòsecius occuparunt; quin & Episcopum jura Ecclesiæ suæ repetentem grumvis consecere. Quum autem Martini Regis ævo rursus mcccxcii. turbæ exortæ essent, ac *Cephalædis* hostiliter direpta pessum iret, statuit idem Rex, ne deinceps dynastis in potestatem cederet. Quæ quidem sanctio diuturna vix fuit; anno enim mcccc. Joanni Abbatelli *Cephalædis* pleno jure, quod merum & mixtum vocant imperium, suffragabatur; Mox Bernardo de Requesens, tandemque Antonio Vigintimillio ob solutos florenos m. ac in Alphonsi Regis grarium illatos, in clientelam datur. Non diu tamen, quum Lucas de Zarzana Episcopus Antonio pretium reddidisset, urbem redemit.

Ad princeps templum redeo, quod hodie integrum eodem musivo ornatu, ac columnis viii. pedes xx. altis, ac per diametrum viii. patentibus, suffultum, cum eximiis græcis campani turribus in edito loco, quale Rogerius Rex constituit, & anno mcccxlvi. Rodolphus S. R. E. Cardinalis Episcopus Albanensis consecravit, sese spectandum præbet. Porphyreticos vero insignes sarcophagos, quos idem Princeps *ad decessus sui*

fui, uti in diplomate ait, *signum perpetuum conspicuus* posuit, in quorum altero juxta chorum suas condendas iussit exuvias, Fridericus Cæsar Joanne Veneto Episcopo absente, Panormum per summam injuriam, transferendos præcepit, ac in majori eade collocavit. Equestres cæterò figuræ ejusdem Rogerii, ac alterius Regis conspiciuntur eximie, ad absidis latera, quæ decorem conciliant, ac sacella Pontificum opera, variis temporibus extructa ad omnem elegantiam assurgunt. Serica demum Rogerii vestis auro intexta in sacratio servatur, & Euphemiæ Friderici sororis *Cephalædi* defunctæ sarcophagus ostenditur. Canonici, S. Augustini Regulares, uti innui, ab ipso fundatore constituti, diu sacris officiis, ac ministeriis in eo intendebant, sed Carolo II. Rege volente, ac Pontificio Clementis X. rescripto mdcxxi. Sæculares Presbyteri illis subrogantur, Joanne Roano Episcopo rem promovente, qui duos tantum ex Regularibus invenit. De hac Ecclesia scripserunt Benedictus Passafiumine & Caranrandinus. Illi Ædes Canonicales adherent, & Episcopale palatium decentissimum; contra respondet Clericorum Seminarium, quod primum in Sicilia Franciscus Gonzaga Pontifex erexit, ejusque successores ampliori schemate, & novissime Dominicus Valguarnera nostro hæc sæculo concinnius reddidit.

Regularium familias complures *Cephalædium* fovet: Minores nempe Conventuales, quorum cœnobium S. Antonino Patavino authore coluisse tradunt anno mcccxxv. Hic enim *Cephalædi* delatus, illud promovit, cupressumque propriis manibus plantavit, quæ ad annos ferme ccc. viruisse dicitur. Mali aurei quoque arborem ostendunt, adhuc superstitem, & sacrum vas in quo sacrificium, uti perhibent, confecit. Situs est

Tom. III.

X 2

ejus

ejus extra mœnia ad occidentem; aeris idcirco inclementia laborat, uti Pirrus evulgat; Ejusdem ordinis Observantes in S. Nicolai æde a Francisco Gonsaga Episcopo mxc. constitutos a porta maritima haud procul; Prædicatores Fratres ab anno mxxi. in S. Blasii agro ad n. lapidem, sub SS. Trinitatis titulo fundatos; ac in editiorem urbis locum mxx. Hieronymi Vitalis opera traductos; Carmelitas Deiparæ tutelaribus auspiciis in S. Sebastiani Ecclesia anno mxxxiv. Alberto de Monaco adlaborante exceptos; S. Mariæ de Mercede Redemptionis Captivorum ascetas, demum S. Petri Nolaschi nomine, splendide a Stephano Muniera, instituti asseda, & Pontifice mdcxxix. dotatos.

Augustinienses a Pirro memorati, duo incolebant olim, S. Mariæ de Jesu extra, & Portus Salvi statim post maris portam, Monasteria, quæ hodie defecerunt. Capuccinis xv. pass. n. in edito colle Gibilmanna datus est locus, de quo ubi de eodem, suo loco uberius. Sedet in centro S. Catharinæ Monialium cœnobium sub S. Benedicti regula, quod ædificiis nobile splendet, & districtioris disciplinæ speculum audit. Author Antonius Faragone Messanensis patria, *Cephaleditanus* Episcopus dicitur a Pirro, Auria vero, quod instaurator fuerit, affirmat. Pro puellis Virginibus parentibus destitutis Marcus Antonius Gussius domum excitavit, & S. Leonardi Ecclesia, quæ olim S. Georgio fuit a Rogerio addicta, illis designata, congrua dote auxit. Hospitales demum ædes pro peregrinis, ac pro infirmis duæ *Cephalediti* spectantur, Francisco de Aragonia Episcopo rem sollicitante, suppetiasque una cum civibus ministrante. Celebrat Auria S. Stephani templum ab elegantia, ac ædificiorum cultu, quæ purgatorium Animarum sodalitati addicta, & insigni sacrum reliquiarum copia instruitur, uti idem Auria recenset. Pu-

Publica civilia monumenta ad urbis ornatum his sacris succedunt; Quum referrat quippe rupes telluris figuram, prominensque in altum veluti promontorium mari immineat, stationes idcirco in littore ad naves excipiendas a lateribus efficit, ab opposito flatu utrinque securas. Harum una portus dicitur sub ipsis menibus; altera m. pass. diffidens ab urbe in ortum, *Calura* vulgo appellatur; ipsum vero caput, seu promontorium *Marchiasava* nomen habet; ac undique tota septentrionali ora conspicuum habetur. Portis urbs aditur iv. ab occasu, septentrione, & ortu; menibus undique vallatur. Ex illis prima, *Terra* nomine distincta, quæ prætentata alia instruitur, in mediterranea cives ducit, bellicisque tormentis hostium insultus arceat. Altera ab *Arena* dicta, quod ingentem arenæ vim excipiat ad litus usque, ab Ossuna Prorege etiam appellatur, prope quam turris assurgit validissima. Tertiâ a *Pisfatu* & a *Mari* nuncupant, a qua Munimentum *Granarii*, seu S. Michaelis non disjungitur, maris fluctibus circa radices percussum. Editiori littori inëdificatum alterum Munimentum succedit. Turris autem ac Munimenta tormentis maximis instruuntur. Hinc porta ad ortum postrema, *Judaica*, a proximo vico, ubi Judæi habitabant, titulum adepta; urbis contigit gyrum, qui ex Auria pass. bis m. desinitur. Hæc porta a S. Antonio etiam ob proximam sacram ædiculam nominatur; Prope S. Antonium veteres ingentes ruine conspiciuntur, *Cephalædis* antiquæ reliquæ; quæ quamvis in monte, ad litus emporium habere potuit, quo merces comportarentur ab externis, civesque frumenta sua, ac terræ fructus in alienas educerent terras. Viæ non angustæ sunt, majorique ex parte rectæ describuntur; illa præ aliis ad portam

Terræ

Terræ duceas, in qua veteris ædificii, ab Rogerio, uti tradunt, ut Regium esset domicilium, extructi, moles conspicitur, *Hoslerium* vulgo; quod a Vagintimilliis, dudum ejusdem possessoribus, nobilis gens de Flore, mdcvi. accepit; hæc vero S. Dominici ascetis concessit. Opidi medium sat amplum occupat forum, quod lapideus exornat fons, copiosissimas aquas ad civium commodum effundens. Fons quoque e marmore in Majoris Basilicæ aræa, quem Franciscus Gisolphus Pontifex iussit.

Summo Rupis vertici *Arx Regia* imponitur, a qua rupes ipsa Castellum appellatur. Hæc porro inaccessible, & prærupta quum sit, omni fere ex parte, nullo nihilominus vallatur, nec adiri nisi ab hiberno occasu potest, qui sane locus egregie munitur. Cisternas habet arx amplissimas, & Ecclesiam S. Annæ titulo insignem; cryptæ sub ea visuntur etiam late patentes. Ab arce haud procul altera sacra ædes Divæ Venere dicata, circa quam antiqui opidi rudera spectantur. Quod Jovis porro templum, cum Sacerdotii maximi dignitate Tullio memorata, eo loco steterit, sub quo arx subigitur, & *Chori* nomine hodie venit, scriptores gentici passim tradunt. Illud columnis suffultum, quæ hodie majoris Ecclesiæ ornamento aptantur, necnon Christianis temporibus vero Deo dicatum affirmant, Præest arci, Regis nomine, ex Militiæ Ducibus unus, cum præsidariis, urbis, & oræ custodiæ intendens. Urbis porro regimini Magistratus invigilat, qui in Regni Comitibus ix. profert votum, & sacram Salvatoris Imaginem, sub qua ad panis escam accurrunt Cephali pisces tres, pro tessera habet. In Censu sub Carolo V. iarium numerus 935. fuit. Anno mdcxv. cives 3595. descripti. Sæculi sequentis anno lxx. lares 1335. cives 4889. Anno mdccxiii. focî 1460. animæ 4013. & no-

vissime 5442. Caput est Comarchiæ, & Militaris Thermarum Præfecturæ signa equites ejus iv. pedites xlii. sequebantur. Aere gaudet saluberrimo; ad latitudinis gradum xxxviii. x. & longitudinis xxxvii. 1:

Episcopus, cujus institutio, uti innui, antiqua memoratur; Nicetas edim *Cephaladensis* Constantino-politano viii. Concilio suscribit, & Syracusano throne *Cephaladensis* Episcopus subjectus a Myreo refertur; a Rogerio restitutus, Jocelmus primus se offert Monasterii de Balnearia Prior, cui, ut ejusdem Regis gratiam iniret, Hugo Messanenensis Antistes Diocesim designavit. Sed Jocelmus, ejusque successor Arduinus electi tantum dicuntur. Boso vero primus consecrationis insignia suscepit. Qui porro ad clavum hodie sedet Josephus Castelli juxta Pirri seriem liv. habetur, morumque eximia probitate se commendat. Ad Regni Comitiam idem vocatus, inter Ecclesiasticos Hierarchas loco viii. sedet, & Messanensi Archipræsuli, uti Metropolitæ suffragatur. Ad eum pleno jure *Cephaladis* civitas spectabat. Sed ad nostra tempora, inquit Pirrus, *Episcopus cognoscere preest omnes civiles causas Appellationis a Curia Cephaladensi Seculari. Jurisdictionem contentiosam contra laicos exercet in his causis, quæ concernunt Virtualia. Item ut coram Episcopo, vel ejus Vicario administri urbis creentur, Demum panæ impositæ ab urbis Fisco pro delictis & contumaciis Episcopali cameræ applicantur.* Hæc Pirrus.

Hlustres viros enumerant a morum pietate: Antonium Loduca Presbyterum, qui Romæ diu vixit, ibique sanctimonie opinione cælo, uti creditur, infertur. De eo Cajetanus in Idea, Pirrus, Auria, & alii. Franciscum ex ordine Capuccinorum, cui morienti Beatissima Virgo se spectandam præbuit, uti Bo-

verius

verius testatur, & Joannem Baptistam de Franchis Spinolam, de quo inferius. Ecclesiasticis dignitatibus perfectos laudant. Rogerium ex Clericis Regiæ Capellæ Panormitanæ, Episcopum Melitensem circa annum mccciii. Henricum ordinis Minorum, Melitæ etiam Pontificem mccciv. Petrum Guerrerium S. Mariæ de Bordonaro Abbatem, subinde Urgentinum in Italia Episcopum, cujus meminit Ughellus. Rogerium Vaccalora S. Petri de Palatio Cantorem, Regiumque Capellanum Martini tempore, cui apprime carus vixit, ac Petrum Ordinis Prædicatorum de Rebus fidei Quæsitorem. Passafiumine ex Cagliola Vincentium Minoritanum Pactarum & Marianæ extra Siciliam Episcopum inducit, sed Pirrus ejus originis lares reticet. Auria Franciscum ejusdem instituti *Cephalædis* egisse Pastorem tradit, sed nulla alia de eo memoria extat. Inter Scriptores Siculos Mongitori memorantur: Matthæus de Anna Ordinis Prædicatorum Examiner Synodalis, & Generalis Ecclesiastes, Poësis, & Literarum ameniorum cultor. Plura metro scripsit; Laudatur ab Auria & Allatio. Antonius Loduca, de quo supra. Illum commendant Menochius, Pancirolus, Panvinus, Viegas, alique apud eundem Mongitorem. Edidit *De vii. Angelis Orationes*. Beuedictus Passafiumine Minoritanus de Observantia, eruditione, & doctrina clarus; Scripsit *De Origine Ecclesiæ Cephalæditanæ, & Francisci Gonsagæ vitam*. Josephus Flores eximius Poëta, & Astronomus non vulgaris, cujus Latinas, & Italicas cantiones Vincentius Auria typis dedit; Joannes Baptistæ Spinola, prelo commisit Idylium *Belvedere*, & alia reliquit, teste Auria. Joannes, Baptista de Franchis Ordinis S. Dominici, vir doctissimus, & ab eximjis religiosis virtutibus clarus. Tenacissimæ memo-

riæ, quidquid legebat minutim enunciare auditus. In fidei Quæſitorum tribunali ad annos xl. librorum Cenſor; multa edidit a Mongitore relata; qui de pretioſa ejus morte etiam, ac de honoribus, quibus elatus eſt, multa ſcribit. Sebaſtianus Combis Medicus, & Poeta in utraque facultate excellens. Stephanus de Anna Parochus S. Crucis Panormi, Theologus, & Poeta non vulgaris. Paulus Velasquez Muſis acceptus, & Thomas Federici S. Mariæ de Mercede alumnus ab arte oratoria commendatus, necnon Theologus profundiffimus. Siciliæ provinciam rexit, & Ordinis Definitor Generalis effulſit. Sunt qui Vincentium Auriam, eruditione clariffimum, patria *Cephaladitanum* faciunt, ſed ipſe Panormum patriam ſuam ſepiſſime vocat, & Mongitorius Panormitanis accenſet.

Numos antiquæ urbis *Cephaladis* æneos iv. habemus, in quibus Jovis caput, & Herculis figura, item clava ad Herculem alludens; Mercurius in iii. & Diana in ultimo exprimuntur, quos Auria laudatus eruditiffimè expendit. De Agro frugum ſecundo, ſed arboribus fructiferis maxime cenſito, oleis, moris, vitibus, pomis, ad rurales denique delicias aptiſſimo id affirmant, urbem nempe *Cephaladim* Placentiſſimæ titulum ab illius amenitate ſibi comparaffe. Nemoribus, faltibusque nihilominus ſcatet, quæ ſub Epifcopi ſunt ditione. Mare piſcoſum cetariis abundat, de quo Silius.

CERAMIS Opidum, *Ceramium* nonnullis, nomen a Græcis ex Maurolyco invenit; ad tegulæ enim aſurgens formam, quæ illis ~~Xeramos~~ *Xeramos* dicitur, auſtrum, & occidentem decliviter ſitum reſpicit. De eo apud veteres mentio nulla, quod enim Herbeſſus eo loco ſteterit, uti perhibent, non procedit; Nam duo Herbeſſus in Sicilia olim quamvis fuerint, altera in Syracuſana

cusina ditione, in Agrigentina alia locatur. Græcos igitur habuit quidem *Ceramis* authores, qui ante Sarra-
cenos toti insulæ dominabantur, quo autem signanter
sæculo, incertum. Rogerius Comes, Gaufrido Mala-
terra lib. 33. teste, *Ceranium* Castrum ab hostibus op-
pugnatum audiens, Serlonem præmisit Nepotem suum,
qui hostium impetus sustineret. Hic per portas erum-
pens in barbaros, quorum ingens erat multitudo, fer-
tur, eosque in fugam agit. Nec diu superveniens Co-
mes acie directâ, Divi Georgii auxilio, qui suis spe-
ctabilis apparuit, fretus, eosdem barbaros, congregi cum
eo ausos memorabili strage fudit, uti fustus in histo-
riis Fazellus cum Maurolyco scribit. Mirari hinc certè
subit, quo pacto idem Fazellus *Ceranim* Capitii sub-
urbium, quod iv. pass. v. inde abest, olim fuisse affirmer.

Insidet arx, adhuc hodie celebris, supremo ver-
tici rupis ab ortu, & aquilone præruptæ, ac toti opido
dominatur, ubi dynastæ palatium magnificis aulis &
conclavibus instructum, ejusdemque S. Georgii Eccle-
sia, quæ Arcis est parochialis, quam Natalis Domi-
nici nocte Clerus cum Archipresbytero Divinis offi-
ciis, ac sollemni sacrificio frequentat. Major Basilica
pene in centro circa occasum S. Ambrosio Ecclesiæ
Doctori sacra, cujus festum summa cum pompa veluti
præcipui Patroni, cives celebrant, eidem Archipres-
bytero conceditur, parochialia munia cum suis exer-
centi. Suffragantur autem illi vii. aliæ minores. Jam
sub arce ad ortum Tertii Ordinis S. Francisci circa
annum MDLXXX. coaluit Conventus, cuius est tutelaris
S. Michael. Ad imas opidi partes in aquilonem S. Ma-
riæ de Monte Carmelo Deiparæ Annunciatæ auspi-
ciis, ab anno MDCXX. incoluntur ædes. Monialium cœ-
nobium S. Mariæ de Lavina titulo, ac S. Benedicti in-
stitutis

stitutis gloriatur. Olim erant illæ extra opidum; de-
gunt hodie sub Principe templo, ac Deiparæ tabulam
vetustissimam ostendunt, miris prodigiis illustris. Ad
pass. circiter D. S. Salvatoris Prioratus Benedictinis S.
Nicolai de Arena Monachis addictus ex Simonis Pa-
licastri donatione, de quo iterum.

Hiscæ ornatum sacris ædibus *Ceramis* opidum. Principatus tesseram ab anno MDCXLIII. obtinuit. Sub
S. Philadelphi Militari Instructore peditibus XXXVI.
equitibus IV. procedit, & Troynensi clauditur Co-
marchia; Pastoremque Archiepiscopum Messanensem
recognoscit, qui suis partes Vicario, & Visitatori com-
mittit. Sæculo XVI. lares 671. animas 2084. numera-
bat. Sequenti focos 752. incolas 2757. Decurrentis
anno XIII. in focis 649. animæ 2434. descriptæ sunt,
quæ novissimè 2290. Latitudo est ejus graduum XXXVII.
XL. longitudo XXXVIII. V. Ager frugum ferax moros nu-
trit, fructiferasque arbores; nec nemoribus caret. Sub-
urbiorum in eo vestigia spectantur, quorum nomina
Rahalis, S. Maria, & Zuccaleum. In feudo de Gallo
copiosa minera, quæ nondum aperta; uti & Salina
haud procul. Flumine demum abluitur, cujus ripis
pons magnificus, & vetustissimus conjungit, de quo lo-
cutum fuisse Ciceronem tradunt in Verr. Ortum ha-
bet sub Capito, & in Salsum circa Serlonis petram se-
condit.

Viros demum protulit *Ceramis* illustres Lucam
Nicasium III. Ordinis S. Francisci, qui innocentia vitæ,
ac præclaris virtutibus præditus, mirisque a Deo signis
commendatus diu Messanæ vixit, ubi mortale corpus
deposuit, quod in Ecclesiæ sacrario decenter asserva-
tur. Floruit, & Bonaventura de Rubeis ejusdem insti-
tuti S. T. Magister doctrina, morumque integritate

conspicius. Ordinis quippe Procuratorem Romę egit, ac provincias aliquot commissas habuit, necnon Siculę bis pręfuit; Collegium in Urbe suorum S. Pauli de Arenula strenuę promovit, ac ædificiis auxit, ibique ad annos xxx. Viris principibus etiam Ecclesiasticis, ac pręcipuis Matronis ob intemeratos mores, ac pietatem in consulendis conscientiis, acceptissimus vixit ad mccciii. quo piissimę vita excessit.

De Dynastis, qui Magistratus hodie designant annuos, & Jus gladii habent, multa occurrunt: Primus enim in feriem venit *Simon* Policastri Comes, Rogerii ex Flandrina filia nepos. Hic Licodiano. S. Marię Monasterio S. Salvatoris apud *Ceramim* pass. cc. distitam in ortum Ecclesiam, cum circumpositis terris attribuit, quę Prioratus hodie dignitate insignitur. *Simonem* Manfredus filius, & hæres excepit, Mazarini etiam Comes. Sub Gallis nobilissima gens de *Arnoldo* tenuit. Sęculi xiv. anno xx. *Petrus de Antiochia Ceramis* dominus dicitur, in Friderici II. Censu, seu duarum ejusdem partium, nam tertia hæredibus *Joannis de Manna* obnoxia erat; tria enim, uti dixi, Suburbia, seu minora casalia *Ceramio* adhęrebant. Idem *Petrus Capytii*, *Mistrettę*, & *Regitani* opida beneficiario titulo possidebat; haud dubium idcirco, quod *Fridericus* ejus filius, quem laudatus Princeps *Capytii* Comitum, uti historię produnt, constituit, circa annum mcccxxxv. *Ceramium* feudi jure devinctum haberet. Quo pacto igitur *Petrus II.* sequenti anno *Russo Rubeo* Comitatus *Ceramensis* insignia tradiderit, sollempni inaugurationis suę in Regem die, haud satis dispicerem, nisi conjecturis agendo, *Antiocheni* descensionem, antequam *Petrus* insignia susceperet, congruenter satis reponerem. *Francisco* enim *Vigintimillio* adhę-

adhæserat *Fridericus de Antiochia*, extremis *Friderici* Regis diebus, turbasque cum illo concitaverat, atque a bonis fortasse exciderat; hinc de ejus dynastiis in manus Regias devolutis, rite *Ruffi Rubei* favore dispositum; hicque *Ceramis Comes* mcccxxvi. potuit renunciari.

Quum porro & ipse *Rubeus* ab institutis quoque recessisset, *Ceramim* cum *Capytio Franciscus Palicius* Nicolai filius affecutus, illis aliquando præfuit, donec exturbatus, bonisque exutus, *Berardo Spatafora* locum cessit, qui *Friderici III.* rescripto mcccxvi. opidum in clientelam suscepit. *Berardo Thomas* filius successit mcccxxiii. cui *Beatrix Rubea Henrici* filia nupsit. *Henricum* hunc inter *Ceramis* Comites lego, Luceæ Claromontanæ maritum. Neque sub id tempus inauditum, quod ejusdem opidi duo se domini jactarent, adeo enim fusdeque per insulam Procerum malitia res abierant. Martino Rege *Guillelmus Rubcus Thoma* successor designatur, qui ex uxore *Elconora Ludovicum* habuit filium, in Censu Martini ejusdem de anno mcccviii. pro Castro & Terra *Ceramis* Curia obnoxium. *Petrus* ex *Ludovico* genitus *Ceramis* dynasta mcccxiv. unde *Henricus*. Hunc autem excepit *Hieronymus* mdviii. qui *Catharinam Barresiam* uxorem habuit; unde ortus est *Vincentius Hieronymus*, *Isabellæ Larcæ* subinde maritus, quibus nati sunt *Georgius*, *Beatrix*, & *Paula*. Postrema hæc post immaturam fratris mortem hæres, ac Comes N. Camolo equiti *Messanenfi* conjux effecta *Hieronymum* illi peperit, qui ex avi præscripto *Rubeorum* cognomen, ac arma assumpsit, duxitque in uxorem *Isabeilam Carretto* ex Comitibus *Rahalmuti*.

Anno mdcvii. *Ceramim* sub Joannis Carretti potestate

testate venisse comperio apud Sancettam, sive illius Epitomatorem, qui ad sæculi elapsi annum vi. dynastias recenset: *Russus Ceramis Baro. Stemma: Stella cadens aurea in parma rubra, foci 500. possidet etiam Militellum U. D. foci 400. mdcvi. Ceramim possidet gens de Carretto.* Sed apud Emmanuelem. *Sicil. Nobil.* par. 2. lib. 1. Ex *Hieronymo & Isabella* laudatis *Joannes* prodiit; cui cum *Melchiora Angotta* contigit filius *Franciscus Rubeus* ob meri & mixti imperii acquisitionem anno mdcxl. memorandus, qui & primus etiam Principis titulum mdcxlvi. *Philippi IV.* privilegio meruit; ac locum inter *Comarchas* l. in Comitibus obtinuit. Munus Majoris in Regno Vexilliferi *Franciscus* etiam gessit, quo *Damianus Rubeus*, Regum Aragonensium beneficio, dudum dicitur decoratus, quum Militaris Siciliæ famulatus indictus evo illo fuit. Ex eo & *Alexandra Sanctacolumba Joannes*, qui cum *Remigia Scammacca* uxore *Dominicum* progeniit. *Joannem* ex *Anna Politia* tulit *Dominicus*, Patritius Catantensibus accensum, *Olivæ Moncadæ* maritum, qui hodie a morum comitate, & elegantia, atque a Philosophiæ studiis commendatus vivit.

Mitto hic apud nonnullos adnotari, *Franciscum Vigintimillium Ceramis* Baronem evasisse, ob solum opidi pretium, quod filix *Elisabettæ*, seu *Isabellæ* in dotem assignavit, hancque *Henrico Rubeo* nuptam vixisse. Id quippe penes authores de utroque *Francisco* Hieracii Comite agentes, non invenio.

CESARUM Siculo ore *Cesarò, Cesareddum* aliis, & *Cbisarum de Insula*, Opidum Ducatus tessera fulgens, ad *Columnios Romanos* hodie spectat; Messanenſi Diœcesi, Tauromenitani Inſtructoris provincia, & *Troy-næ Comarchia* clauditur; arduo sedet loco, ad fontes

Sy-

Symēthi ab eadem Troyna in ortum, a Bronte circa æstivum occasum sejunctum, gradumque longitudinis xxxviii. xx. ac latitudinis xxxvii. xl. attingit. Princeps in eo templum Deiparæ Virginis Assumptioni dicatum sub Archipresbyteri degit cura, ac filiales, uti appellant, Ecclesias v. obnoxias habet. Minoritanis, quibus S. Rocchi titulo mdcxxx. dudum ædes fuit designata, S. Calogeri ab anno mdcxxiii. congruis fabricis, dynastiæ beneficio constitutis, hodie attribuitur. Castrum in supremo tumulo olim celebre, ruinis nunc andique patet.

Cesari mentio extat prima Friderici II. ævo. Hic enim Princeps exauthoratis *Inquinta* Asmaris de Ayn, & *Nida* Raymundi Moncadæ uxoribus, quod fratrem *Jacobinum de Puteolo* opidi dominum dolo occidissent, *Christopharo Romano* illud dono dedit anno mcccxxxiv. Fulsit hic nedum Regius Medicus, sed & Messanæ Strategus, uxoremque Luciam Manfredi Claromontani filiam conjugem habuit. Ejus ad hæc tempora hæredes *Cesarum* possident, ex quibus mcccviii. *Thomas Romanus* penes Martini I. Regestum memoratur pro Castro & terra *Chisari* & S. Lucie feudo Curie obnoxius. Alias hic dynastias est asecutus, ac Regni Magister Justitiarius dicitur a Mongitore. Filium habuit *Christopharum* juniorem, unde *Joannes Antonius*, ex quo *Thomas II.* mcccclv. *Cesari* Baro renunciatus, alique post ipsum, quorum seriem infra invenies, ubi de Flumine Dionysii. Primus porro *Cesari* Dux mdcxliiii. *Antonius Joppulus* ex Caroli II. privilegio fuit, Regii Ærarii Præses, qui a morte *Rosaliam* filiam hæredem dixit; *Calogeri Gabrieli* Romano-Columna uxorem. Hic ex Regni xii. Virsi, Regii Patrimonii Rationalis Magister, secundum *Panormi*

normi Prætor ad annum MDCCXL. vixit, cui *Calogerus Gabriel* nepos *Joannis Antonii*, & Eleonoræ Brancifortiæ filius, ex patris cessione successit. Sedet *Calogerus* in Comitibus loco xxvii. moribus egregiis, & viro principe dignis abundè dives, atque ab ingenii cultu insuper laudatus.

CHARYBDIS. Sub Turri specula, seu Pharo, *Laterna* vulgo, mare vorticosum est, de quo fufius agam *Fretum Siculum*, seu *Messanenfe* describens, ubi *Charybdis* fabulam expendam.

CIERA, aliter *Zaera*, ampla est Messanæ urbis extra portam Imperialem regio, mœnibus austrinis adjuncta, cum Ecclesia Jesu, & Mariæ sacra, vulgo de *Ciacato*, in qua sacris administrandis Sacerdos intendit sub S. Antonii Parochia. Viis longè, ac latè patentibus descripta, ac civium ædibus elegantissimis ornata, S. Mariæ Magdalena, Congregationis hodie Cassinensis Monasterio, & Monialium Spiritus Sancti, Cisterciensis ordinis claustris, Augustinienfium denique Excalceatorum sub Annuntiata titulo, necnon Minoritarum S. Cecilie cœnobiis instruitur. Illam ab austro adeuntibus magnificentissima occurrit porta eodem *Ciera* nomine insignita. Ejus lares & incolæ in censu urbis veniunt. Memorant *Ciera* ortum Archangelum Gualterium Ordinis S. Francisci Generalem, & Montis Regalis Archiepiscopum.

S. CLEMENS Municipium est Messanenfe ad meridiem, post *Ciera* portam occurrens, ac Dromi postrema pars, torrentis de Cammaro alveo abjuncta. Ejus parochialis Ecclesia eidem S. Pontifici dicata elegans est, & ampla, de qua Bonfilius, & novissimè Gallus in *Annal. Messan. Apparatu*. Excipit eandem Carmelitarum Discalceatorum Conventus, sub S. Alberti

berti auspiciis mœci. Cæsaris Romani divitiis fundatus, & varia Nobilium civium suburbana, atque artificum officinæ. Extat hujus mentio in Bartholomæi de Luce diplomate de anno mxcxcv.

COLESANUM Opidum in Valle Demiana præcipuum, ac inter Comitatus ejusdem primum occupans locum, *Golefanum*, aliter *Tholisanum*, sedet in solo inæquali hodie ad radices montis Asperi ex Nebrodibus collibus inferioribus, contra montem Auri; vetustis tamen temporibus in colle undique prærupto ad occasum situm, ex Alæsis civitatibus una reputatur, uti ipsum indicat nomen; nam *Collis Alæsanus* facili literarum ellipsi in *Colesanum* evasisse potuit. Quod plures autem in Sicilia olim Alæsa fuerint, Diodorus lib. 14. testatur, cujus verba de Alæsa Arconidis loquens, quæ sub Tusa stetit, expendi. Hinc Plinius Alæsinos Populos mediterraneos indicans, de nostri opidi incolis intelligere passim creditur, uti etiam innui de Alæsis Mediterraneis scribens. Et sane, quæ adhuc in memorato colle proximo ad occidentem, qui unica tantum via ab ortu, lapidibus nunc etiamnum constrata, adiri poterat, spectantur rudera, ædificiorumque cadavera, de antiquo nos admonent opido. Pirrus, qui cum Fazello *Collisanum* appellat, falso apud Aretium æstimari Alæsam affirmat, & quidem optimè, si de Alæsa Arconidis Aretius intelligit, quæ alibi stetit. Coeterò Strabonis verba in meis ad Fazellum Notis relata sunt: *Alæsum opidum Mandusiorum, quod in excelso situm loco, manibus & duobus cingitur fluminibus*; non incongruè de colle, ubi opidi reliquiae jacent, dicta accipiuntur, hic enim Nebrodes montes, amnesque Himeram, & *Pilestum*, sive *Menalim*, utrinque habet. Cluverius de Paropo cogitat antiquo

opido, cujus meminit Polybius lib: 1. Atenim Historici textus Cluverio adversatur, uti adverti, & Paropum inter Thermas Himerenses, & Panormum locare videtur; quum *Colefanum* pass. m. xii. ultra Thermas sedeat. Non desunt denique, qui prostratum in eo colle opidum; ex Himeræ reliquiis a Pēnis excisæ ortum duxisse tradunt.

Quod extat hodie, Sarracenorum creditur opus, a Rogerio Comite *xlxiii.* cum arce expugnatum, atque in prædam suis traditum; Hinc *Bayharina* regio Sarracenici est nominis, & S. Nicolaj vetus Ecclesia perseverat, quæ intra arcem, prima olim in opido, Sarracenis ejectis ab eodem Comite fuit ædificata. Aliam deinde *Adelasia* Rogerii neptis *Colefani* domina Deiparæ Assumptionis nomine molita, principem illi locum attribuit. Nova demum magnificentissimè extructa, Apostolorum Principibus dicata, supra reliquas opidi primatum obtinuit. Turris campani æris antiquissima, olim ad opidanorum munimentum, inscriptum lapidem supra fenestram habet: *Me fecit Anno Domini 1060.* Et si nota in annorum numero fatis clarè non eluceat, uti præsens adverti, & fortasse ii. sæculum supra m. exprimat, quod alibi notavi. Scala porro ejusdem Basilicæ in occasum æstivum respiciens, ab anno *mccccxxxviii.* publico ære extructa, ad omnem magnificentiam pluribus assurgit gradibus, & miratu omnino digna reputatur; loco enim editiori sacra ædes sedet, estque prima parochialis ac ab Episcopo Tiburiensi Mariano Manno consecrata anno *mdxlviii.* perhibetur, necnon Sanctorum Martyrum Hyacinthi, Marci, & Basilæ corporibus decoratur. Parochialis altera, S. Maria vetus, ab Adelasia uti dixi, excitata, bonisque aucta, ab Episcopo Squillacensi Dro-

gone

gone mcl. sacro de more linita oleo, elegans Deipara e marmore simulacrum, in summa religione ab incolis habitum, servat. Utriusque Parochiæ Cephalædensis Episcopi Vicarius curam gerit, & Presbyteros, qui sacra administrant, designat; sed in majori communis xxxiv. Sacerdotum conventus divinis intendit officiis, cui ex minoribus Ecclesiis viii. famulantur.

Vetustissima Monachorum S. Benedicti Monasteria duo ad *Colefanum* spectabant: S. Mariæ de *Pedaly* scilicet ad pass. m. ab opido cum Abbatie insignibus; & S. Mariæ de *Burgitabus* titulo Prioratus ad iii. lapidem distitum. Illud *Adelassam* Comitissam sæpius laudatam mxxx cognoscit authorem, estque hodie Sæcularibus Clericis commendatum ex præsentatione Comitis; aliud desertum quoque ab anno mdlv. Regiæ est Collationis, & in Comitibus locum tenet. Minores Conventuales memorat Pirrus, a *Giliberto Censelles* Comite anno mccccii. in edito loco, contra occidentem constitutos, quorum hodie Ecclesia S. Jacobo Apostolo sacra, Petri de Cardona tumulo illustris, cum Monachorum ædibus solum superest; hi enim elapsi sæculi anno lxii. recesserunt. Ab hoc tamen S. Francisci Conventu una ex opidi regionibus nomen habet. S. Dominici familia sub Annunciatæ Novæ dudum titulo anno mdxx. coaluit; mox sub S. Rosarii, Susannæ Gonfagæ Comitissæ divitiis mdlm. circa hibernum, occasum statuitur. Minoribus Reformatis ad ccc. pass. in austrum locus mdcxiv. est designatus, S. Mariæ de Jesu auspiciis, qui splendet hodie ob districtiorem instituti custodiam, in provincia *Recessus* nomine idcirco distinctus. Capuccinos, ubi dudum Carmelitæ degebant, exceptos primum, in S. Mariæ de Miraculis subinde mdcm. translatis opidani quamaximè sovent,

ob Desiparæ imaginem *Colefani* singularis Patronæ, cujus festum ingenti pompa xxvii. Aprilis illi celebrant. Moniales denique conspicuo situ in aquilonem, sub S. Benedicti regula, claustrum habent, Joannis de Jorno munificentia ab anno mxxx. quæ in S. Rocchi primò, mox in S. Catharinæ honorem Ecclesiæ ædificata, splendide degunt. Ab S. Catharina porro regio aquilonaris denominatur. Mons Pietatis, & Domus Hospitalis Pirro celebrantur, sed in novissimo censu horum mentio est nulla; viget autem S. Mariæ Collegium pro sequiori sexu paucis ab hac mcccxi. fundatum.

Arx olim spectatu digna, in qua dynastæ amplum palatium circa ortum subrigitur, hodie vix usui dignoscitur esse, ab anno præsertim mcccxi. quo ex terremoto quassata. Eam Comites præsentia dudum illustrarunt, aulis, & conclavibus concinnatam voluere; ortuque suo Petrus Aragona Dux Montisalti mxxxvii. & Aloysius Guillelmus Moncada Siciliæ Prorex, & S. R. E. Cardinalis mcccxiv. condecorarunt. Sub illis frequentissimum opidum perhibent, adeo ut xv. m. opidanorum numeraret; At in Caroli V. censu focos 828. incolasque sub sæculi finem 3706. exhibuit; sequentis anno lvi. cives erant 3658. novissime mcccxi. lares 686. cives 2087. descripti sunt. His dirigendis pro dynasta, jus gladii habente, & in Comitibus locum iii. inter Comites occupante, Gubernator adligitur, qui cum Magistratu juxta Regni leges jura dat. Est *Colefani* aer sanissimus; unde *Collis Sanus* nonnullis dicitur. Ager verò longè, ac latè patens fecundissimus, Cereri, & Baccho gratus, frugum scilicet ferax, & generosum vinum, præ cæteris Calabrense, uti appellant, & Moscatum abundè præbens, venationi aptus, pascuis

pascuis copiosis rem pecuariam augens, nemorosis saltibus, oletis denique refertus. Jaspidis in eo, & Porphyretis lapidicinæ occurrunt frequentissimæ, adeout his constratæ viæ undique videantur, & ruri repacula passim compacta agellos obsepian.

Colefanenses S. Christopharum Ordinis S. Basilii Abbatem, S. Sabbam Agyrensis Monasterii præpositum, Juniores appellatum, & S. Macharium Sabbæ germanum fratrem Calendaria Basilientia enunciant, & S. Christophari exuvias apud Troynenses asservari tradunt. Floruere sæculo x. Postremis temporibus Andreas Mastrillus, patre Mario Mastrillo opidi Moderatore natus, Messanenensis fuit Archiepiscopus; Aloysius Amatus Regiæ Capellæ Panormitanæ Cantor, S. Andreæ de Platia Prior, & Episcopus Agrigentinus *MDLXX*. electus *Colefanum* patriam agnoscit. Item Henricus Cicerus S. Mariæ de *Pedaly* Abbas; Michael Sincerus S. Mariæ de Nemore Olivetani ordinis Abbas effulsit. Inter Scriptores Siculos a Mongitore in Bibliot. recensentur: Illuminatus Oddo Capuccinus doctrina excultissimus, Philosophus, & Theologus eximius, religiosis moribus vel maximè ornatus, ac Deiparæ Virgini præcipuo cultu addictus, cujus alloquio morti proximus, uti tradunt, frui meruit; Jacobus Amatus Juris-Consultus, & non vulgaris poeta; edidit de Vita, & Martyrio S. Christing eruditum poema; Joannes Rusticus Medicus, & Botanicus illustris; Josephus Seminara Minor Reformatus apud suos insignis, moribus, dexteritate, ac scientia. Hinc pro Rege Catholico ad Loca Sancta Jerosolymorum ejusdem Orator missus, omnia ad votum obtinuit; Totius Ordinis Comitibus in Hispania coactis Vicarius præfuit; Provinciam denique suam rexit; De eo Tognoletus &
Mon-

Mongitore. Martinus Motta musicis peritissimus, & Pontificiæ Capellæ sub Innocentio X. & Alexandro VII. Moderator.

Rogerii Comititis dono, an *Ranulpho Maniatio* Montis Caveosi domino, Mathildis ejusdem Comititis filiæ marito, *Colesanum* cesserit, subdubitant Eruditi. *Adelasia* enim ex illis progenita *mcxx.* cum *Adrano Colesanum* in clientelam habebat, uti supra auditum; quæ quidem opida, quamvis a Rogerio Rege gratiosè illa accepisset, quum *Raynaldo* data esset uxor, facile nihilominus est suspicari; quod ad parentum jura revocare eam quoque Rex avunculus tunc voluerit; *Ranulphum* enim sororium, quod sibi infestum habuerit, bonis omnibus Rogerius spoliaverat. *Adam* ex *Adelasia* & *Raynaldo* prodiit, cui idem Rogerius filiam suam despondit; sed horum proles nulla extitit, uti ex *Annalium* silentio colligitur. Ad *Regias* idcirco manus quum *Colesanum* devenisset; *Paulo Cicale* Januensi *Fredericus Cæsar* illud concessit, qui *Regni Comestabulus* *mcv.* aliisque primariis muniis est functus; ac *Spei Muscæ Riccardi* filiæ copulatus, *Guillelmum Cicalam* tulit anno *mcclxii.* *Messanæ* Strategum, gentis nobilissimæ ea in urbe progenitorem. Sub *Gallis*, primisque *Aragonensium* temporibus, quisnam beneficiario titulo *Colesanum* possederit, omnino obscurum. Anno *mccev.* *Francisco* I. *Hieracii* domino, ex præclara *Vigintimillia* gente, titulo Comitatus obvenit, *Frederici* Regis munificentia, qui quum *Petri*, hujus filii indignationem incurrisset, *Colesanum* cum aliis dynastiis, ac vitam tandem amisit. *Damianum Palistum* idcirco anno *mccexi.* *Affori*, & *Colesani* dominum invenio, qui & *Regius* major *Capellanus*, *Panormi* Cantor, ac *Regni* Cancellarius effulsit: Eo e *Sicilia*

cilia exacto, *Vigintimilliis* rursus opidum cessit, ac *Franciscus* hujus nominis II. *Friderici* III. liberalitate *Colesani* Comes est renunciatus. Hic *Antonio* filio, quem ex *Isabella* Lauria secundo loco susceperat, reliquit, addiditque *Petraliæ* utriusque, *Belicis*, *Caroniæ* & *Isinelli* dominatus. Multa *Antonius* a *Martino* Rege assecutus est beneficia; verum ab eo desciscens, in *Meliten*si demum arce captivus, ibi ad *Ferdinandi* I. Regnum detentus vixit, quo sanè tempore *Henricus Rubens Colesanum* tenuit, & in censu *Martini* Regis pro eo ac aliis *Curiæ* obnoxius recensetur. Liber *Antonius* effectus anno *mdcccxv*. *Franciscum*, cum *Margarita* *Peralta* progenitum, sibi parum obsequentem, morti jam proximus, hæreditate expoliavit; in Comitatus successione *Constantia*, quam ex *Alvira* *Moucada* secunda uxore filiam habuit, testamentariis tabulis vocata. Hæc tot bonorum domina, a compluribus expetita, *Gilberto Centelles* demum, Nobilissimo *Valentiano* sacris adjuncta vinculis, hunc *Colesani* Comitem dixit. At *Franciscus* jura sua armis interim tuebatur, atque opida occupabat, quæ a Regiis militibus non diu expugnata, & *Constantiæ* fuerunt restituta. Legibus mox *Franciscus* contendit, sed causa tunc excidit, quam ejus successores variis sub dominiis resumere conati, *Colesanen*ses Comites appellari voluerunt.

Jam *Gilbertum* variis supremis muniis, & *Siciliæ* etiam Præfectura *mdcccxl*. laudabiliter functum, *Antonius* filius excepit *Cotronensis* Marchio, militia ac rebus in ea præclarè gestis notissimus; qui *Alphonso* Regi infestus subinde evadens, uti in *Annalibus* dictum, dynastias amisit. *Petrus* hinc *Cerdona* *Siciliæ* Magister *Justitiarius* ob insignia merita in eundem Prin-

Principem, *Colefani* opido ac arce donatur, cui filius *Artalis* Padulæ Marchio successit, unde *Petrus*, & *Antonius*. Hic Regni Siciliæ Cancellarius, & Tassiararcha claruit. *Petrus* anno mccccxxviii. possessionem iniit, qui inter Magnates Hispanos, & Aurei Velleris equites adscriptus, Siculorum ad Ferdinandum Catholicum legatus, Regni Comestabulus, & Amiratus, summa per insulam universam autoritate valuit. Reliquit post se *Airtalem*, qui florenti ætate defecit, & *Antoniam*. Hæc *Antonio Aragonæ* nupta Montis Alti Duce, *Petri Aragonæ* mater effecta est, & *Antonii*, qui fratris sine prole decedentis, in ampla bonorum hæreditate successor, militari virtute insignis, aliisque titulis celebris effulsit. Mariæ de Cerda copulatus, unicam prolem *Mariam* tulit, *Francisco Moncade* Paternionis domino in uxorem assignatam, Quorum alibi successores percensco.

Opidi demum latitudo est grad. xxxvii. xl. longitudo xxxviii. Comarchia Cephalædensi concluditur, & indigenæ Militiæ vexillum servat, mereturque sub Therinitano Instructore, cui equites iv. pedites lxx. suppeditabat. Stemma Senem exhibet lauro coronatum, colli insidentem; sub pedibus vas, unde aquæ effluunt, dextera Carduum tenet, sinistra librum.

COMITISSÆ Municipium Messapense ad austrum in *Dromo*, seu publica ampla via, quam sæpius memoravi. Nomen a tribus Messanensibus Matronis Violanta Palicia, Eleonora Procida, & Beatrice Belliflora, accepit, quæ ut Divinis rebus liberius vacarent, urbe relicta, post Conjuges mortuos, qui Comites Siculi erant, ibi domicilium statuerunt, sanctisque operibus intentæ ad obitum usque vixere. Ecclesia parochialis Desparç Conceptionis titulo gaudet, & turrim æris

cam-

campani ostentat. Alio vocabulo pagus *Calispera* appellatur, Græcanica voce, uti Samperius tradit. Tabula in Ecclesia Beatæ Virginis antiquissima, populis in summa est veneratione, quam Græcos nautas ibi reliquisse tradunt.

CONDRONUM Opidum, vulgo *Condre*, Principatus titulo clarum, in tumulo, & valle ad hibernum occasum situm, supra Nuciti fluminis lævas ripas; cujus Parochiale templum Beatæ Mariæ de Tyndaride sacrum, in Messanenſi Parochia sub Sacerdotis cura, minores Ecclesias v. suffragantes habet. S. Francisci de Paula fratres elatiori loco ibi degunt, quos ab anno mocl. sub ejusdem S. Patriarchæ auspiciis dynasta constituit. Ortum opidum recognoscit sæculo xiv. hinc sequentis anno viii. in censu Martini Regis *Isolde Scalifæ* juris esse dicitur, a qua ad *Nicolaum Castaniam*, ejusque hæredes *Polichinos* devenit. Anno mcccxxi. Alphonſi Regis beneficio *Joannes Bonfilius* Miles *Condronum*, quod ad suos olim spectabat, accepit, cui filius *Petrus* successit; huic *Philippus*, unde *Bernardus*; Ex cujus successoribus rectâ sæculi xvi. anno xxxvii. *Franciscus* originem duxit, a Philippo IV. *Condronis* Princeps appellatus. Duxit hic in uxorem Antoniam Moncadam, tulitque ex ea filium *Paulum Bonfilium*, qui a Regijs rationibus Magister clauit. Ei, & Juliæ Sanctæcolumbæ *Franciscus*, primus Leonis Vagi Marchio natus est, qui cum Cornelia Lancea *Petrum* progenuit, ultimum gentis *Bonfilie Condronis* Principem; ex Eleonora enim de Puteo & Cirino, quum *Paulum* accepisset & *Felicem*, ac ille Vincentiæ Natoli, & Russo matrimonio conjunctus, nulla suscepta prole, aliquando vixisset, ex pestilenti lue mcccxlvi. uterque sublatus, mundo excessit. *Felix*

Tom. III.

A a

hæres

hæres relicta, quod Virgo esset, *Friderico de Neapoli* & *Montaperto* sacris unita vinculis, huic *Condronis* dynastiam ex dote attulit. Gaudet jure gladii; in publico Regni Concilio votum profert xxxv. & Magistratus designat. Sub Carolo V. *Condronis* erant lares 300. animæ 845. Anno mdcxii. foci 267. animæ 813. Decurrenti sæculo lares 238. incolæ 694. & novissimè 847. Clauditur Mylenfi Comarchia, & Pactarum Instructori subditur. Longitudinis gradus est xxxix x. latitudinis xxxviii. xv.

COPRIA Latinis *Sterquilinium*, littus nempe Tauromenitanum in aquilonem, ortumque æstivum, circa quod emergere, quidquid Freti Messanensis turbine abreptum est, videtur. Strabo lib. 6. *Monstratur* & *Charybdis paullo ante urbem in freto, profunditas quedam prodigiosa, in quam freti ætus ob naturam loci facile abripiunt navigia inversa . . . quorum absortorum, & dissolutorum fragmenta ad littus devolvuntur Tauromenitani agri, quod ab hoc argumento Copria, idest Sterquilinium vocatur.* Habet eadem Fazellus. Id littus Messanâ dissidet pass. m. xxx.

CORVUS Vicus ad Maniacis olim opidum spectans, hodie in Brontis ditione, ejus est mentio anno mclxxviii.

CRASTUS Vetusissimum Opidum Fazello prope Alcaram locatur, aliis ad Castrum Regale. Atenim hos omnes hallucinari alibi Tom. 2. ostendi. *Crastus* enim in Sicania stetit, in occidua scilicet Siciliæ plaga, uti Scriptores clarissimè loquuntur.

CREMASTRUM Casale, Margariti de Brundisio, Melitæ Comitis munificentia Monasterio S. Salvatoris de Messana, & Leontio ejus Archimandritæ mxciii. attributum. Situs ejus erat in agro Mascaliensi, juxta Calatabianum. **CRI-**

CRISTIA Cafale olim ad Hieracii Comitis ditionem spectans, cujus est in Friderici II. Regesto memoria anno circiter. mcccxx. *Franciscus* enim *Vigintimilius* ibi Curiae obnoxius dicitur pro Comitatu Sperlingæ, *Crislie*, & Pitinei. Excisum posthac creditur, ejusque incolas Castellum Bonum traductos asserunt.

CUBISIA ex Acensibus vicis ad occasum supra S. Luciam.

CUMIA Duplex est Messanæ Municipium, occurritque in Regia via ad austrum pass. m. circiter vii. ab eadem urbe sejunctum, quorum unum in collis jugo, alterum in planitie. Superioris Parochia Deiparæ Annuntiæ sacra; Inferioris S. Marinæ Virginis nomini dicatur. Sunt ejus foci 77. animæ 406. ac Messanensis Senatus fasces recognoscunt.

CURCURACIUM Septentrionem versus in collibus Peloritaniis iv. pass. m. Messanæ abest, & ex municipiis recensetur. Parochialis ædes Deiparæ de Blanchis addicitur, numeratque lares 44. incolas, 412. Cujus est ditionis vicus *Pacis* maritimus

CUTODUM vulgo *Cutò*, Nemus, & ager in finibus Randatii, ab *Joanne* Infante *Conrado de Pracida* concessum mcccxiv. *Spasoforis* subinde, & *Platamonis* ex dote cessit. *Julia Aloysii Platamonii* filia *Alexandri Filingerii* uxor *Hieronymo* ex se nato attribuit, unde Alexander hodie *Cutodis* Princeps, Hung enim titulum mdcxli. *Franciscus Platamone* Regis privilegio tulit.

CYAMASORUS Fluvius Polybio memoratus, de quo Tom: i. *Salsus* dicitur hodie, & *Rahalbutanus*. Fontes habet supra Nicosiam ad austrum, a qua non longè Salis Minera illius aquæ insciantur, unde

Salsus appellatur. Bonalbergi hinc agros, ubi Turris ejusdem nominis, abluens, vetus *Trappetum* ad Nissorie feudum spectans, & Serlonis subinde petram, de *Sarno* vulgo, circumperfundit. Sub Agyrio mox in aquilonem decurrit, & aquas a Ceramis fluvio delatas, & a Galeano, aliisque locis labentes excipit; unde & Salsedinem deponit. Fœcundat ad eandem plagam Rahalbuti fines, & ab eo nomen accipit; hinc ad orientem Centuripinas perlambit terras. Tandemque prope trajectum, & Scapham Adranensem in Symæthi dexteram illabitur, nomenque amittit.

CYCLOPUM Scopuli. Consule *Scopuli*.





DEMANA, *Demenna* aliter, opidum hodie excisum, ac solo vocabulo cognitum, a quo denominatam Saracenorum ævo nostram hanc vallem dixi. Memoratur in S. Luca Carbonensis Abbatis vita apud Cajetanum, qui in eo ortum habuisse traditur. In Rogerii Comitis diplomate, fines Messanensis Parochiæ describentis an. mxc. lego: *Vadit usque ad Milatium, & respondet ad Demennam.* Et paullo post: *Dedi quoque apud Demennam Castellum Alcarie cum senimentis suis;* ex quibus non longè ab Alcaria stetisse *Demennam* eruo. Hugo Messanæ Pontifex in suis literis de anno mxxx. Ecclesias enumerans Archimandritę concessas, S. *Barbarum de Demenna* illis accenset: cujus etiam meminit Rogerius Rex in Charta, qua Archimandritatus jura, & bona cum in Sicilia, tum in Calabria illi attributa, anno mxxxiv. confirmat: *In Diocesi Messanensi cum pertinentiis suis S. Stephanus.... S. Barbarus de Demenna.* Mox de Monasteriis agens Archimandritę eidem subjectis inter ea S. *Philippum de Demenna* ix. loco ponit. Hinc Alexander III. Rom. Pont. Honuphrii Archimandritę, & Guillelmi Regis precibus, sub Apostolica protectione Monasterium Archimandritale SS. Salvatoris de Messana, ejusque Possessiones, Obedientias, & Abbacias suscipiens, S. *Barbari de Demenna* Ecclesiam recenset, Anagninę xii. Kal: Novembris Ind. ix. Anno Incar. Domini mclxxv. *Terminatio*, ait laudatus Rogerius Rex S. *Barbari de Demenna* est, sicut ascendit rivus ipsius Ecclesie & dat supra montem Ardeam, &c. Coeterò S. Barbari Ecclesię rudera ea creduntur, quę in Alcarie agro prope

prope S. Georgium spectantur. Ibi fons S. Barbari adhuc nomine insignitur, & circumpositæ terræ a S. Barbaro etiam dicuntur. S. Philippi demum de *Demenna* hodie de Fragalà appellatum affirmant.

DIANÆ FASCELLINÆ Templum, & Opidulum. Consule *Artemisium*.

DIDYME Insula ex Æoliis una, veteribus omnibus celebrata, quæ nunc *Salinis* appellatur, sejuncta millibus iv. in æstivi solis occasum a Lipara jacet, habetque in circuitu pass. m. xii. Strabo lib. vi. *Quarta est Didyme, & ipsa a figura sic dicta, Latine Gemella;* est quippe in duas rupes, seu colles distincta. Incendiorum porro monumenta in ea exhibent quoque fauces, sive crateræ, quæ adhuc extant. Coeterum vitium, coeterarumque domesticarum arborum, ac frugum est feracissima, uti Cluverius describit. Vinum hinc præcipuum, ac divitum mensis adhibitum progignit; passas uvas dulciores, majoresque, necnon & minimas, quarum incolis est ingens quæstus, per varias Europæ regiones navibus comportatas, producit; alumen denique rupeum fert probatissimum. Nec solum aquis est indigum, quamvis sint illæ parum salubres. Humiles casæ colonis frequentes, autumnali præsertim tempore sparsim occurrunt cum rurali Ecclesia, Deiparæ sacra de *Terzito* appellata. Refert Pirrus ex vetustis monumentis salutis anno dcc. N. Episcopum Liparensē, patria Leontinum die iii. post natalem Domini templum id consecrasse, Virginis verò imaginem tunc temporis ibi Divino afflante Numine fuisse repertam.

DINNAMARIS Mons supra Messinam in austrum. Vide *Bimaris*.

DIONYSIUS Flumen. Vide *Fluvius Dionysii*.

DI-

DIVETUM Turris specula est inter Raysculum promontorium, & Mylas circa aquilonem. Prope sub collibus Peloritanis, vestigialibus exigendis deputati custodes milites habitant, ad fraudes cohibendas & locus etiam *Divetum* appellatur. *Dimethum* vetus opidum memorat Ptolemæus, cujus esse vestigium *Diveti* Turrim Aretius affirmat. Cluverius verò apud Geographum irrepsisse errorem scribit, ac pro *Dimetbo* reponendum putat *Symethum*. Hophmanno Turris *Diveti* veteribus *Naulechus* dicebatur; eodem nempe loco, ubi Turris, *Naulechum* stetisse ille putat. Sed enim navium commodam stationem ad *Divetum* esse nullam constat; *Naulechus* enim Latine *Navium Statio*. Alibi idcirco ad Malpuriti ostium locandus.

S. DOMINICA Phari Opidi vicus est a littore haud procul cum Parochia cognomine. Vide *Pharus*.

S. DOMINICA in Agro Randatii vicus cum Ecclesia eidem Divę sacra, Roccellę Parochię suffraganea.

DROMUS Via Regia suburbanis Messanensium domibus, & municipiis in austrum vergentibus instructa. Horum sunt nomina S. Clemens, Gazis, Comitissa, Pistunera, Trimosterium; de quibus singillatim propriis locis fit mentio, habentque singula parochiales Ecclesias, ærisque campani turres conspicuas.

DONNA ALTA Fons Himeræ Meridionalis ad Nebrodem montem, de quo Fazellus.





NGIUM Opidum vetus, *Engyion* Stephano, Plutarcho, & aliis, Latine *Engium*, uti Cluverius advertit; Diodoro, Ciceroni, Plinio, Ptolemæo, & Silio etiam memoratum. Situm indicat Cluverius laudatus: *Ad initium Maronis montis, quæ hæc circa Alasi fontem jungitur jugis.* Fazellus enim perperam scribit: *A Tertia fluvio non longe aberat Engyum urbs vetustissima, quæ sive maritima, vel eo in loco, qui prius Ongia, nunc Lognina, & a Veteribus Portus Uliſſis dicitur, vel eo qui Igniuni vocatur, Leontino hodie frumenti Emporio, ut & auctoritate Plutarchi conjiciunt plerique; sive Mediterranea, centum ab Agyra stadiis distans, ut lib. v. Diodorus referre videtur, fuerit, a Cretensibus fuit condita.* Erravit & Maurolycus duas urbes ejusdem nominis afferens, mediterraneam unam, alteram maritimam. Una enim exitit ab *Engio novo*, seu *Gangio*, de quo infra, pass. m. circiter sejuncta, ubi hodie S. Mariæ Casinensis Congregationis Monasterium surgit, ab *Engyo* Vetere appellatum. Sed Plutarchi, & Diodori verba expendam, ex quibus, an Fazelli conjecturæ veræ sint, judicium feratur. Diodorus itaque non v. sed lib. iv. Cretenses inducens, cum Minoe eorum Rege, Dædalum insectante, in Siciliam delatos, occiso per dolum Minoe, quum invicem diffiderent, alios Heracleam Minoam in littore Agrigentino exadificasse affirmat. *Pars, subdit, mediterraneis peragratis, munitum nati locum, opidum condiderant, cui a scaturiente in eo fonte Engyum nomen imposuerunt.* En quam disertè *Engyum* in-

me-

mediterraneis conditum fuisse ait. Prosequitur inde: *Sub Troja excidium Merionem in Siciliam cum Cre-
tensibus appulsum, quod gentiles essent, Engyini, in
civitatis communionem susceperunt. Quum verò ex
urbe munita eruptiones facerent, & quædam finitimo-
rum loca subigerent, satis amplam sibi terræ ditionem
compararunt; ac subinde magis magisque amplificati
opibus, templum Matribus ædificarunt, exquisitoque
venerationis cultu, & donariis Deas hæc prosequuti
sunt. Eas verò ex Creta translatas huc perhibent. Ubi-
nam in hoc textu, Aggram urbem stadiis c. distantem
historicus memoret, non dispicio, quæve Latina Dio-
dori lectione Fazellus sit usus optimè miratur Cluve-
rius; nisi fortè Ochyan polin Græca vocabula, idest,
si latinè legas, munitam urbem, imperitus interpres
proprio nomine Ochyan urbem intellexerit, uti idem
Cluverius advertit; Fazellus verò Aggram induxerit.*

Jam Plutarchus in Marcello hæc habet: *Opidum
est Siciliæ Engyium non sanè amplum; sed pervesta-
tum, & Dearum, quas Matres vocant, præsentia no-
bile; Templum hoc a Cretensibus ædificatum fertur,
ostendebanturque hæc quædam, & galeæ æneæ cum
inscriptionibus partim Merionis, partim Ulyssis, qui
eos Deabus consecraverant. Quæ hic porro Matres
Deæ Diodoro, & Plutarcho appellantur; Magna Ma-
ter dicitur Ciceroni in Verr. iii. Magnæ Matris, in-
quit, sanum apud Enguinos est. In hoc fano loricas,
galeasque æneas, celatas opere Corinthio, hydriasque
grandes simili genere, atque arte perfectas idem ille
P. Scipio posuerat, & suum nomen inscripserat. Et
Verr. v. Mater Idea vocatur: Te sanctissima, ait, Ma-
ter Idea, quam apud Enguinos augustissimo; & reli-
giosissimo in templo, sic spoliatam reliquit Verres, ut*

Tom. III.

B b

nunc

nunc nomen modo *Africani*, & *vestigia violata religionis* mancant, monumenta *victoriae*, sanique ornamenta non extant. Ubi ad *P. Scipionis Africani* victoriam bello *Punico* ii. *Carthaginensibus* debellatis, alludit Orator. Scipio enim bello confecto, *Carthagineque* capta, Siculis omnibus, quæ *Pœni* olim extulerant, restituenda curavit. De *Engyi* porro fortuna *Diodorus* lib. 16. tradit: *Timoleon Engyum urbem Leptinæ tyrannide pressam aggressus, continuis eam oppugnationibus fatigabat; omnes in id nervos intendens, uti expulso tyranno Engyinis libertatem redderet. Leptinem itaque terrore ad deditionem perculsum, data incolumitatis fide, in Peloponnesum misit; Et quia Leptinæ dominatum Apollonienses etiam tulerant, Apolloniam simul in fidem recepit; & cum his, quam Engyinis jus suum, ac leges reddidit. Ecce Apolloniam Engyio veluti proximam affirmat. Apollonia autem ad oram aquilonarem, ubi & Engyum. Quid quod Tullius Verr: iii. *Eguinam* civitatem cum finitimis conjungit: Tyndaro, Cephalædio, Haluntio, Apollonia, Caputio? Silius, denique lib. 14. *Engyum* Romanis, Syracusas obsidentibus foederibus junctum canit: *Romana petivit Fœdera Callipolis, lapidesque Engyon artus.**

Extant cœterò sub laudato Benedictino Monasterio S. Mariæ complura vetustatis monumenta; occurrunt ibi numismata, lucernæ, lateres; nec inde procul sepulchra. Extat fons in ipsis Monasterii septis, unde caput unum egerit Meridionalis Himera, a quo *Engyum* denominatum *Diodorus* voluit. Quod vero attinet ad *Engyi* veteris Monasterium, illud medio circiter sæculo xiv. originem habuit, prope Annuntiata Ecclesiam, quæ *Engyi* veteris, post Sarra-

cenos

cenos Parochia erat, ac ruinis opidi supererat. Ex quo Monachi aeris insalubritatem caussantes anno MDCIII. recessere, & Castellum Bonum migrantes, novum ibi sub ejusdem Deiparæ Annunciatæ auspiciis cœnobium condiderunt, ubi hodie Abbas degit, locum in Comitibus habens cum aliis Casinensibus. Perstitit enim *Engyum* eo in loco ad Friderici II. ætatem, qui funditus opidum anno MCCCXCIX. excisum voluit, quod cum Francisco Hieracii Comite contra illum rebellasset, uti synchronus Nicolaus Specialis enarrat; quamvis Surita ac Marra eversum *Engyum* dicant ab Henrico Francisci genitore, quod ejus incolæ adversus Fridericum, & Henricum ipsum conjurassent. Cives hinc in proximum collem migrantes novum opidum condidere, de quo dicendum.

ENGyum, Novum Opidum, Principatus hodie titulo clarum, & Valguarneris dynastis, Assori Comitibus addictum. In editi collis declivi ad meridiem & ortum sese spectandum præbet circa Nebrodis, seu Maronis montis australia latera; arce insigni, vertici insidente, veluti coronatum, ac tribus turribus ad radices instructum. Integra perseverat illa, aulisque & conclavibus decens præstat Principibus domicilium; ex turribus subrigitur una indeminuta, altera ruinosa; tertia ferè disjecta. Tradunt autem circumstetisse & alias, quarum vestigia, substructionesque videntur. Princeps Ecclesia S. Nicolao Episcopo dicata, conspicua, & ampla assurgit, in qua ad internum ornatum nihil desideratur. Carmelitæ a sæculo XIV. constituti, decens cœnobium circa centrum occupant, & a Deipara Ordinis tutelari auspicia habent. Capuccinis anno MDLXXII. locus ad ima opidi, ubi integra turris, destinatus, qui congruis ædificiis conciunatur. Clau-

strum Benedictinis Monialibus est elegans; Ecclesia S. Petro Apostolo sacra illi adnexa splendida. Gynecæum denique SS. Cosmæ, & Damiani nomine nuncupatum, honestas mulieres, ac virgines fovet, quæ religiosæ vitæ studiis inhærent. Curam gerit animarum Archipresbyter, qui in Sacerdotum cœtu divinis officiis apud principem Ecclesiam intendentium primas habet, & minoribus sacris ædibus vii. præest. Clero Messanensis Archiepiscopi Vicarius jura dat. Opidanis est singularis Patronus Divinus Spiritus, cujus, sacra Pentecostes die, festum summo apparatu celebratur. Eisdem regendis Criminum Quæstor, & Jurati cum Syndico ab opidi domino deputantur, qui in Comitibus votum profert xxxii. & gladii potestate gaudet.

Computatur *Engyum* in Comarchia Nicosiensis, & S. Philadelphi Militarem Præfecturam sequebatur cum equitibus iv. ac peditibus liii. Ejus sub Carolo V. census fuit larium 977. & paullo post incolarum 3204 Sub annum mdcxii. lares 904. cives 3399. computati, mdcxiii. foci 1180. incolæ 4008. descripti sunt. Cum Villa Aurea, quæ ad Engyum pertinebat, novissimè, 4974. opidanos exhibuit. Tessera ad Gangem fluvium alludens, eundem exprimit, Coronam ac Regiam virgam innatantes deferentem. Situs ad gradus longitudinis xxxvii. lv. ac latitudinis xxxvii. xlv. respondet. Ager amplissimus, ac inter regionis Demanenensis feraces, frugum cujusque generis longè sœcundus; venatoribus gratissimus; arbore, frutice, pascuis dives, armentis idcirco, & gregibus abunde refertus. Celebratur ex ejus civibus Gajetanus Salernus pingendi arte sua ætate paucis secundus, uti innumera per universam Siciliam ejusdem opera clarissimè testantur. Dicebatur autem ob pedis lêsionem *Engyi Claudus*. In

Sicula

Sicula Bibliotheca Mongitorius Philippum Kersbelium ordinis Carmelitarum commendat, selectissima doctrina apprime cumulatam, Philosophum, ac Theologum egregium, ab ingenita morum comitate omnibus gratum. Scripsit *de Immaculata Deiporæ Conceptione* Tractatum, dum adhuc esset in ephebis, ætatis nempe xix. anno; & alia ingenii monumenta reliquit; laudaturque ab Allatio, Marracio, Morerio, Possivino, Gesnero, Ricciolio, Hofmanno, & aliis. Horum nonnullis Philippus Gandavenfis Belga dicitur, sed Siculum & *Gangensum*, seu Engytanum probat Mongitore.

Dynastiarum series a *Vigintimillis* repetenda. His enim *Engyum* vetus paruit, eorumque præcessoribus Hieracii Comitibus, de quibus suo loco fufedicam. Ricardus enim primus Hieracii Comes *Madunia* dominus fuit, sive Nebrodis; Constat autem ad Nebrodis radices spectare *Engyum*, uti ex Cluverio inani. Coeterò *Henricus Vigintimillius* primus *Engyi* dominus apparet, ejusque aut filius, aut Nepos *Franciscus*, sub quo deletum, ac novo situ edificatum opidum recensui. *Franciscus II.* primi filius supra *Engyi* veteris ruinas S. Mariæ Benedictinum cœnobium jussit, uti perhibent; ejus certe fundatores egregie juvit. Ad annum mxxvii. quo Sancetta scribebat, *Vigintimillius Engyi* dominos invenio. Per hæc tempora Engyi partem ad Melitenses Equites devenisse puto, quorum extat memoria in porta ad orientem, quæ de Melita dicitur; sed unde habuerint, me nescire fateor. Jam ad *Grasseos* cum Rahal-Joannis castello sæculo xvii. subinde devenit. *Franciscus* hinc *Grasseus* Rahal-Joannis Marchio, Engyi Princeps, Philippi IV. rescripto evasit, qui cum Hieronyma Jussus nulla suscepta

fufcepta prole Iosephi fratris filium *Franciscum* heredem dixit. Huic ex Catharina Grimaldi natus est filius *Ioseph*, necnon *Antonia*, quæ fratrem improlem excepit, & *Francisco Valguarneta* adjuncta, *Iosephum* progeniit *Francisci Xaverii*, & *Petri* viventis hodie patrem. Reliquit *Franciscus* unicam *Mariannam*, quam sibi *Petrus* avunculus desponsavit.

ENISIS. Vide *Fluvius Nysa*, seu *Dionysii* ex *Arctio*.

EREMITARUM Vallis ad Neptunii montis radices, qua hic Messanam respicit. In ea longa, ingensque vorago habetur, terræmotu aperta, & uti vulgo tradunt, sub Christi Domini mortem.

ERICODES Insula, *Ericusa* aliter, Alicusa vulgo ex viii. *Æoliis* ad grad. xxxviii. longitudinis, & xxviii. xxx. latitudinis, ab altera proxima Phœnicusa, in occasum pass. m. v. a Lipara pass. m. xv. a Siciliæ viciniori continenti Cephalædis pass. m. xx. Deserta est, ac montosa. Nomen autem ab Ericis arbutis, ex Strabone, Stéphano, & Isidoro, quarum sylva conferta manet, sortitur. Est Erica frutex myricæ similis, colore, & folio rorismarini, autumnio flores emittens, vim habens vesicæ calculos scindendi. Malè S. Isidorus Orig. lib. 14. cap. 16. *Eriodēm* ab *Ericusa* distinguit. Hanc & sociam Phœnicudēm relictam proximam insularem pabulo, Plinius lib. 3. cap. 9. affirmat. Scopulos ceterò habet ad ortum, nullamque navibus stationem aperit. Conficit in suo ambitu pass. m. vii.

EUNES ex Neptunii montis jugis unum, Polybio Senes, & Diodoro memoratum; Hujus sunt verba lib. 23. *Quum igitur utrique copias adversus Messanam direxissent, Hiero in Chalcidico monte castra posuit; Carthaginenses verò terrestri exercitu confederunt*

runt in Eunis, quos vocant; Nautico Peloriadem promontorium occuparunt. Eadem habet Polybius, sed Eunus vocat Senes.

EVONYMOS Insula, vulgariter *Lisca Alba*. Siculo ore *Lisca Bianca*, & aliis *Insula Alba*, inter Strongylem & Siciliam jacet; una ex *Æoliis*; Falsus idcirco Fazellus *Evonymam* Usticam esse scribens. Minor est ex vii. ambitu pass. m. circiter, a Lipara pass. m. vii. sejuncta, cisternæ veteris, & rusticanæ ædis tantum vestigia exhibens.





ACELLINUS Amnis juxta Peloridem confinis templo Dianæ ejusdem nominis. Vide *Melas*.

FANUM ADRANI antiquis celebratum cum lūco, & canibus, de quo dixi. Vide *Adranum*.

FANUM DIANÆ cognomento Fascellinæ; & Facellinæ; de eo alibi.

Consule *Artemisium*.

FARAGLIONES, uti vulgo vocabulum illis est hodie. Scopuli nempe Cyclopum in Acis littore meridiano. Consule *Scopuli Cyclopum*.

FATALIA Castellum, quod Rogerius Comes S. Bartholomæi Liparenfi Monasterio anno mxciv. concessit. Vide *Fitalia*.

FAUCES MYLENSES, Juga montium, ubi angusti transitus inter Messanam, & Mylas; Collis hodie S. Rizzi, ascensu dudum difficilis, nunc strato itinere, ut possit rhedis adiri, minus arduus. E veteri S. Mariæ de Scala cognobio circa radices orientales ad Malpuriti fluminis ostium post collēs in occasum u. pass. vii. enumerant. De his faucibus loquitur Appianus *Belli Civil.* lib. 5. & a Pompejo occupatas dicit, mox ab Augusto. Peloritanae etiam appellantur, quod Pelorō Promontorio immineant.

FAUCES TAUROMENITANÆ, Augustus etiam transitus circa meridiem; ex quo ad Tauromenium evadunt, qui e Messana, in insulā australem plagam tendunt. Memorantur Appiano lib. 5. *Bel. Civil.* & a Pompejo infestas Augustus invenit.

FERLITUM Casale ad S. Placidi Monasterium spectans olim, hodie deletum.

FI-

FICARRA Opidum a Broli arce haud procul in meridiem, tumulo infidet, quem fluminis Thymeti alveus, Nafi aliter dicti, ab hujus opidi ditione distinguit, & amnis alter in aquilonem ab alijs etiam agris disternit. Arcem habet vetustam Sarracenorum ævo celebrem, in ortum, & septentriones vergentem, quam novissimè instauratam voluit hodiernus dynasta, cujus est elegans domus, vulgo Palatium, in foro. Major Basilica Deiparæ Annunciatæ sacra, opidi etiam patronæ, super forum assurgit. Virginis est imago e pario marmore, cum Archangelo eximii artificii, & miræ pulchritudinis ab incolis ob collata beneficia ferventi cultu, & festiva cum nundinis frequentia in proprio Sacello mense Augusto celebrata; SS. & Ineffabilis Trinitas est etiam in veneratione præcipua, uti vetus opidi tutelar. Inserviunt huic principi Ecclesiæ Archipresbyter, & communis Sacerdotum cætus, cui vi. aliæ filiales subduntur cum sodalitiis. S. Francisci Fratres de Observantia appellati sub titulo S. Mariæ de Jesu ad oram opidi degunt, circa sæculum xvii. fundati; Carmelitæ Deiparæ Virginis nomini Conventum incoluisse ab an: mdcx. dicuntur. Moniales S. Benedicti instituta profitentes, claustrum inhabitant decentissimum majori Ecclesiæ proximum, Hospitalis domus pauperibus fovendis demum aperitur. S. Angeli de *Ficarra*, ordinis S. Basilii hodie Abbatiam, sub titulo Deiparæ de Monte Dei, Hugo Messanensis Antistes olim Archimandritæ concessit. Enumerabat *Ficarra* sub Carolo Cæsare lares 500. ac sub sæculi exitum incolas 1691. Anno mdcxii. lares descripti sunt 680. incolæ 2670. Nostra ætate mcccxiii. videntur in censu cum Brolo 381. foci, cives 1124. qui novissimè 1967. Ad Parochiam Messanensem spectat, hinc Clero

moderando Archiepiscopi Vicarius, & Visitator invigilant. Comarchiæ Pastorum, & Instructoris ejusdem urbis jura opidani cognoscunt, pedites xxx. equites vi. huic suppeditabant. Dynasta Marchionatus titulo gaudet; jus gladii exercet, & primus in Comitibus inter Barones assidet, Magistratusque designat. Respondet situs gradui longitudinis xxxviii. xxx. latitudinis xxxviii. xv. Ager a fertilitate commendatur, sed moros, oleasque præsertim fert; aquisque irriguus quum variis fluentis reddatur, colonorum industriæ respondet. Inter *Ficarra* cives illustribus habetur Franciscus Minorita ex Observantibus, qui totius ordinis in Comitibus Romanis Definitor floruit. De Opidi denique conditu male sentit Aretius, recens illud appellans. Arx enim, uti innui, Sarracenis adscribitur; An: mxcviii. in diocesis Messanenensis recensione *Ficarra* memoratur; obnoxium aliunde comarchis sub Suevorum regimine habetur.

Guillelmus enim *Amicus* Friderico Cæsari ob bellicam virtutem acceptus, ab eoque ad Soldanum pro pace Legatus missus, *Ficarram* est assecutus, quam sub Conrado amisit. Ejus erat uxor *Machalda Scaletta*, quæ Caroli Andegavenensis beneficio mariti jam demortui bona obtinuit, atque *Alaymo de Leontino* secundis nuptiis adjuncta, sub Petro divitiis, & autoritate plurimum valuit; *Alaymus* enim cum primis contra Gallos conjuraverat. *Rogério Lauria* post *Machalda* & *Alaymi* casum *Ficarra* cessit; quod autem huic dynastia debebatur, uti *Guillelmi* hæredi, parum procedit; *Lauria* quippe Aragonensis nullam cum *Amico* Suevo aut cognationem, aut affinitatem habere potuit. *Lauria* igitur Regis Jacobi dono, accepit, ac forori reliquit *Conrads Lancca* desponsatæ, Regni Cancellario,

rio, Longis, & Castaniæ domino. Ex his *Perruchius*, unde *Blasius* in Friderici II. Censu Mongelini, Longis, Galatis, & *Ficarra* Baro renunciatus. Offendit Martini Regis animum *Perruchius* II. & cum *Conrado* filio bonis excidit, quæ *Bartholomæo Aragonio* ab eodem Principe attribuantur. Sed mox in gratiam ambo recepti sunt mcccxciv. *Conradus* hinc post annos xiv. Curiaë obnoxius inter alios Barones recensetur. Hunc excepit *Perruchius* III. *Margarithæ* de *Motyca* maritus, cui frater *Valor* successor est datus, unde *Guillelmus Raymundus*. Hic prole destitutus in *Blasium* fratrem quoque jura transtulit; cujus filii & Nepotes ad *Fabritium* usque, recta deducta linea, gentis Lanceæ stipites fulserunt. *Fabritius* porro anno mdcxvi. *Ficarra* primus Marchio, Philippi IV. rescripto, est appellatus; ex quo *Franciscus* cum *Agatha* *Ansalone* sacris adstrictus vinculis. Huic proles non fuit; *Antoninus* idcirco frater titulum meruit, hæresque effectus, *Josephum* genuit, Broli Ducem, *Hieronymi* hodie in vivis agentis patrem. Verum *Ficarra* Petri Neapolis Bahalsuttanæ Principis mcccxxxvii. fasces recognovit, moxque *Ignatius Vincentius Abbas*, Longarini Marchio, pretio Lanceis exsoluto, sequenti anno illam sibi devinxit,

FINALIS Statio in aquilonari littore a Castello Bono pass. m. vi. sejuncta. Ibi Hieracenſis Marchionis, qui est loci dominus, ædes decentissimæ, cum Turri specula in elato scopulo de *Marchione* etiam appellata, & *Pollinæ*, quia ad imas montis radices, cui *Pollina* insidet, subrigitur. Circa eam opidum extruceptum, quod ædificiorum substructiones, & integras aliquot domos, cum designatis rectis viis tantum ostendit, præque cæteris Benedictini Cœnobii initia.

FINOCHIARII Vicus inter Acim Gatenam, & S. Philippum cum Ecclesia, ad hujus spectans parochiam.

FISAULIS Casale in ditione Hieracenſi humili loco ſitum, nunc jacens. Aeris intemperie quum laboraret, Alduinus Hieracii dominus, illius incolas Caſtellum Bonum tunc ædificari ceptum, opportunè traduxit.

FISICHELLII Vicus cum Ecclesia ad S. Joannis de Punta Parochiam dudum Catanæ Municipium ſpectans, circa aquilonem.

FITALIA Caſtellum, cujus alluebat fines amnis cognominis, hodie *Zapulla*. In Meſſanenſis Parochiæ recenſione *Fitaliam* anno mxcviii. invenio; cujus erat dominus, uti Friderici II. Cenus refert, anno mcccxx. circiter *Vitalis Aloysius* de Meſſana, Capris, & Mirti confinium opidulorum dynaſta. Maſſa Tom. 1. inter Orlandi Caput, & S. Marcum bene locatum dicit, atque Sarracenici nominis, & cum *Fatalia* caſtello, de quo ſuperius, Paſtenſi Epifcopo ab Rogerio Comite conſeſſo confundit. De *Fitalia* amne conſule *Galaſis*, & *Zapulla*.

FLOCCARUM Casale, juris *Franciſci Romani* mcccxx. & Martini Regis ævo *Franciſco Lancaæ*, ejuſque matri de gente Romea ſubjectum.

FLORII Vicus ad S. Joannis de Punta opidum pertinet, in meridiem, ubi S. Mariæ de Ravanuſa Eccleſia.

FLUMEN DIONYSII, aliter *Nyſi*; Opidum ab amne ex ejus finibus profluente appellatum, de quo inferius, cum arce in præceſſa rupe. Sedet in aſpero declivi ortum hibernum reſpiciente, ſupra fretum, xv. paſſ. m. Meſſanâ abjunctum, ad meridiem, cujus
vicus

vicus in subiecto littore ejusdem nominis extat, cum S. Joannis Ecclesia, ubi sacris administrandis navatur opera, & propugnaculo, in Regia occurrens via. Parochialis ædes, Deiparæ Virginis Purificationi sacra, sub Archipresbyteri cura, editiorem locum in opido circa occasum sub arce occupat, & minoribus Ecclesiis x. jura dat. Cum ea tamen, S. Petri Parochialis etiam, de Primatu contendit. Dudum Minores Conventuales, & Carmelitas Fratres fovebat; sed horum hodie Ecclesiæ extant, S. Francisci, & SS. Trinitatis nomine, ipsi vero defecerunt. Haud procul in agro S. Mariæ ordinis Basiliani Abbatia sine alumnis; quam Pirrus ab illa S. Nicandri de Nicone in Rogerii literis de anno mxxlv. memorata non distinguit. In Comarchia, & Militari Tauromenitana Præfectura degunt opidani, ac Diœcesis Messanenensis finibus clauduntur, quorum lares seq: xvi. erant 545. ipsi verò 2366. censi fuere. Anno mxciii. foci 577. animæ 3112. Decurrente demum sæculo 684. incolæ 2396. ac novissimè 2667. descripti. Præest Clero Archiepiscopi Vicarius; civibus verò ab dynastis delectus Magistratus, cum gladii potestate, & Marchionatus insignibus. Illorum porro subsequens refertur catalogus.

Henricus de Andegavo sub Carolo I. e Galliis in Italiam veniens, quum in celebri illa pugna, qua Manfredus Regnum, vitamque amisit, strenuam operam Regi suo navasset, ejusdem Manfredi filiam in uxorem obtinuit, ac dotis nomine *Flumen Dionysii*, Calatabianum, Noaram, aliaque opida assecutus, nobilissimæ gentis de *Joenio* caput in Sicilia evasit, uti Invegius in Nobil: Proreg: tradit. In Friderici II. censu de mcccxx. *Rogerus de Vallone*, ad quem Nicolus Salinç etiam spectabant, eidem opido præesse dicitur; mox
anno

anno mcccxxxvi. *Iaymus de Villanova* jure uxoris *Beatricis* tenuit; quæ fortè *Rogerii* filia fuit. *Ansalonius* de sua *Familia* habuisse sub clientela opidum *Bonsignorem de Ansalone* prodit. Sed anno mcccxciii. *Thomas Romano-Columna*, *Martini* Regis privilegio, quod *Messanam* urbem in Principis sui manus reddidisset, *Fluminis Dionysii*, *Montis Albani*, *Cattasi*, *S. Alexii*, & aliorum dominus constituitur; Quem *Philippus* filius excepit, in ejusdem *Martini* Regesto memoratus. Huic *Nicolaus*; unde *Thomas* *Messanæ* ad *Alphonsum* Regem mcccxciii. Legatus. Hujus ex filio *Joannello* Ne-
pos *Jacobus* *Paulæ Romano-Columnæ* ejusdem scilicet gentis, *Cesari* domine, & heredi vinculis adjunctus sacris, *Marianum* genuit, quem *Nicolaus* excepit; Hunc verò *Antoninus*, *Josephi*, & *Francisci* parens. Fulsit hic *Reitani* Dux primus, ille *Thoma* filio auctus est *Calogeri Gabrielis Fluminis Dionysii* Marchionis genitore; qui multis titulis commendatus familiæ splendorem provexit, & *Cesari* etiam Dux est appellatus, uti de hoc opido loquens satius dixi.

In Agro rupibus aspero valles habentur, nobilissimis varii metalli mineris, & officinis nedum recentioribus ad mineras spectantibus, sed & antiquissimis in saxo excisis instructæ, unde aurum, argentum, æs, ferrum non levi emolumento lapidibus intermixta operæ educunt. Alumen præterea ingenti copia, & porphyrites, lazulusque ibi etiam provenit. Occurrunt porro veteris ætatis monumenta vasa, sepulchra, atque ex ære ad mortalium usum instrumenta, quæ scriptorum conjecturis favere videntur, circa hæc loca antiquissimum *Nysæ* opidum statuentium. Hinc ab eo potius *Nysæ* nomen fluvio, & opido proximo nomen appictum, quod in *Dionysii* posteritas commutavit, uti de *Nysæ*
infe-

inferius reponam. Vincis ceterò idem ager, oleis, ac moris confitus, ac prope littora fructiferis arboribus refertus ab ubertate commendatur, colonisque non ingratus respondet. Jam de fluvio, quem Aretius *Enisem* appellat. Fazellus hæc habet: *Dionysii fluminis osium post Aly occurris, Nysi vulgo dicti, qui, quod inter rapidi torrentis arenas auri ramenta perpetuo fluunt, Chrysotoas apud Græcos dicitur. Oritur hic ex pluribus fontibus, qui e collibus vicinis scaturiunt.* Hæc Fazelli verbis retuli, unde enim de aureis ramentis ac *Chrysotoas* nomine notitias eruerit, non habeo. Fazellum ceterò Carnevalius sequitur, e-
jusque inhæret sententiæ.

FLUMEN FRIGIDUM Fundum amplissimum, vocant prope Onobolam, seu *Cantaram* inter Naxum & Mascaliæ, ex quo amnis ejusdem nominis originem recognoscit. Fons enim haud procul a Turri copiosis adeo aquis abundat, uti in amplum mox & insigniter gelidum flumen evadat, quod ad pass. circiter in proximum illabitur mare. Nec pluviis id porro hyeme augetur, neque æstate decrescit, adeo ut tranari facilliter possit; Frigiditas verò a nive proximi Montis *Ætnæ*, ad cuius se ager orientales extendit radices, illi provenit. Veteres sub *Asines* nomine cognominarunt, uti alibi auditum; ad cuius levam ripam Veneris stetitisse sanum etiam protuli, ubi de *Archageta*. Quod autem ad Turrim attinet satis insignem, Ecclesia huic adhærebat S. Joannis de *Flumine Frigido* appellata. Illam Rogerius Comes Jacobo Menuges Episcopo, cum terris late circumpositis dono dedit; hic enim a morte sua Jueuo Catanensi Episcopo assignavit, ut ejus literis Græcè scriptis anno Mundi 6611. signatis constat, in Catanensis Ecclesiæ tabu-

tabulario, quam donationem Messanenſis Pontifex firmavit an: mcv. Conceſſit Laicis, aut aliquis ex Jueni ſucceſſoribus, aut uſurpatum agrum ſub Friderico Cęſare cū aliis ejuſdem Eccleſię dilapidatis bonis Epiſcopi amiſere. Hinc anno mcccviii. *Fluminis Frigid* dominus in Martini Regis Cenu *Zaccharias de Pariſio* adnotatur, quem filii exceperere ad xvi. uſque ſęculum. *Lazari*, Meſſanenſes Nobiles Baronis titulo elapſis annis, tandemque *Gravina* gens tenuit.

FONS ALÆSINUS memoratur in *Sicilię Deſcriptione* Solino cap. 11. *In Alafina regione*, ait, *ſons alius quietus, & tranquilluſ, quum ſiletur, ſi inſonant tibię, exultabundus ad cantum elevatur, & quaſi miretur dulcedinem vocis, ultra margineſ intameſcit.* Id ipſum tradit Dionyſii interpres Priſcianuſ, ſive Rhemniuſ. Hujus porro naturę ſons jam deſiit, nullibi enim reperitur.

FONS MYLENSIS mirandę conditionis ex Plinio. Hyeme enim in totum decreſcunt, æſtate illius aquę exundant, amnemque producant. Fazelluſ juxta locum, quem *Pantanum* appellant, a Myliſ paſſ. x. 11. Meſſanam verſuſ recedentem puteum inveniri ait, ædi S. Marię a *Plano*, & a *Buſchetto* appellatę propinquuſ, qui totuſ per hymem deſiccatur, per æſtatem verò abundat.

FONTANA. Vicuſ eſt ſub Valle Viridi Acis Municipio in aſtrum, a fonte appellatuſ, quem mirę eductuſ Virginis patrociniuſ tradunt.

FORESTA Opiduluſ, aliter *Floręſta* in Diocęſi Meſſanenſi, noviffimę eſt originis, circa elapſi ſęculi initia, ad *Ætnę* radiceſ aquilonareſ, duoſ inter præcipuoſ Onobalz, ſeu *Cantara* fluminis fonteſ. Eccleſię parochialiſ ſub Sacerdote Patronuſ eſt S. Georgiuſ

orgius Martyr, lares hoc sæculo primum descripti 66. incolæ 202. & nuperrimè 398. Marchionatus titulo gaudet, quo *Antonius Quintana Dueñas* Proregi a Consiliis Philippi III. privilegio MDCXIX. est decoratus, cui filia *Melchiora* successit, Ferdinandi de Toledo, & Sylva Hispani uxor. A Melchioræ morte, quæ *Foreste* accidit, Paulus Arduinus ex filia nepos, Palitii Princeps, inter Magnates Hispaniæ adscriptus MDCXXXV *Foreste* Marchio dictus, ex Joanna Furnari *Michaelem Arduinum* suscepit, qui Victorii a Sabaudia, & Caroli Regis nostri Aulicus, atque Alcontris Princeps jure uxoris Catharinæ Rocca effulsit. Ex his *Petrus Foreste* hodie Marchio. Spectat ad Forestam *Trium Fontium* vicus, de quo alibi. Extat *Foreste* feudum aliud a Zaffarana appellatum in Castris Regalis territorio, Ducatus tessera insigne, ad *Bonannos* pertinens.

FORTIA AGRO, *Fortalitium* olim de *Agrilla*, in editi, ac prærupti collis vertice parumper ad austrum prono, & in occasum protenso situm, supra Argenum promontorium, hodie S. Alexii, ex Parochia est Archimandritæ. Celebriori loco medio majus templum Annuntiæ Virgini sacrum, nobili schemate se offert, & Christi Domini e Cruce pendentis opidanorum Patroni ad supremum clivum vetustâ ædes spectatur, ubi olim arx. Archipresbyter, ac Sacerdotes XII. illis famulantur; Festum Patroni summa celebritate, ac nundinis, Exaltationis S. Crucis die, incolæ recolunt. S. Augustini Fratres ab anno MDCVIII. Andrea Francavillense ordinis Magistro auctore, SS. Trinitatis Ecclesiæ adhærent. Minores Observantes S. Catharinæ auspiciis aptissimum cœnobium incolunt; Sed dignitate, & tempore SS. Petri, & Pauli Basilianum Monasterium præcellit, quod a Rogerio Comite

in *Scala S. Alexii* extrui ceptum, Rogerius Rex illius filius mxcviii. precibus Gerasimi Abbatis absolvit, ac pingui dote attributa, ipso *Agrille*, subinde *Fortia* opido donavit. Illius templum pervetustum, ac sacro linitum oleo, variis, ac insignibus Sanctorum lipsanis ornatum perhibet Pirrus; Abbatem hodie Commendatarium Carolum Villenam de Perlas opidi Baronem, ac dominum, designandi Magistratus, & in Comitibus loco xxiii. assidendi prærogativa munitum, Regia diplomata declarant, apud eundem Pirrum exscripta.

Criminum Quæstor, vulgo *Capitanus*, a Rege adlectus populo jura dat; Clero Archimandritæ Vicarius; Tauromenitana Comarchia, & Militiæ indigenæ Præfectura *Fortiam* comprehendit, cujus foci Caroli Cæsaris avo 392. incolæ paullo post 1438. sunt numerati; Sæculi elapsi medio foci 498. opidani 1947. anno mcccxi. in laribus 548. incolæ computati 2088. nuperrimè 2120. Ager nemoribus, saltibus, pascuis, vineis, cultisque terris scatet, sed oletis potissimum, ac moris instruitur. Veteris arcis ad ortum, & aquilonem editiori situ vestigia extant, cujus jam memini, ab ea S. Alexii supra promontorium distincta. Latitudo denique opidi graduum xxxviii. l. longitudo xxix. v. designatur.

FRAGALATIS Monasterium Basiliani instituti, quod supra tumulum a Frazano opido pass. bc. circiter sejunctum, Rogerius Comes tutelari suo S. Philippo dicatum voluit, aut juxta nonnullos instauravit; eodem quippe in loco ante Sarracenos sacras pro Monachis ædes extitisse perhibent. Terris hinc circum attributis Gregorio Abbati piissimo viro cum sociis anno mxc. incolendum tradidit, qui illud longe celebre

bre inculpatæ vitæ actibus reddidere. Hugonis Messanenſis Episcopi literæ S. Philippi de *Demenna* appellant, a regione scilicet *Demang*, in qua situm. Subinde de *Myrtiro* a propinquo opido Myrto est dictum, novissimè a *Fragali* suæ ditionis agro, cujus clauditur finibus, nomen accepit. Commendatur hodie Valetudinarii majoris Panormitani Rectoribus. Margarita enim Regina Guillelmi II. uxor anno *mcclxxxviii.* illud Maniacensi Benedictino Monasterio. unitum voluit; sed suos Basilienses Abbates nihilominus habuit. Ferdinandus demum II. constituto Panormi maximo sub S. Spiritus titulo Xenodochio, ut huic S. Mariæ de Maniacio, & S. Philippi de *Fragali* Abbatias Pontifex adnecteret, impetravit. Hinc hujus nostri nomine laudati Rectores in publico Regni Consilio loco xxxii. assistunt. Vixit in eo S. Laurentius de Frazano, uti infra dicendum, & Arsenius Monachus, qui Græcum Carmen de S. Vito Mart: panxit a Cajetano exscriptum; hunc porro putant ante Sarracenos effloruisse.

FRANCA VILLA Opidum in Siculis cum veteribus, cum recentioribus annalibus sat celebre, tumulo insidet ad *Ætnæ* radices in ortum æstivum, cujus supremum verticem rupes occupat cum arce, Aragonensium olim ævo insigni, hodie pene inutili, quamvis fere integra; sub qua ad eandem plagam, solo leviter prono, cives incolunt; frequentantque potissimum humiliores, ac planas collis regiones, quæ sub novi opidi nomine idcirco veniunt. Major tamen Ecclesia *Deiparæ* in cælum assumptæ sacra, veterem, situm servat, ac toti hodie opido dominatur, a qua haud procul amplum, & magnificentissimum, ab aquilone maris aspectu gaudens, dynastæ palatium exurgit. Est illa unica parochialis, Archipresbyterum Re-

ctorem cognoscens, cui & aliarum minorum viii. cura incumbit; ac Chr isti Domini Cruci affixi facello decen-
tissimo decoratur. Hujus est rude quidem simulacrum,
sed prodigiis clarum, ideoque festiva celebritatis pompa
mense Aprili. ab incolis, & propinquis populis cultum.
Inter filiales porro insignis, ac vetus Virginis Annun-
ciatæ ædes, sacris etiam administrandis deputatur, in
qua S. Barbaræ Vir: & Mar: præcipuè opidanorum Pa-
trone sollemnis dies festus cum nundinis celebratur, cor-
poris ejus reliquias Monachis proximi Cœnobii de Placa
suppeditantibus. Fulget etiam & S. Pauli Ecclesia, unde
novi opidi cives Sacramenta percipiunt.

Ad oram post ingressum S. Augustini Eremitæ Jacobi
Balsami Vice-Comitis opera, mdcxix. S. Sebastiani Ec-
clesiam affecuti, commodè degunt, sed dudum illi in ne-
more ab an: mcccclxxx. S. Mariæ de Tyndaro eodem inco-
lebant, uti Ordinis perhibent historiæ. Carmelitarum
cœnobium an: mdcxlii. Petri Ruffi Vice-Comitis muni-
ficientia fundatum sub dynastæ palatio Deiparæ nomine
insignitur. Ejusdem sæculi an: lxxiv. Jacobi ex Petro ge-
niti divitiis Sanctimonialium parthenon S. Teresæ inti-
tutis addictus, contra Annunciatæ subrigitur, & fabri-
cis elegantibus concinnatur. Novissimè Basiliani Mona-
chi suo cum Abbate Regulari, sedem *Francaville* sta-
tuerunt. Quum vetus enim eorum Monasterium S. Sal-
vatoris de Placa haud procul sitū in collibus, de quo suo
loco, ob non levem ædificiorum jacturam, omnimodam
in dies ruinam minaretur, illo relicto, apud nostros co-
miter excepti, novum claustrum edificare contendunt.
Jam prætentus tumulus circa ortum hibernum, unde pa-
ret in opidū ingressus, Capuccinorum substat Conven-
tum, ab an: mdlxx. ex collatis eleemosynis conditum,
ac institutis ordinis aptissimum, S. Mariæ de Præcibus ti-
tulum

tulum referentem. Tunculum opido pons magnificus ad-
jungit ab iisdem Capuccinis appellatus, quæ sub Philippo
IV. in lauratum docet inscriptio eidem appicta. Hic
collis est nostra ætate notissimus, ubi an: mcccxix. Hispa-
nus exercitus Germanorum non semel repetitos impetus
repressit, ac subsultus magna fortitudinis laude repulit.
Fons e marmore magnificus in S. Pauli foro non omit-
tendus, statuis, figurisque concinnatus, unde copiosi
latices emanant; nec Michaelis Cagnonis ingenui viri
dissimulanda domus, media urbe metropoli dignissima.

Numerat *Francavilla* in laribus 737. incolæ hodie
2827. qui in recensione sub Victorio de Sabaudia 2626.
sunt computati; quamvis sub Carolo Cæsare hujus nomi-
nis v. foci 544. & non diu post incolæ 2265. ac an: mdcxii
foci 773. animæ 2869. fuerint descriptæ. Gaudet ex Ca-
roli II. privilegio mdcxxxviii. Civitatis titulo. Ejus subj-
icitur Clerus Messanensi Archiepiscopo; Magistratum
dynastæ ad annum designant, postremumque post Comi-
tes in Regni Consilio votum proferunt, & gladii potesta-
tem exercent. Sub Lingue grossæ Conarchia venit, atque
indigenæ Militiæ Tauromenitano Instructori, vir. ejus e-
quites, & xlii. pedites parent; Gradum attingit latitudi-
nis xxxvii. l. longitud: xxxviii. lv. Agro utitur secundo,
oleis, vitibus, morisque præcipuè confito, oleribus præ-
terea, lino, & pascuis referto, ac frugibus ferendis apto.
Dumeta in eo, saltus, quercetaque annosa suinos greges;
& armenta affatim nutriunt, ac venationibus inserviunt.
Fluvio denique alluitur, qui a *Francavilla* vocabulum
assumit, & cum Onobala, seu Calatabiani amne sese ad-
jungit, ac mari illabitur. *Francavillensem* civem memo-
ria dignum cognovimus: Josephum Prescimonem Juris
Consultum clarissimum, Poetis præstantioribus accensẽ-
dum, uti ejus opera a Mongitore relata produnt, muniis deni-

denique, & honoribus auctum, & illustrium Scriptorum elogiis per universam Italiam celebratum. Laudat idem Mongitorius Petrum Paulum Josephi genitorem ab eruditione, morumque elegantia, & pietate; Josephum præterea Pittaliæ egregium sane virum, poesi, oratoria arte, variisque scientiis imbutum; ac Michaelem Caroccium, nedum vitæ innocentia, sed sacra, & profana eruditione clarissimum, atque in utraque lege consultissimum; Viris idcirco principibus apprime charum, cunctisque acceptum. Memorant denique Thomam de Franco Archipresbyterum, qui pro iustitia ab impio Clerico, cujus arguerat vitia, occisus piissime obiit. Paulum Sacerdotem Capuccinum patientiæ admirabilis; Elisabetham Costam, ab aulterioris vitæ & contemplationis studio claram, & Josephum Russum Carmelitam, doctrina præcipuum, sed insigniter humilitatis, ac mansuetudinis tenacem.

De Opidi origine passim tradunt, Northmannorum ætatem illud non excessisse; Alii a Gallis Caroli Magni militibus ortum duxisse affirmant, aut nomen invenisse; quum antea extaret, & Camastra diceretur, unde Motta illi propinqua fuit appellata. Stabat Fazello teste, Guillelmi I. ævo, sed celebrior sub Aragonensibus evasit, quorum munificentia Rogerii Lauriæ Siciliæ, & Aragoniæ Architalassi dominium subiit, eique ad Neapolis Reges transeunti adhuc obnoxia perseveravit. Hinc Fridericus II. mox ut Regni regimen suscepit, illam magna vi adortus, e Lauriæ, Gallorumque manibus eripuit. Infans Joannes subinde Randatii Marchio accepit, & post hunc *Constantia* filia, quæ *Henrico Statella* nupsit, Castaniæ domino, Accursii filio, quem primum Sicilia generis sui caput aspexit. Sub Martino varios habuit dynastas, *Calcerandum* scilicet de *Villanova*,
Joannem

Joannem Villadecani, & Philippum Marinum. In Comitibus nihilominus Syracusanis sub eodem Rege de anno mcccxcviii. *Francavilla* inter Regii Demanii opida recensetur, & in Censu ejusdem Principis sequentis sæculi anno viii. ad Cameram Reginalem spectare dicitur, sub qua ad mvm. persistit, eo enim decurrente *Nicolaum Montapertum, & Bartholomæum Romanum Franchaville* dominos invenio; Sed restitui ad Demanium cives sequenti anno postularunt, quod ipsis minimè cessit. Emerat Carolo V. Regni potente *Antonius Balsamus* Tauromenium, quod ad Demanium revocare Carolus subinde jussit, *Balsamis* verò mxxxviii. *Francavillam* & Vice-Comitis titulum attribuit. Anno mdcvii. rursus in manus Regias *Demanii* restitui cives petierunt, ac diu causa exagitata, Matritum quoque mdcxxxii. deducta, ibi indecisa, *Vincenzio Cutelli* teste, remansit. Fulsit porro *Antonius* ab eximia in rebus gerendis dexteritate; bis enim Proregis vices arduis in rebus cum laude sustinuit, cujus filius *Jacobus* insigni etiam pietate commendatur. Ab hujus hærede *Agatha*, quæ *Petro Russo* nupta, huic dynastiam dotis nomine assignavit, anno mdcclxxiv. ad *Carolum Russum* devenit, Caroli II. privilegio Vice-Comitem confirmatum, unde *Jacobus* omnium scientiarum ornamento illustris, cujus domus eruditæ Viris omnibus patebat. Posthac in Regis potestatem quum *Francavilla* venisset, illata in Regium ærarium aureorum supra centum millium summa, *Dominicus Onetus*, *Sperlingæ* Dux opidum obtinuit, & Bis-Comitis titulum mdcclxxxix. ab eodem Carolo II. exoravit. *Dominico Franciscus* frater successit Hieronymæ Valguarneræ matrimonio copulatus; quorum filius *Stephanus* Panormi Justitiarius claruit; Habuit cum

cum Rosalia Monregali *Franciscum* anno mcccxlvi. Bis-Comitem appellatum, Stephanæ Gravinæ sacris vinculis adjunctum, S. Bartholomæi etiam Principem, moribus elegantissimis præditum, qui in vivis hodie agit.

FRAZANUM Opidum Comitatus S. Marci pars hodie, ejusque veluti Municipium in collibus post Caprim circa austrum, & orientem leviter declivi inheret solo, cujus Parochialis sacra ædes Archipresbyteri curæ commissa cum aliis vi. minoribus, Assumptę in Cælum Virginis patrocinio gaudet, & Sacerdotum cętu Divinas laudes celebrantium, instruitur. Inter filiales porro S. Philadelphi Ecclesiam memorant B. Laurentii Monachi, de quo inferius, Acta; necnon SS. Trinitatis, ubi idem Laurentius circa vitę suę exitum habitavit, & corporis sarcinam deposuit. Abest ad pass. v. S. Philippi de Fragalà Basilianum cęnobium, cujus notitiam dedi. De *Frazani* origine, quod Sarracénica fuerit, conveniunt, uti ipsum prodit vocabulum; Hinc Rogerii Comitis dono *Nicolaus Camuglia* in eo primus jura dedit. *Garcia Sancii de Esur* S. Marci Dynastę dominium subinde agnovit, & *Aragonia* gentis proceribus diu paruit ad Regis Martini ætatem, cujus jussu *Aragoniis* exauthoratis, *Frazani* possessio *Angelotto de Larcen* obtigit sub sæculi xiv. exitum cum Myrto, Capri, & S. Philadelpho. Alphonso demum Regis beneficio rursus ad S. Marci Comitem, tunc *Riccardum Filingerium* mccccliii. devenit, cujus ad hæc nostra tempora hæredes Baronis titulo, cum jure gladii, & loco in Comitibus li. possident. Ad Diocesium spectat Messanensem, & Tortoricis Comarchiam, Militaremque Mistrettę Instructorem sequitur. Lares sub Carolo V. 125. incolas an: mxcv. numerabat 633. Sæculi

Sæculi elapſi medio Iares 248. incolas 895. Decurrentis an: xiii. ſocii 178. opidani 482. & noviffimè 912. ſunt deſcripti. Sub eodem denique cœli ſitu, quum Capris, Myreus, *Frazanus*, & S. Marcus penè reſpondeant, illorum longitudo, & latitudo paucis diſcriminatur.

S. Laurentio Baſiliani ordinis Monacho *Frazanum* gloriatur, illumque veluti Patronum colit, qui optimis parentibus ortus in Fragalenſi primùm Monafterio, mox Agyrii vitam monaſticam profeſſus, ſub *Ætnæ* monte ſolitarius aliquando vixit; per alienas terras peregrinatus, ubique morum probitate effulſit. In patriam denique rediit, ſui ſucri corporis, moriens, illam hæredem reliquit. Extant ejus Acta apud Cajetanum. Floruit hoc ſæculo Polycarpus. Alſous ex eodem inſtituto Generalis Definitoris munere elarus Abbatiali dignitate inſignitus, & Novi Panormitani Monafterii ſub regula, quam profeſſus fuerat, præcipuus promotor. Laudatur a Mongitore, qui Domini Bordonari etiam meminif, & Antonini Mauri, eoſque cum ſcriptoribus poeſi, & poliſioribus literis excoltiſſimis jure confert. Agri foelicitas eadem eſt, ac Capris, alibi deſcripta.

FRETUM SICULUM, a proximis *Meſſanâ* hinc; illinc *Rhegio* urbibus, *Meſſanenſe*, & *Rheginum* nuncupatum. Quum ab ortu, & meridie Siciliam *Adriaticum*, ſeu Jonium mare ambiat, ab occaſu verò, & ſeptentrione Tyrrhenum, ubi in anguſtiis terrarum continerium ejuſdem inſulæ, obverſæque Calabriæ uterque pelagus alterno curſu fluit, & refluit, *Fretum* quaſi *Fremens*, aut *Fervens* appellatur, quod terribile ſit navibus, & infeſtum, frematque, ac ferveat omni ſermè tempore. Veteribus, ac Poetis terræmotu ab Italia evulſa Sicilia creditur, quod fabulis accenſen-

dum, uti alibi in Notis ad Fazellam ostendi. Nihilominus adeo angustum intercedit spatium a *Cepi* Italique promontorio, Turri *Caballi* indigenis, ad *Pelorum*, vulgo *Pbarum*, uti ex Scriptoribus aliqui cum Isidoro ad mil. pass. u. nonnulli ad tria, quidam denique cum Cluverio ad pass. m. illud extendi affirmant. A Peloro autem, seu Pharo Rhegium usque pass. u. xviii. circiter computari; sed a margine Messinensis portus extremo, ubi Laterna, & Charybdis, seu Calopharus, ad Rheginam occidentalem oram *Vulpi* *Caulam*, vulgo dictam, nonnisi x. m. interapedinem esse tradunt. Protelantur hæc latera, ad portus fauces, & quæ in meridiem Rhegina, & Sicula ora protensa extenditur; at undarum fervor maximus, seu fremitus, unde *Fretum*, uti innui, nonnisi circa Argenum, seu S. Alexii in Sicilia, & *Caput Armorum* in Calabria quiescere videtur.

Fluxus in hoc *Freto*, aquarumque Refluxus senis alternis horis; quater scilicet per diem integrum, peragitur; cujus causas Philosophis perscrutandas relinquo. Si ab austro Septentriones versus tendit, dicitur *Ascendens*; Contra si e septentrionibus in meridiem decurrit, *Descendens* appellatur. Naves idcirco, quoties in filum princeps oppositum, Reumam Græca dialecto appellatam, incurrunt, licet expansis velis ventum excipiant propitium, nulla vi loco moveri, & progredi possunt, donec vitato filo, aliò cursum dirigant; & ab expertis e portu accitis, in tramitem, reducantur; non raro etiam, dum sibi fidentes illorum navarchi contendere conantur, absorptæ percut.

Scylla demum scopulus est, Calabrensi littori adherens, & a primis vocis ejusdem elementis, quæ per decurrentem aquam sup scopulo veluti resonare clarissime

riffimè percipiuntur, vocatur; *Charybdis* porro nomine vorticosum mare intelligitur, eo quod & primam etiam syllabam immurmurando exprimat, & a proxima turri, ubi Laterna, *Calopharus* Græcè quoque vocatur, seu *Bonum lumen*. Vortices ad *Fossam Navis*, uti appellant, præterea videntur; eò enim filum, seu reuma e Pharo tendit; inde verò ad Messanæ litus, ubi celebre suburbanum Paradysus, dirigitur. Poetis effingendi hinc data occasio, quod Scylla, & Charybdis foeminae fuerint a Diis in monstra marina conversæ, quarum latera latrantes canes perpetuò vorant, uti Natalis Comes Myth: lib. 8. cap. 12. De causis vorticum consulendus Kircherius *Mund: Subterr: De Morgana* in eodem *Erasm: idem Artis Magnæ* lib: 10. cap. 1.

FRONDONIS Fluvius in Mylensî littore ab Archis appellato, mari illabitur.

FRUMENTI Mons in Ætnæ suprema australi regione, ita appellatus, quod instar acervi ex tritico videatur compactus; minutis enim glæreæ, sive areng granis constat. Alter ejusdem nominis ad orientem, æstivum solem parè forma spectatur, nonnihil australi depressior.

FURCO Casale, quod Fridericus Cæsar Siciliæ Rex Messanensî Ecclesiæ æccxi. attribuit, uti ejus constat diplomate.

FURIANUS Fluvius, Ptolemæo *Chydus*, inter Calastani, & Aluntium veteres urbes, Caroniam scilicet, ac S. Marcum, uti recentiores appellant. Quamvis Fazellus Chydum *Rosmarinum* hodie esse, evulget. Oritur ex fontibus *Solatio*, *Marescotto*, & *Minasio*, inter montes Soros, quos idem Fazellus Heræos esse affirmat, Troyna, & S. Philadelpho confines, in litus inde, vallibus eorundem montium peragratis, S. Marco

subjectum sese effundit ad Aquas dulces, ac Tyr-
rheno mari sese adjungit:

FURIÆ Messanenses Pagi sunt ad austrum, &
aquilonem, Messanæ fascibus subjecti, de quorum sin-
gulis agimus propriis in locis.

FURNARIS Opidum in Pactarum Comarchia,
& Messanensi Diçcesi, a Castello Oliveris haud pro-
cul, quod in censu una cum *Furnari* venit; tumulo
insidet in occasum, & aquilonem, arcemque ostentat
veterem, ruinis hodie patentem. Princeps templum
Christo Domino Crucifixo nuncupatum, Archipres-
byterali gaudet titulo, aliisque v. jura dat. Carmeli-
tarum conventus exiguus Deiparæ tutelari sacer ha-
betur. *Furnaris* civis Josephus Millemagius celebris
ab eloquentia sub elapsi sæculi exitum vixit; Panormi
hinc bis in præcipuis Ecclesiis cum plausu auditus,
Neapoli, Romæ, Venetiis, ac Melitæ ob dicendi effi-
caciam, & elegantiam quoque claruit. Decessit tan-
dem patriæ Archipresbyter mcccii. Spectat opidum;
ad *Martianos* hodie, qui *Furnaris* Principes ab an-
mccxii. audiunt, gladii potestate gaudent, in Comi-
tibus lvi. loco sedent, & Magistratus deligunt; dudum
verò ad Nobilem gentem de *Furnari*. Primus enim
Friderici III. munificentia, agrum *Blasius Furnaris*
accepit mcccxxv. arcemque edificavit, ac mortalibus
congregatis, opido originem dedit; Meruerat enim
penes eundem Principem *Blasius*, quod Tripim opi-
dum aliis circa descendentibus, sub Regia obedientia
conservaverat. Vivebat Martini ævo alter *Blasius*,
qui in censu de anno mccccviii. pro Feudo *Furnaris*
clientari jure tenebatur. Non omiserim tamen in Fri-
derici II. Regeſto *Bartholomæum de Maniscalco Fur-*
naris Casale devinctum habere. Franciscus Emma-
nuel

nuel præterea in sua *Sicilia Nobili* lib. 1. par. 2. quod *Joannes, & Stephanus de Mauro* ante *Blasium de Furnari* in clientelam tenerent ex publicis eruit tabulariis. Alibi verò lib. 2. de *Philippo Furnari* ait, quod sæculo xiii. incunte e patria Janua in Siciliam delatus, terras a Suevis Principibus primum, indeque ab Aragonensi Petro acceperit circa *Pactarum* finem, ab *Oliveri* hodie appellatum, in quibus *Castellam* condidit, & a familia sua dictum voluit. Postmodum verò alii ex eo oriundi hereditario jure possederunt, ad *Antonium* usque, *Philippi IV.* privilegio *Furnaris* Ducem constitutum, cujus abnepos *Ferdinandus Xaverius*, juvenili ætate mæccæ. sublatus, postremus Dux fuit; ab ejus enim morte *Petrus Arduinus & Rocca*, titulum assecutus, *Josepho Paternionio Tedeschi* Catanensi Patritio vendidit.

Jam ex *Martianis* primus emit *Antoninus* Princeps *Furnaris* appellatus, eique filius *Laurentius* successit, *Joannæ Perpignano & Leofante* maritus, unde *Antonius II.* qui *Emmanuelam Valguarneram* uxorem habet. *Furnaris* foci sub *Carolo V.* 138. incolæ 691. Anno elapsi sæculi xiii. lares 229. incolæ 845. Nostra ætate mæccxiii. foci 175. animæ 688. nuperrimè 1043. Ager oletis, moris, frugibus dives, *Galiciotti* fluenti aquis fecundatur. Longitudo grad: xxxix. penè attingit, latitudo xxxviii. x.

FURNARIS Arx, seu Turris specula, post *Mylarum* promontorium in occasum.

FURNUS Statio est post *Mylas*. Eò *Rogerium Comitem*, quum primum in insulam appulit, inscendisse ferunt.

FUSARA Mons ad *Ætnæ* australes radices, sub quo incendium illud de anno mæclxix. erupit, nomenque habet a fruticibus ejusdem nominis, quibus confusus abundat.

GAG-



AGGIS Opidulum *Xaggis* aliter, & *Gaggus*, ac in Rogerii Comitis diplomate an: *mcxvii*, *Scaggis* appellatum, sub Tauromenio, circa torrentis alveum, qui ad montis Tauri radices præfluit, situm, ex ejusdem urbis olim municipiis, hodie ad *Spuchios* S. Stephani Duces spectans. Parochialis Ecclesia Deiparæ Annunciatæ sacra, cum S. Sebastiani Martyris opidanorum Patroni sacello elegantissimo medium occupat; in tumulo proximo dynastæ domus magnifica. Lares in novissimo censu *ion*. incolę *mdccxiii*. erant 286. hodie verò computantur 442. Devenit elapso sæculo in potestatem nobilis gentis de *Mauro*, quæ a Regiis cinit Ministris. Inde *Brancifortii* Scordiz Principes tenuerunt; Ex venditione *Spuchii* cessit *Gaggis* dynasta floruit nuper *Blasus Spucher*, qui Tauromenitanum vetustissimum Theatrum magna ex parte purgavit, & eruditis antiquitatis amatoribus præclare consuluit; varias præterea inscriptas tabulas ad patriam spectantes ab interitu vindicavit, & in conclavi ad id instituto, ex ordine locatas voluit. Fatis imminaturè concessit *mdccxviii*. *Joanne Baptista* filio relicto, qui S. Stephani Dux, ac *Gaggis* Baro hodie vivit, Mariæ de Gregorio matrimonii vinculis adjunctus; in publico Regni consilio *lxiv*. proferens votum.

GAIDARA Casale in Mylarum ditione; quod Monasterio S. Mariæ Roccamatoris anno *mcxiv*. Bartholomæus de Luce cum aliis bonis attribuit. Subiecta illi dicuntur minora tria Casalia: Papalardum, Mascclarium, & Campegium. Hodie jacet.

GALA

GALA Municipium ex principis Castri Regalis, circa vetivum ortum, cum parochiali Ecclesia S. Mariæ Majoris. Celebris reddit vetus, & insigne Basilianum Monasterium S. Mariæ titulo, ab Adelfia Comitissæ Rogerii uxore mcv. in tumulo ab, urbe pass. bis ab. a fundamentis extructum, bonisque, ac prædiis munificentissimè auctum, & ejusdem quoque *Gale* opidulo donatum. Græcicum porro fuisse ante ipsum Rogerium *Gale* opidum tradunt, atque a *Lafte* ita appeilatum; condendi autem cœnobii votum post Mylas expugnatas Comitem ipsum concepisse, Adelfia in suis literis declarat, templique & Monasterii substructiones posuisse. Primus illius Abbas Arnesius memoratur; hodie commendatum habet Petrus Sindon val ex Principibus Castelli Regalis. In ejus finibus S. Veneræ Crypta, de qua alibi. Lares opidis, & incolæ in Censu Castri Regalis veniunt.

GALARINA Vetus civitas Stephano, & Favonino, *Galeria* Diodoro. A Morgete, Italo condita, eodem tractu cum Centuripe, circa Ætnam montem, & Symethum amnem stetit. Aretius, ubi Galianum, sive Gallanum hodie, sitam dicit, neque abhuit Cluverius; id quippe vocabulum, ait, posterioribus potius temporibus a pristino *Galariano* deduci. Morgetes aliunde populi ex Italia in Siciliam advecti loca circa Symethum occuparunt, & Morgantium haud procul Symetho condidere. Memorat Diodorus lib. 16. quod ab Entellinis, quos Pœni dura obsidione premebant, vocati in auxilium, *Galarinenses*, armatos subsidio, suorum m. miserunt: quos tamen in itinere obviam, facti Carthagenenses, multitudine circumventos, ad unum omnes contrucidarunt. Idem lib. iv. a Dinocrate Syracusano, qui bellum cum Agathocle Tyranno

gere-

gerebat, *Galariam* occupatam tradit: *Dinocrates*, istius sunt verba, cum *exulibus habens supra III. M. peditum, & non infra II. M. equitum Galariam occupat*; quum ultro cives eum vocassent, & factione *Agathoclis* egesta, ipse ante urbem castra locat. Mox verò a *Pasiphilo* *Agathoclis* Duce recuperatam affirmans subdit: *Pasiphilus verò Galaria recuperata, auctores destitit, nis supplicio affecit*. Hæc autem gesta dicit, postquam *Dinocrati* male cesserat expeditio contra *Ceneuripinos*; adeoque a *Centuripe* haud procul cum laudato *Cluverio Galarinam* adstruimus.

GALATA Urbs vetus, *Calata*, cujus *Opidan* inter *mediterraneos* a *Plinio* relati, *Galatini* dicebantur. Ex ea *Aretius*, *Galateam* Nympham omnem duxisse originem, nullo tamen auctore, adstruit, cui *Silvagi* accinit. Cum *Calacta* maritimo opide confundunt nonnulli, uti suo loco innui. At *Priscianus Grammaticus* clarissime distinguit lib. 2. ubi legitur: *Præneste Prænestinus; Calata Calatinus; Calacta Calactinus*. Situm *Cluverius* indicat: *Ultra Apolloniam, & Rosmarinum flumen, ad Fisalia annis fontem opidum vulgo hodie dicitur Galati. Id antiquius appellabatur Galata*. De *Galati* mox dicam.

GALATEA Opidum ex *Goltzio* olim ad *Chyde* fluminis, nunc *Furiani*, ripas a lactis copia appellatum. Ad enim, quum apud veteres ejus nulla extet mentio, *Golezius* cum *Galata Galateam* confundere videtur, aut cum *Calacta*. In eadem quippe aquilonari *Siciliæ* plaga sedebant.

GALATIS Opidum ad *Italix* annis, *Zapulla* vulgo, fontes, ultra *Tortoricum* in collium plano solo situm, *Sarracenicæ* originis, & in veteribus chartis *Galath* appellatum, arcem, sed labefactatam ostentat,

&

& Majorem parochialem ædem S. Jacobo Apost: facram sub Archipresbyteri cura, cui Sacerdotes x. Divinis officiis incumbentes famulantur, ac minores Ecclesiæ xii. subduntur; quarum sunt ii. Sacris administrandis designatæ. Minoribus Observantibus cœnobium Deiparæ Annunciatæ titulum referens est ad opidi oram. Monialibus S. Benedicti custodiendis decens loco frequentiori Parthenon assurgit; Dynastę domum habent non inelegantem, qui Magistratum constituunt, jus gladii exercent, ac inter Principes loco xlv. in Comitibus assident. Prioratus S. Annæ de Galath Benedictini instituti, Adelfia Comitissa annuente, anno mxxxiv. ab Eleazaro de Mallauratio constructus in tabulis Monasterii S. Mariæ Vallis Josaphat cui fuit ille adnexus, memoratur. Voverat enim illa, antequam mari se committeret, si cum prosperitate Jerosolymam pervenisset, binas Ecclesias, unam in honorem S. Annæ, alteram Deiparæ Virgini sacram; Et primam Vvilelmus Messanensis Antistes anno mxxxiv. consecravit; hinc in diplomate Eleazari conditoris, sic ille subscribit: *Ego Vvilelmus Dei gratia Messanensis Episcopus, qui una cum venerabili Episcopo Mazarenfi in festivitate S. Andrea* [ita diploma, quod vidi, non *S. Anne*, uti Pirrus tradit] *presatam Ecclesiam in honorem B. Anne consecravimus, interfui, & fecor.* Ejusdem porro fit mentio in Bulla Innocentii II. in qua Ecclesiæ enumerantur, Monasterio Vallis Josaphat suffraganeæ, & in Guillelmi II. Regis literis, ubi dicitur Goffredum *Messanensem Episcopum Baptisterium, Cameteriam, & Confessionem* illi indulgisse. Quamvis a Guillelmo potius, quam a Goffredo Episcopo hæc attributa S. Annæ Ecclesiæ putaverim; Goffredus enim ab anno mxxx. jam vivis excefferat.

Ex hæcenus allatis illud eruo, Galatis opidi sub Northmannis dominium, aut penes *Adelasia* Rogerii Comitis neptem, aut penes *Guillelmum de Mallauratio*, *Eleazari* patrem stetit, qui forte ab *Adelasia* illud obtinuit. Ad *Nicolaum Camugliam* subinde delatum cenfeo, qui perperam sub Rogerio *Galatis* dynasta a nonnullis evulgatur. Anno mcccxx. circiter in Friderici II. Censu Feudi jure devinctum *Blasco Lancea* Regestum exhibet, & Martino Regni potente, anno mcccviii. *Conradus Lancea* in clientelam adhuc habebat. Nam & si Regi insensus *Conradus*, bonis fuisset omnibus multatus, ejusque loco *Bartholomeum Aragonium* Rex subrogatum voluerit, in gratiam mox receptus mcccv. ad primæva jura jam fuerat revocatus. *Perruchius Lancea* subinde, *Guillelmus Raymundus*, *Blascus*, & *Hieronymus* ejusdem gentis tenuerunt, elapsique sæculi initio *Squillis* subdebatur, Landri dominis, ex quibus *Jacobus mdcxvi.* & *Petrus* mox memorantur. Ab his *Philippus Amatus* emit, Principatus tessera ornavit anno mdcxlv. & mero, ac mixto imperio, uti appellant, illustre reddidit. Fuit Panormi Justitiarius, tertium Senator, ac Regni xii. Vir, Dux Astis, & Caccabi Comes. Ex Agatha Buglio filium habuit *Antonium*, Alcantaræ equitem, Franciscæ Agliatæ conjugem, unde *Andreas Alexandræ Rubæ* ex Ceramensibus Comarchis matrimonio copulatus, *Philippi Antonii* pater; Vivit hic, filiumque *Joachimum* ex Belladama Septimo suscepit. *Antonia Corvina Joachimi* est uxor.

Sub S. Philadelphi militari Præfectura, & Tortoricis Comarchia vivunt *Galatenses*, quorum lares sub Carolo V. 450. animæ mdcii. descriptæ sunt 1183. sequentis sæculi medio lares 466. incolæ 1861. Anno

MDCCXIII. foci 365. civium capita 926. ac novissimè 1464. censa sunt. Gradum habet opidum longitudinis XXXVIII. XXX. latitudinis verò XXXVIII. VIIII. Suum jactat civem Antonium Cingalium Poetam egregium Etrusco, & Latino carmine suo tempore clarum, Paruta, Venetiano, & Mongitorio memoratum. Agro utitur oleis refertissimo, moris, fructiferisque arboribus confito, pascuis, frugibus non indigo, & venatoribus non ingrato.

GALATIS Fluvius, fontes in opidi cognominis colle habet, cui amnis Tortoricis suas committit aquas sub Fitalia, a qua nomen accipit, tandemque inter litus S. Marci, & Orlandum promontorium in mare se exonerat, & a *Zapulla* appellatur. Vide *Zapulla*, & *Tortoricis*.

GALATIS Messanæ Municipium ad meridiana[m] plagam in declivi loco orientali situm, Parochiam habens S. Annæ sacram; laribus 75. incolis 294. ante MDCCXIII. sed nuper 305. constatum. Senatus fascibus subditur, & fluento proximo nomen tribuit. Abest Messanâ pass. M. VII.

GALERMUS Opidulum, Catanæ urbîs olim Casale, a qua pass. M. IV. in æstivum dissidet occasum; ad Ætnæ inferiores plagas australes sedet. Parochia S. Joannis Baptistæ nomine insignita, supra cryptam fundata latè patentem, quam Archangelus, & Carsera eam dicunt, unde Dis ad Proserpinam flores in Ætna legentem rapiendam, cum curru exstitit. Sed de hoc Raptu, qui apud *Ennam* juxta alios contigit, alibi dictum. Emit anno MDCLVI. ab Regia Curia *Hieronymus Gravina* Panormi semel Prætor, Regni XII. vir pluries. Ejus fuit filia, & hæres *Marianna*, Josepho Valguarnera Gangii Principi nupta, unde Franciscus.

Xaverius MDCCV. Eques S. Annuntiæ, & Militaris Tribunus apud Sabaudia Ducem, Caroli Regis nostri a Cubiculo, cui filia *Marianna* unica superstes successit. Hanc sibi *Petrus Vulguarnera* avunculus, vir undique clarus, in sponfam adoptavit, ex eaque filios tulit. Sunt *Galermi* lares 118. incolæ 458. uti Censur de anno MDCXIII. exhibuit; sed hodie 526. computantur. Spectat ad Catanæ Comarchiam, & Diocesim. Venit etiam sub S. *Joannis* nomine de *Galermo*, ob Patronum, cujus festum ingenti frequentia celebratur.

GALIANUM Vetus opidum, *Gaglianum* Siculis, sub exesa, ac undique prærupta rupe, declivi tumulo imponitur, in ortum, & meridiem vergente, collibus undique obvallato. Rupis autem viscera ferro excisa in arcis formam effinguntur, quæ licet ruinis hodie undique obvolvatur, antiquæ magnificentię non obscura vestigia servat, & pro dynasta decentissimas eđes cum oratorio ostentat, paucis ab hinc concinnatas. Ferunt porro olim eandem arcem, uti ex ruderibus apparet, turres v. cisternas XII. fossas, cryptasque XVII. conclaves, aulasque supra XXX. comprehendisse in vivo saxo pro majori parte scalptas. Prope S. Petri Ecclesia surgebat, quæ præcipua, & parochialis habebatur; at situ elatiori quum esset, & infrequens, loco magis opportuno, circa sæculi XIV. medium, S. Cataldi Episcopi, opidanorum Patroni æde magnifica delecta, huic illa jura sua cessit; hinc in rei monumentum e S. Petri sollempnis hodie in Festo Corporis Christi supplicatio procedit; In S. Cataldi verò Archipresbyter cum suis communi societate viventibus reliqua obit muia, & Sacramenta administrat. Ejusdem Divi sollempnis est dies cum indigenis, tum circumjacentibus populis; erga illum enim præcipuo cultu addi-

cuntur.

cuntur. Inter filiales XII. S. Maria Gratiarum sacra etiam incolis præbet. Ex Regularibus perstant S. Augustini Eremitæ, quos medio XV. sæculo fundatos in S. Joannis Baptistæ Ecclesia opidanorum traditio dicit. Attardus longè ante annum MDCVII. effloruisse optimis rationibus, evincit, quamvis Ordinis Annales in MDCXXXI. rejiciant. Minoritanis Reformatis circa aquilonem in extrema opidi ora cœnobium Lancellottus Castelli Comes MDCLVII. condidit, quod non incomptum, & inelegans; servatque in Ecclesia S. Mariæ a Jesu dicata corpus S. Mauritii Martyris; Degebant extra in S. Maria de Plano Augustinienses, S. Adriani, Centuripis Congregationis, sed terremotu concussis ædificiis, recessere. Carmelitis MDCXXIV. S. Antonii Abbatis cessit sacra ædes, sed proventuum paritas inde post lustra penè VIII. abire coegit. Virginibus Deo sacris sub S. Teresæ institutis data est S. Mariæ Gratiarum Ecclesia MDCLXVIII. cui sub ejusdem sæculi initia Puellarum pauperum hærebat domus, uti Petri Ruiz Messanensis Archiepiscopi literis constat. Forum denique elegans e marmore fons exornat, quem Lancellottus Comes MDCLIX. jussit. Subditur indigena *Galiani* militia S. Philadelphi Instructori, ad Troynensem Comarchiam spectant cives; Clero Messanæ Archiepiscopus jura dat per suum Vicarium; Dynasta jus gladii habens, & locum in Regni consilio XV. olim vice-Comes, nunc Comitibus fert titulum, & Magistratus deligit. Caroli V. ætate larium census 726. civium paullo post 2954. Anno MDCLII. lares 1150. opidani 3875. Nostri hujus sæculi XIII. anni numerati sunt 697. foci, incolæ 2449. ac nuper 2526. In agro feracissimo veteris ætatis monumenta perseverant, & nigrum succinum provenit; oleæ, mori, ac fru-

fructiferę arbores nutriuntur, pascua exuberant, venerationes non defunt. Longitudo est grad: xxxviii. x. latitudo grad: xxxvii. xxxv.

Gilibertus Perollus Galiani dominus sub Northmannis, *Gilettam* Rogerii Comitis filiam, Zapparonis viduam thalami sociam habuit, & Saccam jure uxoris ejusdem obtinuit. De eo Pirrus in *Notit: Messan:* ad annum mclii. quo Rogerii Regis literas refert, ubi *Perollus* predecessores suos *Galiani* Barones memorat. Gallis insulam moderantibus *Fulconem de Podio Riccardo* Regni pro Carolo V. Vicarium *Galiani* dynastiam assecutum Siculi produnt Annales; Huic filius *Perrucius*, & *Sancia* neptis successit. *Sanciam Galassus Esclendarus* conjugem habuit. Quo in celebri illa Siculorum omnium contra Gallos conspiratione cum suis exturbato, *Petrus Procyda* Joannis fortasse filius, a Petro Aragonensi exoravit, *Momancio Perio de Sosa* subinde cessit, qui astu militari Gallos deceptos e Catana evocatos confecit, uti in Historiis. Apud Friderici censum ejus idcirco heredes Curie obnoxii *pro terra & Castro Gagliani* dicuntur circa mcccxx. Mox Ludovico Regni potente *Rogelio Theutonico* in clientelam datur, quo ab opidanis impotenti ejus regimine vexatis, ejecto, *Euphemia* Regia Infanti, Ludovici forori, Sicilię pro Friderico fratre Vicarię, & Monasterii Messanensis S. Clarę Abbatissę possessio obtigit, eaque apud Cephalædim anno mcccxx. defuncta *Bernardus Spatafora* sibi vindicavit; quamvis Friderici ejusdem beneficio subinde legitime obtinuerit. Martinus Senior mcccxcii. *Perio Sancio de Calataiud* domus suę majori concessit, quem *Robertus Diana* S. Joannis Romę, & Messanę Prior Alagonensium fretus auxiliis repulit, castrumque occupatum

cupatum ad quadriennium tenuit. Rebus verò compositis, quoad viveret, a Martino Juniore impetravit. Anno mccccviii. ob *Diana* mortem *Sancius Rais de Libori* ejusdem Principis familiaris, unciis auri circiter m. solutis, a Regia emit Curia, & Vice-Comitis titulum præterea meruit. Vindicavit Alphonsus Rex, ob facultatem redimendi a Curia reservatam mccccv. ac *Ludovico de Peregrinis* concessit, quem filius *Raymundus* excepit.

Almericus Centelles, qui se *Periam Sanciam de Calataindo* II. appellabat, uti veteris *Perii* hæres circa sæculi xvi. initium litem possessoribus intendit de *Galiani* dynastia, & in judicio obtinuit; illius hinc Vice-Comes est renunciatus. Fuit *Almericus* Cameræ Reginalis, seu Patrimonii ad Reginam spectantis Gubernator, & Syracusarum idcirco Præfectus, quumque eò Rodensium Equitum Magister appulisset, hunc suam in ædes exceptum splendide habuit. Alter *Almericus* Philippi II. privilegio *Galiani* Comes evasit, Regni XII. Vir fuit, & cum *Diana Valguarnera Antoniam* progeniit. Hæc primis nuptiis *Laurentio Galletti* Vallis Mazaræ Vicario, & Messanensi Stratego sociata, filios *Aleranum*, & *Nicolaum* tulit. *Aleranus* & *Laurentius* aquis suffocati, quum in mole Panormitana disruptus pons corruit, periire. *Antonia* idcirco secundum cum *Alerano Carretto* conscendit thalamum, qui jure uxoris *Galiani* Comes, totius insule Vicarius, Philippi II. Pincerna, S. Jacobi Eques, Panormi Prætor, & ob merita in suos Pater Patriæ fuit appellatus. Improles hic quum fuisset, a morte *Antoniae Nicolai Galletti* alter ejus filius Comitatu potitur, ductaque in conjugem *Lucretia Mastiana, Laurensii*, & *Francisci* pater effectus est. Ille *Catharina Fardelle* adjunctus,

unctus, absque filiis decessit; Franciscus dynastiam non assecutus, Siciliam reliquit. Illam enim Catharina, consumptæ dotis nomine, sibi adjudicavit, & *Gregorio Castello* xcn. aureorum m. acceptis mcccxxix. vendidit. *Gregorii* filius *Lancellottus*, Castriferrati Princeps, Capitii Marchio eniuit; ex quo, & Hippolita *Larcara Gregorius*, unde *Lancellottus Ferdinandus*. Ab hujus morte absque filiis *Carolus Hieronimus Motta* de Affermo Marchio, Susannæ Liliæ maritus *Galianum* assequitur. Quorum hæres, ac primogenius *Gabriel Lancellottus* Annæ Mariæ Faso thalami socius, ab ingenii cultu, moribusque eximiis commendatus, inter, *Arcades Drogontei* nomine adscriptus, aliisque celebrioribus Italiæ, ac Siciitiæ Academiis accensus, editis demum operibus clarus, prole dives vivit hodie.

GALICIOTTUS Fluvius, aliis *Caliciottus* quasi *Galicis* parvus, sive fluentum inter Oliverim, & Furnarim opida ostium aperit, ortumque, paullo supra habet.

GALLANUM Opidum. Consule *Galianum*.

GALLUS AUREUS Opidum, *Leto Jannis* aliter, in collis declivi inter Fortiam, & Tauromenium sedet, cujus est in littore vicus, cum elegantissima magnifici operis æde a dynastis olim extructa, & Ecclesia, ubi sacra administrantur, Deiparæ de Crypta nomine insignita, post *Leti Jannis* fluenti ostium. Erat ex *Tauromenii* municipiis, sed *Reitanus* anno mcccxxii. ex venditione, Regis jussu cessit. *Ansalvini* de sua Familia *Nicolaum Crisaphium* nihilominus vetustis temporibus *Galli Aurei* dynastiam dicit, a Regiis rationibus, *Messianæ Strategum*, cui Minutulus in *Messanæ* Prior: se subscribit. Emit porro primus *Franciscus Reitanus*, Marchionis titulo auctus, ex quo *Antonius*

sonius MDCXLIX. Regni XII. Vir, Carolo Regi infensus. Ejus hinc successores *Galliaurei* Marchiones titulotenus sunt dicti; opidi verò jura ad *Viges* Janua oriundos, Regii Consulares transtulere MDCXXXVIII. necnon & titulum, quem Michael Busacca, Corvi dynasta, ære soluto accepit. Ex illis *Justinianus Vigus* hodie possidet. Princeps templum S. Theodoro, aliis S. Deodato addictum, sub Archipresbyteri cura, v. minores enumerat suffraganeas Ecclesias. Pirrus S. *Æmilioni* Basiliani Prioratus meminit apud *Gallum Aureum*, cujus Ecclesia ruinam minabatur. Ejus in agro nobiles auri minere, unde nomen opido obvenit, plumbi insuper & æris, quas nuper apertas Regio indultu lucra non levia reddidisse comperiui. Opidani censi sunt anno MDCII. a *Tauromenio* discretim 1246. in laribus 305. Novissimè 1196. foci verò 584. quamvis in descriptione de anno MCCCIII. 2372. computati.

GANGIUM Opidum. Vide *Engyum*.

GAZIS Messanenfe ad austrum in Dromo municipium, cujus parochialis Ecclesia cum æris campani turri S. Nicolao sacra.

GEMELLI Colles ad Nebrodís montis, vulgo *Madunia*, latus orientale, æquales omnino, ambitu, & altitudine supra Castellum Bonum in hibernum, occasum subriguntur. Ad eorum radices celebre ordinis S. Benedicti Monasterium Deiparæ de Partu sacrum, quod B. Guillelmus Politienfis primus inhabitavit, & sanctitatis suæ radiis illustratum, corporis exuviis in eo depositis longe clarius reddidit. Alii sunt *Gemelli* nostri ab iis, Plinio, aliisque veteribus memoratis, quorum Tom. 2. meminimus.

GERACIS Opidum. Consule *Hieracium*.

GIAMPILERIS Opidulum. Vide *Jampileris*.

Tom. III.

G g

GIAM-

GIAMPAULUS Ager est in Messanensi aquilonari ditione Ducatus honore clarus, ad *Marullos* dudum spectans. Hodie eo titulo fruuntur Paternionii proceres Catanenses, qui Carcasis Duces commutato nomine audiunt.

GIARRE 'Mascalis est municipium in Regia occurrens via, qua Messanam contenditur a Neti Valle. Parochialis ædes S. Josepho sacra sub Sacerdote *Curato*. Ejus est vicus S. Leonardus cum Ecclesia in eodem Regio itinere. Census larium, & incolarum cum Mascall venit; ob loci enim opportunitatem in dies augetur.

GIBILMANNA, *Mons Manna*, Cephalædi urbi circa occasum hibernum imminens, in cujus clivo Ecclesia Deiparæ Virgini sacra, cum amplo Minorum, quos Capuccinos vocant, Cœnobio. Prioratus titulo anno mcccxxviii. Harduinus Cephalædenſis Pontifex illam ornatam voluit, ac S. Augustini Regularibus Canonicis in Cathedrali constitutis conferre successores Episcopis consuevere; Conventus autem fundatio in annum mclxvi. incidit, cujus ab urbe distantia pass. m. circiter iv. computatur. Memorat Pirrus Virginis in pariete depictæ iconem, veteribus præcipuo honore cultam; sed ejusdem e marmore simulacrum hodie Siculi penè omnes in summa habent ob acceptas gratias, ac beneficia collata, veneratione. Concludit idem Pirrus, Cœnobium hoc matrem fuisse fecundissimam, unde fratres optimi, & vitæ exemplo eximii semper florere; quos inter Fileonem Drepanensem celebrat, apud omnes nomen magnæ probitatis adeptum, ac miris a Deo prodigiis illustratum.

GIBISUS Opidum ad aquilonem. Vide *Gypsum*.

GITALA Opidum. Consule *Itala*.

GIO-

GIOJUSA Opidum, aliter *Jojusa*, de qua inferius.

GOLESANUM Opidum, *Colesanum*, cujus jam memini.

GONSAGA Castellum ad Messanæ urbis præsidium, in prominenti colle, qui hiberno ejusdem respondet occasui, ad pass. ccc. variis operibus munitum, quadrato schemate assurgens, primus anno mxxi. Ferrantes *Gonsaga* Siciliæ prorex, Carolo V. Cæsare, ac Siciliæ Rege, instituit.

GRANITIS Opidum sub Tauromenio ad occasum, ex cujus municipiis olim erat, in fluentis alveo, vulgo *Flumara*, a Gaggi haud procul sedet. Major sacra ædes, & parochialis S. Basilio dicata, nuper fidelium eleemosynis resecta, elegantis est operis. Patrono glorientur opidani S. Sebastiano Mart: Pastorem Messanæ Archiepiscopum, qui Sacerdoti curam committit animarum, temporalem verò dominum S. Isidori Marchionem recognoscunt; a Regiis enim Consularibus Ærario publico præfectis emit *Garfias Mastrillus* anno mdcxxxix. aureis vii. supra x. n. solutis, ac Marchionatus insuper titulum, e Tortorici translatus, exoravit. *Garfia*, & Lucretiæ Cælestis filius *Dominicus* ex Regni xii. Viris, & Panormi Justitarius fuit, genuitque cum Flavia Lancea *Garfiam* II. & *Mariam*. Ille Dominicum unigenitum ante se mortuum vidit; *Maria Didaci de Castiglia* conjux effecta *Petrum* procreavit, Maritiæ Paternioniæ Asmundo copulatum. Unde *Didacus* II. Granitis hodie Marchio. Lucas Barberius in *Capibrevio Adernitim*, seu *Granitim* inducit inter Tauromenium, & Francam Villam situm Casale, juris olim *Francisci Vacca* cui *Nicolaus* filius successit. Hic *Henrico* Rubeo Aydonis dynastæ donavit, usufructu sibi reservato. Ex

Tom III.

G g 2

Rubeis

Rubeis ad *Nicolaum Castagna* mcccxxii. devenit, ejusque hæredibus cessit, ad *Fridericum* usque de *Pollicino*, qui *Jacobo Balsamo*, accepto pretio, mcccxcviii. assignavit.

Computabantur *Granitis* lares mcccii. Christi anno 1290. animæ 1105. Hodie illi sunt 280. ac in censu hujus sæculi incolæ 917. novissimè verò 1227. describuntur. *Tauromenii* *Comarchia* clauditur, & ejusdem *Instructori*, quo ad *Militiæ* munia paret. Ager ferax, oleas, & moros nutrit, nec rebus aliis ad vitam necessariis indiget. Latitudinis est ejusdem cum *Tauromenio*, longitudine xxxix. attingit. *Granitis* fluvius in *Rogerii* Regis literis de anno mxcvii. & opidum memorantur.

GRATTERIS Opidum post *Cephalædium* in occasum, *Sarracenici* nominis, uti reor; sed ex *Pirro*, aliisque a *Cratere* ob stillantem aquam celebre dictum. *Cryptas* enim in ejus agro limpidissimos latices fundentes passim indicant, & crateres insuper, in quibus aquæ, mire purgantes alvum, proveniunt, voce vulgari a *Bayhuto* appellatæ. Extat *Gratteris* memoria *Northmannorum* ævo; in diplomate enim *Adelasæ* *Comitissæ*, *Panormitanæ Ecclesiæ* immunitates confirmantis, mxcii. subscribit *Villelmus de Gratterio*. Quem opidi dominum fuisse subdubito; veteres enim a dynastiis, quas assequebantur, cognomen assumebant. *Friderico I. Cæsare*, & *Siciliæ Rege Giliberto de Monteforte*, *Petraliæ Comes*, & *Gratteris* dominus memoratur, ejusdem Principis *Senescalcus*, qui cum *Isabella Comitissa* conjugio sociatus vixit. *Manfredus Friderici filius*, ac post ejus mortem *Siciliæ Bajulus*, legatas a *Patre Panormitanæ Ecclesiæ* auri uncias d. in ædificiorum reparatione expendendas, commutavit, eique

que *Castrum Afinelli*, & *Castrum Gratteræ* attribuit
 mcl. Vigintimillis proceribus subinde cessit, sed ex iis
Franciscus, hujus nominis primus, Petro II. insensus
 ana cum vita, aliisque bonis amisit. Receptus in sui
 Principis gratiam *Franciscus* II. patris dynastias asse-
 cutus, *Antonio* altero ex filiis cum *Colefano Gratter-*
rim designavit; hic verò moriens *Franciscum* III. ex
 prima uxore *Margarita* Peralta susceptum, sibi pa-
 rum obsequentem, hereditate privavit. Verum *Franc-*
ciscus armis jura sua tuenda suscepit, mox legis re-
 mediis; in judicio tamen, quum causa suspensa re-
 mansisset, nonnisi in *Gratteris* possessionem inductus
 est. Hujus successores mox infra habebis.

Princeps ædes *Gratteris* parochialis Archangelo
 Michaeli sacra est, sub Sacerdote Curato, seu Cepha-
 lædensis Episcopi, cujus est Diœcesis, Vicario. Altera
 sub Deiparæ titulo sacramentis etiam administrandis
 deputatur, quæ an vetus illa S. Mariæ Ecclesia sit,
 quam *Gilibertus* de Monforte opidi dominus, eidem
 Cephalæditano Pontifici attribuit, incertum ha-
 beo. Filiales denique xii. enumerantur. Minoritanis
 primæ Custodiæ, seu Conventualibus extra opidum,
 pervetustum cœnobium S. Mariæ de Jesu nomine de-
 signatum, in quo perfectioris vitæ rudimenta fecit
Sebastianus a Gratteris Sacerdos, qui ad Capuccinos
 transit, uti reponam; sed longè insignius S. Georgii
 Monasterium effulsit sub ordine Præmonstratensi pri-
 mum, nunc equestris S. Joannis militiæ domus. Illud
 extruxit, ac dotavit *Rogerus* Dux, primogenitus *Rog-*
gerii Regis, anno circiter mcl. uti *Tancredus* Rex
 Ducis ejusdem filius in suo testatur diplomate mxc.
Lucius subinde Rom: Pont: hujus nominis III. sub A-
 postolica protectione mclxxxii. suscepit, & præcessoris
 sui

sui Innocentii II. confirmationem innovatam voluit. Martinus denique, uti juris Patronatus Regii, Benedicto de Ginestra Canonico Regulari commendavit.

Sedet *Gratteris* Baro in Comitibus loco ix. mero & mixto gaudet imperio, uti dicunt, & Magistratus designat. Sub Comarchia Thermarum, ejusdemque urbis Instructoris præfectura degunt opidani, quorum pedites xxv. sub signis merebant. Sub Carolo V. foci 597. censi sunt; sequentis vero sæculi medio non levi jactura in focis 384. incolæ 1357. computati. Nostra ætate lares 333. animæ 1094. & novissimè 1357. descriptæ. In agro, uti innui, salubres aperiuntur fontes, & Beryllus lapis non infrequens occurrit. Fruges abunde proveniunt, oleæ, vites, arboreæque fructiferae colles vestiunt; nec pascua uberrima desunt, nec sylvæ opacæ, saltusque venationi aptissimi desiderantur. Isnelli fluvius *Gratteris* abluit fines, qui ponte haud procul ab incolis trahjicitur. Roccella arx, ad littoris custodiam subrigitur opportunè munita, de qua inferius. Longitudo denique ad gradum xxxviii. xlv. extenditur, latitudo xxxviii. vix excedit. Sebastianus Sacerdos Capuccinus *Gratteris* civis celebratur, cujus vita & mors, maximis illustrata prodigiis fertur, & frequenti Christi Domini, ejusque SS. Matris apparitione honorata. Obiit in Castello Bono MDLXXII.

Ad Dynastas redeo: *Francisco*, de quo dixi, & Eleonoræ de Prades *Joannes* successit MCCCCLIII. huic verò Franciscus IV. unde *Petrus*, qui anno MDXVI. vivebat, uti Lucas Barberius est testis. Post *Petrum Carolus*, quem elapsi sæculi initio excepit *Petrus* II. Patriæ Pater ob insignia in suos cives merita appellatus. Reliquos consule Tom: 2. ubi de S. Stephano de Bivona.

GRA-

GRAVINA Opidum, *Plache* aliter, ad montis *Ætnæ* radices, circa æstivum occasum, Catanæ v. pass. m. imminens, atque ex ejus olim municipiis. *Petram* hodie *Valguarneram* Affori Comitem dominum agnoscit, de cujus præcessoribus jam dixi Tom. II. & paullo superius Galermi dynastas enumerans; simul enim cum eo, emit a Regia Curia anno MDCXLVI. Hieronymus Gravina, & Principatus tessera condecoravit, *Plachis* vocabulo in *Gravinam* commutato. Princeps templum, quod adeuntibus opidum occurrit in tumulo S. Antonio, Patavino sacrum unicum est parochiale, eique filiales Ecclesiæ v. obediunt; Cura autem animarum Catanensis Episcopi Vicario committitur, quarum census MDCXII. fuit 715. in laribus 175. Anno autem hujus sæculi XIII. lares 208. animæ 768. descriptæ; nuper demum 1122. computantur. Præcipua opidi Patrona S. Rosalia Virgo, cujus festum sollemne in primis habent incolæ. Utitur *Gravina* Princeps gladio, & in Comitibus votum XLVI. profert. Natales in eo habuit, Catanæ tamen a pueritia educatus, & Catanensis idcirco habitus, Augustinus Giuffrida Artium & Medicinæ professor, ac in Patriæ Academia earundem primarius interpret, & Archiater, quem satis celebrem opera cum ad Medicinam, & Philosophiam, tum ad poesim, & oratoriam spectantia typis edita produnt. Est Ager vineis perpetuo consitus, & fructus suavissimos uberrimè producit, morosque nutrit.

S. GREGORIUS Opidum in collibus Catanæ impendentibus, ad *Ætnæ* inferiores pertinens regiones, ejusdemque urbis dudum municipium, Ducis Castellii Acis, seu Massæ fascies hodie recognoscit. Parochialis Ecclesia. Sancto Pontifici cognomini sacra, duas habet filiales, Catanensis Episcopi Vicario subditas.

ditas. Sed nova hodie, & magnificentissima extruitur in area proxima, Immaculati Deiparę Conceptus nomine, ex piorum eleemosynis, cujus festum nuper summa frequentia, ingentique pompa die VIII. Septembris celebrari cepit. Lares elapso sæculo 136. opidani 556. Decurrente lares 118. incolę 561. novissime 635. descripti sunt.

S. GREGORIUS Opidulum, sub Gypso ad austrum in Regia via, post S. Rizzi collem, circa fluenti alveum, a vetusto cognomine Monasterio ordinis S. Basilii appellatum, lares habet 60. incolas in censu de anno MCCCXIII. 221. & nuperrimè 532. Subest Abbati, ac inter Messanę municipia ad aquilonem recensetur; ad Parochiam denique Archimandritę pertinet, ac binis filialibus Ecclesiis instruitur. Vicus haud procul dissitus *Casalottus* vocatur. S. Gregorii porro Monasterium Rogerium Comitem habuit anno circiter MXXIII. authorem, qui *Gypso* Sarracenorum pago, in clivo ad occidentem sito, deditibus se Barbaris, accepto, S. Basilii Mnnachos vocavit, quibus sedes, & Ecclesiám extruxit, agros circumpositos, ab agri Messanensis finibus, ad Mylas usque, & in Randatii præterea territorio S. Anastasię feudum concessit, ipsumque denique pagum attribuit. De primis Abbatibus memoria extat nulla. Eos Messanensis S. Salvatoris Archimandrita, cui Rogerius Rex nostrum post aliquot annos subdidit, initio designabat, illorumque postremus *Leontius Chrysaphius* Gręcis, ac Latinis literis eruditus, Basilianus Monachus, Eugenio IV. & Alphonso Regi gratissimus celebratur, qui ad Archimandritalem dignitatem evectus est. Joanni vero de *Campagno* primum commendatur Paulo II. Rom. Pont. volente, circa annum MCCCXLVI. Gaudet hodie

Emma,

Emmanuel Filingeri ex Comitibus S. Marci locum in publico Regni Consilio xxx. habens, & opidi Magistratus designans. Subest illi Monialium Deiparę Annunciatę apud Ramettam parthenon. Monachi Gręco ritu Divina celebrant officia, quibus Abbas Regularis pręest, & Commendatarius alimenta subministrat.

GRIPPARUM Casale in agro Messanenſi ad septentriones juris erat anno mcccxx. *Francisci Romę*; hinc *Raymundi* ejusdem filii. *Franciscus Spina* emit sub Ludovico, cujus filia *Raynaldo Lanca* nupsit; idcirco in Censu Martini Regis *Antonii & Francisci Lanca* mater illius domina dicitur. Habuit a *Lancis*, soluto pretio, *Ludovicus Spatafore* mcccxx. cujus hodie successores cum opido Martini possident.

GROSSUM Promontorium, ut vulgo appellant *Caput*, in Messanenſis australi littore, quod medium, penę inter Messanam, & Tauromenium in freto excurrentis, hiemali tempore fluctibus tunditur. Quod *Argenum* veteribus fuerit appellatum, non procedit, uti alibi adnotavi; nam S. Alexii *Argenum* est antiquorum.

GRUGNI Turris Specula in littore Cephalędenti, cam inter urbem, & vii. scopulos Fratrum.

GUALTERIS Opidum septentrionalibus Messanę municipiis accensum, quamvis ad æstivum ejusdem urbis occasum situ respondeat; in plano solo citæ fluminis alveum sedet, quod ejus perlambens oras Nucito se adjungit, solemque respicit ortivum. Major Ecclesię non inelegans, S. Nicolaum Mirensẽ Episcopum tutelarem recognoscit, ac minoribus sv. jurat. Carmelitis Fratribus Conventum dynastia, & civium pietas constituit a vi. jam sæculo supra x. ac Deiparę nomen illustrat. Lare in Censu hujus sæculi

275. opidani 844. ac novissimè 1077. numerantur. Gradus est longitudinis xxxix. v. latitudinis verò xxviii. xv. Clero Vicarius Archiepiscopi præest, eique animarum cura imminet; Civiles res dynastæ administri dirigunt. Quamvis enim, ex municipiis, uti innui, habeatur, proprios tamen dominos cum jure gladii, vel ab ipsis Suevorum Regum temporibus recognovit, quod mox videbis. Illustres denique Cives opidani enumerant Archangelum *Gualterium*, qui Minoritanis Observantibus sese adjungens, omnia Ordinis munia emensus, ad supremum Generalis Præfæcti gradum mdcvi. Toleti evehctus est. Hinc Philippi IV. beneficio, cui ob morum integritatem, ac mitissimum ingenium charus in primis evaserat, Montis Regalis Archiepiscopus renunciatus, longe majores virtutum radios emisit. Panormi inter suos decessit mdcxvii. Nobili epitaphio decoratus. Ejus cum laude meminere Pirrus; Lellus, Mongitore, Bonfilius, Maurus, qui suis Messanensibus accensent in Cieræ suburbio natum, quod adverti; Et Nicolaum Petrum Chilleum Sacerdotem, Poetam non contemnendum, de quo Mongitore.

Barberius *Musacham* Casale in Gualteris feudo memorat, quod a Cæsare Friderico Siciliae Rege, *Gaillielmo de Marino* (lego alibi Matthæum) speciali privilegio Spiræ mcccii. concessum dicitur, ob strenuè navatam illi operam in Germania, quo *Marinus* cum ipsomet Imperatore contenderat. Successit *Bartholomæus* abnepos, in Censu Friderici II. anno circiter mcccxx. *Bartuccius* appellatus, quem *Petrus* filius excepit; unde *Matthæus Marinus*, de *Tornellis* etiam dictus, Martini ævo mcccxcix. inter Barones enumeratus; hinc *Odoardus* illius nepos in Censu ejusdem Regis

Regis adnotatur; ex quo *Petrus* ab Alphonso Rege confirmatus mccccxi. cum clausula juris Francorum, pater *Odoardi II. & Andreottæ*; hic enim post fratrem sine prole defunctum *Gualteris* iniit possessionem, tenebatque ex eodem Barberio mxx. Inter *Andreottæ* successores *Constantinus* Prothonotarii, & Tripis etiam Baro effulsit, jugali vinculo Violantæ Campaguz sociatus, quorum filius *Dominicus Gualteris* Dux Philippi IV. rescripto mdcxxv. evasit. *Franciscus* ex eo progenitus cum Anna Grassæo ex Partanæ Principibus *Elisabethæ* pater effectus est. Huic *Gaspas* avunculus litem intendit, ob vinculum ab Alphonso appositum, & anno mdcxxviii. in iudicio obtinuit. A cuius morte sine filiis, *Elisabetha* in possessionem inducta, *Dominico Grassæo* Partanæ Principi, conjugii dynastias assignavit; unde *Benedictus* Joannæ Filingeriæ adjunctus, *Hieronymus* ex his procreatus, xii. Regni Vir, Pannormi Prætor, Caroli VI. Cæsaris Aulicus, Lauræ de Gruz maritus, ad annum mdcxxix. vixit, post quem *Benedictus Maria Grassæus* primogenitus suffectus est Partanæ Princeps, Ciminæ, & *Gualteris* Dux. Fulget S. Joannis Eques, uxoremque accepit Pellegram Statellam, ex qua Hieronymum tulit. *Gualteris* ager oleis, ac moris, vinetis, frugibusque abundè dominis respondet, colonosque ditat. Ferunt olim de parochia S. Luciz opidum fuisse.

GUARDIA Joysæ Vicus. Vide *Joysa*.

GUARDIA Opidulum olim, in quo diu Eleonora Regina, Friderici II. uxor vixit; unde ad proximum S. Nicolai de Arena Benedictinum Cœnobium, uti Divinis rebus vacaret, sæpissime remeabat. Ætne incendiis majori ex parte vastatum, nunc reliquias ostentat, præque aliis Cisternam a Regina appellatam.

GUELPHONIA Arx, olim maxima, ac Regia Messanenſis, vulgo *Matagryphonis Caſtellum*, urbi ad occaſum impendens, operibus, ſed ad veteris architectonicæ leges inſtructa. Vetuſtiſſimæ creditur originis, Pœniſque in Sicilia bella gerentibus extabat, uti ex Polybio colligunt. Ciſternam oſtendunt antiquam, cum variis e marmore ornamentis, ſuperſtitioſas gentilium fabulas exprimentibus. Hanc Arcem ſuo incolatu Aragonenſes Reges, ac præ cæteris Conſtantia Regina Petri uxor, nobilitarunt.

GUIDOMANDRIS Opidulum, *Oleomandris* vulgo, ſupra Freti oram ad australes Meſſanenſis ditionis plagas, iv. circiter lapide ab urbe, cujus dynaſta in Regni Comitibus loco xxii. aſſidet. Major Parochialis ædes Deiparæ Annunciatæ addiſta ſub Sacerdote Curato, aliam habet filialem; ad littus vero cum aliquot focis S. Mariæ de Laureto aſſurgit Eccleſia. Totius porro opidi lares deſcripti ſunt elapſo ſæculo 83. incolæ 336. hodie illi 78. animæ 392. in cenſu veniunt. Ad Scalettæ Principes dominium ſpectat civile, abſque gladii uſu; Spiritualia verò jura Meſſanæ Archiepiſcopo committuntur. Obnoxium quippe cum Artalia ex parte, domui hoſpitali S. Joannis Jeruſolymitani quum eſſet, *Salimbenius Marebiſus*, Scalettæ dominus, Schitrini feudum in agro Paternionis Joannitis attribuit, ipſe ſibi integra Caſalia vindicavit. *Claramontanis* fuiſſe ſubjectum prodit Barberius; hinc ſub Martino Rege *Nicolaum de Paſſis* cum Scalettæ Præſectura tenuiſſe lego, uti de Scaletta loquens reponam.

GURRIDA Lacus in Randatii agro, ambitu ſtadia penè iv. in circuitu patens, fluentum excipit ejuſdem nominis, ipſe verò per occultos meatus alibi aquas ſuas deponit, atque, uti credunt, Catanam uſque

que subterlabitur, ibique Amenanum gignit: *Gurrido*, inquit Maurolycus, *Sic: Rer: lib: 1. fluxius est in Randaio, qui ibi absorptus, in Catanensi urbe subterlabitur*. Lacus porro æstivo tempore evanescere magna ex parte videtur, quumque aquis exuberat, Amenanus Catanzæ ruptis venis exundat, uti sæpissimè mea etiam ætate observatum. Quod alibi in *Catana Illustrate* fuscè expendi.

GYPSUM, Opidum olim Sarracenicum iv. pass. n. a Messana in septentriones disjunctum, a Rogerio Comite strenuè occupatum in protenso dorso, Siculo ore *Sirro*, sedet. Ex municipiis est Messanensibus, ac post S. Rizzi juga occurrit, occasum versus, subjectumque littus aquilonare habet. Arx vetusta faciscens ad austrum surgit; Parochialis Ecclesia S. Antonii titulo, medium penè occupans opidi, sub Sacerdote *Curate* animarum curam habente, Archimandritæ cum reliquis iv. minoribus subditur. S. Francisci de Paula Conventus ab anno mcccxxxiii. ortum recognoscit, ac decentibus instruitur ædificiis. Extra Capuecini degunt, mccccxiv. huc vocati, habentque instituto aptissimum coenobium. Lares præsentis sæculo 301. animæ sub Sabaudiz Duce 1145. sed nuper 998. descriptæ sunt, elapsis autem sæculis *Gypsi* census apparet nullus. Jus gladii illius administri non habent; hos enim uti dominus temporalis Abbas S. Gregorii deligit, de quò actum. Philippus a *Gypso* S. Francisci de Paula alumnus vitæ innocentia, & sanctimoniz clarus, variisque a Deo prodigiis illustratus, patriæ decorem conciliat. Ager juxta soli naturam, oleas, vires, morosque abunde sufficit; fruges quæ incolis sat sunt, ferre solet, & illorum laboribus respondet.

HA.



ADRANUM Opidum. Consule *Adranum*.

HALÆSA Opidum. Vide *Alga*.

HALUNTIUM Opidum. Vide *Aluntium*.

HELICON, Fluvius Oliveris. Ex fonte Pulvirello pass. m. v. supra Montem Albanum, ejus est prima

origo; augeturque fontis Largimufci aquis, quæ m. pass. m. ab eodem opido exurgunt; confluxus autem amborum amnium est, ubi ædes sunt Regiæ a Friderico II. ad sedandam olim podagram, juxta Villanovensis Medici consilium, extructæ; amnis itaque ex his coalescens, dilapsus ad dexteram Montem Albanum relinquit, ac sub opido molas volvit triticeas, subindeque alia sibi adiungens fluentia ex vicinorum collium jugis, vallibusque decurrentia, *Oliverim* arcem præfluit, cujus suscepto nomine, in mare sese statim exonerat. Ptolemæus post Tyndaridem Heliconis ostium rectè locat: *Tyndarium, Heliconis fluminis ostium, Myle* &c. Est porro a Ptolemæo præ aliis celebratus, quia omnium hoc littoris tractu maximus; trahjicitur autem lapideo ponte haud procul ab ora.

HEPHÆSTIADES Insulæ, idest *Vulcania*, Vulcanus enim Græcis *Ephæstor*. Vide *Lipara*.

HERACLEOTES Insula, *Basiluzzus* vulgo, Latinis *Herculis*, de qua jam dixi.

HERÆI Montes, unde Chrysam oriri tradit Vibius. Fazellus *Aereos* perperam appellavit, ab altitudine id montibus vocabulum appictum credens. Cluverius *Junonios* dicit ab Junone, quæ *Hera* est Græcis nominata. Diodoro describuntur lib. 14. his verbis: *Sunt*

in

in Sicilia *Herai Montes*, quos amenitate, natura, ac
 situ peculiari ad recreationem, & voluptatem æstivam
 perquam opportunos esse dicunt; multos quippe fontes
 habent, aquarum dulcedine præstantes; arboribus omnis
 generis referti. Magnarum ibi quercuum copia est,
 quæ eximia magnitudinis fructum, duploque majorem,
 & copiosorem alibi terrarum nascentibus producant.
 Hortensi quoque fructu abundans, & vites ibi sponte
 proveniant, malorumque ingens est ubertas..... In hac
 regione convallis quedam arborum, Divinum habens
 decorem, & dicatus Nymphis locus existit. Ibi Daphnæ
 Mercurio nymphæque genitum esse produnt, cui lan-
 vorum illis multitudo, ac densitas nomen peperit. Hæc
 Diodorus, qui eos sibi minime visu compertos affir-
 mat; Nam opportunos ad voluptates æstivas dici ab
 aliis, testatur. Non unus porro tantum esse montis vè-
 tex colligitur, qualis est *Ætna*, vel *Eryx*, vel *Ercta*,
 uti Cluverius advertit; qui ingentem *Heræos* occupa-
 re terrarum tractum longe, lateque diffusum prodit,
 ab opido *Platia*, ubi fontes *Gelæ*, ad *Noaram*, inter
Tauromenium, & *Pactas*, ubi *Neptunio*, seu *Peloro*
Heræi conjunguntur. Verumenim vero & si *Heræos*
 juga habuisse complura, vallesque non inficior, tam
 longe, ac late extensos, atque ad 2. circiter pass. m.
 tractum occupasse, ex Diodori verbis neutiquam col-
 ligo. Quis enim dixerit Carthaginensium exercitum,
 qui fame laborans Heræorum fructuum copia est re-
 creatus, licet tot inter millia profusa, exhausta non
 fuerit, uti idem Diodorus scribit, quis inquam puta-
 verit dispersum adeo, tot diffitis in locis confedisse
 bello ingruente? Mons igitur multis se subrigens jugis,
 vallesque in se continens, licet fuerit *Heræos*, adeo
 ut plurium nomine illum Diodorus vocaverit; nimis
 incon-

incongrue insulam penè mediam occupasse creditur. Quod si Nebrodi, seu Maroni, hodie Madunia, est vertex multiplex, vallisque in centro amplissima, fontibus, quercetis, platanis, arboribus, aliisque deliciis referta, cur alibi *Hera*i montes quarantur, satis non dispicio. De Nebrode infra.

Scio præter expensam Cluverii opinionem alias, esse scriptorum, de horum collium situ sententias. Fazellus enim *Montiferos* inter Troynam, & S. Philadelphum surgentes colles, *Heraos* olim denominatos affirmat; & congruit aliquantulum appellatio, neque naturæ dotes ab Diodoro descriptæ in illis desiderantur. *Montes Lissa* ad Ragusiam amenissimos, & fertilitate præcipuos Carassia, Ragusa, Mazara, Notus, & Bonannus, aliique pro veterum *Herais* evulgant. Hinc Hybla Heræa prope stabat. Vigintimillius Vibii Sequensii autoritate motus *Artifinum*, unde Chrysas flavius ex *Herais* unum esse substat. Bagolinus in *Bonifato* monte supra Alcamum recognoscit; Archangelus denique, & Carrera Diodori textum insulse corrigunt, *Aincofque* montes, non *Heraos* esse appellandos tradunt. Tot inter discrepantium placita, meum certo certius præferre iudicium non audeo, sed animus ad *Nebrodem* inclinatur, quem integro die illustravi, *Heraosque* in eo mihi objectos, uti conjecturæ suadebant, putavi: Himeræ amnis, fontes in eo habet; Poetis aliunde Daphnoidis mors in *Herais* educati, ab Himeræ Nymphis defleta effingitur, veluti Pastoris propinqui. De his alibi fusè scriptum.

HERBITA Urbs vetus a Fazello, & aliis ab Aydone haud procul, loco, quem hodie appellant Cittadella, sita vulgatur. Ultra Nicosiam aquilonem versus Ego alibi statui, ubi prostrata urbis cadaver adhuc

adhuc ex reliquiis videtur, & Casalini nomine venit. Ex ejus hinc ruinis Nicosiam crevisse tradunt Cluverius, Aretius, & Cajetanus, a quibus non longè S. Mariae de Gratia, vulgo de *Vaccara* ruralis hodie Ecclesia diffidet, ad *Herbitam* spectans, ubi Ordinis S. Benedicti fuisse Cenobium tradunt. Cluverii verba retuli in notis ad Fazellum, quibus clarissimè evincitur, *Herbitam* prope Nicosiam stetisse. Ex ea deductas fuisse colonias Diodorus affirmat lib: 12. & 14. sub Archonide *Herbita* Praefecto, conditasque in aquilonari littore Alasam, & Calactam, cui postremæ Duceus etiam Siculorum Rex manus adjutrices admovit. Constat autem inter Nicosiam, & Alasam, Calactamque nonnisi xxx. pass. m. intercedere, nullo alio occurrente opido; facile hinc fuisse *Herbitensibus* colonias suas maritimas tueri. Contra si ad Aydonem locaveris, Centuripinorum, Agyrensiū, vel denique Ennensium, celebrium tunc civitatum permeandi *Herbitensibus* fuissent fines, ut ad Calactam, Alasamque contenderent.

Cæterò florentem, lateque imperitatem Civitatem *Herbitam* satis illud evincit, quod ab Dionysio potentissimo Syracusarum tyranno expugnari nequiverit. Diodorus eodem lib: 14. *Castris inde*, ab Enna scilicet, *promotis*, *Herbitensium urbem oppugnare aggressus est; sed quum res non succederet, pace cum illis inita, copias adversus Catanam duxit.* Nec multo post: Archonides, *Herbita Praefectus*, postea quam populum *Herbitensium pacem cum Dionysio firmaverat, novæ urbi condendæ animum adjecit; Mercenarios quippe complures habebat, & promiscuam in urbe turbam, quæ belli Dionysiani metu eo confluxerat.* Tyndaritanis præterea populis, tunc longe inter Siculas, pol-

lentibus, eodem Diodoro teste, fœdera conjunxit. Hinc Ephoro, Stephano, Ptolemæo, Plinio, & Ciceroni præter Diodorum celebratur; quamvis ex his Ptolemæus inter Agryrium, & Leontinos, sive inter Centuripas, & Menas illius situm decernens, Maurolyco, Fazello, Pirro, & aliis imposuerit, uti *Herbitam* ad Aydonem, ubi *Citadella*, collocarent; quod superius innui. Cicero autem Verr: 2. 3. 4. & 5. *Herbitenses* laudat, eorumque agrum Prætoris avaritia vastatum, cum alijs conterminis Alæsino scilicet, Cephalæditano, Thermensi, Amastratino, & Tyndaritano dicit. Celebritatem denique maximè illis indicat verbis: *Videmus Herbitensis Civitas honesta, & copiosa, quemadmodum spoliata ab isto, & vexata sit.* Philinumque illius civem eloquentia, & nobilitate insignem memorat. Perstitit Christianis temporibus, atque ex illa ortum habuisse S. Leonem II. Pontificem Maximum passim tradunt. Quo porro fuerit ævo excisa latet; nisi Paulo Diacono deferre velimus, qui *Herbitam* a Sarracenis an: dccc. disiectam, una cum præcipuis Mediterraneis insulæ opidis evulgat.

HICESIA Insula una ex *Æolicis* a Ptolemæo, sed ultra vii. enumerata. Hæc nulla alia creditur. Cluverio, quæ vulgo nunc vocatur *Panaria*

HIERA Insula ex vii. *Æoliis*, *Vulcania* aliter, eo quod Vulcano Sacra fuerit, *Hiera* Græcis appellata: Pomponius Sabinus in 1. lib. *Æneid: Therastia postea Hiera, quia Sacra Vulcano, colle in ea nocturnas exomente flummas.* Mela lib: 2. cap: 7. *Circa Siciliam insulæ vii. quas Æoli appellant. Osteades, Lipara, Didyme, Phœnicusa, Ericusa, Hiera, & Strongyle.* Isidorus Orig: lib: 13. cap: 6. *Æolias enumerans: Primam Liparas quidem Liparus vocavit; Altera*

tera Hiera vocatur, quod sit collibus eminentissimis; Idest, uti apud Solinum rectius habetur: Hiera Vulcani insula, quod eminentissimis collibus ardeat. Eustathius in Odyssi lib: 10. Æolia, in qua sunt Æoli regia, Strongyle, Didyme, Hiera, Lipara. Marcianus denique. Insula vii. quas vocant Æoli, quarum una haud abs re dicitur Hiera; ardentes quippe ex ea apparent ignes. Hiera hæc nostra altera ab illa, quæ hodie Maritimus, contra Drepanum jacet.

HIERACIS Opidum *Jeracium* aliter, & Siculis *Giracis*, a Græca dictione *Jerax*, quæ Latinis *Vultur* sonat, appellatum, quod ibi forte vultures nidificent; in prærupti undique collis vertice situm post Engyum, circa extremos Nebrodis montis tumulos ad ortum, & septentriones exurgit; Comitatus olim tessera clarum, primumque præ aliis, novo ad ea usque tempora in Sicilia titulo, Marchionatus honore ob ingentia Joannis Vigintimillii merita donatum. Arx in supremo clivo ad hibernum occasum subrigitur satis ampla, natura, & arte dudum munitissima; Mœnia circum, & porta ad orientem vel maximè æstivum vigent, quâ plaga aliis collibus adjunctum opidum facilioris est aditus; Quod autem Rogerium Comitem arx habuerit conditorem, opusque ejus turrim saltem fuerit, mox audies. S. Bartholomæi Apostoli Ecclesia unica est parochialis, sedetque loco conspicuo cum communi Sacerdotum cœtu, cui Archipresbyter præest, ac aliæ x. minores subduntur. Pro sacris Viginibus claustra sub Benedictina regula intra pomerium spectantur; extra in proxima mœnibus area Augustinienſibus Centuripinæ Congregationis, elapsi sæculi initio, S. Bartholomæi datum est Templum, in cujus meridionali pariete locus angustissimus ostenditur

cum tabella, in quo celebris Francisci I. Comitis exuviae conduntur; Minoribus Capuccinis in una valle prope fluminis fontes ad occasum æstivum ab anno MDLXXXIX. Cenobium designatur. Domus denique Hospitalis in opido pauperes excipit infirmos, & peregrinos

Hieracim Messanenſis Dioceſis, Politii Comarchia, & Militaris S. Philadelphi præfectura comprehendit, cui equites v. pedites xlii. *Hieracenses* inserviebant. Lares numerabantur sub Carolo V. 977. incolæ 3125. Sequentis sæculi medio foci 860. capita 3219. Anno mcccxxiii. in foci 807. opidani descripti sunt 2732. nuper 3010. Ejus Dynasta Primum *Dei Gratia* Italiæ Comitem, & Siciliæ Marchionem se nominat. Et dudum quidem unicus inter insulæ proceres eo titulo gloriabatur; in publicis hinc tabulis, ac diplomatibus Comites omnes Siculi, & Marchio, *Hieracensis* videlicet, quum mandata essent Regis indicenda, vocabantur, uti in Regni Capitulis fit palam. Ager amplissimus, si ditionem Marchionatus universam spectaveris, patet; commendatur autem ab oletis, vineis, sylvisque fraxineis, ubi gummis Manna provenit ubertissimè; a frugibus præterea, oleribus, atque arboribus fructiferis, quæ necessaria incolis sufficiunt; a nemoribus denique, & pascuis pecori gratissimis, quibus vervecēs nutriuntur, tota ea regione celeberrimi. Prioratus S. Mariæ de Cava, olimque Monasterium, eodem agro concluditur, pingui dote a Francisco II. Comite locupletatum; cujus hodie ad Marchiones spectat præsentatio. Illustravit patriam Joannes Maria *Hieracensis* ordinis Capuccinorum, qui graviores scientias suis tradidit, sed impensius virtutum studio incumbens, ab assiduo, ac pene non interrupto orandi exercitio, ac prudenti suorum regimine pri-

primariis in provincia muniis laudabiliter gestis, ac regularis demum observantiæ zelo, se commendavit. Nicosiq; nonagennario major, piissimè, uti vixerat, decessit MDCXL.

Sunt, qui *Hieracim* Trinaciæ successisse, vetustissimæ inter Siculas, ac præcipuæ urbi, autumantur. Nec Maurolycus abnuitt; Verumenim vero, quum Diodorus lib: 12. apertissime Trinaciam haud procul a Palica, Menisque constituere videatur, uti Tom: 1. auditum, non est quod illorum opinioni, hic deferam. An Græcos habuerit authores, seris tamen temporibus, antequam Sicilia Sarracenis cesserit, si nominis legitimum est etymon, non inani conjectura suspicari quis posset; sed certi aliquid promere non audeo. Ab Rogerio expugnatum opidum, magnaue vi subactum tradunt, ac *Serloni* fratris filio in clientelam datum, ob strenuam prope Ceramim sibi navatam operam, anno MXXXII. addito Comitit titulo, Siculi perhibent Annales. Bonfilius Sic: Hist: parte 1. lib: 4. alterum esse *Hieracium* in Calabria minime advertens, Robertum Ducem Rogerii Comitit fratrem ab *Hieracensibus* detentum ex Malaterra lib. 2. inducit, & ab Rogerio mox liberatum, quæ sanè de nostro nusquam Malaterra, promere somniavit. Quum porro *Serlo* per insidias a Sarracenis circumventus, mortem gloriôsè oppetisset cum suis, In rupe, ab ejus casu *Serlonis* appellata, hodieque de *Sarno* dicta, N. ejus uxor, Rodulphi Bajanensis Comitit filia, *Engelmaro* gregario militi, sed strenuo, Rogerii jussu cum *Hieracis* dote, nuptui datur. Verum non diu illo ab officiis recedente, Comes ad se opidum revocavit.

Engelmari defectionem idem Malaterra lib. 3. cap. 31. prolixè enarrat; paucis Ego illam referam. Quum apud *Hieracim* nuptiis sollemni pompa celebratis:

bratis, ubi Comes turrin firmaverat, domum munitam paulatim provehendo, *Engelmarus*, interdumque dissimulando in turrin fortissimam evexisset, civesque ad se alliciens, ac fœderibus interpositis amicitias cum illis jungens, Comiti in suspicionem venisset, mandat hic, ut ædium turrita fastigia demoliantur. Renuit Comes incolarum fîsus auxiliis; nec minus hi, quibus, ut turrin solo æquarent, captumque *Engelmarum* traderent, jussa dederat, obsequentes fuere. *Omne enim*, ait Historicus, *genus nostræ gentis illis inuisum erat, & magis discordias inter nostros, quam Pacem fieri expectabant*. Ex quibus eruo, tunc Sarracenos adhuc, majori ex parte *Hieracim* tenuisse. Admoto igitur exercitu opidum Rogerius præmit, quod opidani advertentes, a stulto proposito deficiunt; territusque *Engelmarus*, ne in Comitis manus incideret, clam discedens, profugit. *Uxor autem ejus ad misericordiam Comitis veniens, pia recordatione Nepotis, cujus uxor fuerat, salvois omnibus, quæ habebat, ad maritum conductum meruit*. Comes vero reconciliantibus *Gracis*, *Geracium* recepit. Quod turrin disjecerit, Historicus non prodit, firmare hinc nolim.

Tulerat *Serlo* filiam ex Coniuge, *Eliusam*; hanc igitur cum *Hieracensis* Comitatus dote *Rogério de Barnavilla*, Castrinovi domino, Comes uxorem designat, qui Raynaldo, & Rocca filiis cum ea procreatis Boemundi, & Tancredi socius effectus, in Palestinam ad sacrum properans bellum, ibi a Sarracenis occisus in S. Petri Antiochiæ xxxviii. sepultus mansit. *Rdynaldus* turbatis aliquando Siciliæ rebus, bonis expoliatur; mox vero *conciliantibus primoribus*, uti *Malaterra* loquitur, rursus *Hieraci* est donatus. Hic S. Mariæ de Palatiis cœnobium in agro Tusano conditum,

tum, Paſtenſi Monafterio conceſſit, ac ſine prole tandem mundo valedixit. *Hugo de Creone* Rogerii Regis conſanguineus, & familiaris *Hieracim* ex diplomate Troyne ſcripto accepit, quem *Guidonem* in aliorum ſcriptorum Genealogiis appellatum opinor, Comitem Imperialem, necnon ex uxore *N. Viginimillia*, eo nomine decoratum, exceptumque ab *Vaillielmo de Creone* filio, aliis *Vigintimillio* dicunt. Nupſit hic *Rocca Barnavilla* Rogerii, & *Eliuſæ* filix, ne ſcilicet Parentum, & fratris jure in *Hieracim* debito, hæc privaretur. Id conjugium diploma Agrigentinx Eccleſiæ anno mxxiii. exarato prodit, ubi ſubſcribit: *Rocca Rogerii de Barnavilla filia, quondam uxor Voillelmi de Creon cum filio meo Rogerio*; apud Pirrum lib: 3. Not: 3. Igitur *Rogerus Creonenſis* aliquando, & *Hieracis* Comes inſuper vocatus, ille eſt, qui audita Meſſanenſium defectione, & ipſe a *Villelmo II.* deſcivit, opida ſua munit, Cephalædenſes in ſuas adduxit partes; mox vero in Regis, & Reginæ matris gratiam receptus, Regni curam geſſit, Falcando, Capicio, & Fazello memoratus. Ejus unica proles *Guerrera*, ſeu *Guarneria* Comitatus limites Henrici VI Cæſaris & Siciliæ Regis autoritate deſcribendos mxcv. curavit, ſacriſque vinculis *Alduino* generis præclariffimi viro adjuncta vixit.

Deduxit *Alduinus* genus ſuum ab Rege Langobardorum Deſiderio; Iſclæ majoris, & minoris, ac Procidæ inſularum dominus fuſſit, duasque ſcæminas ex *Guerrera* tulit, Regalem primogenitam, quæ in nupta deceſſit, & *Elisabetham*, uti ejus Teſtamento conſtat mcccxxii. quod authographum vidit Carolus Vigintimillius, Pirro teſte. Verum hic Carolo non conſulto, *Alduini*, & *Guerrera* filium obtrudit *Rogerium*,

rium, ex *Rogério Alduinam* II. huic demum *Elisabetham* successisse tradit. Quin *Rogerii Creonis* gesta *Rogério* nepoti appingens, quem ex *Guerrera* natum evulgat, hunc sub *Guillelmo* regni gubernaculo admotum etiam statuit; Matrem vero *Guerreram* sub *Henrico* effloruisse scribit. Denique lxx. annorum circiter spatio quinos Comites in medium profert: *Rogérium Roccæ* maritum, *Guerreram* *Alduini* uxorem, horum filium *Rogérium*, rursus alium *Alduinum* anno mcccxxii. fato functum, & *Elisabetham* hujus secundo loco genitam, quæ omnino incongrua videntur; ac verosimilius apparet, *Elisabetham* *Methæ*, & *Hieracis* Comitissam, ex *Alduino*, & *Guerrera*, uti innui, exortam, cum *Guillelmi* *Vigintimillii* filio *Henrico* thalamum anno mcca. circiter conscendisse. Hujus porro *Guillelmi* genus perperam quoque *Pirrus* exponit, uti *Rogérius* *Vigintimillius*, sub *Insensibilis* larvato nomine, pluribus ostendit in *Hieracensium Comitum Genealogia*.

Guillelmus enim Comes *Vigintimillius* *Januarius* oriundus, quem *Henrici* patrem *Pirrus* dicit, cum *Suevo* *Henrico* Cæsare in *Siciliam* delatus, *Irenem* *Lascaris* Imperatoris *Byzantini* filiam non ante annum mccclx. uxorem duxit, *Bzovio* authore num: 2. & *Bosio de Relig: Jerosol: par: 1. lib: 22.* aliisque. *Surita* *Irenem* eandem ex *Guillelmo* viduam tribus cum filiis foeminis in *Aragoniam* anno mcccxxv. concessisse testatur *Ann: Aragon: lib: 4. cap: 5. Tom: 1.* & rursus lib: 5. cap: 105. *Tom: 2. Foglietta*, *Justinianus*, & *Bizarrus* *Hif. Januen: patri a ejectum* eundem *Guillelmum* anno mccclii. produnt. Alius igitur *Guillelmus* *Vigintimillius* *Henrici* pater, *Elisabethæ* socer. *Raymundus* de *Sofiers* de *Antiq: Marsilien: cap: 66.* *Vigintimillium*

timillium in Sicilia progenitorem, Guillelmum Marfilia oriundum proponit Friderici II. Cæsaris & Siciliæ Regis Familiarem, nec abnuunt Joannes, & Rogerius ejusdem familiæ in *Genealogiis*. Michael de Platia, Paruta, Sanchetta, Zazzara, Maurolycus, & Siculi penè omnes Vigintimillios Siciliæ indigenas, atque ex Northmannis deduxisse originem veteri traditione innixi substant; laudatusque *Insensibilis*, quæ vulgo circumferuntur de xx. millibus Sarracenis in Nebrodis, seu Madoniæ jugis a Balduino, aut alio ex Northmannis dynastis, solis equitibus m. stipato, ingenti internecione deletis, unde prosapiæ cognomen adscitum, non improbat. Utut res sit, Guillelmi Vigintimillii mentio in Manfredi Regis diplomate, quo Fridericum Lanceam in Sicilia Vicarium suum deligit anno mcccviii. clarissime extat, & aliorum ejusdem gentis illustriæ monumenta per eadem tempora in Annalibus perseverant.

Octavus igitur a *Serlone*, si deferimus *Insensibili*, sed juxta Pirrum x. *Henricus Heiracis* Comes, uti Elisabethæ vir, a Manfredi Rege mcccviii. utriusque Petraliæ opida obtinuit, quæ de Comitatu idcirco *Hieracensi* evaserunt. Ejus ad annum ejusdem sæculi lxxvi. apud Villanum, & Suritam se offert memoria; Ajunt enim Manfredum præcipitanter adversus Andegavensem gessisse bellum, nec *Henricum Vigintimillium*, qui Siculis stipatus militibus suppetias illi ferebat, expectasse. Subdit Pirrus, quod uti Siculi exercitus Dux strenue *Henricus* contra Andegavensem pugnaverit, obiitque relictis filiis Alduino, & Francisco. Verum Nicolaus Specialis lib. 4. cap. 9. *Henricum* duriter Engyum ditionis suæ opidum obsedisse scribit, atque expugnatum solo æquasse, quod contra

ipsum; & Fridericum Regem defecisset, quod etiam Surita affirmat. Alduinus aliunde juxta Palinurum, ubi Jacobi Regis triremes naufragium sunt passę, ante mcccxxxix. perijt; superstes itaque filio Alduino Henricus fuit; Fridericus namque Jacobo fratri successit. Sed & *Insensibilis* totus est, ut evincat Franciscum Alduini filium fuisse. Henrico itaque *Franciscus* ex filio nepos successit, cunctaque Avi bona assecutus, summus Hierarcha evasit, & Ischię majoris, *Hieracisque* Comes est dictus. Hic vero Comitatus utraque Petralias, Engyum, Castellum Bonum, S. Maurum, Tusam, Castellucium, Gratterim, Caroniam, Sperlingam, Pitineum, Pollinam, S. Georgii Castrum, & Albiri, Rahalsuttanum, Belicem feuda, aliasque complectebatur dynastias. Constantiam Joannis Claromontani, Motyce Comitissę sororem habuit thalami sociam, cum qua ob sterilitatem, divortio celebrato mcccxxv. ad secundas cum Margharita de Cunsulo nuptias convolvavit; Ex eaque filios suscepit *Emmanuel* in *Hieracensi*, & *Franciscum* II. in Culesani Comitatu hæredes constitutos. Egregia illius gesta habes in Historiis, uti & infelicem exitum sub *Hieraci*, quem contra Petrum II. Regem opidum diu tutasset.

Perduellionis reo ab eodem Principe Francisco declarato, ac ejus filiis, Comitatus in Regiam potestatem devenit, atque Elisabethę Reginę pro dotis munere designatur; At ubi Ludovicus Petri filius fidem promeritaque *Francisci* senioris cognovisset, illius filios in gratiam receptos paternis bonis anno mcccxiv. donavit. *Emmanuel* autem, cui Hieracensis ditio, uti dixi obtigerat, sine prole decessit, hinc post eum *Franciscus* II. Michaeli de Platia *Franciscobellus* vocatus, sufficitur, qui Thermas, & Cephalędim urbes
a Fri-

a Friderico III. insuper impetravit, Isnellum emit,
& Roccellæ castrum ab Episcopo Cephædēsi con-
cessum tenuit. Gessit & ipse Siculæ Reipublicæ curam,
ac pietate insignis enituit; Copulavit sibi Elisabetham
Nicolai de Lauria filiam, ex qua filios, filiasque tulit,
Henricum præ ceteris in *Hieracensi* Comitatu succes-
sorem, & Antonium, cui Colefanum, utraq; Petra-
lias, Gratterim, Roccellam, Isnellum, Caroniam, Be-
licem, & Thermas reliquit. Ille ex prima uxore
Constantia Rubeæ prolem tulit nullam, quæ mortua,
ex secunda Bartholomæa Aragonia *Johannem* sortitus
est filium, cui adhuc infantulo Agatha de Prades
ex Jaymo orta, Martini Regis voluntate, fuit uxor
destinata.

Joannes bello, & pace clarissimus, primus *Hieratis* Marchio, Alphonſi Regis præſcripto mccccxl. Siciliæ iterum, Neapolis ſemel Prorex, Magnus Talaffiarcha, Montis Sarcii in Calabria Comes, aliſque titulis celeberrimus, ex Agatha *Antonium*, & Ferdinandum filios agnovit. Vixit ad ultimam ſenectutem, ſepultuſque in S. Franciſci Caſtelli Boni, digniſſimo ſepulchrali elogio eſt decoratus, quod exſcripſit in *Siciliæ Tabulis* Gualterius. Paterno ex teſtamento *Antonius* mccccxxxiii. Marchio renunciatus, cum Margari- ta de Claramonte conjuge *Henricum*, & Mariam genuit. Hæc Artali de Cardona cum dote Pitinei nupſit. *Henricus* Regni Vicarius, & Talaffiarcha eva- ſit, atque Eleonoram Petri Cardonæ Coſeſani Comi- tis ſororem thori ſociam habuit. Ob initum cum Pe- tro ſingulari certamen anno mccccxxxv. perduellis declaratus, boniſque exutus, apud Ferrariam exul oc- cubuit, cui filii *Philippus*, & *Simon* ſuperſtites fuer. *Philippus* in Ferdinandi Regis gratiam reſtitutus, Mar- chionatu,

chionatu, ceterisque paternis bonis MCCCXC. donatus, absque liberis mundo valedixit; ejus hinc frater minor *Simon* novo Principis diplomate MD. in Marchionatus possessionem immittitur. Fulsit Sicilię Prorex, ac post VII. cum uxore Elisabetha Moncata liberos procreatos, honoribus se sponte abdicavit, & Sacerdotio initiari voluit. Denique torrentis aquis sub Tauro-menio abortus, vitam amisit. Quem filius *Joannes* excepit MDXXVII. Elisabethę Moncatę, ex Aytonę in Hispania dynastis, conjugii vinculis adstrictus; unde *Simon* Messianę Strategus, Proregis in Valle Demana Vicarius, Marię Vigintimillię Ciminę, & Sperlingę dominę vir, & Carolus Nafi dominus. Simon; porro filium *Joannem* tulit, qui & ipse Messanensis Strategus, Proregis vices in Netina, & Mazarę Valle gessit; hinc Regni Pręses per triennium, rursusque ad annum claruit, & primus Castelli Boni Princeps est dictus. Nullam peperit illi prolem Anna Aragonia, Tagliavia, nec Dorotea Brancifortia altera uxor; Caroli idcirco filius *Joseph* ad dynastiam assequendam vocatus, ex Anna Antonia de Aragonia *Franciscum* suscepit, qui Regni XII. Vir, Tribunus equitum, Proregis non semel Vicarius fuit, & cum Maria Spadafora *Joannem* procreavit, Siculi equitatus supremum Imperatorem, Felicis Marchisę Scalettę Principis nuptias, & amplam adeptum hereditatem; necnon *Hieronymum*, qui sub elapsi sæculi exitum *Hieracis* Marchio evasit, uti reponam.

Joanni enim, & Felici jam laudatis filii obtigere *Franciscus Rodericus*, *Blasus*, ac *Rogerus*. Primus anno MDCLXXVI. a patris morte inauguratus, Catharinam Pignatellam uxorem sibi adscivit, ex qua *Joannem*, & *Hęctorem* est assecutus, puerilibus annis sublatus.

latos. *Blasius* Roderici filiam Felicem sibi adjunxit
 MDCXXXIX. sed satis mox concedens, fratrem *Rogeri-*
um hæredem reliquit. Huic se opposuit Felix, secun-
 dis nuptiis cum Urbano Barberino Palæstinensi Prin-
 cipi contractis, præferri postulans; Sed causâ Matri-
 tum usque delatâ, in supremo Italiæ Consilio *Blasii*
 favore sententia cessit. Verum hic pacis, & belli ar-
 tibus imbutus, eruditione, prudentia, aliisque virtu-
 tibus insignis, brevi etiam, conjuge nulla admissa, e
 vivis abiit. *Hieronymo* idcirco delatus, agnatiui vin-
 culi jure est Marchionatus. Ex eo, & Joanna Corvino
Franciscus MCCCVII. Marchio dictus, Hieronymæ Ca-
 therinæ de Joanne copulatus, quorum filius *Joannes*
 altero lustro Marchionatum assecutus, a Carolo VI.
 Cæsare Princeps S. Rom. Imperii, cum Celsitudinis
 titulo, & cudendi monetas facultate, suis in ditionibus
 privilegium anno MCCCXIII. obtinuit, Hispaniæ Ma-
 gnatibus Philippi V. rescripto, Equitibus SS. Annun-
 ciatæ Victoriæ Amedei Sabaudiz Ducis beneficio, &
 S. Januarii Caroli Regis nostri diplomate accensus;
 supremus denique Sæculi Consilii apud Regiam Cu-
 riam Præses MCCCXXXVII. adlectus, & a Consiliis in-
 super Status, ad annum MCCCXLVIII. omnibus ob mo-
 rum facilitatem, comitatemque non vulgarem, atque
 in Deum religione charus Neapoli vixit. Ubi & mor-
 tale exiit. Ex Livia Sanseverina, Bigsinani Principis
 filia, & Montis Miletii Principis vidua, *Aloysium*
Rogerium suscepit filium, qui paternas dignitates, &
 dynastias hodie tenet; improles tamen tum ex prima
 Maria Teresia Moncada, cum ex secunda uxore Ro-
 salia Romano-Columna in vivis agit. *Hieracis* longi-
 tudo grad: xxxviii. latitudo xxxvii. l. computatur.

HIPYRRA Fons. Consule *Ipyrra*.

JACIS



ACIS Opidum. Vide *Acis*.

JAMPILERIS Opidulum inter Messanæ municipia ad meridiem in valle situm, cujus est aspectus, orientem versus Regiæ viæ respondens. Major sacra ædes S. Nicolao Episcopo dicata cum æris campani turri eminet, & S. Brunonis minor

alia Ecclesia ad Cartusianos S. Stephani de Calabria spectans haud procul assurgit. Frequens est laribus 189. incolis hodie 754. qui in ultimo censu de anno MCCCXIII. fuerunt 685. Animarum cura Archiepiscopi Messanensis Vicario committitur. Ducatus tesseram, tulit Caroli II. beneficio *Ugo Pape* Christophori filius Regni Logothetæ. Illi ex uxore Camilla Montaperto filius obtigit *Joseph*, Primus Valdinæ Princeps; hinc *Dominicus* frater titulum MCCCXV. est assecutus, a cujus morte *Joseph* rursus *Jampilerii* Dux est appellatus, quem filius *Ignatius* excepit, hodie Logothetæ, vir clarissimus, integritate in exercendo munere nulli secundus.

JARDINI Statio sub Tauromenio ad austrum. Vide *Viridaria*.

IBISUM Opidum. Consule *Gypsum*.

ICESIA Insula inter Æolias a Ptolemæo enumerata. Vide *Hicessa*.

ILICIS Mons ad Ætnam spectans, circa meridiem, supra Viëgrandis opidum, nomen ab Illicibus invenit, quibus convestitur. Crater, seu Concha in supremo vertice iis vel maximè tota densissimè occupatur, ferisque, & avibus securum præbens perfugium venatoribus frequens est, & jucunda; Latera multa vite,

vite, & fructiferis arboribus consta, præcipua gignunt vina, & poma ubertim suppeditant. Anno mdcxxxv. quum Ætnæ incendium, quod describunt Carrera, & Guarneris, pass. x. circiter iv. supra hunc montem erupisset; id passim montis *Ilicis* vulgo adhuc hodie nuncupatur, sed hunc omnino intactum reliquit. *Massa Ilicem de Mandris*, seu de *Mandanici* appellari assermat.

INESSA Vetustissimum Opidum ad Ætnæ pedes situm, incertæ prorsus originis; quod Ætnæ subinde nomen, post Hieronis I. Syracusarum tyranni mortem, retulit. Consule *Ætnæ Opidum*.

S. JOANNES DE GALERMO. Consule *Galermus*.

S. JOANNES DE PUNCTA Opidum in Ætnæ montis australi latere pass. x. vii. Catanâ dissidens; cujus dudum erat municipium, in æquo sedet solo; Parochiali S. Joannis Evangelistæ templo insigne, dynastæ palatio, ampla præcipua via, & amœnissimo circum agro spectandum. *Massæ Comitibus*, *Acis Castelli Ducibus* hodie obnoxium, qui ab Regii *Ærarii* Consularibus anno mdcxvi. cum aliis casalibus, numeratâ pecuniâ obtinuerunt; ad Catanensem spectat dioecesim, & Comarchiam, focisque 267. incolis 2060. juxta censum de anno mdcxiii. conflatur, qui sunt novissimè 1529. computati. Sed in descriptione elapsi sæculares 226. capita 935. exhibuit. His est Patronus præcipuus S. Joannes Baptista. Ejus sunt vici, perstantes adhuc, alibi memorati, sed multo plures jacent, in quibus aliquot vetustatis monumenta occurrunt, & in regione præsertim a Doliis nuncupata, vulgo *Bottac-cie*, ubi cémentitium Doliorum opus; necnon sepulchra, ac varia ædificiorum cadavera sparsim mortalium olim frequentiam designantia. Ager inter
Cata-

Catanensium vineas enumeratur, quæ fecunditate nullis aliis terrarum tractibus decedunt. Vivit S. Mariæ de Eleemosyna Catanensis Collegialis Ecclesiæ Canonicus Joseph Recupero hoc in opido natus sacra, & profana eruditione apprime imbutus, cujus extat publici juris factum de Novissimo Ætnæ incendio, & Aquarum a summo vertice Vomitu opus; & brevi de Hieroglyphica Catanensi Columna, vulgo Obelisco, ac de S. Agathæ legitimis Latinis Actis dissertatio, typis jam paratæ prodibunt.

JOJUSA Opidum supra Pactas, *Giojusa de Guardia* vulgi voce appellatum. Condidit anno MCCCLXVI. *Vinciguerra Aragonius*; sed ob ejus filii *Bartholomæi* a Martino I. descitionem in Episcopi Pactensis possessionem devenit, qui soli directus erat dominus; & si Pirri ævo lis adhuc de titulo possessionis esse dicatur sub judice. Gaudet temperato aere, & jucundo circumpositæ regionis aspectu, ortumque, & austrum respicit; Præsulibus idcirco Pactensibus, qui decentissimas in eo ædes habent, veluti suburbanum esse videtur. Parochialis Ecclesia Archipresbyteri dignitate decorata, Beneficiales, uti appellant, xiii. hodie alit, licet Pirrus eorum numerum majorem prodat, & S. Nicolai Myræ Episcopi nomine, & patrocinio letatur, *cujus antiquitatem*, inquit idem Pirrus, *docet quedam adicula S. Nicolai de Monte*. Deiparæ de Gratia, aliter de Viridariis Ecclesiam, Oratorii S. Philippi Nerii Patres, ad iii. lapidis jactum ob opido piis exercitationibus frequentasse dudum ab an: mdcx. tradunt. ubi & Virginis marmoreum Signum miraculis clarum sollemni festivitatis pompa celebratum. *Sed hæc hodie Congregatio*, scribit Mongitore, in Additione ad Notæ v. Pact. Eccles. *extincta ex Synodo Matthæi*

*Matthæi Fatii; ibidemque constituti Clerici seculares
Vite Communis ab anno mdccl. Verum utroque eg-
tus perstare, & hunc postremum in S. Marię de Nive
Ecclesia coalescere accepi. Nuper quoque mdcxxiv.
S. Francisci Minores Conventuales cœnobium exci-
tarunt, pii Sacerdotis Coni Pisani divitiis adjuti, qui
in locum novum mense Octobri ejusdem anni illati
sunt. Duo præterea Parthenones, alter S. Annæ, alius
S. Joannis Baptistæ titulum referentes ad sacras sub
S. Benedicti regula, & ad pauperes Virgines foven-
das assurgunt. Domus insuper Hospitalis pro egeni-
infirmis corporis laborantibus, ac pro peregrinis
patet. Celebranturque denique SS. Salvatoris Ecclesia,
& in proximo vico S. Leonardi, ubi Sacramenta in-
colis præbentur.*

*Spektat Jojusa ad Comarchiam, & militarem Pa-
starum Præfecturam. Sub annum mdl. lares in Censu
venerunt 260. & ejusdem sæculi anno xciii. incolæ
descripti sunt 1347. Sequentis medio lares 593. opi-
dani 2679. Nostro hoc decurrente sub Victorio Ame-
deo foci 798. incolæ 2907. qui nuperrimè 3182. com-
putati. His jura dat Pactensis Episcopus etiam
in temporalibus, suos constituens administratos, quibus
hodie plenum imperium, idest gladii potestas non
competit. Et si Arnaldo Albertino mxxxvii. ac Bar-
tholomæo Sebastiano Episcopis id imperii, & Po-
testatis attributum Regia diplomata clarissimè affir-
ment. Agrum *Jojusensem* Vineę, Oleta, Mori occu-
pant ingenti copia; sed ficus alias inter arbores fru-
ctus dulcissimos progignentes in eo proveniunt, tota
Sicilia celebratos. Illustres Viri memorantur *Jojusen-
ses* Franciscus strictioris Observantię Minoritanus do-
ctrina, & eruditione insignis, qui Romæ Generali suo*

a secretis, & totius Ordinis Definitor fuit, de eo Tognoletus, & Mongitore. Petrus ejusdem instituti ingenii præstantia, perfunctis numeribus in provincia primariis, animique virtutibus clarus, quas in diuturna tyronum educatione abundè perfecit, & in libris ad illorum instructionem editis uberius protulit, uti laudati scriptores meminere.

JOVIS Mons prope Tyndaridem, inter Mylas & Pactas, Fazello celebratus.

IPYRRA Fons in Alasino olim agro, pluries in veteri tabula ad Alasam urbem, ejusque agrum spectante, memoratus. Habes hanc apud Gualterium exscriptam, & a Cluverio laudatam, qui, *Ipyrra* fons an is fuerit, de quo Solinus, & Fannius loquuntur, ac sub *Fontis Alasini* vocabulo jam supra egi, incertum se esse affirmat lib. 2. cap: 4.

ISNELLUS Opidum, *Afinellus* etiam appellatus, & in antiquis tabulis *Rocca Asini*, ad aquilonares Nebrodis montis imas radices, inter Colefanum, & Graterim, in leniter declivi tumulo sedet, fluenti cognominis aquis ablutus. Diocesi clauditur Cephalēdensi, ad cujus olim Ecclesiam spectabat ex Rogerii Regis largitione; Memoratur hinc sub titulo *Rocca Asini* in Alexandri III. diplomate, quo ejusdem Episcopatus bona, & Diocesis describitur cclxxi. & rursus in alio ejusdem Pontificis de anno mclxxviii eadem jura confirmantis. *Castri Afinelli* meminit quoque Manfredus Siciliæ Bijulus, uti mox dicam mcl. In literis demum Martini Regis mcccxcii. quibus Decimę Ecclesię designantur, *Afinellus* vocatur. Princeps opidi templum, & parochiale unicum, S. Nicolai nomine clarum, vetustatem redolet, cujus est Rector ab Episcopo destinatus, binis cum adiutoribus, & suffraganeis Ec-

Ecclesiæ xi. enumerantur. Minoritani Conventuales in S. Mariæ Magdalenæ ab anno MDLXXII. angustæ, ac tenui censu degunt; Fratres verò Prædicatores recesserunt. Hospitalis denique ædes S. Michaelis titulo, pauperibus ægrotis, ac peregrinis excipiendis constituta, videtur. Castrum in editiori situ ruinas hodie ostentat. Præfectum indigenæ militiæ Thermensem *Isnellus* recognoscit, & pedites XLII. illi suppeditabat, eandemque Thiermarum urbem uti Comarchiæ caput habet. Foci illi erant sub Carolo V. Cæsare 617. opidani, XCV. ejusdem sæculi anno 2513. Sequentis LII. anno foci 822. animæ 2867. Decurrente, in Sabaudic Ducis Censu lares 615. incolæ 1975. sunt descripti. Fertili gaudet agro oleis, ac vineis confito, nec frugibus ingrato; Saltus in eo, ac nemorosi colles venationem uberem reddunt, ac pascua pinguium armentis, gregibusque suppeditant; Ibi fontes fluminis cognominis, nec procul ab opido pons, quo illius ripæ adjunguntur. Gradus latitudinis, ac longitudinis perperam in Mappis adnotatur; est enim XXXVIII.

Episcopi Cephælædensis fascēs sub Northmannis cognovisse *Isnellum* passim tradunt. Manfredus autem Princeps, ac Regni Bajulus pro Conrado, Panormitanæ Ecclesiæ cum Gratteri opido *Isnelli* Castrum MCCI. concessit; quo pacto hinc Cephælædensis potestati obnoxium fuerit, & Regium subinde dominium subierit, non dispicio. *Nicolaus Abbas* sub Friderico II. tenebat cum Cephala, Ciminnæ. & aliis dynastiis, a quo *Isnellum* emit *Franciscus Viginimillius* Hieracis Comes. Hic filio *Antonio* cum Calesani Comitatu moriens assignavit, anno MCCXCII. At quum *Antonius* Martino I. insensû evasisset, Rex *Abboni Filingerio* dono dedit. *Abbo* non diu post resignavit, & S. Marci Comitatum

Tom. III.

L I 2

pro

pro *Isnello* obtinuit. Tunc *Antonio* restitutum opidum Barberius dicit, sed Castri præfecturam, vulgo *Castellanian*, *Arnaldo Sancta-Columba* Nobili Catalano attributam, ob ejus promerita, & impensa in Agrigentinae urbis recuperatione obsequia affirmat. Dedit Martinus *Arnaldi* favore literas cum Agrigenti 27. Novembris mcccxcviii. tum alias Citanæ 21. Augusti mcccvi. in quibus *Arnaldum* ob ductum nobilis gentis Vigintimillia uxorem *Isnellum* quoque assecutum fuisse innuitur; Cum Castri igitur Præfectura ex Regis liberalitate, opidi dominium ex dote *Arnaldo* cessit, qui filio *Arnao Guillelmo* reliquit ex illegitimo suscepto thoro. Fulsit *Arnaldus* Blanca Reginae Martini uxoris, primum familiaris, ejusque exercitus Dux cui tamen non diu post adversa intulit arma. Alias sibi mox vindicavit dynastias, & Panormi Justiciarius fuit. Jam *Guillelmus* clarus & ipse militaribus præfecturis in suæ ditionis opidis imperii ab Alphonso Rege potestate donatus est, duxitque uxorem Eleonoram Villaraud, ex Pritii dominis exortam; unde *Antonius* est natus, qui Raymundettae Vigintimillia thalami socius *Arnaldum* II. procreavit. Ex eo, & Elisabetha Campo *Antonius* II. Eleonora Vigintimillia Simonis Hieracis Marchionis filia vir, cujus nomen illorum primogenitus, & hæres tulit *Simon*, *Isnelli* Baro anno mxxlii. inauguratus. Hic in Thermarum arce diu relictus, Joanni de Farina suorum bonorum partem accepto pretio vendidit, Asprimontis scilicet, & Madoniae seuda. Uxoris autem Eleonora Agnello favore opido cessit. Hæc ideo *Isnelli* domina mdlxxvi. evasit, elapsisque duobus lustris, *Petro* filio resignavit. Alexandra Gucci sacris vinculis adjunctus *Petrus*, pater *Arnaldi* hujus nominis III. effectus est, qui ab illius morte

morte dynastiae possessionem affecutus, Comitis titulum ab Rege Philippo IV. anno mcccxxv. exoravit. Fuit ejus conjux Felix Dente, cum qua *Petrus* II. genuit ob revocatam Asprimontis, & Madonis dynastias de gente sua insigniter meritum. Ex eo, & Joana Columna *Ignatius* prodiit *Isuelli* Comes mcccxxvi. appellatus; unde *Petrus*, quo sine filiis decedente, *Gaspar* patruus obtinuit, ex Lucio natus, *Arnaldi* III. nepos. Hic prole etiam destitutus, ultimus ex *Santa-Columba* familia *Isuelli* Comes fuit. Post hunc *Josephus de Thermis* ex Joana *Santa-Columba* proveniens, laudati *Arnaldi* III. prima filia, in judicio obtinuit, excluso Ceramensi Principe, qui ex Alexandra II. filia ortum ducebat. ~~Habent *Isuelli* Comites~~ in publico Regni confessu locum xxii.

ITALA Opidum, a Messana xiv. pass. m. meridiem versus sejunctum, perantiquum, a nescio quo Atajia Italo fundatore, sicuti ineptè, nullo veteri suffragante scriptore, Bonfilius, & alii tradunt, ædificatum, in declivi sedet tumulo, prope cognominis fluenti alveum, quod Rogerius Comes eodem victoriæ cursu, cum Aleo, vulgo Aly, Sarracenis eripuit; ac Monasterio Ordinis S. Basilii ab se constructo sub SS. Petri & Pauli titulo donavit, uti ejus diploma, & Sigillum Gerasimo religiosissimo primo illius Abbati constituto anno mxciii. factum, clarissimè declarat; Agris enim, eorumque finibus descriptis, in Monachorum usum, & cœnobii dotem designatis, utrumque opidum, Aleum scilicet, & *Italiam* illis compræhendit, opidanosque, soli Abbati obnoxios decernit. Exscribuntur Rogerii literæ apud Pirrum Lib: 4. Not. 14. Habent hinc hodie Abbates, quibus Monasterium commendatur, delegendi Magistratus facultatem, ab Friderico III. Rege deman-

demandant, locum in Comitibus occupant xvi. Præsentantur Pontifici ab Sicilia Regibus, proventusque exigunt ad scuta mccc. summam. Vivit Abbas SS. Petri, & Pauli de *Itala* Dominicus Gravina & Alliata ex Palagonia Principibus.

Jam Opidum quo ad sacra, Archimandrita per suum Vicarium administrat; laudatum Monasterium, Parochialia per Monachos suos exercet munia, & S. Veneræ Ecclesiam habet suffraganeam. Parochus autem Archipresbyteri dignitate decoratur; Filiales reliquæ Ecclesiæ ix. recensentur, & Augustinienses discalceati Conventu utuntur non incelebris. Opidanis est præcipua Patrona, ac Tutelaris B. Virgo de Monte Carmelo. Quorum lares medio sæculo xvi. censi fuere 221. capita vero in descriptione circa exitum ejusdem 1405. computata. Anno mdcclii. foci 452. animæ 1662. Nostris diebus 241. lares, opidani 885. annor mccciii. computati, ac novissimè 1253. Tauromenitanam Comarchiam, & militæ indigenæ Præfecturam recognoscit. Xxxix. x. longitudinis gradui ac xxviii. latitudinis opidi situs respondet, atque agro utitur moris, oletis, vineis referto, ac pascuis aptissimo. Placidus Reina Jotalina vina, Plinio celebrata in eo provenire conjectatur.

ITALÆ Fluvius erumpit ex collibus circa opidum cognomine, atque a propinquo mari, seu freto circa Caput Grossum excipitur. Ejus est mentio in Rogerii Comitis diplomate, quo fines terrarum Monasterii *Italenfis* describuntur: *A litore maris ab ore fluminis de Gitala, & sicut ascendit dictum flumen usque ad Casule, quod est nominatum Eluceps usque ad Cannetum.* Male hinc in aliquibus Mappis *Itala* fluvius Dionysium augere describitur; quum uterque suas

suas habeat fauces, uti iis notissimum, qui per eam oram iter habent, & laudatum quoque diploma declarat. Ætate circa littus sicco pede trahjicitur, & proximo Promontorio, quod vulgo *Caput Grossum* appellant, vocabulum mutuatur.

JUDICELLUS Amnis Catanam occultè interfluens. Vide *Amenanus*. Unde id nomen flumini obvenit, pròdit nemo; quod enim a voce *Fiumicellus* inde habuerit, non procedit, uti *Massa* optimè observat.

JUNONII Montes ab Junone Veteribus, quæ Græco vocabulo *Hera* dicebatur, appellati. Vide *Hærai Montes*.





ACUS PELORITANI. Ex Fazello & Cluverio tres sunt, quorum unus hyeme tantum stagnat; Maurolycus verò, & Reina duo recognoscunt, & totidem hodie extant. Maurolycus porro perperam arguit Fazellum, quod in. admiserit, hic enim Solinum sequutus est, qui cap: 11.

habet: Pelorias prestat soli temperamento egregio, quod neque humido in lutum madefcat, neque satiscat invagum pulverem siccitate. Ea ubi retrorsum recedit, & in latitudinem panditur, tres Lacus obtinet, quorum unum, quod piscium copiosus est, non equidem ad miraculum duxerim; sed quod si proximus condensis arbusculis inter virgultorum opaca feras nutriat, & admisfis venatibus per terrenos tramites duplicem piscandi, venandique præbet voluptatem, numeratam inter eximia. Tertium ara adprobat, quæ in medio posita brevia dividit a profundis; quæ ad eam pergitur, aqua crurum tenus pervenit; quod ultra est, nec explorari licet, nec attingi; & si fiat, qui id ausus fuerit, ploëbitur, quantamque sui partem ingurgitaverit, tantam ite perditam. Scilicet uti laudati Fazellius, & Cluverius expli-

cant; Lacus hi per subterraneos meatus e proximo mari salas aquas recipiunt, quorum minor Peloro promontorio propior, ad teli jactum ab extimo excursu remotus, piscibus abundat; proxima autem circa ejus margines densa virgulta venatoribus non ingrata, illorum laboribus respondent; per eas præsertim tempestates, quando aquæ minimè stagnant. Et hic sanè terræ tractus lacus olim alter a Solino descriptus venationis simul, & piscationis delicias præbens. Tertius in quo

ara

ara quondam sacra, tetro suo odore proximantes abigit. Hæc autem ara Neptuno creditur fuisse dicata, quandoquidem in Peloro numini huic supersticioso templum antiquissimum, Orione auctore, extitisse, Hesiodus, & Diodorus testantur. Fert ceterò uterque Lacus conchas probatissimas, *Regias* a nonnullis, apud veterem vero scriptorem Athenæum, ex Diphilo, & Archestrato laudatas, Peloriasque dictas; teste demum Lucilio *Satyr. lib: 3.* in antiquorum conviviis expetitas.

LANDRUS Fluvius, fontes habet in agro cognomine ad Castri Regalis ditionem spectante, atque ab ædicula S. Basilii vocabulum circa oram mutuatur, uti jam supra reposui. Consule *S. Basilii*.

LARDARIA Messanense Municipium, aliter *Ar-Jaria*, de quo dixi. Fluentum ejusdem nominis illius fines allambit, & in fretum proripitur.

LARTALIA Opidulum ex Municipiis. Consule *Artalia*. Juris erat S. Joannis Jerosol: Vide *Guidomandris*.

LASCARIS Vicus, Gratteris opidi Municipium cum sacra æde parochiali S. Francisco Assisiensi dicata, leviter declivi solo imponitur, atque ad Vigin-timillios spectat. Ejus sunt lares 90. incolæ 212.

LATERNA Turris in extimo Messanensis portus orientali littore, *Calopharus*, idest Latine si reddas: *Bonum Lumen*, quod navigantibus portum indicat, & Charybdim vitare, quæ in subiecto pelago furit, illos admonet. Id totum inscriptio, supra magnificentiissimi hujus ædificii portam in tabula e marmore exponit. En illam:

Carolo V. Imperatore, Hispaniarum, & Utriusque Sicilia Rege, Joannes Vega, Prorex, Turrim Calopharum, Ad Exponendas Noctu Navigationis Facies, Publica Impensa Construere Curavit MDLV.

Tom. III.

M m

○ LAURI

LAURI Turris specula, post amnis Furiani fauces.

LETO-JANNIS Fluvius. Vide *Gallus Auri*.

LIBRITIUM Opidum est in Diœcesi, & Conarchia Pactensi, eidemque urbi ad austrum respondens in collibus; quod anno mcccxcil. *Bartholomeus de Aragonia* constituit, Pactarumque Pastorem hodie dominum agnoscit. Quum enim eo in loco Turris assurgeret, juris Episcopalis, atque in clientelam *Vinciguerra Aragoni* urbe assignata, omnia hic sibi usurpasset, ejus filius *Bartholomeus* opidum circa arcem ædificavit, ob cujus descitionem Martinus Rex *Eleonora Censelles* illud dono dedit; Verum Episcopus mcccxiv. ut suæ Ecclesiæ redderetur exoravit, ac deligendi insuper in opido Magistratus, facultatem Alphonsi Regis munificentia obtinuit. Parochia, & præcipua Archangelo Michaeli sacra, filiales numero v. Ecclesias sub se habet. Carmelitæ olim in opidi agro degebant, qui ob tenues dotis proventus inde recesserunt. Foci sub Carolo V. censi fuere 343. animæ verò anno mxcv. descriptæ 802. Medio sequenti sæculo lares 417. opidani 1567. Anno mcccxiil. lares 311. cives 1106. qui hodie 1078. numerantur. Ager nascentium copia spectatissimus, oleum, sericum, vinum, fructus, fruges suppeditat, ac colonos ditat. Egregios peperit filios: Andream Muscarà Juris-Consultissimum, ac Caussarum Patronum celeberrimum, meritis honoribus cohonestatum, nam R. M. Curie Judex pluries præfuit, tandemque Fisci Patronus incorruptus effulsit mdcxvi. Antonium Collurasi longè, latèque ob insignem eruditionem notum, & literatorum commendatione clarissimum. Emensis in Sicilia aliquot annis, Venetias Antonius se contulit, ubi brevi agnitus, publico decreto amgüiores Scientias docuit,

plu-

pluresque discipulos ex primaria etiam nobilitate instituit, qui inter celebres eruditos locum sibi compararunt. In Equitum S. Marci Album summo honore latus, Ferdinando III. Casari ac Philippo IV. Hispaniarum Regi apprime charus, Publicus Regni Chronographus electus est, & S. Petri de Regio Palatio Panormitano Cantoris dignitate donatus. Floruit medio elapso sæculo, atque complura edidit a Mongitore in Bibliotheca relata.

LICODIA Opidulum recentis originis, ac vetus Monasterium S. Mariæ, ejusdem nominis, Benedictinum sub Ætnæ radicibus, qua hibernum occasum respiciunt, supra Paternionis opidum. Ibi Ego non inanibus conjecturis ~~Ætne antiquissimam civitatem~~ fletisse olim supra suo loco ostendi. Vici parochia, sub SS. Crucifixi titulo Monasterii eleganti templo hodie adjungitur, cujus est Rector ejusdem Ordinis Monachus. Cœnobii conditus Simoni Policastri Comiti, Rogerii Comitis ex filia Flandrina Nepoti, anno dclx. adscribitur, qui Priori Jeremiæ terras amplissimas, & facultatem congregandi homines attribuit. Rogerius hinc Catanensis Episcopus mxcii. ad Abbatialem dignitatem Monasterium evexit, eique S. Leonis de Pannaehio, & S. Nicolai de Arena alterum ejusdem instituti Asceterium univit, Petro Celio, omnium virtutum genere exculto, dudum ejusdem S. Leonis & S. Nicolai Priore, in Abbatem assumpto. Utrumque subinde sæculi xvi. anno vii. Congregationi Cassinensi fuit adnexum, sub qua hodie perseverat, S. Nicolai de Arena vulgari titulo. Monachorum quippe Collegium cum Abbate in magnificentissimo Catanensi Cœnobio ab anno mclx. degit; iv. verò Monachi, in *Licodiano*, totidemque Presbyteri sæculares Divinis celebrandis officiis intendunt.

LIMINA Opidum Marchionatus titulo clarum, ad caput fluminis supra Fretum, tumulo insidet in ortum, & meridiem declivi, cujus hodie Parochialis Ecclesia S. Dominicæ Virgini sacra, sub Archipresbyteri cura, filiales v. subjectas recognoscens, editori loco spectanda se præbet, haud procul ab arce, quæ rupi imposita non incelebris olim, nunc ruinosa videtur. Minoritanis Conventualibus *Petrus Balsamus* Dynasta Deiparæ Annuntiæ Ecclesiam mcccxi. congruosque, ad ædificia, & fratrum alimenta proventus attribuit, qui decenter hodie in centro non infrequens occupant forum. In Tauromenitana Comarchia degunt *Liminenses*, ejusdemque urbis Militarem Instructorem sequebantur; Quorum erant lares medio sæculo xvi. sub Carolo V. Cæsare 224. & in sequenti Censu de anno mxcv. animæ 1411. Altero sæculo, liii. annos 375. capita 1491. computabantur. Anno mccciii. focos 403. animas 1497. & nuper 1554. descriptio exhibuit. Subduntur Messanenſi Archiepiscopo quo ad spiritualia jura, & *Bonannis* hodie Catholicæ Principibus parent, locum in Comitibus xvi. plenamque gladii potestatem habentibus. Agrum possident foecundum, aquisque annis cognominis irriguum; unde olea, vinum, sericum, fruges affatim percipiunt, greges pabulum gratissimum assequuntur. Longitudinis gradus xxxix. est opido, latitudinis verò xxxvii. l.

Juris fuisse *Joannis Randatii* Ducis *Liminam*, & ab ejus morte ad *Constantiam* filiam, quam habuit conjugem *Henricus Statella*, *Limine* idcirco Baro appellatus, devenisse alibi adnotavi. Verum in Capibrevio *Barbera* sub *Friderico II. Parisium* Daciparum Messanensem eo opido donatum affirmat, ac *Gerardo* filio ab illo relictum, qui absque filiis moriens *Perrucio de Parisio*

fo germano fratri. cessit. Cui Raphael de Auria li-
 tem intendit, uti Regni Amiratus, ad hanc dignita-
 tem *Limine*, & Plearis opida spectare asserens; sed
 anno mcccxxxiii. *Parisi* obtinuit, quem *Nicolaus*
 excepit, & post hunc *Zaccharias* frater, *Perrucio*, se-
 cundo loco natus, qui in Martini Regis Censu adno-
 tatur. Prole hic destitutus *Machaldam* neptem, ex
Nicola progenitam vocavit. Alibi hanc Nicolettam
Zaccharia sororis filiam lego, quæ *Nicola* *Balsamo*
 uxor, in hunc jura transtulit sua. *Balsamum* hinc Jo-
 annes Infans, Regis Alphonfi frater *Limine* domi-
 num declaravit mcccxcv. Ex *Balsamis* ad *Crisaphiam*
 gentem devenit. Verum *Thomas Girifalcus* vir An-
 tonellæ Parisiæ Alphonfi Regis familiaris, eique
 Secretis, præferri postulavit, & anno mccccliii. *Limine*
 Baro declaratur. Horum filiam & hæredem *Francis-*
cæ *Bartholomæus Porco* Messanensis Eques sibi co-
 pulavit, & secundis nuptiis ejusdem gentis *Hierony-*
mus, unde *Minucia* Alphonso Siscaræ jugali vinculo
 adstricta. *Balsamis* rursus, soluto opidi pretio in-
 clientelam cessit, *Petrus* hinc primus Roccefloridæ Prin-
 cept, Philippi III. privilegio *Limine* etiam Marchio
 est appellatus mxcix. Fulfit S. Jacobi Eques Regni xii.
 Vir, Messanæ Strategus, nullamque ex *Francisca* Ara-
 gona summæ pietatis foemina, prolem suscepit. *An-*
tonia idcirco soror ab ejus morte dynastias obti-
 nuit, quæ *Jacobi Bonanni* dudum uxor, Montis Al-
 bani Ducis, & Candicattinis domini, *Petrum* cum eo
 genuit. Habes *Petri* successores Tom: 2. de *Candicat-*
tino, & *Catholica*.

LINARIUS Mons prope Messanam, cujus est
 mentio in Rogerii Regis diplomate.

LINGUA GROSSA Civitas ad Regium spe-
 ctans

stans *Demanium*, ita appellata, vel quod linguae figuram situ exprimat, ex Maurolyco; vel ob sermonis, quo cives utuntur, duritiem juxta alios, Fazello teste. Ejus extat mentio in Rogerii Comititis diplomate de anno *mcxlv.* at vero in *Diocesis Messanensis*, ad quam spectat, Censu Apostolicis Innocentii III. literis *mcxcviii.* inito, ejus non occurrit nomen, nonnulla licet habeantur in eo opidorum vocabula ignota. Sedet ad *Aetnae* montis montanas radices ætivum ortum versus, & planum ferme occupat solum, leuiter admodum in austrum declive. Princeps templum unicum parochiale, *Deiparae* sacrum, Archipresbytero commissum, medio ferè opido assurgit non inelegans, in quo *Dominicae Coronae Sacra Spina* religiose colitur, ejusque honori III. Maji, festum ingenti pompa ab incolis celebratur. Divinis ibi præterea officiis Sacerdotum communis cætus intendit. *Carmeli Montis Ascetæ* amplo gaudent Monasterio, circa *xvi.* sæculum pingui dote, & edificiis spectatu dignis, loco frequenti constituto; *Paulenses* ab an: *mlxxxiv.* circa meridiem ad opidi aditum decenter degunt. Minores *Capuccini* in *Aetnae*orum lapidum tumulo ad occasum elapsi sæculi an: *xlviii.* conspicuo Cenobio, sed institutis conformi pomerium claudunt; Extra *S. Catharinae Benedictini* Ordinis Abbatia videtur, cum Ecclesia verustissima, ac ruinosis Monachorum ædibus; sed hi jam a sæculo *xvi.* recessere; Abbatia hinc dynastis opidi primum, ex Regio subinde beneplacito, uti de jure patronatus, conferenda relinquitur; hodieque *Franciscus Bufetti* illius existit Rector, *xlii.* in publico Regni confesso locum habens. Minores Ecclesie *ix.* in opido vigent, quas inter *S. Ægidii Abbatis*, *Deiparae Annunciatæ*, & *S. Antonii*, sodalitiis laicorum instructæ

structæ, effulgent, ac ædificiorum mole insignes computantur.

Via una perpetua ab austro ad aquilonem opidum describit cum area, ante majoris Ecclesiæ frontem, & venali foro haud procul, civilique basilica, in quam aliæ minores semitæ incurrunt. Dynastarum ædes dudum extabant, sed ex ruinis hodie cognoscuntur. Extra Avellanetum statim occurrit, seu potius densum nucum Avellanarum nemus; ita scilicet confertæ arbores illæ sunt; solumque gramine, & violis convestitum non levis est oblectamenti iter habentibus. Agri reliquum Ætnæis alicubi lapidibus oblitum, oleas nihilominus fert; ~~alicubi magis operosum vineas,~~ moros, fruges, arboreſque fructiferas, ac pingua demum pascua nutrit. Ejusdem agri finibus, *Xara* vulgi vocabulo, Eremitarum domus clauditur, S. Mariæ de Lavina titulo, quam pii Sacerdotes incolunt. Deiparæ autem imago multis prodigiis clara, a fidelibus cum circumpositæ regionis, tum etiam longe dissitis devoto cultu frequentissime invisitur. Regi, uti indicatum, subditur hodie civitas immediate, ab anno mdcxxx. Conscriptis Patribus iv. Quæstori Criminum, ac Syndico illius regimen demandatur; Titulum *Integræ* refert, ac volantem Aquilam pro tessera erigit; in Regni denique publico Consilio votum xliii. pronunciat. Tauromenitanus Instructor ejus indigenam militiam, equites nempe iii. pedites xl. moderatur; ipsa Comarchiæ Caput, proxima sub se opida habet. Laribus conflabitur in Caroli Regis Censu 574 quibus animæ 2706. concludebantur. Anno mdcclii. focos 1050. incolas numeravit 4107. sed decrementum hinc passa, anno mdccxiii. focos 607. incolas 2257 exhibuit. Jus gladii *Linguagrossa* non habet.

Bar:

Barberius dynastas recenset *veteres*, quibus dudum in clientelam dabatur *Linguagrossa*, ac *Nicolaum de Lauria* primum in catalogum refert. *Anastasia Filingeria* in Friderici II. Regesto adnotatur mcccxx. Hinc sub Martino *Nicolaus Crisaphius* Magister Notarius Officii Rationum perficitur, ex Regiis literis Leontinis mcccxcii. Hunc excepit *Joannes* filius a Regiis Rationibus Magister mcccxcvii. cui *Nicolosius* successit mcccxcxl. *Constantia* ex eo genita, hæres effecta; *Antonio de Maldo* nupsit mcccclxxxix. qui jure uxoris *Linguagrossæ* dominus evasit, ac prole destitutus e vivis abiit; unde ex *Antonia* donatione *Nicolaus II. Crisaphi* obtinuit mcccxcxiii. Hujus filius *Thomas*, Siculis *Masullus*, Joanni fratri præpositus a patre fuit, & anno mxxv. Regio diplomate confirmatus. *Masulli* filia *Isabella Stephano Cottoni* mdlxviii. Hic vero genti de *Pastis* vendidit. *Bartholomæus de Pastis* idcirco, & *Silvia* ejus filia sub sæculi xvi. exitum *Linguagrossam* in clientelam habuere. *Bonannis* postmodum mdcvi. cessit ex venditione, *Oratius* enim *Ravanusæ*, *Belvederis*, & *Carancini* Baro a *Pastis* emit, ac Principatus insuper titulo decoratum voluit mdcxxv. Verum cives, aureis quinque millibus, ac ducentis in Regium ærarium illatis, unde *Oratius* accepit, de *Demanio* fieri postularunt mdcxxx. Titulum Principatus nihilominus *Bonanni* retinuerunt, estque hodiernus *Vincentius Bonanni* jugali vinculo cum *Victoria Vanni* adstrictus.

Sub *Linguagrossæ* ditione Nemus est ad *Ætnæ* radices, Pinos enormis altitudinis nutriens, ex quibus pix educitur. Fazellus: *Quod quia jacet inter Ætneæ Sybas, picearum arborum luco nobilitatur.* Contra Castrum Leonis quum statuatur, longitudinis gradum

dum penè xxxix, æquat, latitudinis verò xxxvii. l. contingit. Memorant cives illustrem virum Franciscum Laguzza ex ordine Carmelitano, qui doctrina eximius, sed sanctis moribus præcipuè ornatus effulfit. Rexit pluries provinciam, quo in munere egregiè se commendavit. Pirrus Not. 3. lib: 3. Dominici a *Linguagrossa* meminit ex Prædicatoribus, qui Verbi Dei zelantissimus Præco, ad animarum lucra semper intentus, asperitate vitæ, & perfectissimis moribus innotuit, ac miraculis etiam coruscavit. In S. Stephano de Bivona mortale corpus deposuit, quod summa veneratione servatur.

~~LINGUA PHARI~~ Promontorium est Peloritæ, seu verius litus instar Linguz excurrent, contra Italiæ partem, Calabriam scilicet; unde celebre Fretum ab aquilonari plaga initium sumit, cui & Phari turris imponitur. Dicitur etiam tractus ille omnis terrarum ab australi portus ora ad Raysculum caput circa, litus Siciliæ septentrionale, *Lingua Phari*, & antiquis Pelorjæ. Consule *Pharus*, & *Pelorus*.

LIPARIS Insula *Melinganis* etiam veteribus historicis dicta, inter Æolias major, unde aliis hodie nomen est factum, contra Siciliam in aquilonem jacet. Urbs, Episcopali throno illustris in ea sedet; ejus summa est antiquitas, ut quæ ante Trojanum bellum condita fertur. Ad Æolum quippe, qui *Liparo* Italo urbis conditori successit, ejusque filiam Teleporam uxorem duxit, Ulysses a Trojæ excidio errabundus, pervenisse traditur. Cnidiorum postea colonia auctam fuisse *Liparam* prædunt Diodorus, Thucydides, atque Pausanias: *Liparenses*, inquit hic in Phœicis, *Cnidiorum colonia fuerunt, ejus nomen hominem Cnidium Pentastylum nomine fuisse, An-*

Cnidios Syracusanus scriptum reliquit: Ait enim Cnidios, ex ea urbe, quam ad Pachynum Siciliae promontorium condiderant, ab Elymis, & Phœnicibus bello pulsos, insulas vacuas tenuisse, ejectis prioribus colonis, quæ ex Homericis carminibus ad hanc nostram usque ætatem Æoliî nuncupantur. Harum unam nomine Liparam, condita inibi urbe inhabitant: Hieram vero, Strongylem, & Didymas navibus eo trahicientes cœlunt. Thucydides lib: 3. Insulas Æoli tenent Liparæi Cnidiorum coloni; sed ex iis unam tantum inhabitant, ex hac in reliquas transmittentes, colunt eas, Didymam scilicet, Strongylem, & Hieram. Diodorus denique lib: v. ubi sex Æoli filios enunerat de Altyocho hæc habet: Attychus Liparæ dominium obtinuit. Mox postea: Multos post annos, quum a cultoribus insula destituerentur, accidit, ut Cnidiorum, Rhodiorumque quidam coloniæ deducenda consilia inirent. Creato igitur ad hoc duce Pentathlo Cnidio, sub Olympiadem 1. in Siciliam transvecti, ad loca circa Lilybæum appulerunt. Ægestani tunc forte, ac Selinuntii bellum inter se gerebant; In societatem igitur Selinuntiorum pellecti, multos in prælio, & inter hos ipsum Pentathlum amiserunt. Victis bello Selinuntiiis, superstites domum reverti cogitabant; Ducibusque e Pentathli propinquis Gorgo, ac Thestore, & Epistherfide delectis, per Tyrrenum mare cursum instituebant. Ad Liparam ergo delati, quum perbenigne exciperentur, facile, ut habitandi cum incolis, quorum vix v. ab Æolo superstites erant, societatem inirent, persuasi fuerunt. Hæc a Pausania, & Antiocho, quamquam in aliquibus dissentiant, colligere tamen datur: Olympiade 1. antequam Dominum DLXXX. Cnidios e Lilybæo per Tyrrenum ad Liparæas insulas cursum instituisse, ubi ab Æoli

Æoli posteris in civitatis communionem recepti sunt. Cœterò hæc de illis etiam subdit Historicus: *Postea cum Etrusci latrociniiis mare infestum redderent, eorum vexati incursionibus, classem paraverunt, ac in partes distributi, alii in communem usum agros insularum colebant, alii in præsidio, & statione erant contra piratas. Dehinc Lipara, in qua & urbs erat, inter se divisa, cæteras in commune opere rustico exercebant, postremo cunctas insulas ad xx. annos dispartiti circumactò tempore, per sortitionem dividunt. Multis dehinc navalibus pugnis Etrascos vicerunt, & memorabiles e spoliis Decimas apud Delphos consecrarunt.*

Idem Historicus Liparæorum civitatem non modo ad felicitatem, verum etiam ad gloriam magnam fecisse incrementa, subinde tradit; Hæc enim pulchris a natura portibus, thermisque celebribus a natura etiam exornata est; balneæ namque istæ, non modò ad bonam valetudinem ægrotantibus multum conferunt, sed pro singulari aquarum genio, non mediocrem voluptatis fructum præstant. Idcirco multi in Sicilia peculiaribus vexati morbis in hanc insulam transmittunt, calidique lavacri usu, opinione citius, pristinum sanitatis vigorem recuperant. Hæc eadem insula famigeratum aluminis metallum habet; unde magnum Liparæis ac Romanis vestigal. Quum enim nullibi terrarum alumen proveniat, quod magnum tamen usum habet; merito Liparæi monopolium ejus habentes, auctis pro arbitrio pretiis, incredibiles inde quæstus faciunt. Cœterò hæc Liparæorum insula haud magnum equidem complectitur spatium; frugum tamen mediocriter ferax est, & rebus ad nutrimenta hominum idæneis abundat; nam piscium variorum, eosque arborum fructus, qui jucundissimam fruenti-

bus oblectationem afferant, subministrat. Hucusque Diodorus, ex quo *Liparę* descriptio satis distincta elucet, uti nil aliud addere opus sit. De Alumine nihilominus, quod nullibi terrarum proveniat, subdit Cluverius, id verum omnino non esse; nam ex Dioscoridis lib: 5. qui cum Diodoro eadem ætate vivebat, constare videtur, tunc temporis gigni in Melo, Macedonia, Sardinia, Phrygia, Africa, Armenia, & compluribus aliis in locis; quod etiam & Plinius affirmat. In nostra autem Sicilia proveniebat quoque juxta Flumen Dionysii, circa quod, Opidulum Rocca Alumera dicitur, uti inferius reddam, utique ab Alumine. Ignis porro expirationes quoque in ea quondam fuisse Plinius, Strabo, Aristoteles, Siliusque testantur, cujus vestigia adhuc perstant, & si hodie, eruptio nulla; a multis immo ab hinc sæculis nil tale visum sciamus.

Coeterò Syracusanis foederatos *Liparenfes* in bello ab Atheniensibus gesto prodit Thucydides, Olympiade xci. Annis verò xix. elapsis a Carthaginensibus occupatam insulam, ac talentis xxx. multatam laudatus Diodorus est author. Apud eundem Timasitheus Dux *Liparensium* commendatur, quod Romanos Legatos Delphos cum donariis transmissos, ab suis piratis *Liparam* deductos, liberaliter exceperit, ac cum suorum præsidio in Græciam primum, mox in patriam remiserit. Post annos hinc cxxxvii. quum *Liparam* Carthaginensibus Romani eriperent, Timasitheus posteros a tributis immunes, liberosque omnino voluere. Romanorum denique coloniam *Liparam* accepisse Plinius lib: 3. cap: 8. innuit. Primis Christianæ Religionis sæculis, quæ de *Liparę* Ecclesia circumferuntur, & de Agathone illius Episcopo, incerta duxerim. Quod autem S. Bartholomæi Corpus tunc tem-

temporis eo appulerit, traditio docet. Augustus ejusdem Ecclesię Pontifex in Synodo Romana sub Symmacho subscribit; post quem sex alios Pirrus enumerat, ac sub postremo Beneventum S. Apostoli exuvias translatas refert, medio circiter ix. sæculo. In celebri illa Romani Imperii divisione, de qua Historici, *Lipara* cum Sicilia Byzantini Imperatoris fasces agnovit; Sed a Sarracenis mox occupata, sub illorum tyrannide ad xi. sæculum oppressa ingemuit. Ejus libertatis author Rogerius Christianis sacris restitutam. Benedictino Monasterio S. Bartholomęi titulo condecoravit, Ambrosio primo ejusdem Abbate constituto, qui ~~Pactensi etiam Cenobio præerat. Episcopali cathedra subinde crevit, & Messanensis Archiepiscopi, uti Metropolitę, jura subiit; Ejus hinc Pontifex Pactarum simul, ac Lipara ad duo circiter sæcula Ecclesias rexit.~~

Andegavensibus quum adhæsisset, etiam postquam Sicilia ab eis defecit, pace demum firmata Siculis Aragonensibus mcccxxiii. resignatur; hinc Friderici III. voluntate *Ulphoni de Procyda* in feudum cedit, a quo non diu revocata, rursus *Friderico de Claremonte* in clientelam datur; cujus fortasse opera in Joannę Neapolis Reginę potestatem venit, ac sub ejus successoribus perduravit; quo sane tempore Bonifacii IX. Rom: Pont: decreto ab Ecclesia Pactensi nostra sejungitur. Ubi porro Alphonsus Siculo Regno Neapolitanum mccccxliii. adjecit, ut Neapolitani *Lipara* deinceps pars esset, & Ferdinando filio fidem servaret sanxit. Anno mxxlii. Ariadenus Barbarubra Turcicę classis præfectus, seu potius Pirata, magna vi expugnavit, direptamque, incolis in captivitatem secum advectis, vacuum penitus reliquit. Qui effugerant

rant postliminio reversi, rursus frequentem reddidere, aliisque ex locis complures in coloniam deducti, notabiliter auxerunt; hinc sub Philippo III. mdcix. ad vetus Siciliae regimen revocatur, ac Tribuno Militari custodienda committitur.

Jam urbis situs olim a primo illius conditore *Liparo* in rupe undique prærupta, quam mare aluit, delectus, frequens, adhuc est hodie, Arce, & majori Cathedrali templo, sub veteri S. Bartholomæi Apostoli, opidanorum Patroni nomenclatura, Episcopi palatio, præcipuisque civium ædificiis nobilitatur, qui menibus undique munitus, unica nonnisi adiri potest porta, propugnaculo inædificata, præsidario militi die, noctuque commissa. Circa, ad portum usque, passim cives sese diffundentes, locum non mediocriter dilatarunt, qui Suburbii idcirco nomine venit, ac S. Josephi Sacramentalem Ecclesiam elegantem ostentat, ab Episcopo Josepho Candido elapso sæculo institutam. Ibi quoque extra portam duo Minoritarum Cœnobita tumulus littori impendens substat, alterum Observantium, uti appellant, ad Calabriae spectans provinciam, adeoque biscentum circiter ab hinc annis, ædificatum; Capuccinorum aliud mclrv. constitutum cum Messanenſi coalescens. Canonico porro insigni Collegio Cathedralis decus augetur, quod Dignitatibus iv. Alumnis primariis xii. ac totidem secundariis conflatur. Episcopus autem ab anno mcccc. uti supputat Pirrus, Collationis Apostolicæ est, & in Romana Diœcesi ab Ughellio computatur. Quo quidem sacro munere decoratus Vincentius de Francis Ordinis Prædicatorum fulget hodie, singularique zelo, ac prudentia præest. Ad ejus curiam civiles causæ, & Balivatus ex antiquo jure, Appellationis via de-

devolvuntur, cui & dos ex cujusque rei decimis constituitur; quibus tantum exsolvendis opidani tenentur, ab omnibus aliis vectigalibus immunes.

Ex vetustis monumentis Inscriptio præ foribus Ecclesiæ principis perdurat a Gualterio relata: *Cornelio Musarso Procurat. Ti. Caes. Aug. Et Juliae August. Ex. D. D. P. P.* Alia ad gradus aræ majoris: *Pontif. Max. Ti. Caesaris.* Numismata refert Paruta, græca iv. in quibus Tridens, Acrostolium, seu navis rostrum, & Pilæ exprimuntur, civesque maritimis intentos innuunt, ac senile caput Liparum, aut Æolum, sive denique Timositheum, de quo dixi, denotans, spectatur. *V. Ego vidi cum muliebri figura* vas præferente, & ad Thermales nymphas alludere, necnon aquas, putaverim, quæ pass. m. vi. ab opido in occasum æstivum e rupis foramine manantes, veteribus, & recentioribus commendantur scriptoribus. Sunt in loco hypocausta, in quibus ad aquarum usum ægri conveniunt, sedesque singulis morbis appositæ illa dudum habuisse opinantur, quæ hodiæ ignotæ. Aquis hujusmodi ceteroqui calidissimis, nullum perinde terris generatur incommodum, quin fecunditate præcipuè habentur; Vites, ficusque ingenti copia nutriunt; passas uvas illæ celebratissimas, vinumque generosum, & divitum mensis appositum progignunt; ex ficis vero ingentem quæstum simul extra insulam coloni faciunt. Nec frugibus, nec oleis, nec leguminibus ingrata audiunt, & gossypina demum messe omnia pene necessaria incolis sufficiunt. Vide quæ paullo ante ex Diodoro noravi. Est totius insulæ ambitus pass. xviii. m. circumscriptus; gradus latitudinis xxxviii. xl. longitudinis xxxviii. xlv. Plenam *Liparis*, ac insularum illi adjacentium Historiam Petrus

trus Campi ejusdem gentilis concinnavit, quam m. s. Hieronymum Landolina Turris Brunæ Principem servare accepi.

LISICUS Casale Rogerii Comitis ævo extabat a Sarracenis inhabitatum. Comes autem illius & proximorum incolas in unum S. Angeli opidum coegit, in quo S. Joannis de *Lisco* adhuc hodie Ecclesia perseverat. Vide *S. Angelus de Brolo*.

LISCA Alba Insula, veteribus Evonimos, hodie nonnullis Insula Alba. Siculis *Liscabianca*. Consule *Evonimos*.

LOCADIUM Opidulum inter Savocæ municipia supra Nisi fluminis alveum ad meridiem a Freti littore haud procul, iv. pass. m. ab eadem Savocæ diffidens. Ejus est Parochialis Ecclesiæ titularis S. Catharina. Sed opidani gloriantur etiam Patronum S. Sebastianum Martyrem habere. Census larium mdcxiii. fuit 75. incolarum 297. Subditur Archimandritæ etiam in temporalibus.

LOETANUS Fluvius. Vide *Longanus*.

LOGNINA Statio est Navium in Catanensi australi littore, cum turri specula, & Ecclesia Deiparæ Virgini sacra, ubi ejusdem Simulacrum ob fidelium cultum insigni, sub Reſtore, cujus ad Regem spectat electio. Ibi olim Ulyſſis portus; ejusque idcirco dicitur pars statio illa, aliunde non infecura, unius & alterius triremis capax, sub *Portus Lognina* nomine vulgo veniens. Amplissimum porro Ulyſſis portum veteribus, Plinio, Virgilio, & Homero cum primis celebratum, Scriptores gentici jure evulgant; ejus quippe ori Insula obtendebatur, quæ hodie tractus ille terrarum, Ætnæis molibus pene obrutus creditur a *Rosolo* appellatus. Poetis vero a capris inibi pascensibus

tibus Capraria insula olim vocata, cui turris & Ecclesia insident; internus enim maris sinus, sæculo xiv. ex Ætnæ montis vomitu lapidea materia undique repletus, vix designatur. Cluverius, qui ad Erycis litus Ulysses appulisse tradit, negat in hac orientali plaga portum extitisse; equidem nil tale, ait, oculis objicitur. Verum advertere oportebat, ejusdem Ætnæ eruptionibus faciem omnino, singulis ferè ætatibus, orientales Siciliæ oras mutare; hinc nec ipse hodie Cluverius proximas Catanæ meridiem versus agnosceret, quas anno mdcxix. congesti lapides ab incendio labefactarunt. Cetero Virgilius, qui in Siciliam delatus, eundem ~~portum ingentem, atque a ventibus immotum~~ describit, eoque Æneam appulsum affirmat, rem omnino confinxisse insulse diceretur. De hoc Portu fusius Carrera in *Memor: Car:* & Ego in *Annal: Car:* plura congesti, ubi quæ de *Lognina* Arce ab Aci ædificata, circumferuntur, fabulis accensui. Consule Massam tom: 2.

LOMBARDI Vicus erat sub Ætnæ monte ad meridiem, quem anno mdcxix. ignis absumpsit.

LONGANUS Amnis, hodie a Castro Regali appellatus. Ejus meminit Diodorus lib: 22. qui *Loctanum* vocat, de Hierone enim II. loquens, scribit: *In Messanensem itaque agrum irruptione facta ad Loctanum amnem confedis. Huic objecerunt copias suas Mamertini Duce Cio, qui distributis in ordinem copiis amnem transire conatur. Ad quem amnem commisso subinde prælio, Hiero victor evasit. Polybius quoque lib. 5. de eodem Hierone tradit: Deinde in Mylensi campo propter amnem, qui Longanus dicitur, hostem adortus est.* Subdit Cluverius: *Longanus* ille in Mylensi campo amnis, nullus alius esse potest, quam,

Tom. III.

O o

qui

qui a sinistro, sive occidentali Mylarum latere, vulgari nunc appellatione accolis dicitur Fluvius Castri Regalis; præfertque vocabulum Polybii *Louganon* Liodori *Lorianon*, quod vitiatum dicit in Excerptis Degationum, ubi innumera hujusmodi menda occurrunt. Consonant Cluverio Fazellus & Massa; perperam idcirco in Seutteri Mappa Rizzolinus vocatur. Ejus sunt fontes tres. Primus Hominis mortui dictus, III. pass. M. a Castro in ortum hibernum *Crizzina* fluentum progignit, a regione, quam abluit, appellatum; alter variis ex laticibus sub colle Regis ad ejusdem Castri orientalem plagam coalescens, S. Joannis ab hujus æde proxima dicitur. Hi porro duo in unum, sub Castro conveniunt; mox vero ubi progrediuntur, Galæ fluvium excipiunt, qui ex agro cognomine ortus, prope S. Jacobi Casale, Castrensibus suas aquas devehendas committit, & a Castro simul confluentes sunt dicti. Fauces denique ad occiduum Mylense litus aperiunt, & Tyrrheno pelago conduntur.

LONGIS Opidum in valle situm inter Galatim & Tortoricim, S. Michaelis Archangeli honori dicatam parochialem Ecclesiam sub Sacerdote *Curato*, ac minores x.; S. Basilii insuper pro ejusdem ordinis Monachis Hospitium ostentat; demum & Arce integra dudum, hodie labefactata instruitur. Patrono gloriantur incolæ S. Leone Catanensi Episcopo; in Messanensi Diœcesi, & Tortoricis degunt Comarchia, ac S. Philadelphi Instruitori, quod spectat ad militię munia, subduntur. Censebantur lares sub Carolo V. 172. incolæ vero ejusdem sæculi xcv. anno 578. Sequentis medio foci 289. opidani 1054. descripti; MCCXIII. focos 158. animas 409. ac nuperrime 827. in censum dedit. Ager olea, vineas, moros affatim fert,

fert, ejusque coloni ad serici artificium aptissimi, audiunt; Quum a Galati paucis *Longis* dissideat, eodem penè longitudinis & latitudinis gradu constituitur.

Juris fuit inclytæ gentis de *Lancea* cum Galati, Ficarra, & aliis, primis Aragonensium Regum temporibus, *Galeotti* præ cæteris, ejusque filii *Conradi*, cui *Longis*, & Castaniæ dominium *Fridericus II.* suo diplomate mcccii. Catanz scripto confirmavit. *Valorem Lanceam* memorat *Barbera*, quem excepisse *Blasum* sub *Martino* tradit. Ex hujus donatione *Conradus* mccciii, qui *Fiordelisiam* *Vigintimilliam* cum dote feudi *Verbincaudi* sibi copulavit; unde *Perius*, quo mortuo *Antonius* mdviii. obtinuit, ejusque heredes ad annum mdclix. sunt assecuti; Eo enim decurrente *Flavia Lancea Petri* filia, & heres, *Gasparis* de Neapoli uxor, *Longis* domina dicta est. Ejus supremis tabulis *Silvester* filius ad dynastiam vocatus, contractis cum *Constantia Pilo* nuptiis, *Gasparis* pater effectus est. Hic *Melchior* *Monregalis* vir, filium ex ea suscepit *Josephum*, jure Parentum *Meliæ* quoque *Marchionem*. Vivit jugali vinculo *Mariæ Papardæ* ex *Parci* Principibus adstrictus; Pleno hic imperio in suo opido gaudet, Magistratus deligit, & locum in publico consilio, vii. inter *Barones* tener.

LONGONA Castellum olim in *Catanensi* ditione, *Philisto*, *Stephano*, *Diodoro* aliique ex antiquis sat notum. Tradunt passim, quod huic *Lognina* recentioribus celeberrima arx successerit, de qua dixi.

S. LUCIA Acis municipium. Vide *Acis S. Lucia*

S. LUCIA Opidum sub *Ætna*, *Masculia* hodie, de qua suo loco.

S. LUCIA Massa ex *Messanensibus* ad aquilonem municipiis. Consule *Massa S. Lucia*.

Tom. III.

O o z

S. LU.

S. LUCIA Cafale, Messanæ Municipium in austrum, cujus Parochia eidem S. Virgini, & Martyri sacra. Lares 76. incolas 277. anno mcccxiij. numerabat, hodie 385. Ab urbe dissidet in mediterraneis pass. m. viii.

S. LUCIA In Campo Mylarum Civitas hodie, Majoris Regni Siciliæ Capellani sedes, qui S. *Luciæ* Abbas passim dicitur, ab anno mccvi. Friderici Cæsaris, & Siciliæ Regis decreto designata, qui pro animi sui oblectamentis opidum deligens, illius jura Gregorio Mustacio attribuit. Primas hic Regiæ Capellæ erat, Ecclesiæ idcirco S. *Luciæ* administrationem insimul est nactus. At quum Rogerii Comitis donatione S. *Luciæ*, Cafale tunc, Paestensis, & Liparenfis Abbas, subinde Episcopus, in clientelam haberet, & Fridericus, mortuo Stephano, earundem Ecclesiarum Præsule, id contra jura attentaverat, Jacobus Stephani successor S. *Luciæ* Ecclesiam, uti de sua Parochia, revendicare, mcccxviii. studebat, inita nihilominus conventionem, res composita ad aliquot annos remansit; elapsis vero xv. lustris, rursus Philippus alter Episcopus de injuria suæ Ecclesiæ illata conquestus, Sinagræ opidum ab Imperatore accepit S. *Luciæ* opido dimisso. Post Gregorium alii suffecti sunt in Majoris Capellaniæ munere, quos Ego in Sicil: Sacræ lib: 4. parte 3. laudavi. *Antonium* *Ura* Mylensem postremum anno mcccxxxiii. electum, recensens, cui *Marcellus Muscella* post quadriennium successit, elapsis nuper mensibus mundo denatus. Ibi jura, & prærogativas ejusdem expendi; nam inter procures Ecclesiasticos in publico Regni Consilio x. loco assidere, Episcopali quasi dignitate cohonestari, omnique ordinaria potestate gaudere S. *Luciæ* Abbatem expendi, atque ab anno mclxxx. ad residendum teneri,

teneri, cui ex decimis incolæ, & finitimi, in summa scut: m. idcirco respondere coguntur.

Est porro multis ab hinc sæculis inter Demanialles *S. Lucia* computata, nec nisi in spiritualibus, uti ajunt, Abbati subest; in hujus autem ædibus ex veteri consuetudine, serici, cujus est ingens in regione quæstus, lances & pondera asservantur. Jurati Patres, Syndicus, & Criminum Quæstor civile regimen absque jure gladii administrant; propria gaudent Comarchia, sed munia ad militiam spectantia Pactensis Præfectus exercet, equitibusque xiv. peditibus lv. cives illi respondent. Lares sub Carolo V. Cæsare 651. & in Censu de anno mxcv. incolæ 3581, in focis 226. *S. Lucia* numerabat. Anno mdcxii. loci illi erant 980. incolæ 3606. Sæculi hujus anno xiii. lares cum *S. Phillppi*, & *Succursus* Casalibus 896. cives 3111. descripti, & novissimè 4354. Situs in decilvi ad ortum, & aquilonem, latitudinis obtinet gradum xxxviii. xv. longitudinis xxxix. v. Major Basilica *S. Lucie Virg: & Mart:* titulo gaudens parochialis est unica, Rectorque Abbas tres sibi subditos Sacerdotes ad sacrorum administrationem deligit. Canonicorum in ea, uti Cathedrali, collegium, alumnis xviii. conflatur, quorum primi Archidiaconi, Decani, & Cantoris dignitate gaudent; collatio autem, Archidiacono excepto, ad Abbatem spectat. Clericorum Ephebæum, *Simone Impellizeri* auctore, illi adjungitur, atque Abbatiale Palatium. Quum esset denique ob nimiam vetustatem exitio proxima, ac præterea angusta, *Antonius de Franchis* Abbas ob eximiam in Deum pietatem, qua erat præditus, a fundamentis magnificentius pecunia sua erexit; *Vincen-tius* vero *Firmatura* ejus successor ultimam illi manum imposuit.

Assur-

Assurgunt insuper binæ aliæ Ecclesiæ, ex quibus opidani Sacramenta participant: S. Nicolai Episcopi, cui Capellani tres inserviunt, & S. Mariæ de Annunciatione, vii. presbyteris commissa; Filiales autem vi. enumerantur. Vetus arx eminentioris collis clivo insidens, hodie disiecta, Deiparæ ad Nives, seu de *Cellis* cum ejusdem Virginis ex albo marmore devotissima statua, ad quam venerationis ergo cum cives, tum exteri quotidie confluunt. Ibi Oratorium S. Philippi Nerii fundatum hodie viget. Sub S. Antonii de Padua nomine, & Benedictina Regula Moniales Cœnobio in opidi penè centro utuntur. Minoritanis Primæ Custodiæ, vulgo Conventualibus, annu. datus est locus extra opidum, cum Ecclesia S. Mariæ Gratiarum, tunc opidi Cathedrali, scribit ex Toffiniano Cagliola, quod omnino incongruum, quo enim pacto Cathedralis dissita, & latrocinantium incursionibus obnoxia, uti Cagliola subdit, fuerit, non dispicio; Juris fortasse Cathedralis S. Lucie Ecclesiæ ædes illa erat, & Cathedralis perperam vulgatur. Anno hinc xccxxii. ob situs incommoda intra opidum designatur Cœnobium, & sub S. Francisci tutela Ecclesia demandatur, ad opidi ortivam extremam oram. Capuccinorum Conventus ab anno xccx. ad jactum lapidis a pomerio in opposita plaga coaluit. S. Mariæ de Jesu denique Observantes Fratres in amplo satis degunt Monasterio ad Suburbii extrema, in quo tyrones ordinis educantur. Extra portam S. Michaelis conspicitur Ecclesia cum adnexo Xenodochio, quod excipiendis pauperibus deputatur. Ager olei, vini, ac ferici præ cœteris dives audit, fructibus, oleribus, gramine felix; frugibus denique ad incolarum usum non indigus habetur. Jacobus a S. Lucia ex Minoribus

bus

bus ortu suo nostrum opidum nobilitasse nonnullis creditur, qui post emensos in ordine suo gradus omnes, a Sisto IV. cujus fuerat discipulus, primum Messanen- sis Archiepiscopus adligitur, sed ea frustratus sede, Pactarum Pontifex factus, optime ad annos præfuit. Pirrus hunc Messanensem patria dicit. Thomas a S. Lucia ejusdem instituti a Cagliola laudatur. Illustres denique sanstimoniam Viri patriam S. Luciam habuere: Cherubinus Mostracius ex Minoribus Observantibus Sacerdos, castitatis, & silentii cultor præcipuus; rerum supernarum contemplationi continuo intentus; Divina idcirco sæpissimè passus, ac miris in vita, & post mortem ~~prodigiis a Deo illustratus~~. Pirrus illum, *evulgat profundissimam humilitatis, & asperissimam vitæ, qui numquam vinum bibit, cilicio carnem perpetuo domuit, unica rudi tunica semper usus*. De eo Arturus in Martyrologio: qui Beatum appellat, Tognoletus, & alii. Vitæ Acta in S. Rotam relata sunt. Obiit Agrigenti MDLXXXVIII. Innocentius Milatius ejusdem Ordinis, sed Reformatis subinde accensus; Verbi Dei præco zelantissimus, Instituti promotor in Sicilia singularis; poenitentiae, & contemplationis studio insignis; Ecstases, deliciasque spiritus sæpissimè expertus; mortis denique suæ conscius, Platiae in Cœnobio ab se Reformato S. Mariæ de Jesu MDCXCV. piissimè finem invenit. Ejus meminere Cajetanus, Pirrus, Chiarandà, & Arturus, qui Beati titulo illum distinguit.

S. LUCIA *Fluvius*, veterum *Pachysus*, a cujus faucibus haud procul, in Tyrrheno mari navale bellum inter Octavianum, & Sextum Pompejum commissum perhibent Annales. Ortum cognoscit in Castri Regalis agro, ad radices ortivas collium a Rege, & a *Timogna*, ex perennibus aquis ibi promanantibus, quæ
flatim

statim amnem, a *Bonata* appellatum conficiunt, eoque nomine ad *S. Lucia* fines usque decurrunt; ubi ab eadem urbe fluvius vocatur, ac sub eo vocabulo in Mylarum littore sese mari adjungit. An hic sit Veterum Melas infra examinabo.

FINIS PARTIS PRIMÆ

T O M I III.



648326



Adenda, & immutanda.

Secunda Parte Tom. I. pag. 192. linea ultima
post Armerino, *adde*: quem Armellinum.

Tom. III. pag. 90. lin. 24. *post*. litum, *adde*: atque
Canonico Collegio anno MDCCLII. auctum.

Pag. 127. lin. 15. *post* perhibent, *adde*: necnon
Minoritarum Conventualium Cœnobium S. Mariæ de
Jesu titulo anno MDLXXIV. constitutum, ubi decentissima
Virginis Matris e marmore statua servatur.

Pag. 138. lin. 9. *post* Cajetanum, *adde*: Nostris
diebus Antoninus Finochius Soc: Jesu Sacerdos floruit,
qui sacris expeditionibus, quoad vixit, totam pœn-
sulam obivit; ob sanctimoniam, zelumque animarum
notissimus. Apud Claremontem senio & laboribus con-
fectus morte pretiosa ex humanis an: MDCCLII. sublatus.

Pag. 190. lin. 18. *post* devenisse, *adde*: Guillel-
mus hujus nominis III. Ecclesiæ Panormitanæ *Calesa-*
num loco pignoris, liberè tenendum MDCIV. indul-
sit, donec XI. M. & CC. tarenorum summa ipsi fue-
rit a successoribus Principibus competenti satisfactio-
ne soluta. Revocatum subinde invenio ante annum
MCCXIV. in bonorum quippe Panormitani Archiepis-
copatus recensione *Calesani* mentio extat nulla. Igitur

Pag. 213. lin. 11. *post* defecerunt, *adde*: Obser-
vantibus porro Conventuales succedentes an: MDCXXV.
S. Bartholomæi ædem occuparunt.

Pag. 242. lin. 9. *post* Curato, *adde*: Patronus S.
Joseph.

Errata

Pag. lin.		Pag. lin.
13. 25. MDCI.	MDCXCI.	152. 5. portam portam
27. thesa	thensa	161. 12. Massale Messale
14. 1. abeuntis obeuntis		210. 33. Conradi Conrad
90. 12. insule	insule	113. 8. Conven. Obser-
148. 3. Netinæ Neti		tuales vantes
151. 2. alliis aliis		242. 8. Josepho Isidoro

The following information was obtained from the records of the [redacted] Department of the Interior, Bureau of Land Management, regarding the [redacted] land grant.

[The remainder of the page contains extremely faint, illegible text.]





